

مهلا يا قدر

للكاتبة : أقدار

(♥)*.....•♪•....*..... (♥)

تجميع : Topaz.

شبكة روايتي الثقافية

(♥)*.....•♪•....*..... (♥)

حين يقات الألم من المشاعر

وتتقد الجروح بالفقد والنزف

الخوف من الضياع .. والحرص على البقية من حنان

صراعات النفس ثم الدنيا

هي امرأة شرخها القدر

كانت قطعة نور فجسدها الى قطع من نار

هي لهيب من وهج الجرح حين يشتب ويشتد المه ..!

هي سكنات الطهر في ملامح البراءة التي بلغت اقصى درجات الجمال بفتنة المرأة
الشرقية الساحرة للألباب

سمو نفسها .. ورجاحة تفكيرها زادها فوق الجمال جمال

قلبها يضيء رغم اعتلالاته الجمّة

امرأة متعقلة تصرخ بجنون لأن الزمن .. ببساطة اجحفها كثيراً

هي فقط من اضطهدها الزمن حين اخذ منها كثيراً واستكثر عليها القليل القليل ..!

زمنها يستحوذ بخبث دون ان يترك مجرد بقايا او فتاتٍ من نعيم

روايتي هذه قد تؤول بدموعكم للسقوط .. او للتعثّر او للجمود

وقد تؤول بأخيلتكم للحلم الجميل .. وللخلود في عالم مليء بالوجع او الجمال او
الرومنسية .. انتم وماتحبون وتشتهون !!

الحكاية اصلها دمة سببها القدر .. بل دعوني اقول :

اصلها دمة ودمة ودمة .. احوالها القدر الى سيل جارف من الدمع الغزير وبحر
هانج من الانفعالات المنهكة والقاتلة معاً

مزيج من الحزن والوجع وتأوهات الفقد ودمع الحنين والاشتياق .. وتعثر الحظ او
ظلمه ..

ديمة وحكاية قدر

اسكبها لكم على مضض عليها تأخذ من اهتمامكم ماتستحق

(♥)*.....•♪•.....*..... (♥)

" يارب لك الحمد" ..

لفظها لسانها وهي تناظر بالكتب والأوراق والملازم بغرفتها وكأنه جبل انزاح من
طريقها

اليوم هو آخر ايام الامتحانات بالنسبة لديمة وبهذا اليوم تختتم آخر ترم وآخر سنة
لمرحلة البكالوريوس في جامعة الملك عبدالعزيز قسم علم اجتماع آملة من الله ان
المعدل يكون مثل كل سنة امتياز مع مرتبة الشرف الأولى

الترم الجاي اجازة بالنسبة لها واللي بعده راح تقدم على مرحلة الماجستير وتبدأ
رحلة مع المذاكرة والأبحاث لعل ان الله يساعدها وتحقق أمنية اهلها

كانت تفكر لو كانت امها عايشة وما أخذها القدر وش سيكون شعورها

آه يأمي لو كنتي معاي فها اللحظة .. محد بيفرح لي قدك

قطع عليها تفكيرها بأمها وخيالاتها اللي تاخذها للفرح لحظات ثم تعيدها لواقعها
المحزن رنين جوالها

طالعت الرقم وابتسمت ابتسامة يحفها الحب والحنين وبقلبها " الله يخليك لي
ياخالي ...عمرك مانسيتني " وفتحت الخط وياها لا وغلا بخالي الغالي

- هلا والله بالديم ها نقول زي كل مرة

- ابشرك ختامها مسك ان شاء الله

- ايوه هذي بنتي صنع يدي الله لا يحرمني منها

- ويخليك لي يالغالي

- طيب انا طالع من المدرسة الحين تبين اجيب معاي شي

- ممممم الحين جاي ..؟

- ايوه استاذنت كأن اللي مخلص امتحاناته انا وابي افرح وآخذ اجازة

- ههههههههه طيب شرايك بقهوة طالما محد صاحي الا انا وانت ومدامتك وعيالك
نايمين

- حلو .. عليك القهوة وانا علي الحلابس وش حلا الصبح

- ههههههههههه لا لا كل شي موجود انت بس توكل على الله وتعال

- اوكي يالله مع السلامة

- الله معاك

وتنزل ديمة تحت وتنادي على الشغالة اللي مجرد ماسمعتها جات مبتسمة قالت
لها تسوي قهوة لأن مستر جاي بالطريق وتحط معاه معمول و بسبوسة وتمر
احساس بالحرية بعد قيود الامتحانات اللي تمثل عبء ثقيل على أي طالب اياً كان
مستواه

اليوم ديمة تتنفس بعمق وبارتياح لأنها واثقة ان امتحاناتها كلها عدت على اروع
مايكون وبإذن الله ضامنة النتيجة اللي اخوالها وابوها ينتظرونها

- السلام عليكم

- عليكم السلام ورحمة الله هلا والله خالي صباح الخيرات

- صباح النور على نور هالبيت

طلعت فوق بنفس التثاقل والكسل " يوووه ربع ساعه كيف اقدر اصبر الين يأذن
"

دخلت الحمام فرشت اسنانها وتوضت وراحت تبديل ملابس الجامعة اللي عباره
عن تنورة جينز وتي شيرت ابيض وزهر مفتوح على صدرها بشكل دائري
وبأكمام قصيرة

لبست بيجامه قطنية بيضاء فيها رسومات دببه صغار وكانت البيجامه هذي تحديداً
تلبسها اذا حسّت انها متعبة لأنها واسعه ومريحه جداً

مر ربع ساعه كالساعه على ديمة ومان سمعت الآذان حتى توجهت للكريم بقلب
خاشع ونفس مطمئنة

اكملت صلاتها بتون ورمّت نفسها على سريرها وثواني الا هي في عمق النوم
الذي روادها عن نفسه طوال الساعات الماضية

تحت وفي نفس الصاله وفي نفس البيت والساعة الآن الثانية ظهراً كان ناصر
نايم على الكنبه وحاط شماغه على وجهه وصينية الحلا والقهوة مكانها نظراً لأنه
محرم على الشغالات التواجد في أي مكان يكون فيه رجال وطبعاً هو من ضمنهم

نزلت هدى زوجة ناصر وبناتها الصغيرة ديمة وبدا البيت يعج بأصوات اسامه اللي
لسه ماکمل الرابعه وياسمين ثلاث سنوات وبسام 7 سنوات وهو الطالب الوحيد
غير ديمة في البيت ولأنه ماعنده امتحانات فقط تقييم مستانس بالإجازة من بدري
ومغير نظام نومه الليل سهر مع امه واخوانه الصغار والنهار نوم الين الساعه 2
وأحياناً ثلاث او اربع على حسب متى نام

صحى ناصر على اصواتهم وأخذ شماغه وطلع لفوق من دون حتى مايكلم هدى
اللي دخلت للمطبخ على طول تشيك على الشغالات وتشوف متى يجهز الغدا
وتسوي ساندوتشات لعيالها ياكلونها على بال مايجهز الغدا

اخذت لها كاسة شاي وساندوتش وخرجت للصاله عند التلفزيون وجلست تتفرج
بكل برود وهدوء ولا مبالاة بأحد

برامج مملة وأغاني كثيرة و و و ومثل

- الله لا يجيب الهم .. الحين انتي قالبه جلسة ديمة هم وانا من جدي اقول الله يعينك وربى لو كنت مكانك لأفرح .. يا اختي ديمة تحط على الجرح يبرا وبنت

عاقلة وهادية مو راعية مشاكل اذا ماقربت بينك وبين ناصر مستحيل تفرق ولا نسيتي لمن زعل عليك آخر مرة شسوت

- حیبتی لاتسین ان زعلہ بسیبہا

- ايوه بس انتي غلطتي ولا فيه وحده تقول اسكني بالملحق ابي اعيش حرة في بيتي ولا تنسين انها عمرها مانقلت كلامك له بس ربك حب ينصفها منك لأنك تجرحينها وهي ساكتة وسمعك وصار اللي صار

- اسکتی یا حنان ابغی انسی وتذکرینی .. واللہ انی کل ماتذکرتی لمن حذفنی
بالتحفہ انی جسمی یقشعر من ہیجانہ

- طيب خلاص انتي عرفتي طبع زوجك واش كثر يحبها لازم تتقبلينها وتعيشين معاها بسلام والبنيت والله انها تنحب وماتوقع احد يكرهها

- انا بصراحه اعزها غصب عني واذا مالقيتها في البيت احس بضيق احس اني
تعودت عليها بس وش تقولين بناصر اللي من اشوفه يدلعها ولا يقولها كلام حلو
اموت قهر وغيره

- هیییییییی ..! بنت ..! لاتسین انها زی بنته !

- صادقہ واللہ

- المهم عيشي حياتك يا اختي ولا تخلين اسباب تافهه تخرب بينك وبين زوجك وحاولي تكسبينه بقرب ديمة عسا الله يسعدك ويهنك

- اللهم آمين ومن قال يارب ..

- طيب هدى بخليك الحين احمد عندي توه جا من الدوام بحط له الغدا وانتي الله يهديك اشغلتيني

[illegible]

- مع السلامه

- هلا مع السلامة

فكرت هدى بكلام اختها وابتسمت " مجنونة انا " كيف اطفش من ديمة وانا ايام الامتحانات احس بوحده فظيعة

ناصر يطلع لاصحابه ولا يروح لمكتبه ولا يرجع الا تعبنا يحط راسه ونام وانا
اقلب راسي بين هالبزران والتلفزيون صدق ماقدر استغني عن ديمة
وبقلبها بأهة المغلوب على امره " يارب طهر قلبي من الغل والحقد والحسد " "
يارب اعني على دنياي وساعدني وكبرني في عين ناصر وكبره في عيني ولا تفرق
بيننا "

مر الوقت دهر على هدى الى ان تخطت الساعه الرابعه عصراً فطلعت لفوق عند زوجها تصحيه عشان يتغدى لأنه قال لبسام لاحد يصحيني قبل اربعه

صحى وأخذ له شور ونزل يتغدى قالت بنادي ديمة مشتاقة لها ابي اشوفها احس
لي شهرين ماشفتها وبإشارة من يد ناصر اللي قال لا خليها تنام لين تشبع
لوشفتي وجهها وعيونها اليوم كان خليتها سنه نايمه

صحيحها بعد نص ساعه تصلي العصر ولاحد يزعجها

انصاعت لأمر زوجها وجلست معاه وعيالهم الي كل واحد له طلب وسالفه مع
ابوهم

أخذ ديمة الصغيرة التي روحه فيها وحطها بحضنه جلس يأكلها بنفسه بعدها قام
بعد الحمد لله والشكر وغسل وصلى العصر وطلع لمصالحه

فوق في غرفتها كانت تغط في نوم عميق صارت الساعة الآن العاشرة مساء
والظلام يكسي الغرفة ماعدا نور الجوال وصوته المزعج اللي اوقضها من نومها
وعافيتها

الو ... بصوت ناعم شبه مخنوق من شدة النوم

- يا اربى على النوم والناس الى نايمة هالوقت

- هلا لمی

- هلا ديوم كيفك يادبه من خرجتي من الامتحان محد شافك

- ها ايوه .. كنت تعبانه والله ومواصله يالمرى خرجت على طول البيت

- ومن اليوم نايمة قومي انا متأكدة ماصليتي ولافرض

- همممممم ليه كم الساعة الحين ؟

- الساعة عشرة بالليل يا حلوة

- شو ؟ ها ؟ لا بالله عن جد ؟

- والله عن جد

- خلاص بقوم ماصحيت من الظهر ولا ادري عن الدنيا

- اوكي اصحي واذا صليتي امي بتكلمك شايلة همك من اول يوم تقول محد يتعب
غيرها بكلمها اتكمن عليها

- اوكي بس اول قلوي لي شو عملتي بالامتحان اليوم ان شاء الله حلتي

- اهم شي بنجح ان شاء الله

- الله كريم .. يالله باي

- باي

قفلت وقامت تصلي العصر والمغرب والعشا وبقلبها استغفار واعتذار من الله
ولوم لهدى ليه ماصحتها تصلي على الوقت بعد ماصلت اخذت لها شور
وبدلت .. لبست بنطلون جينز وتي شيرت اسود وفيه رسومات بيضا على الصدر
والبطن وأكمامه كت لمت شعرها الناعم والكثيف واللي يوصل لأسفل ظهرها
بشبابه بحيث يكون ملموم من فوق ومنساب على ظهرها وحطت قلوس زهري
وحددت حاوجبها بفرشاة تحديد الحواجب

وكلمت لemy وامها اللي تعتبرها ام لها بعدها نزلت تحت على اساس ان مافيه الا
اهلها اللي هم هدى وعيالها ويمكن خالها موجود ويمكن لا

بس المفاجأة كانت غير ماتوقعته

ماحصلت بالصالة احد وسمعت اصوات بالمجلس قالت يمكن هدى تغير من
الروتين وجالسين بالمجلس دخلت عليهم الا والمجلس فيه حريم ومن هول
المفاجأة تجمدت بمكانها للحظات .. فكرت ترجع من مكان ما دخلت بس ويبيين
خلاص طبت عندهم وفشيله تخرج وتتركهم شيقولون الحين كانت جامده بمكانها

تأمل الوجوه اللي ماعرفت منهم الا ام هدى وزوجة اخوها .. تداركت نفسها
بابتسامه دخلت وسلمت على الحريم اللي اول مرة تشوفهم وسلمت على ام هدى
اللي تحبها وتعتبرها بنتها .. وزوجة اخو هدى اللي حضنتها لأنها دائماً تقول
ديمه كامله وتعجبني بكل شي واحسها قريبه مني كثير

عرفت هدى الحريم ديمه على الحريم

- هذي ديمه بنت عبدالله ونور الله يرحمها

- والله ..؟ وشلونك يابنيتي زين اني شفتك .. آخر عهدي فيك كنتي في بيت ابوك
عند جميله الله يهديها

- ههههههه هذي ياخاله ديوم حبيبته قلب ناصر الحين هي في جنته بعد جميله
الله يهديها

وكملت هدى

- ديمه هذي ام مهند جات من ابها عندها موعد في مغربي عشان عيونها ومرة
مارضت الا تجي تزورنا وكمان ولدها اذا سمعتي خالك جاب سيرته مهند اللي
يدرس في امريكا صديق عمك ياسر الحين هو جاي اجازة من امريكا وماصدق
خالك انه شافه واللي معاها بنتها ريم آخر العنقود اصغر من مهند على طول
وهذي سميرة بنتها الكبيرة

- "هلا والله فيكم" قالتها ديمه بصوت بالكاد يسمع

تكلمت ام مهند بطيبة وحنية وفرحه بولدها وعينها ماطاحت من ديمه

- الله يخليه لي من شاف عيوني حلف ليحبييني للمستشفى اللي عندكم ولو ان
عندنا مستشفى واراجع عنده بس مارضى الا اجي لجده عسى الله لا يحرمني منه

الكل آمين وديمه اللي خرجت من سكوتها

- سلامتك ياخاله ماتشوفين شر

- الشر مايحيك يابنيتي ابد ما عندي الا النظر ويقولون بيسوون لي عملية يسحبون
الماء الأبيض بعد اسبوع الله يخارجنا على خير

- لا تظمني مرة سهلة وما فيها الام والله يطمنا عليك

هنا تدخلت ام هدى المرأة اللي كل حنان الدنيا بقلبها وما ان تشوفها ديمة الا
تحس بارتياح

- وشلون الديم عساها بيضت الوجه

- ابشرك ياخاله انتيها على خير ولله الحمد

- مبروك يابنيتي عقبال الدكتوراه

قالت ام مهند " اجل نجحتي ياديمة مبروك يابنيتي الله يفرح قلبك ويحقق لك
ماتمينه بقدرته قوي قادر "

الهم أمين ابشرك يام مهند تخرجت ديمة والبنت تبي تكمل ماجستير ودكتوراه
ماشاء الله تبارك الله الله يوفقك يابنيتي

كان هذا حوار بين ام هدى وام مهند وكانت ديمة ترد باجابات قصيرة كـ الله
يبارك فيك ويسلمك

صمت ديمه كالعاده في أي مجلس نساء هو مايميزها .. وسوالف ام مهند عن
ولدها مهند ومدحها له وذكر الله من قبل ام هدى وسلوى زوجة اخو هدى كتعليقاً
على فخر الأم بولدها هو مايميز هذا المجلس

اما ديمة فأخذت فكرة عن مهند انه الابن المدلل لامه وابوه يدرس برا وأمه تحبه
بدلال

"يووه ياكروي للرجال المدلل" قالت به بقلبها وصبت الشاهي للحريم بانتظار الساعه
تجي 11 ونص موعد وصول العشا من المطبخ

كان العشى جاهز وطلعت ديمة من عند الحريم تساعد هدى

وأول ماقابلتها بالمطبخ قالت

- هدى الله يهديك ليه ماصحيتوني اصلي وتقولوا لي ان فيه ناس

- واذا شفنا اللوحات نخرج بسرعه

- اوكي ياالله

وقبل مايخرجون قالت لها هدى

- ديمه احسن روحوا مع باب المطبخ

- صح احسن .. ريم تروحين معنا

ردت ريم بأيوه وكأنها تستنهم ينادوها

خرجوا البنات مع باب المطبخ على الحديقة ودخلوا المرسم اول مادخلت ديمه
مدت يدها وشغلت ديمه انواره وهو عباره عن غرفه مستطيلة مافيه اثاث الا
كراسي صغيرة على اشكال جذوع اشجار وعليها مراتب صغيره .. كان كل مافيه
يوشي بالإبداع والفخامه

بدءاً بالكراسي وانتهاء باللوحات

بعض اللوحات معلقه وبعضها مرصوصه خلف بعض ووحده معلقه هي اللي
ترسمها ديمه حالياً بس توقفت عشان الامتحانات كانت الوانها مابين الأسود
والذهبي وألوان متداخله مبهمه ينقصها الكثير

سلوى تتأملها بذهول لأنها هي الثانية رسامه لكن محد اهتم في موهبتها وساعدها
على تنميتها

كانت سلوى بعبايتها وريم اللي تتأمل اللوحات المعلقه وتطالع في رسمة لمرأة
فيها كثير من ديمه مرسومه بشكل متقن ومتعمد ابراز صدرها وأعلى ثدييها
وتحمل عليه طفل بين يديها وكأنه ملفوف بالورد الأحمر والأبيض كانت اللوحة
واضحه ومعبره اوانها مابين العشبي واللبيع .. لكن لفت ريم شيء غريب في
اللوحة

- ديمه ليه السماء كذا قريبه من المرأة

- طيب انتي حاولي تقرين اللوحة

- ام وطفلها والورد عبارة عن جنة الأم وان الطفل عايش في الجنة طالما هو في
حضن امه وعلى صدرها

- وقرب السماء من الأم والطفل مايحتاج تفسير بلوعه باينه في صوت ديمه

قالت سلوى وهي تتغشى زين وتلتفت خائفة فيه احد - ريحة دخان .. خالك يدخن
ياديمه ..؟

استغربت ديمه قالت - لا يمكن احد من الضيوف او خالي سامي جاي الليلة

قالت ريم وهي متغشيه : هذا اكيد مهند اخوي

خافت ديمه وقالت : طيب يالله بسرعه ندخل لايكون فيه رجال برا يشوفونا

كان واقف في الحديقة مستحي من ابو صالح وصالح اللي باين انه ملتزم
ويشوفونه يدخن قدامهم او يدرون انه يدخن

كان يدخن بسرعه لأنه مادخن من المغرب والساعة الحين قربت على وحده
سمع اصوات ووقف الا يشوف حرميتين متغطيات وبنت تمشي معاهم لابسه
بنطلون وفتاحه شعرها

ذهول .. نظره اولى .. ثانية .. ثالثة

وقفت تزيبط الصندل البسيط اللي لابسته ورجعت تمشي معاهن

التفتت للمرسم

-يووووووووه ماطفيت النور حق المرسم

سمعها بوضوح

صوت ناعم وهادي ورزين

كملت :ريم تجين معاي

رجعت وهو لازال متمسك مكانه ومثبت النظرة الثالثة مارفع نظره من عليها

رجعت وقابلت لناحيته .. شاف وجهها من بعيد

فتحت الباب ودخلت يدها وطففت الأنوار وخرجت وقفلت الباب ورجعت تمشي
بهدوء ونعومه الين دخلت البيت مع ريم

عرف ريم اخته بس هذي من ..؟

لا اله الا الله

نفض راسه بقوة .. وش شفت انا

بسم الله علي

ناصر ماعنده اخوات الا اللي في الطايف ومتزوجه وعندها ولدين

يمكن من الضيوف

لا وش من الضيوف .. من الضيوف وتمشي كذا بدون غطا .. مستحيل

هذي من اهل البيت بأماره هي اللي رجعت وفتحت الغرفه وطففت نورها وقفلتها

بس ..! عرفت ..! زوجه ناصر

اعوذ بالله من الشيطان الرجيم

استغفر الله العظيم الله يلعنك يا شيطان

دخل وهو يطالع في ناصر ويتذكرها .. كل هذا حظ ياناصر .. ابتسم من داخله

لصاحبه تستاهل والله يا ابو بسام رجال والخير كله يجيك لأنك كفو وتستحقه

تعوذ من الشيطان كثير واستغفر الله اكثر لكن الصورة .. بنت الشعر شلال منسدل

على ظهرها بدلال .. الجسم رغم انه يميل للنحافه الا انه منسق برقبة طويلة

وصدر فاتن ووسط يكاد يختفي وخصر فاتن يبرز انوثة المرأة وفتنتها .. الوجه

العيون الأنف ..

لا اله الا الله

كان يكررها كل ماتذكر المنظر

انا وش طلعتني اخ يافشيلتي منك ياناصر

كان باين عليه التفكير وانه مو معاهم ..

- مهند في شي ابو صالح يكلّمك

- ها ..؟ والله ماسمعت المعذرة يا ابو صالح السهر والتعب ماعاد اشوف

- معذور يا ولدي بين عليك التعب .. عشاك بكره عندي

- الله يعافيك اعذرني

- ابد ماتقول لا عشاك بكره انت واهلك عندي

- اعذرني يا بوالصالح انا معي الوالده والاهل ووادي امشيهم قبل ارجع بعد بكره لكن الايام جاية ولا بد نتواجه يا لطيف

- اجل اسمحوا لى الليلة سهرت مو عادتى

دق صالح على زوجته قالها تطلع هي وامه وقام ابوصالح ولحقه ناصر يوصله
للباب ويسولف معاه لين يجون الحريم

مهند الى شارد الذهن منك بدرجة لاتوصف

الله يلعن الشيطان وش خلاني اطلع

اوف لوبس مو زوجة ناصر كان ماهمني بس اللي يقهر انها زوجة خوي وانا
اناظر فيها واتأملها ساعه لا والحين ماقدر اشيلها من راسي

لا اله الا الله

رجع ناصر وانتبه له مهند وهو يقول

- لا الحالة مزرية .. كل هذا نوم .. ؟

- ها ؟ لاتقول بس تعب يهد الحيل .. تعرف الحريم اذا طبوا السوق

- ههههههههههههههههه الله يعينك .. انا رحمت نفسي وجبت سواق وشلت يدي
من مسؤولية السوق

[illegible]

- وش نومه اجلس بس ماصدقت اشوفك .. الليله مافيه روحه

- لا والله اعذرني بروح الوالده مافيهما على السهر

- خلها تنام هنا ووالبنات يسهرن مع بعض تلاقيهن مستانسات مع بعض

- مرة ثانية ان شاء الله وامى اعرفها لوتومت مانامت عند الناس

- اجل براحتك

ويدق مهند على اخته يقولهن يطلعن له

وهم في السيارة كان ساكت وعقله يروح ويجي وامه كانت جالسه بجانبه وباين انها تعبت من السهر

- ماشاء الله عليها الزين والعقل والثقل والأدب والله من يوم شفعتها قلت هذي
الى تناسب مهند

- منہی

- ديمة

[illegible]

א -

- بِسْمِ اللّٰهِ عَلِي الرَّحْمَنِ الرَّحِيمِ

- ليه وش دراك انت عنها ولا من وين تعرفها

- وش رايك مو ياسمين ازين

[illegible]

- سلامات

تکلمت ریم وہی تضحک

انت تحسبها ديومه الصغيره

- اجل من ..؟ عنده كم ديمه

- امی تقصد دیمه بنت اخته الی ماتت الله یرحمها وهو ربها

- اها ... وبابتسامه عريضه .. قولوا لى كذا من اول .. يمه ديمه بنت عبدالله

- ايوه ياوليدي بنت كاملة والكامل وجه الله

[illegible]

- بدري بدري على كيفك محد بغاصبك .. بس اذا راحت عليك البنت خل بدري تنفعك

خاف مهند من كلمة امه " عطيني فرصة افكر هاليومين ياغالاية وماك الا اللي
يرضيك "

قالت ريم متفاجأة من رده

- غريبة مهند يقول افكر بالزواج العادة يرفض من دون أي نقاش

- والله عاد هذا ناصر وعبدالله من يرفض قربهم ونسبهم

- والله يامهند بجد اذا وافقت عليك انت انسان محظوظ ديمة جمال وكمال

لاتقولين انك زبطتي العلاقة معاها .. يحاول يثبت شكوكه بأي كلمه منها

- ایوووه طبعاً و شفت رسماًتھا شی مایوصف

- اجل ترسم

- رسالہ

سميرة الي كانت ساكته وتسمع قالت بجدية وحزم :

مهند نصيحة لاتفوتها من يدك هذي بجد الى تناسبك وانا اعرفك زين صدقني

مايناسيك الا هي

كان مهتد يفكر بالصورة اللى شافها .. "ياربى هو خيال ، حلم ، ولا انا كنت نايم "

قالها وهو صاحي من النوم في الشقه المفروشة اللي استاجرها اربعة ايام في جده

- يمه متى بتخطبين لي بنت عبدالله

- متى مابغيت وش رايك بعد ماسوي العمليه ياوليدي قبل تسافر

- خلاص شورك وهداية الله

فی ابھا

يسولف مع ريم

ها ریم کلمینی عنها ترانی ناوی بجد

: شتبعاني اقولك جمال ، نعموه ، دلال خوالها وابوها ، العز الى باين عليها ،

الثقل والعقل والأدب ، امتياز مع مرتبة الشرف الأولى بالجامعة م م م م م م م

متخرجه الترم هذا وتبى تقدم على الماجستير

صفر مهند بفرح : الحمد لله هذي التي انا ادور عليها .. ياربى لك الحمد

ريم بضحكه : اذا سعادتك معاها عسى الله يكتبها لك

الخميس في استراحة يملكها ناصر في شمال جدة

كانت جالسة مع لمى صديقة عمرها وصاحبتهما من يوم جات لجده وأول صاحبه لها بجده والتي تحولت صداقتهن الى اخوة وصاروا اهل لمى اهل ديمه والعكس قالت لمى خلاص وافق ابوي وامي مصرة على فيصل تقول مافيه احسن منه لك خاصة انه يبينى من زمان

**- وافقي يالمى اذا ماتبين تكملين دراسة خلاص وافقي ترى مو كل يوم عريس
كويس على بابكم**

- خلینی استخیر بعدین یصیر خیر

- يارب اذا فيه خير للموى اكتبه لها واذا مافيه خير ابعده عن طريقها

- یاااااااااااااااااارب

روان الی کانت تسولف مع ندی ولیلی

- خلاص اجيب لكم البطاقات الاسبوع الجاي

ليلي : شهر العسل وين بتقضونه

- ماليزيا وكندا

- الله يوفقك

تدخلت ندى وهي في شهرها السابع : روان مو مهم شهر العسل فين المهم شهر العسل مع مين

وتضحك روان : لا حبيبتي اطمئنك هاني انسان مرة كويس واثقه منه

الله يوفقكم قالوها البنات مع دخلت ديمه ولمى

روان كلمتهم على طول

- ديمة لمى والله اذا ماتحضرون زواجي ازعل منكم

- لا حبيبتي اذا ماغيرتوا الموعد راح احضره باذن الله

ردت لمى : اذا ماتزوجت قبلك حضرته

تفاجأت روان من كلام لمى : اش تزوجتي قبلي يابنت زواجي باقي عليه اسبوعين
كيف تتزوجي قبلي وانتي لسه ماانخطبتي

احنا عادي يقدر يخطب واللييلة اللي بعدها يدخل بعروسه

البنات ضحكوا من كلام لمى اللي حسوها متبرفة بجد من الموضوع

كانت الحفلة تجمع اصحاب ناصر المدرسين وصاحبه عبدالعزيز اخو لمى
وجيرانهم واخوال ديمه كلهم اللي جوا من الطايف عشاتها وخالتها فادية ام عزام
وجراح

وهدى وأخواتها وسلوى زوجة اخوها وأهل لمى امها وأخواتها يعني جماعتهم
ومعارفهم

كانت لابسه فستان قصير وواسع من تحت معطي منظر ولا اروع على ساقين
مزينه بخيوط الكعب الفوشي الممتده عليها ..لون الفستان فوشي وداخله معاه
الوان الموف كان غاية في النعومة والبساطة

بدون اكمام يمسكه خيوط حول رقبتها الباسقه وشعرها مسدول على ظهرها بحيث
يغطي عري اكتافها .. وحاطة مكياج ناعم درجات الفوشي الفاتح وكحل داخل
عيونها معطيها لمعان ونظرة فاتنه ورموشها ملفته بشكل آسر بعد ماحطت عليها
مسكرة حتى تبين طولها وكثافتها .. وحاطة روج فوشي مناسب للمكياج والفستان
.. كان شكلها عموما يسر الناظرين ويأسر كل من حضر

اقتربت جارتهم ام سعيد من ام لمى اللي تذكر الله عليها وعلى البنات كل ماشافت
عيون احد من الحريم عليهن

- صح انكم ماخذين ديمه لولدكم راكان

- ههههههههههههههههههههه من قاله

- سمعته

- والله اني بغيتها بس كلمتها لمى قالت ان كل اخوان لمى حسبة اخوانها وبعدها
مافتحنا السيرة

- تبارك الله عليها الله يرزقكم ويرزقها

- اللهم آمين

في ركن ثاني كانت خالتها فادية اللي تكبر ديمه بسبع سنوات فقط نادتها وسلمت
عليها بحرارة واعطتها الهدية وكانت عبارة عن عقد مرصع بالألماس أسر لبستع
اياها ودموع فادية ماخذه مجراها

ديمه اللي عرفت ليه الدموع وخانتها عبرتها اللي حاولت تمسكها

- خالتي الله يخليك لاتنكدين علي

- كان حلمها اليوم هذا اللي يرحمها

- خالتي ترى من كم يوم احاول مااجيب سيرتها ولا حتى افكر فيها الله يخليك
لاتنغصين علي مابغي ابكي في ليلة زي هذي

- سامحيني ديوم امي كانت تحبك لدرجة انها اشترت لك هدية من الحين وترى
باقي هدايا كثيرة عندي بس كل وحده بوقتها

ديمة الله بكت من قلب وصارت دموعها سيل جارف جاري وعيونها نبع لاينضب
ولا يجف

آه يا جدتي رحتي وخليتينني

آه ليتك الحين معاي

ليه تعذبيني بتصرفاتك انا مو ناقصه ياربي

ليه يا خالتي تجيبين سيرتها الليلة تعرفين ما قاوم

قطع عليهم اللقاء الحميمي بذكرى جدتها عايشة ام خالها ناصر واللي ربت امها
لين تزوجت وماتت امها على يدها ثم صارت ام لديمه الين اخذ الرحمن روحها
بعد ماهاجمها المرض فجأة لم يمهلها اسبوع واحد الا قضى عليها بفاجعة للجميع
بدءاً بعيالها محمد وناصر وماجد وسامي

- هلا خالي

- هلا بحبيبة خالها

وبعد لحظة صمت استشف من صوتها ان فيه دموع وحزن

- اطلعي لي عند الباب بسرعه ابيك لاتتأخرين مابي انتظر اوكي ..؟

- اوكي

طلعت وراحت فادية معاها

- افا دموع في يوم زي هذا

- شوف هدية جدتي لي

بنظرة حانية من ناصر الأب وناصر الأم وناصر الأخ وناصر الانسان وناصر الخال
اللي اخذها من لوعة الدنيا وقسوة جميلة زوجة ابوها وعصاها وحرمانها
وعصبيتها وصراخها عليها وهي طفلة ماتجاوزت الخمس سنين ..!

طيب هذا تستاهل عليها دعوة ونفرح ونرمي الحزن

صدقيني ياديوم لو امي الله يغمد روحها الجنه كانت تدري انها بتنغص عليك ما
اهدت لك ولافكرت تكدر عليك لاتخيبين آمالها

افرحي واعتبريها فرحانة لك

شفتي حتى بقبرها فرحانه

ويبي يغير الجو عليهم

- اقول فادية ارسلتها لك مع مين

- بسم الله علينا اش ارسلتها قبل ماتموت الله يرحمها خلتها عندي مع اغراض
ثانية

- عدت الليلة على خير البنات رقصوا ماعدا ديمه اللي ماتحب الرقص ولا تعرف اصلا

رجعوا للبيت وكانت تنتظر متى تدخل غرفتها لتختلي بنفسها وتترك سيل الدموع
ياخذ مجراه دون نظرات العيون اللي تحاصرها وتحاول تحد من انكفاءها

اول ماشافت سريرها رمت بجسدها عليه

بكت شهيقها يعلو وصدرها يرتفع ويرتخي ذكرياتها مع جدتها كانت كفيلة انها
تجعل الدمع مدرار والقلب جاثم عليه الهم كالجبل

هلا وغلا بزينة البنات تعالي فحجري يمه .. والله ماتنامين الا بحجري

جدتي اموت على ريحة غرفتك احسني انتعش فيها

- وانا اذا حظيتك بحجري اشم ريحة بنتي نور .. اشوف العافية لياشفتك الله
لايخليني منك

ديمة امانتكم لاتجبرونها على شي ماتبيه

يامحمد ترى انت بالذات مالك دخل في الديم

سمعت يناصر

امانتكم ديمه ياما جد

ياسامي ديمة ياوليدي امانتكم لاتقهرونا ولا تخلون لها دمة تنزل

ديمة تراها قطعة من قلبي لاتقهرونها

وانتبهوا لاختكم فادية حبيبة امها

كانت من آخر وصاياها

آه يارمز الحنان والعطاء .. آه ياقوتي وضعفي

سمعت الفجر يأذن وتذكرت الرحمن الرحيم الحي الذي لا يموت

اشهد الا اله الا الله وأشهد ان محمداً رسول الله

توضت وصلت وبدلت ونامت بعد ليلة امتزجت بالفرح واللقاءات الحميمة ثم
بتيارات الحزن العاصفة من عمق الذاكرة بعبق سيرة القلب الكبير رحمها الله

(♡)*.....•♪•.....*..... (♡)

انا ديمة اكلكم

مر اسبوع آخر وكان مهند وأهله في جده

وعملية ام مهند اليوم ... في نفس الوقت ملكة لى صاحبتى وخالى مصر نزورها
بالمستشفى وطبعا لعيون خالى راح ازورها والله يكتب لنا وله الأجر .. بس مو
اليوم مستحيل اترك لى واروح لهم .. قررت نروح لها انا وهدى بيوم ثاني .. !
يعني بكره او بعده ..

رحت عند لى من العصر .. طلعت لها بغرفتها ولقيتها تحل كلمات متقاطعه ومرة
هادية ولا كأن فيه ملكة ولا شي .. هالبنات ماعندها احساس ماخذة الدنيا ببساطه ..
انا اتقطع بالامتحانات وهي تقرا الكتاب او الملزمة ودخلت تختبر اعتماداً على
ذاكرتها واللى حفظته .. واليوم ملكتها وعادي ولا كأن فيه أي مناسبة حتى ..
الحيت عليها انا نمشي للصالون بسرعه لأنا مرة مرة متأخرين ..

نزلت معاها ورحنا للمشغل اللي حاجزين فيه ... اصلا الملكة كانت مختصرة اهل
خطيبها وأهلها والبنات صاحباتنا .. بس لأن فيه نظرة لازم تتربط لى .. عملت
مكياج ثقيل يتماشى مع فستانها الذهبي .. وانا عملت مكياج هادي جداً يناسب
فستاني الكحلي الطويل اللي بدون اكمام وصدر واسع وكان بسيط جداً

دخلنا البيت لقينا البنات روان وليلى اما ندى اعتذرت لأن الحمل متعبها كثير
وسولفنا الين قربت الساعة 10.. كانت اكثر وحده تسولف وتعلق هي لى .. طلب
فيصل انه يدخل يلبسها الشبكة.. البنات قرروا يجلسون ويشوفونهم وجلسوا بآخر
الصالة ورا اخواته وعماته وخالاته وبناتهم .. طبعا متغطيات .. وانا بصراحة
خرجت حسيته مو حلوة اوقف خاصة انه مايقرب لي وطلعت .. بعدها لحقوني
روان وليلى وسمعنا زغاريد جلسنا يمكن ساعة الا لى داخله علينا مبسوطة غير
عن البنت اللي كانت قبل محبطة وقالت وهي تضحك يحبني يموت فيني يابنات
وانا مادريت .. اثريني غبيه وهبلة ماني حاسة فيه وهو من زمان بيتقطع علي ..

ضحكت من كلامها قلت : كل هذا قاله لك في ساعه اجل بعدين وش بيقول
ضحكت لمى وهي تمد علي الكميرا عشان اصورها وقالت : لا هو اختصر في
ساعه يمهد لبعدين عشان مانصدم واقتنع فيه
حسيتني فرحت من كل قلبي للمى.. باركنا لها يارب عقبال الفرح الي تقرر بعد
شهر من اليوم
اووه الحمد لله لأنني متفقه مع خالي اروح لسوريا بعد زواج روان على طول
بروح لجديتي ام امي وخالتي سمر وخالي ايمن اخوان امي من امها
خرجت من عند لمى واخيرا وصلت البيت .. بس انا تعبانه حصلت هدى
عندها اخواتها ايمان وناديه فرحت فيهم بس احسني تعبانه من العصر ما ارتحت
جلست سولفت معاهم شوي وهن كانوا مرة طيبات معاي ..
رحت لغرفتي بدلت لبست بيجامه لونها تفاحي قطنيه بنطلون برمودا وتي شيرت
كت .. فتحت شعري وازلت مكياجى ودخلت الحمام فرشت اسناني ولمن جيت انام
حصلت ثلاث مكالمات من رقم غريب
ترددت كثير ادق عليه ولا اذا دق ارد
اووف ياكراهي للأرقام الغريبة .. !
توكلت على الله وسميت بالله وقريت المعوذات كعادتي الليلية واول ماصحى والله
الحمد وقبل مااطفي الأبخورة الا دق جوالي
فتحت الخط الا صوت بنت اووه الحمد لله
- كيفك ديمه
- الحمد لله
- ماعرفتي
- مين .. ؟ سوري مو متذكرة ..!
- انا ريم
- اووه هلا والله كيفك وكيف الوالده .؟
- الحمد لله ابشرك اليوم سوت العملية والحين هي بخير

- الحمد لله على سلامتها وترى بكرة احنا بنزورها

- لا ماله داعي تكلفون على انفسكم

- لا تقولين كذا ترى والله من قبل ماتتصليين كنا متفقين مع خالي نزورها

- تسلمين ياغاليه

- كيف سميرة وعيالها

- الحمد لله وتسلم عليك....ومممم خلاص اجل نتقابل بكرة كنت بسولف معاك شويه بس اذا بكرة بتجيب احسن نسولف لايف

[illegible]

- لا وانا متقابلين احلا السوائف يصير لها طعم غير...ياالله ماطول عليك وان شاء الله نشوفك على خير

- على خير حياتى .. بحفظ الكريم

صحبت اليوم الثاني الظهر نزلت وحصلت خالي ناصر سلمت عليه وذكرته بام
مهند وعلى طول فر يكلم مهند ويتحمد له على سلامة امه

قال لي العصر بوديكم اصحي تتأخرون .. هزيت له راسي بمعنى او كي ..

تغدينا انا وخالي ..وهدى صحت بالقوة لأنها كانت سهرانه مع اخواتها لين الصباح ومع كذا صحتها عشان خالي مايعصب ... ويلومها عشان نومها الكثير ..

العصر خرجنا للمستشفى ومرينا سلوى وام هدى وأخذناهم ودخلنا المستشفى لقينا مهند وريم وسميرة عند امهم ولمن سمعوا صوت خالي خرج مهند وسلم عليه خالي .. ورد السلام على امه من برا خاصة ان الغرفة مافيها غيرها وردت عليه بصوت واطى لأنها ماتقدر ترفع صوتها عشان العملية ..

اما انا فدخلت ولمحت مهند اوووف شو هالطول..؟ نحيف وأبيض وشعره غريب بالرغم اني بس لمحته لكن معطيه شكل رائع ..ناعم ويوصل لرقبته .. بس فيه شى لفت نظرى كثير .. كان عطره قوى لدرجة شميته من ورى غطاي الثقيل

وحسبته لزق في ملابسي والغرفة حقت امه واغراضي .. صرت اتوهم اني يديني
فيها من عطره .. بصراحه صحيح انه لفت نظري بس مو لدرجة اني اهتم فيه ...
ياكثرهم الشباب الحلوين عند الجامعة ولله الحمد محد قد استحوذ على اهتمامي
يمكن لأنني بنت واقعيه .. ويمكن لأن الدراسة مأخذة وقتي كله .. والأصح اني
مااعترف بعلاقات وهمية او حب طائش .. او ان الحب من نظرة اولى ..

سلمت على امه واخواته وجلسنا عندهم قهويناهم وأمهم على عينها قزازه
وشاشة وجالس بهيئتها ماتحرك راسها ولا تميل ولا تتحرك ..

باين ان امه حبوبة وتحاول تضحك وتمزح معاي روحها مرة شباب .. حتى شكلها
اللي يشوفها يعطيها في الثلاثينات .. او بداية الأربعين ..

ماقدرت اتكلم زي البنات او اشاركهم بطلاقه .. فضلت اني اسكت وأوزع ابتسامات
ورد مختصر على أي سؤال يوجه لي .. اماريم شافتنى ساكته سككت هي كمان
..وسلوى وسميرة وهدى وام هدى جلسوا يسولفون ويحاولون يغيرون جو
المستشفى الكنيب عليهم بالضحك والوناسة والفرشة

اتصل خالي يقول مشينا .. وقمنا كلنا خرجنا بعد ماسلمنا عليهم وعزمنا ام مهند
والبنات وترجيناهم اول ماتخرج امهم او تقوم بالسلامه يجون عندنا .. بس هم
رفضوا قالوا ان هالمرة لازم نرد الزيارة ... رجعنا ام هدى وسلوى لبيتهم ورجعنا
لبيتنا

جلست مع بسام وأسامة وياسمين وديومه الصغيرة عيال خالي ناصر كنا نلعب انا
أجري واتخبي عنهم واللي يلاقيني هو البطل ونحط على وجهه نجمه من النجوم
الزينة اللي في يدي .. وكانت ديمه معاي اشيلها لأنها تمشي وتطيح ماتقدر تجري
زيهم

تعبت من اللعب وهم مايشبعون

اخيراً فتحت التلفزيون حصلت توم وجيري الحمد لله انقذتني جلسوا بهدوء
وسكون فظيع وتسلفت لغرفتي اخذت لي كتاب اقرا فيه

دخلت نت .. فتحت منتديات ادبية قريت شوية وخرجت ورجعت للرواية اكملها
على الكرسي الهزاز بغرفتي

اليوم الجمعه .. باقي اسبوع عن زواج روان وخالي حجز لي على الجمعة لسوريا

.....

مر اسبوع هادي .. نفس الروتين يتكرر كل يوم نصحى الظهر نجلس على الطاولة
محد له نفس ياكل اول مايصحى بس قرارات خالي الغدا اهم وجبة في اليوم
وغصب الكل يكون موجود

تغدينا طبعا انا غداي سلطة وفاكهة وكاس لبن وبعد العصر نجيب معجنات وحلا
مع القهوة والمغرب كل واحد يروح يشوف شغله انا ادخل نت او اقرا في كتاب
وهدي تخلص اشغالها في غرفتها ولا تروح لاحد من صاحباتها او اهلها وعيالها
غالباً عندي

اليوم زواج روان

يارب تسعدها

طبعا الطقوس غير والناس غير عن عاداتنا هم من اصول مصرية بس متعودين
وكأني في زواج مصاريه اللهم الرجال معزولين ... كانت المطربة مصريه والكل
يهز وسطه بس انا ولمى وندى وليلى قاعدين نتفرج

رحنا سلمنا على روان وقدمنا لها هديتها وكتبنا لها في الدفتر وودعناها وخرجنا
ودعواتنا لها ان الله يسعدها تتكرر بألستنا وقلوبنا

سلمت على لمى وانا اوصلها للبيت لأنني بكرة مسافرة ودعتني هي بدموع مثلي
تماماً

لمى صديقة عمري برجع وتتزوج على طول وتلتهي بزوجها ومسئولياتها وتترك
ديمه صديقة عمرها وأختها وبناتها وأمها بنفس الوقت

يالله اهم شي ان الله يسعدها ويهنيها ويبارك لها .. والأهم انا ماراح ننقطع عن
بعض لأنها بتعيش في جده الحمد لله يعني اقدر اشوفها بين فترة وفترة

مر اسبوع قضيت ثلاث ايام منه تقريباً في السوق .. اشترت لجدتي وخالتي
وخالي وزوجته هدايا واشترت لي اغراض منها بناطيل وبلايز طويلة وطرح
ملونه عشان اقدر البسها هناك .. خاصة اذا خرجت اتمشى لأنني تبت مالبس
العباية لاتقولون ليه ..؟ كل ماتذكرت الازعاج اللي يسوونه لي في الشوارع ولا
النصب علي بالأسواق والمطاعم اذا شافوني بالعباية وعرفوا اني خليجيه ..!

يوم الثلاثاء رحنا للطايف ببيت جدتي الله يرحمها واللي ساكن فيه خالي ماجد
وزوجته هند وعياله ريان ورامه ومازن وتاله ... كل ليلة تجي عندنا خالتي فادية
بعيالها عزام وجراح كونها ساكنه هي كمان بالطايف وخالي سامي اللي يسهر مع
خالي ماجد وخالي ناصر ويجيب زوجته عادة كنت اسهر مع هدى وهند وغادة
وخالتي فادية الين الصباح بعيدين ادخل انام بغرفة جدتي الله يرحمها وهدى وهند
كل وحده تنام بجناحها وغادة تروح لبيتها مع خالي سامي لأنهم ماسكنوا في بيت
جدتي ساكنين قريب منه ببيت لوحدهم وخالتي تروح مع زوجها اللي كان سهران
مع اخوالي برا

قضيت باقي الاسبوع في الطايف دايماً الأيام اللي تجمعننا تكون من اجمل الأيام
اللي تمر علي ويوم الجمعة نزلت جده مع خالي سامي اللي وداني للمطار بعد
مامرت بيت خالي وأخذت اغراض عشان رحلتي كانت الساعة 8 مساءً .

في سوريا عند جدتي احساس مختلف

الحمد لله ربي اخذ مني وأعطاني

اخذ امي وأعطاني خالي

وأخذ جدتي عايشة وأعطاني جدتي اميرة

دق جوالي على رقمي الخاص بسوريا اذا رحت قفلت رقمي القديم اللي بالسعودية
وفتحت رقمي هذا .. طالعت بالشاشة الغالي يتصل بك

بسرعه قلت لابويه عسى الله يخليه لي :هلا والله وغلا

: هلا ببنتي وشلونك بيه عساك بخير

كنت مرة مشتاقه له حتى صوته يقول انه مشتاق لي .. الحمد لله انت وشلونك

:بخير دام ديمتي بخير

: الله يجعلك بخير ويخليك لي

: وشلون جدتك وحوالك

: الحمد لله .. هذي جدتي بتكلمك

: عطيني اياها

ناولتها الجوال .. بعد مافتحت السبيكر وسويت لجدتي حركات اترجاها فيها تخلي
السبيكر مفتوح ابغى اسمع ابوي .. يا عالم احب ابوي .. احبه لدرجة اني احيانا
احسد نفسي عليه .. حنووون بشكل خيالي .. يحبني اكثر من عياله ونفسه
ويعتبرني اجمل واغلى شي بحياته .. لاتقولون كل اب كذا او تقولون يمكن تتخيل
.. اعرف ابوي واعرف صدقه والمس حنانه وحبه وخوفه الصداق علي .. الله
بس يخليه لي

قالت جدتي وهي تبتسم : اهلين يا ابو ديمه كيفك يا ابني ..؟

: الحمد وشلون عمتي الغالية

: بخير بس عتبانك كثير عليك ... شو بتخسر اذا طلّيت علينا

: اشغال يام ايمن تعرفين البنا والمصنع اذا ماقابلتها من بيقابلها

: يا عبد الله يا حبيب البي خذ لك يومين اجازة بتريح فيهن

: على امرك يا غالية يشهد الله اني مشتاق لكم لكن مالك الا من يزورك قريب ان
الله اراد

: تسلم يا عبد الله

واخذت بعدها التلفون من جدتي واكلم ابوي اللي قعد يوصيني على نفسي كالعادة
وانا اوصيه على صحته ولا يرهق نفسه بالعمل

سكرت من ابوي .. ابوي اللي حنان الدنيا كلها ما يغنيني عنه

ابويه اللي حرمتني منه زوجته الظالمة القاسية .. رغم اني بعيد عنه الا انه
ما يمر يوم الا يكلمني فيه

لهجته كلها حنان .. احس بندم في وجهه لمن يقابلني انه تركني عند خالي بس
خالي المكان الآمن بالنسبة لي من وجهة نظر ابوي .. واني هنا مبسوط وسعيد
وهذا اهم شي عنده ..

آخر مرة قابلني فيها ابويه كان يوم الثلاثاء ثاني يوم باجازتي اخذني لمطعم تعشيت معاه واخذني للسوق وكالعادة لازم يشتري لي هدية على ذوقه احياناً مكياج وأحياناً ذهب ولا الماس آخر مرة اشترى لي خاتم الماس ومعاه اسواره الماس بصراحه شكله مبهر وذوق ابوي كان يجنن الله يعطيه العافيه ويخليه لي

انتبهت لجدي وهي تناديني

- هلا جدي

- تعي بنتي الغدا جاهز

- خالتي ماجات

- لا ماجت آلت رح تيجي ع المغرب آل بدها تسهر عنا

- وزوجها بيحي معاها ..؟

- أي حياتي بدو يحي معاها حتى يسلم عليكى ..

- ياالله كيف آخذ راحتى مع خالتي اذا جا معاها ..تعرفين جدي ماتكلم اذا كان هنا ..

- ياالبي ياديمه كلها ساعتين تحمليهن شوي

مارديت على جدي .. صدق احسنى مخنوقه من اول مايحي لين يروح وماتكلم جات خالتي وزوجها وخالي ايمن وزوجته وتعشينا طبعاً انا وجدتي وخالتي سمر وسهى زوجة خالي ايمن بطاولة لوحدا اللي هي حقت الضيوف .. والطاولة الثانية اللي تعشوا عليها خالي ايمن وزوج خالتي سمر عدنان .. دايماً اقسامهم نصين اذا جيت عندهم .. ولا هم متعودين ياكلون مع بعض كونهم يعتبرون اهل ..

بعد العشا تقهويننا مع بعض بجلسة وحده كنت ماتكلم ولايسه حجاب ..حس عدنان اني محرجه منه بعدين راح قال انه بيروح لامه في حلب ومابيجي الا بعد يومين كأنه يعطي خالتي اجازة عشاني .. ماقصر والله ..

قضيت اسبوعين في بيت جدي اللي اشتراه لها ابوي في سوريا كان عبارة عن فيلا صغيرة مصمما ابويه بطريقته الخاصة تجمع بين الكلاسيكيه والتراث السوري اللي ياما كلمنا عنه

كان فيه حديقته حول الفيلا كانت احلى من حديقة بيت خالي اللي بجده بكثير
وأصلاً مافيه مقارنه . بعدين اول مادخل الفيلا الاقي برحه كبيرة فيها اشجار
ليمون ورمان وورد وريحان وفي الوسط بحرة فيها نافورة كأنها تحفه و بجوارها
جلسه عبارة عن كنب ناعم في تصميمه بألوان زاهية تجمع البنفسجي والأصفر
والزهري وفي الجهة المقابلة كان ارجوحه عبارة عن كرسي طويل .. وهذا
المكان تحديداً اكثر مكان اقضي وقتي فيه اذا كنت في بيت جدتي

وفيه مدخل مزين بالتحف يطلعني لصالون كبير باين عليه الفخامة مكون من
جلستين الأولى لأهل البيت والزوار العاديين والثانية للضيوف ... وداخل غرفة
متوسطه عبارة عن مجلس للحريم .. طبعا مخصص لنا اذا زرناها عشان ناخذ
راحتنا وخاصة هدى زوجة خالي ناصر اذا قضت عند جدتي يوم او يومين.. لأن
خالي ايمن يكون موجود عند امه اذا كان بسوريا لأنه يشتغل في شركة صاحب
ابوي في الرياض ومايجي لسوريا الا اوقات اجازاته وزوجته معاه .

فوق فيه غرفه كبيره اثاثها فخم جداً من اختيار ابوي هي غرفة جدتي وغرفة
ثانية اثاثها بسيط وفخم بحمامها هي غرفتي انا اللي ماعرفها الا وقت النوم او
اذا جيت اخذ شور او ابدل ملابسي .. وفيه ممر طويل نهايته هي جناح خالي ايمن
وزوجته سهى انسانه مرة خلوقه وطيبه وأهم شي انها تحب جدتي ومعتبرتها
امها!

حياتي بسوريا غير .. يمكن لأنني اعشق الطبيعه وكل شي حولي يوحى بطبيعة
خلابه سواء في البيت او خارجه .. زمان كنت اجي مع ابوي لجدتي وكان يمسينا
كلنا انا وجدتي وخالتي

ابوي يحب جدتي ويعزها كثير لأنها على قولته يكفي انها ام نور حبيبته اللي
اخذا الزمن منه .

يمكن من كثر مايعب امي الله يرحمها حاول ينهل على جدتي بكل ماتحب سواء
وصلها بزيارات او مكالمتها او مدها بالمال خاصة ان جدتي لمن تطلقت من جدي
تزوجت ابو عيالها خالتي سمر وخالي ايمن كان مرة فقير وحالته معدمه وتوفى
بعد ماجابت خالتي سمر وتقول لولا وفقة عبدالله معانا كان مادري وش صار لنا .

ابوي مصدر فخر لي الحمد لله خيره يعم كل اللي حوله حتى جيران جدتي اللي
انهار بيتهم من الأمطار اشترا لهم بيت صغير قريب من جدتي في حي راقي
وجديد .. ! ودايماً يذكرونه بالخير ..

كنت اطلع للسوق وللمطاعم مع خالتي سمر اللي تشبهني كثير واللي أي احد يشوفنا يسأل اذا انا اختها او لا وكانت اغلب اجابات خالتي للي ماتعرفهم ب ايه اما اللي تعرفهم مثل زملاءها بالعمل تعرفهم علي .. واحيانا اخرج مع خالي ايمن اللي كان ماخذ اجازة شهر وسهى .. اما جدتي غالباً تجلس بالبيت لأنها تقول ماقدر على السهر .. فأضطر اجلس احيانا عشائها احس قربي من جدتي يحسني بشي فاقدته وماحصله الا اذا جلست معاها

احياناً اذا رجعنا للبيت نجيب ايس كريم او حلويات ومعجنات ونسهر في الحديقة وأحيان كثيرة خالتي سمر تعتذر وخالي وزوجته ينامون بدري او يخرجون عند اهل زوجته واضطر اتصل على مايا تجيني تسهر عندي وأهلها عادي يخلونها تجي عندي وانا احيانا اروح اجلس معاها بس ماقدر اسهر لأن لابي ولا خالي يرضون اسهر برا في السعودية مو في سوريا وهم مو معاي .. وعلى قولة خالي ناصر اللي يبيك يجيك خاصة بعد العشاء !!

كانت ليله ماطرة الجو وريحته وهواه شيء لا يوصف كنت لابسه بنطلون جينز وبدي ابيض ماسك علي ومحررة شعري ولابسه صندل بسيط نعوم وامشي في الحديقة بحرية لأن العم ابو سليم مايكون موجود بالليل فيها ..

ماقدر اوصف لكم الجو ولا احساسي بالارتياح !!

المشكلة جدتي نايمه وخالي وزوجته معزومين على فرح صاحبه وانا وحدي في الحديقة طلعت بسرعه جبت لي لوحه اشتريناها انا وخالتي سمر وجبت علبة الألوان والفرش وقررت ارسم ... ما يحتاج ارسم طبيعه وبحر وأشجار .. فكرت اش ارسم قلت برسم أي شي والفكرة تجي بنفسها .. احسني ما بغى ارق نفسي حتى بالتفكير !!

رسمت دوائر صفراء بعدين دخلت عليها اخضر جلست ارسم وأنا لعب بالألوان جاتني فكرة رسم الحياة .. رسمت دوائر متداخله بالألوان الاخضر والأصفر ودخلت عليها اللون الأحمر وخطوط بسيطه دخلتها بطريقة رسامة متمرسه خلف الألوان الأصفر والأخضر والأحمر بشكل عشوائي ومرتب بنفس الوقت وكانت باللون الأسود جلست اضحك على اللوحة خلصتها بسرعة خياليه وطلعت بشكل حلو ..

كتبت في الأسفل بخط صغير باللون الأسود

حياة عادية ..

ديمة

وأرختها ووقعت .

اتصلت على مايا اشوفها تقدر تجي عندي بس اعتذرت بأن خالتها وبناتهم عندهم
جايبين من الشام وماتقدر تخليهم .

جلست طفشانه حرام اطفش في جو زي هذا .. رحت كلمت خالي ناصر وهدى
واتصلت على ابويه حصلت جهازه مغلق عرفت انه نايم .. !

ناديت الشغالة تجيب لي قهوة وشكولاته بعدها اخذت اللوحة اللي رسمتها وطلعت
لغرفتي

مرت اسبوعين في سوريا واليوم الأربعاء آخر يوم لي هنا الليلة مسافرة وبرجع
لجده للروتين والملل .. هدى تروح لاهلها اذا طفشت وخاصة بالصيف خالاتها
يجون من المدينة والطايف ويتجمعون شبه يومي وانا نادراً اروح معاها احس
وجودي مو حلو بينهم !....

ولمى الوحيده اللي تطلعني من جو الملل اذا جات عندي ولا رحت لها بتتزوج
وماعادت على كيفها او كيفي !..

حتى روان اللي كانت تجمعنا غصباً عنا سواء عندها او عندي او عند أي وحدة
من البنات خلاص هي كمان استقلت وصارت عندها مسئولياتها ..

ندى بكرة بتولد وتزيد مسئولياتها اكثر وياليت نشوفها زي اول .. وليلى خلصت
دراسة وابوها تقاعد ورجعوا على ينبع !..

دقيت على خالي وترجيته اجلس كمان اسبوع وكان مرة رافض يقول لازم تجين
هذا الاسبوع احس عنده كلام بس مارضى يتكلم يقول اذا جيتي بتعرفين

.. نمت الين الساعة 2 الظهر بعدها صحيت واخذت دوش ولبست تنورة بيضا
وبلوزة حرير زيتي ماسكه على صدري ووسطي بعدين واسعه على خصري
وأكمامها طويله وضيقه فيها اكسسوار اسود وزيتي حول الصدر والوسط ولبست
اساور اكسسوار وحلق زيتي ناعم وحطيت مكياج خفيف وقلوس وردي فاتح

رحت للمطار مع خالي ايمن بعد ماودعت جدتي وسهى كل وقتي بالطيارة كنت
نايمة لأنني البارحة سهرانه مع خالتي سمر الين الساعة ثمانية الصباح !..

استقبلني خالي ناصر بحضن وسلام حار لمن دخلت البيت كان حاط يدي في يده
وكل شوي يسلم على راسي ويقول تو مانور البيت .. ويهدد لاتعودها
ههههههههههه كل مرة خالي يهددني اذا رجعت لهم من عند جدتي لاعيدها ..
ودايما تقول لي هدى انه يشتاك لك ويقول البيت بدونها مافيه حياة وخلص
قررت ماتروح الا معنا !..

الله يسعده خالي حتى انا مرة مشتاقة له !..

طلعت لغرفتي ونمت الين المغرب بعد ما قال لي خالي ان مهند وأهله بيزورونا
اليوم بعد المغرب .. صحيت استحميت ولبست تنورة سودا كلوش قصيرة وبلوزة
سودا مقلمه بأحمر بدون كت محدد بأسود ..

ولبست صندل اسود ناعم ولبست اكسسوار اسود وأحمر في يدي وحلق مناسب
وحطيت مكياج هادي وتكحلت وحطيت قلوس احمر فتحت شعري بعدين لميته
خليته يجي على جنب ناحية اليسار وربطته بمنديل من فوق اوووه عاجبني كذا !..
تعطرت ونزلت لقيتهم وصلوا ماشفت الا ام مهند و هدى جالسة معاها سلمت
عليها وسألتهن ليه البنات ماجوا قالت لي بيجون اذا ربي كتب قولي ان شاء الله
يابنتي .. وكانت تكي على الكلمة مافهمت بصراحه قصدها ولا دقت اصلاً
!..! طالعت فيها ابتسمت وجلست .. كنت ساكته ما تكلم الا اذا سألتني وكل شوي
تطالع فيني بنظرات طويلة لدرجة احسها احياناً تسرح وهي تطالع فيني ..

استاذنت بعد ما حسيت انها اخرجتني بنظراتها ورحت للمطبخ قلت لخالي اللي دخل
علي وين العشاء خلهم يتعشون عشان يروحون الحرمة اخرجتني كثير ,, استغرب
خالي مني

: ليه بس تراني اعرفها من زمان اجودية وبنت حلال وقلبها طيب

: ماقلت شي بس ياخالي نظراتها لي زائدة عن حدها

: طبيعي بتكونين زوجة ولدها

: شو ..؟

: مثل ماسمعتي تراه مكلمني قبل اسبوعين وانا موافق قلت هات امك اذا ديمة
رجعت وابشروا

: خالي اش قاعد تقول ..؟

: صدقيني ياديمه مهند منتي لاقية زيه ،، وأنا ادري انك تثقين في اختياري لك ..
جارتك باللي قبل لأن لي ملاحظات عليهم وفوضت الأمر لك رفضتيهم كلهم قلت
بكيفها ،، لكن مهند محد يردده

وانا فاتحه فمي على الأخير .. مصدومه .. مقلب من خالي .. لا لا شكله جاد .. انا
اتزوج مهند .. دلوع ماما ... رجعت لواقعي وخالي يناظر فيني ينتظرني اقول اللي
تشوفه قلت بعيون مليانه دموع : مو من حقك ياخالي الا اذا تعتبرني انسانه مالي
رأي هذا شي ثاني .. انا مستحيل اتزوجه الا اذا غصبتني وطلعت لغرفتي بدون
مااسمع رده

قفلت الباب علي اش اللي صار ..؟

خالي اعطى الناس كلمة وانا افشلته ..؟ اش بيرد عليهم الحين ..؟ آسف كنت
ابجبر البنت بس هي رفضت ومارضتني اختار لها عريسها ..؟ ياويلي اش قاعد
يصير ..!

دق خالي على جوالي مارديت .. دق مرة ثانية وثالثه بعدها قفلت جوالي ..!

شويه الا باب غرفتي يدق وصوت هدى

:ديمه افتحي خالك يقول تنزل لي ابغاها مافيني اطلع..

مارديت عليها كنت افكر وأحاول استوعب اللي يصير لي

يعني انا ديمة انغصب على الزواج

لا خالي ناصر مستحيل يسويها

جا صوت خالي بعد طرقات خفيفه على الباب : ديمه افتحي مايصير الا اللي تبينه .

فتحت الباب ورجعت جلست على الكرسي الهزاز كان خالي باين عليه الاضطراب ..
تهور وتسرع .. اعجابه بكفاح مهند ومثابرتة وسفره على حسابه الين جاته
البعثة واصراره على انه يكون مستقبل مشرف دكتوراه في جراحة المخ
والأعصاب .. وبنته اللي رباها وكبرت قدامه دقيقه دقيقه .. وكل دقيقه تمر يزيد
حبه لها اكثر

قرب مني مسح على راسي : اذا ماتبينه ياديمه لايمكن اغصبك ، بس وش اقول
للرجال وانا قد قلت ابشر باللي تبي ووعده .. بعدين خذي فرصة فكري ..
استخيري ..! هذا كل بنت تحلم فيه ..

: خالي مابغاه .. ولا ابغى فرصة لو دقيقة عشان افكر اتخذ قرار مثل هذا بشخص
مثل هذا .. من سمعت كلام امه عنه كرهته ماتخيل نفسي اعيش معاه

: امه اش قالت

:خالي ماقلت شي معين بس حسيت ان شخصيته من كلامها عنه مااعجبطني

: يعني اقول مالكم نصيب

: ايوه خالي الله يخليك ولاتزعل مني انت عندي بالدنيا كلها

حط يده على فمي وقام قال اذا رجعت ابيك تكونين ناسية الموضوع نهائي لأنه
انتهى خلاص ولو اني ندمان على قرارك

ما اعطاني فرصة ارد عليه لأنه مشى وخلاني في دوامة الحيرة والخوف من
اتخاذ قرار بهذي السرعة ووضع خالي في موقف مايحبه

ياربي انا ابغى لي انسان كبير يحسني بالحنان مو ينتظره مني لأنه متعود عليه
.. ابغى انسان يعطيني عشان اقدر اعطيه مو بس ياخذ لأنه متعود ..!ابغى واحد
شخصيته قوية وله قرارات ويكون مسؤول .. لاتفهموني غلط انا مستحيل اني
ارفض واحد لأنه بار بأمه بس ام مهند لمن تتكلم عن ولدها كأن ماله أي قرار
وهي اللي تجيبه وتوديه .. حتى اخواته لمن يتكلمن عنه مهند قلنا له وسوى ..
ومهند طلبنا منه واعطانا .. ابغى واحد يقول رايه بأي شي اقترحه .. يعترض يأيد
.. يقول هذا صح وهذا غلط .. ! يحسني انه موجود كأساس مو حيا الله شي
بحياتي آخذه اجيبه واوديه على كيفي .. !

تعشوا وجات هدى قالت ام مهند بتسلم عليك لأنها بتمشي ..

نزلت وسلمت عليها الحين بس عرفت معنى كلمتها اللي قبل شوي لمن سألت عن
بنتها

كنت اشوف في عيونها فرحة وكأنها ماتتوقع ان فيه بنت بالدنيا ترفض ولدها ..
بس ديمة خيبت آمالها .. انقهرت عليها ودعيت ربي انها تلاقي الأحسن مني
لولدها !!

خرجت ودخل علينا خالي على طول

"ديمه ماوافقت" كان رده على هدى اللي كانت تناظر فيه بابتسامه وباین ان ام
مهند كلمتها عن الموضوع ...!

فتحت فمها هدى مستغربه : ديمة من جدك رفضتي من دون ماتفكرين

: انا ماخلصت دراستي بعدين هو كمان قدامه مشوار طويل مالدري يكمل دراسته
ولا لا يعني لا شهادة ولا وظيفة

خالي ناظر فيني بحسرة وأبعدت عيوني عنه وقمت بطلع لغرفتي الا جوالي يدق
ورقم غريب

تركته المرة الأولى والثانية والثالثة قال خالي ردي اذا ازعاج هاتيه

رديت بتردد

- الو ..؟

- ديمه ..؟

- من معاي

- انا عمك ياسر ..!

عمي ياسر يوووه من فين طلع هذا .. واش يبغى الحين ..؟

- الو ..؟

- هلا هلا عمي

- كيفك ؟ ومبروك التخرج

- بخير والله يبارك فيك انت ..

قاطعني بسرعه ... : ديمه عرفت انك رفضتي مهند ..!

-

- مهند انا ادري الناس فيه ولو ماني عارفه زين ماخليته يجي يخطب بنت اخوي

- الله يوفقه ويرزقه باللي تستاهله

- يعني ايش ..؟

- يعني انتهى الموضوع ..!

- لامانتهى وتوه ابتدا

- عمي الموضوع خلاص انتهى واعتقد لو مهند عنده كرامه مايفتح الموضوع
هذا مرة ثانية

- ماعدنا بنات يتحكمن ولا خليك عند خالك وتمردتي تحسبين كل شي على كيفك

-

- ليه ماتردين ..؟

- عمي تامر على شي ..؟

- هه بتقفلين ..؟ مااعجبك كلامي

-

- طيب مع السلامه

وقفل قبل ماارد او حتى اقفل

خالي اللي كان مهتم بالموضوع سألني اش قال لي

قلت بكل برود : يقول الموضوع مانتهى وتوه ابتدا ..!

:ماعليك من احد ولا تفكرين بالموضوع هذا ابدا

قمت وانا شايلة هم خالي وخايفه من عمي ياسر :طيب خالي تصبح على خير

رفع راسه وناظرني قال بعد ماتنهد :وانتي من اهل الخير

(♡)*.....*.....*.....*..... (♡)

سكرت منها وانا رافضة فكرة أي نقاش ان مهند ممكن انه يصير زوجي بيوم من الأيام .. انا مارفضت فارس اللي يحبني من صغري وكل ماكبرنا يحبني اكثر وبعنون الا لأن شخصيته ضعيفه ومايقدر يستغني عن حضن امه وابوه ..! خاصة اني رحت لهم مرة وسمعتة ينادي امه يقول تعالى ماجاني نوم اجلسي عندي لين انام ..

عدت الأيام وتقريبا نسيت الموضوع مرة قالت لي هدى ان خالي كلم عمي ياسر وأنهى الموضوع وقال محد له حق يتدخل بحياة ديمة غيره حتى ابوها مفوضه بكل شى وقاله بأسلوب حلو ومحترم انه يقفل على الموضوع نهائى .

اليوم زواج لمي

- لمی کلی شی اذا رحنا القاعه ماراح تاکلین

- مالی نفس و مو جیعانه اصلا

- ههههههههههههههههههههه شكل الخوف منسيك الجوع والأكل

دخلت اختها سارة

- هلا لى اكلتي شي

- شوفيني قاعده احاول فيها

- يالله ياديمه عقبال مانشوفك بفستانك

- الله كريم

دخلوا بنات خالتها اللي سوا مكياجهم بنفس المشغل

- تأخرنا لى يالله كلي شي عشان نروح

- اخذت لها حبة فطيرة ودخلتها فمها وانا متأكدة انها ماتدري عن طعمها ولا اش هي اصلا : يالله انا جاهزة امشوا

راحت لى معاي بسيارتنا طبعاً مع السواق حقنا وصلنا القاعة ودخلت جناح العروس وجات المصورة

- اول شي خلينا نتصور معاها قبل يجي فيصل .. قالتها امها تكلم اختها ام العريس قالت لى اللي تربط خصلة نازلة على جبينها : قهر كان اتصور انا وديمه بس اكيد مابتوافق

سمعتها وضحكت على تفكيرها : تبين خالي يذبحني هههههههههه

تجمعوا امها وخالتها واخواتها وبنات خالتها أخذت لهم المصورة كذا صورة

بعدها دخلوا فيصل وانا خرجت وتصوروا

:::

دخل فيصل لابس بشت اسود وغترة بيضا وهي اول مالمحت فيصل ماتت حيا وخوف .. كانت تناظر الأرض خايفه ترفع نظرها ويغمى عليها .. قرب منها وسلم على راسها وبدوا بتنفيذ اوامر المصورة منصاعين لها ولمى تحس كأنها تتحرك بريموت كنترول سوي كذا .. ارفعي راسك .. ابتسمي .. طالعي فيه .. قربني .. بعدي شوي ..

زفوهم ومارضى فيصل يجلس الا خمس دقائق بعد مادخلوا اخوانها وابوها سلموا عليهم وطلعوا وطلع فيصل بعدهم على طول وهو ماسك يد عروسه

رجعت للبيت وانا على قد ماانا فرحانه للمي الا اني زعلانه على فراقها

الله يهنيها هذا اهم شي

طلعت لغرفتي ابدل واخذ لي شور واكل شي ونام احس تعب الدنيا كلها فيني

■ ■ ■ ■ ■ ■ ■ ■ ■ ■ ■ ■ ■ ■ ■ ■

الاجازة مملة وروتين فظيع لولا زيارات اخوالي لنا وخالتي فادية اللي جات عندنا
وغيرت الجو علينا .. لأنها كانت زعلانه من زوجها عبدالعزيز عشان عصب
عليها وعطاها كف وخالتي مو متعوده منه الا الدلال شالت شنطتها وجات عند
خالى ناصر بجده ..

**قلت لها وانا جالسه على الأرض قدامها وهي حزينه وكل شوي تمسح دموعها :
طيب طالما انك تحبينه كذا ليه تتركينه وتعصين عليه**

- ماتدرين ياديمة ليه عصب علي

- ليه ..؟

- ما قدر اقول لاحد .. الموضوع كبير وانا لايمكن اعيش مع عبدالعزيز لين يبرر لي مو يقول لاتتدخلين

- دائما متهورة ياخالتي .. ليه ماجلستي بالبيت عادي خاصميه بس مو تكبرين الموضوع ..

- ديمه الله يخليك اتركيني بحالي .. عمرك ماوقفتي بصفى دايمه تلوميني

- صدقيني يا خالتي انا بس اصحيك وانبهك حتى ماتغلطين يعني

قاطعتنی وہی تبکی : تکفین دیمہ اسکتی ما لبغی اعصب عليك انتی کمان ..!

تركتها ورحت لغرفتي بس قبل ماطلع قلت : اذا بق عليك ردي عليه لاتنشينه ..

دخلت غرفتي وأأأأأأبيبي حسيت بصداع مو طبيعي لااااه موزي كل مرة هذا اقوى

دقيقت على الشغاله تطلع لى موية وبندول اكسترا ..

اول ماجابتها لي الشغاله اخذت حبتين ونمت بعد جهد وما صحيت الا على وجع راسي

شفت ساعة الجوال بجنبى كانت 2 نص الليل

**اخذت من علبة البندول حبتين وحطيتها بفمي وشربت مويه وحاولت ارجع انام
لاااا ويبين انام وراسي بينفجر**

اصبر شويه يمكن يبدأ مفعول الدواء

استنیت ساعه وانا احس راسی فیہ نار تغلی وینفجر خلاص ما عا د فینی احمله

بدا جسمی یرتعش ویضعف خفت یصیر لی شی واموت وانا لوحدی

صحيح انا دائما اصدع ووجعه يتفاوت احيانا مؤلم لدرجة محد يتحملها واحيانا يمر على عادى ويروح بعد ماآخذ بندول .. بس هالمرة لاااااااا غير عن كل مرة ..

كانوا قاعدين بالصلاه تحت اول ماجا سأل عنها قالوا طلعت تنام استغرب عاداتها
تسهر اش اللي نومها اليوم بدرى

قالت هدى وهي مركزة على التلفزيون وتعذل التكايه من يمينها لجهتها اليسار :
من المغرب تقول مصدعه وراحت تنام يمكن مانامت كويس اليوم !!

كشر ناصر وقال :انا قتلتها مية مرة خلىنا نشوف حكاية الصداع هذا بس هي مورا ضيه .. بوديها هاليومين مو معقوله كل شويه مصدعه وتحسب النوم علاج او حل ...!

جلسوا على التلفزيون وفادية في عالم ثاني مقهورة من زوجها اللي ماعبرها حتى بمكالمة يتظمن او يحاول يصالحها .. وناصر مقرر انه مراح يتدخل لأنها

كبيرة وتقدر تحل مشاكلها بنفسها .. الا اذا الأمر احتاج تدخله ساعتها راح يجلس
معاها ويكلمها .

دق جوال ناصر طالع في الشاشة ديمة يتصل بك

- هلا ديمه

- خالي راسي مو قادرة اتحملة

- اخذتي بندول

- بصوت ماينسمع ..خا...ل ي وخفت الصوت

فز من مكانه يجري وكان ياخذ الدرجة بثلاث اواربع درجات دخل غرفتها لقاها

مغمضة عيونها وباين عليها التعب وبجنبها علبة بندول وكاس الما

اخذ عبايتها المعلقة على الشماعه ولفها عليها بطريقه أي كلام وشالها بين يدينه

نزل تحت وهو بالمنظر هذا هي شبه ميتة على يدينه

صاحت هدى :ناصر اش فيها حيه ولا ميتة ياويلي عليك ياديمه

فادية واقفه ماتتكم مذهولة ومصدومه حاولت تروح معاه بس ما اعطاهم فرصة
يتكلمون

اخذها وكل نبضة بقلبه تدق بقوة متوتر ورجفة بجسمه ساق السيارة بسرعه
جنونية

دخل يشيلها على يدينه وكأنه يشيل قلبه على يده

صحت بتعب ولازال الألم

سمع صوتها كأنه بعيد : آه راسي

قال ناصر بأسى : ديمة ..

: خالي راسي لسه الألم مرة قوي

فز بسرعة ونادى الطبيب اللي جا وبعد شويه هدت بعد ما امر الدكتور الممرضة
تعطيها ابرة مسكنة

:::

رجعت للبيت مع خالي على الساعة خمسة الفجر لأني اصريت ارجع بعد محاسيت
بالعافيه وانا الحمد لله مافيني شي وطلع خالي جواله حصل حوالي 40 اتصال من
خالتي وهدى اتصل عليهم يطمئنهم ودخلنا البيت سلمت علي هدى وحضنتني
خالتي اللي قالت سلامات ماتشوفين شر

قلت لها وانا ابتسم ولا كأني البنت اللي كانت بتموت قبل كم ساعه :الله يسلمك
والشر مايجيك

مسكت يدي وسألتني بلهفة :ايش صار لك ياديمة

- راسي مالدري شو صار له بس الم بحياتي محاسيته.. حاولت اتحمل بس
مانتبهت لنفسي الا بالمستشفى

- كويس انك لحقتي واتصلتي على ناصر .. بس الحمد لله

جا صوت خالي اللي قال : هي بس ماخذه مسكن لكن اذا حسيتي بشي اليوم نروح
للمستشفى نشوف وش حكاية الصداق المفاجيء هذا .

رحت لغرفتي حاولت انام بس شكلي شبعانه نوم

الكل راح ينام وانا فتحت دفترتي خواطري

كتبت //

اليوم الأربعاء .. نهاية آخر اسبوع في الإجازة الصيفيه

...

الخامسة نشوة بعد عاصفة هوجاء اجتاحت رأسي وكادت ان تفتك به ابتدأت
باتفاق مع هبوط الشمس وانتهت بوداع مع اطلالة جديدة لها

أي غداً ينتظرك ياديمه

افرجّ قريب ام انك ستبدأين الأنين ومعاناة الوجد

مبهمة حياتي منذ طفولتي

ومستقبلي متأرجح على كفة الزمن الغادر
ايتها الأقدار افسحي للأمل باب يلج منه لحياتي
عفوك يارباه وعافيتك ...!
قفلت دفتري لأنني احس ما عندي شي اكتبه ..

جلست اقرا رواية السجينه .. مؤثرة وكل مافيها حزين بس فعلاً رواية هزت
القلوب .. قفلتها لأنني والله مو ناقصه احزان عشان احزن اكثر ..!

انتبهت لجوالي اللي يدق خالي

- هلا

- ديمه كيفك (بصوت نايم)

- خالي انا بخير الحمد لله انت نام اذا فيني شي بقولك

- أي شي تحسین فيه كلميني لاتقولين نايم ولا مالبي ازعجه فاهمه

- ولايهمك

- سلام

انتبهت للساعة عشره الصباح نزلت افطرت وجلست على التلفزيون .. بيتنا كئيب

بدون اصوات عيال خالي ووجود هدى اللي تعودت عليها

حصلت خالتي فادية صاحبة وتشيل جراح اللي موراضي ينام

اخذته منها وانا ابوسه قلت لها روعي نامي واذا نام بجيبه عندك

راحت خالتي مومصدقه اني آخذه منها عشان تكمل نوم

اخذت جراح اللي عمره ثلاث سنوات وخرجنا للحديقة عند المراجيح لعبته ودخلته

المطبخ فطرتة و حممته وبدلت له ملابسه لأنني خليتة يلعب بالتراب والمويه ...

بعد شويه نام جراح من حاله وأخذته عند امه لقيتها نايمه بس باين انها تعبانه

ياقلبي ياخالتي حبها لعبدالعزيز خلاها تتهور وهو يكابر مايكلمها مايدري انها
تموت بكل لحظة .. وانا متأكدة انه يحبها اكثر من حبها له بس مو راضي يتنازل
ويكلم خالتي او يجي يراضيها خاصة انها هي اللي زعلانه منه ..

رحت لغرفتي وقررت اتصل على ابوي اكيد الحين صاحي

- هلا

- هلا بيه كيفك

- هلا وغلا ببنتي الغاليه بخير دامك بخير انتي بشريني عنك

- الحمد لله الله يديم عليك الخير ويخليك لي

- ها الترم هذا بتداومين ولا الترم الجاي

- لايبه الترم الجاي .. هذا الترم برتاح عشان اكمل وانا متحمسه

- الله يوفقك يابنتي .ديمه

- هلا بيه

- ليه يابنتي رفضتي مهند انا من زمان ماودي اكلمك في الموضوع تراه رجال
ينشري

- بيه خلاص انتهى الموضوع وما صار نصيب .. الله يرزقه

- والله اني بغيته لك بس الله ماكتب الله يرزقك يابنتي

كنت اكره السيرة هذي بس ماقدر اتكلم قدام ابوي

- بيه

- هلا

- مو عندك موعد الاسبوع هذا بالسعودي

- الا والله ذكرتيني

- لايبه لاتنسى مواعيدك الله يخليك هذا القلب مو أي كلام

- الشغل ماخذني حتى من نفسي البيت اجيه آخر الليل انام واصبح ثم اقسم يومي
مابين العمار والشركة والمصنع واللي يابنتي ماعاد افضي حتى لنفسي .

- بيه مو انت مشغل عمال خلاص لاتتعب نفسك

- يابنتي لو ماراقبهم اهملوا الدنيا

- الله يعينك بيه ويطول بعمرك

- ويخليك لي يابنتي ... هاما طول عليك

- مع السلامه

- بحفظ الله يالغاليه

بعد ماكلمت ابوي استنيت الظهر وصليت ونمت ... صحيت العصر على ازعاج
ياسمين وأسامه عند باب غرفتي فتحت لهم الباب قال أسامه: بابا يبغاك

رجعت صليت وأخذت شاور وبدلت لبست بنطلون برمودا لونه بيج وبلوزه بيضا
كت ورفعت شعري شينون ونزلت خصل عشوائية من ورا وقدام حطيت قلوس
وحددت حواجبي بفرشاة الحواجب ونزلت

سلمت عليهم وانا لساتني مكسلة احسني ماشبعت نوم سألني خالي عن الصداع
قلت مافيني شي الحمد لله

شفت خالتي حالتها مو طبيعيه وشكلها ماعاد فيها صبر ولا تتحمل شي تعصب
على عيالها لأدنى سبب وأحيان كثيرة تطنش هدى اللي تحاول تكلمها

اخذت عزام وجراح وعيال خالي وخرجنا للحديقة وشوي لحقتي خالي ووصاني
على نفسي بعدين قلت له يكلم عبدالعزيز مافيا شي لو بس يسأله عن الموضوع
اللي بينهم وإذا هو زعلان يراضيه خالي بكلمتين خاصة ان عبدالعزيز صاحب
خالي وزميله من لمن كانوا صغار ...

هز راسه خالي وطلع جواله من جيبه وضغط في الارقام بعدين حطه على اذنه
وعرفت اتصل على عبدالعزيز وخرج مع الباب وهو يسلم عليه ..

وانا من الكسل اللي فيني ناديت على الشغاله تنتبه لهم وماتشيل عينها من عليهم
ونبهت عليها محد يفتح باب المسبح مهما كان ووصيت بسام اللي اكبر واحد فيهم
بعدين رجعت لداخل البيت

كل شوي احس راسي يألمني على خفيف وبصراحة خفت يرجع لي نفس الصداع
اللي البارحه الله يستر

مددت جسمي على الكنبه وهدى تتابع قناة الام بي سي على مسلسل تاريخي اما
خالتي فهي بعالم آخر ونحاول نحترم سكوتها ومانبغي نثيرها ... نمت في هالجو
الهادي حوالي ربع ساعه وفجأة صحيت على عاصفة مالدري زلازل او براكين
تتفجر براسي حاولت ادلكه جلست من قوة الألم وانتبهت لي هدى اللي بسرعه
جابت لي المسكن اللي اعطانيه الدكتور وكاس ماء اخذت زي المجنونه وبسرعه
حطيتها بفمي وشربت ماء .. انتظرت يهدي لو شي بسيط بس وين شكل مافيه
امل .. حاولت اطلع لغرفتي بس هدى مسكتني واتصلت على خالي غصب عني
وعشر دقائق الا خالي جانا وأنا خلااص ماعدت اتحمل وخفت يغمي علي زي
البارحه قلت لخالي : تكفى خالي بروح آخذ ابرة بموت ..

دخلت هدى بعبايتي وطرحتي وبسرعه لبستني وانا مافيني حيل راسي استناه
يفرق ،، ينفجر ،، ينقسم نصين ...

دخلت المستشفى بعد مشوار طويل لأن خالي اصر يوديني مستشفى كبير غير عن
اللي امس عشان اسوي فحوصات وأشعه

دخلت خلاص وانا دموعي تنزل غصب عني

احسن شي بالمستشفيات الخاصة مافيه زحمة وانتظار ... دخلت عند الدكتور
وانا مسنودة على خالي ماعاد فيني امشي .. نمت على السرير وانا اصرخ بصوت
واطي واترجى خالي يخليهم يعطوني ابرة

مارضى الدكتور الا لمن شافني ابكي واصرخ من الألم ونادى الممرضة تعطيني
الإبرة بعد ماشرتط اني اسوي الفحوصات اليوم

اخذت الإبرة وبعد ربع ساعه حسيت بالحياة ترجع لجسدي الحمد لله ... حمدت
ربي كثير

جلس الدكتور يسألني عن الصداع من متى ووين الألم تحديداً وكيف كان وايش
الفرق بينه اليوم وقبل

سويت تحليل دم وسويت اشعة مغناطيسية وطلعت على اساس بكرة النتائج تطلع
قال لنا الدكتور : مبدئياً هذي اعراض الصداع النصفي او الشقيقه ..وان مالهم أي
علاج للحين ...

لكن لابد نتحقق بالتحاليل والأشعة .. واحنا راجعين للبيت طلبت من خالي نروح
للبحر ابغى ارتاح وأغير جو .. خاصة لمن عرفت ان صاحبة خالتي فادية بالبيت
وهدي راحت لأهلها بعد المغرب

رحت مع خالي ولفينا بالسيارة مانزلنا .. اعشق البحر بس اليوم زحمة مالحب
اجيه الا وقت هادي ولا الفجر ..! اشترينا ايس كريم ولفينا شويه بالسيارة
وشغلت سي دي لنوال .. الا بزعل .. كنا ساكتين وأدري ان خالي قلقان علي ..
جاه اتصال شفت الرقم اللي اتصل لأن جوال خالي منزله قريب مني شفت الرقم
الخاص يتصل بك عرفت انه دولي رد خالي

هلا والله

حيالله هالصوت ... الحمد لله بخير وعافيه نسأل عنك اش اخبارك انت
وكيف الدراسة .. ماشاء الله تبارك الله الله يوفقك كلنا بخير وبنعمه
ارسل علي رقمك مايطلع عندي ...

التفت لي خالي وطلب جوالي : ديمه هاتي جوالك بسجل لي رقم مامعاي قلم ..
خرجت جوالي من شنطتي وأعطيته له وبدا خالي يسجل الرقم ويحفظه عندي
خلص مكالمه و قال : خذي انقليه لي في جهازني ..

اخذت جهازه وبديت انقله واسوي حفظ قلت باسم مين قال وهو مشغول يناظر
الطريق : مهند

مالدري ليه عورني بطني لمن جاب اسمه

هذا مو اول خطيب ارفضه مهند يمكن الرابع وكلهم كانت سيرتهم تجي قدامي
عادي حتى اثنين حظرت زواجاتهم ولاكأنهم خطبوني قبل ...

بس مهند ليه ماقدر اجيب سيرته واذا احد جاب اسمه ارتبك ..

يمكن لأن خالي كان جاد بالموضوع وابوي وعمي يبغونه وعلى قولتهم شارينه

يالله مهند راح مع فارس واللي قبلهم

(♥)*.....*..... (♥)

وصلنا البيت بعد اشترينا قهوة تركيه ودونات لأنني ماتغديت قلت باكل أي شي
وخالي أخذ معاي

دخلت بكوب القهوة ورجع خالي يقول مواعد رجال عندي شغل

سلمت على الهام صاحبة خالتي فادية وقلت بطلع لغرفتي بس هم الحوا علي
اجلس عندهم

جلست مع الهام اللي اكره الجلسة معاها من كثر المآسي اللي تعددها لقرايبها
وأهلها ومعارفها وماتعرف تجيب سالفه تفرح .. وخالتي دايمًا تعتذر عنها تقول
من بعد وفاة اخوها بحادث وهي عندها حالة نفسية وهذي سوالفها بعد ماكانت
انسانه مرحة ومتفاءله

حمدت ربي وشكرته على النعمة اللي احنا فيها وانا افكر بحالها انتبهت لجوالي
اللي يدق وعلى الشاشة اسم الغالي رديت عليه وضحكت على طول قال :تعالى
لقسم الرجال افتحي لي

نطيت من الفرحة ورحت افتح له وحضني وسلمت على راسه ويده واخذ راسي
ضمه ل صدره وهو يقول : هلا ببنت ابوها الغالية .. هلا بالغالية بنت الغالية ..
هذا ابوي دايمًا لايمكن ينسى امي الله يرحمها) .. لف يده من ورا اكتافي وهو
يدخل معاي ويسألني عن صحتي ولمن جلس قلت بروح اجيب القهوة واجي بس
ناظر فيني وبسرعه قال : ديمه ..وجهك ليه اصفر عسى ماطر تحسين بشي
يابنتي ؟

قلت وانا احاول اني فعلاً مافيني شي : لا مافيني شي بس مانمت زين اجازة
وخالتي عندنا واليوم جاتنا حرمة العاده انام النهار كله

بس لاااا مامشت على ابويه اللي تأملني قال : انا ماقلت انتبهى لصحتك ..؟

ضحكت بشو يش قلت : لاتشيل هم صحتي الحمد لله ممتازة بس بكرة ترى بروح
معاك للمستشفى ..

قال : لا خالك مكلمني اروح انا وياه

بعدها خرجت اجيب القهوة وجيت لقيت ابويه يكلم بالتلفون وفهمت انه يكلم عمي
ياسر ويبارك له على النقل ..

سألته : عمي نقل .؟

: ايه نقل لجده مادري وش يبغى فيها قلت له انقل للطايف قال لا ابي جده .

... الله يستر من عمي ياسر لهجته معي ماتطن .. قلتها بقلبي .. بعدين قلت
لابوي .. : طيب كويس خله يجي هنا عشان يخدمك اشغالك اللي هنا ..

: ياسر ماهو راعي شغل الله يهديه هو يادوب قايم بوظيفته والله يستر لاينطرد
منها بسبة النوم اللي يشيله

ضحكت من كلام ابويه وغيرنا الموضوع

سألني عن ام مهند

يااذا مهند احس فيه كهرباء يلذعني لمن تجي سيرته .!

قلت بهدوء : ماعليها ... حرمة كبيرة وباين انها طيبة

قال ابوي وهو : هذي الحرمة مافيه اطيب منها تراها كانت تحب امك وامك
تعتبرها بنتها .. امك في سن ولدها فواز اللي توفي وانا اكبر منه بحوالي عشر
سنين

: يا حرام اكبر واحد

: ايه مات الله يرحمه وعمره 33 على طريق الجنوب في حادث وهو جاي من
الطايف عنده بنت الظاهر ان عمرها الحين حوالي 14 اذا ماني غلطان .. يوم مات
ابوها كان عمرها سنتين

: اها اتوقع جابت سيرتها تقول بنتنا مودينا امها تزورها وكل شوي تتصل علينا
تبينا نرجع بسرعه

: ايه هي اللي ربتها وامها تزوجت

: تعرفهم زين ييه

: ايه اعرفهم من صغري

ناس اجواد . وام مهند شايلة رجالها على كفوف الراحه ماشاء الله عليها مو مثل
ابوك ويضحك ضحكة بحسرة

: ييه ليه ماتتزوج وتنسب بحياتك

: و عيالي اجيب لهم مرة ابوي يكفي انتي وسواتها معك ..؟ ولا سواتها مع عيالها

..

: صحيح عناد كل مايكلمني يقول تعالي عندنا انا محتاجك والله قلبي يعورني عليه
احس فيه شي ..!

: امه تهاوشه بالرايحة والجاية .. وماعاد يطيق الجلسه في البيت وانا مو فيه

: لا يبه الله يخليك عناد مراقب انتبه عليه لا يطلع من البيت كثير

: انا آخذه معي للمصنع والعمارة اللي ابنيها الحين واحاول اشغله واطلعه .. يجي
من المدرسة يمشي واجباته الظهر والعصر آخذه معي واذا رجعنا تعشى ونام وهذا
جدوله ومع كذا ماتفكه من لسانها الله حسبي عليها

يبه وديه عند عمتي صالحه اتذكر انها تحب عيالك وتقول عناد كأنه ولدها

: عمتك كل وقت تقول تبيه عندها بس مستحي من زوجها ..

: لا يبه حتى زوجها يحب الأطفال .. بعدين ربي ما اعطاهم عيال اكيد بيحطون
عناد في عيونهم

: تبيني اشرد عيالي .. يكفي انتي ماربيتني عندي الله يرحمك يا بوي كنت ابصلح
الغلط قبل يجيني عيال بس رفض

: خلاص يبه كل شي مقدر ومكتوب وجلسة عناد عند عمتي في صالحه تكفي يبه
الحقه قبل يلتم على شلة ولا يفكر بأشياء مو في صالحه خاصة ان سنه خطر جداً

: بكلم امه واشوف .. ولو اني اشك انها مريضة نفسياً يوم اشوفها تنهد عليه ..

الله يكتب اللي فيه خير .. قلتها وانا اسمع صوت خالي ناصر بيدخل المجلس ..

ودخل علينا يرحب ويهلي وسلم على ابوي بحرارة وسلم على راسه لأنه يعتبر
ابوي اخوه الكبير

قمت وتركت خالي وأبويه يسولفون وانا رحت عند خالتي وإلهام .. حصلت هدى
وعيالها وصلوا وراحت تحضر العشا دخلت اساعدها وسألتها عن اهلها قالت كلهم
بخير ويسلمون عليك وابشرك حنان حامل

: واو ماشاء الله تبارك الله الف مبروك ياربي اشكرك فرحت لحنان تستاهل كل

خير هالبنات .. الحمد لله ان ربي ماخيبيها

رحت للتلفون بدق عليها قالت هدى هي عند اهلي ترى ودقيت رقم اهلها وردت علي سلوى سلمت عليها وسولفت معاها شويه بعدين كلمت حنان الي كانت فرحانه ان ربي حقق لها حلمها وحملت بعد ست سنين زواج وصبر وانتظار فرج ربي.. والحمد لله ماخيها .. وكانت بنفس الوقت خايفة انها تفقد الحلم الي حصل لها في لحظة وينتهي كل شي معاه ..

باركت لها وقلت لاتخافين طالما انك تحصنين نفسك كل يوم ولا تنسين الدعاء والذكر خاصة في الأشهر الأولى .. واهتمي بنفسك وافرحي لاتخليين الخوف ينغص فرحك عليك !..

قفلت منها بعد ماسولفنا حوالي عشر دقائق .. ورحت اكمل مع هدى تحضير العشاء .. كان العشا كبسة لحم وجريش ومرقوق حضرنا الكبسة في صحن كبير لأبويه وخالي ناصر وخالي سامي اللي جاي بالطريق .. والجريش والمرقوق في صحن صغيرة حضرنا العصير واللبن والسلطات .. وجا خالي قال لنا ان سامي وصل وودينا العشا للمقلط وناديتهم يجون يتعشون بعد ماسلمت على خالي سامي

**دخلت علينا خالتي فادية وباين انها مبسوفة وكان جوالها بيدها غمرت لها
وابتسمت**

عرفت ان عبدالعزيز له يد بالموضوع !!

حضرنا عشا الحريم وخلينا الشغالات يودونه للمجلس ويجهزون السفرة ورحت مع هدى لعند الهام وخالتي الي قاعه تقرا لها شي من جوالها ولمن دخلنا سكتت وانحرجت

- الله يافاديه الحين بتخبين عني انا ولا عن ديمة (قالت هدى وهي تسوي
السفرة على الأرض)

- الحين ليه تحطون عشاننا هنا ماحطيتوه على الطاولة اللي طولها مترين)
(محاولة من خالتي لتغيير الموضوع)

- لا ياقلبي ناصر كل شوي داخل مانبي نخرج الهام

[illegible]

عدلت هدى السفرة وحطت عليها سلال الفاكهة قالت :قومي تعالي بس تعشي
وهاتي ضيفتك معاك

طلعت هدى ورجعت بصينيه فيها عصير ولبن وكاسات
اكلت سلطه ومرقوق واستأذنت واخذت معاي كاس عصير بطلع لغرفتي الا يدق
جوالي خالي سامي

- هلا خالي

- ديمه تعشيتي

- ايوه خلاص بغيت شي

- تعالي ابغاك برا في الحوش بس اطلعي من باب الحريم وتعالي لي بقسم الرجال

- اوف .. مشوار مافيني

- ليه تحسين بشي ..؟

- لا بس احسه مشوار بعدين خلاص خرجت وجاية لك

- يالله سلام

- سلام

وصلت عنده لقيته جالس يدخن برا

رمى سيجارته ودعس عليها قال : سلامات

قلت وانا ارشف من العصير : الله يسلمك

ناظر خالي فيني قال : بكرة تطلع النتائج وناصر بيروح يجيبها وانا بروح مع
ابوك للمستشفى

فتحت عيوني وقلت : يعني انت جاي عشان تروح مع ابوي

قال وهو يرمي في فمه سيجارة :لاتنسين ان ابوك بمقام اخوي ولو يبي روعي
عطيته اياها مستكثرة عليه مشوار من الطايف

سميت بالله وجلست اقرا المعوذات وآية الكرسي ونمت حوالي الساعة ثلاث الفجر .. وعلى الساعة 5 قمت اصلي لأن راسي بدا يألمني على خفيف .. وجيت برجع انام الا وراسي بدأ ببراكينه وهيجانه وثورته فتحت الباب بسرعه ورحت عند غرفة خالي دقيت الباب محد يسمع وانا مافيني حيل ولاقوة الألم كل مرة اقوى ويزيد احسه طوفان بيحتاج روى بعد ثوانى آه . خالى مايرد حتى على جواله .

وهدى مقفلته ياربي . ومحد يرد رحت لغرفتي وانا بين الحياة والموت دقيت على
جوال خالي مرة عاشرة ماكان يرد وجوال هدى نفس الرد اللي يعلن انها مقفلته
آآآه بموت هنا على فراشي

المشكلة توهم ناموا متى بيصحون ياربي ماقدر اصبر الين الساعة 2 او 3
العصر ..

مو معقول الألم اقوى

جات في بالي .. خالتي فادية الحمد لله انها هنا وغرفتها قريبة مني اتصلت عليها
حصلته انتظار عرفت انها تكلم زوجها ولو اموت مادرت عني وفعلأ ماردت ولا
عادت اتصلت ..!

دورت رقم خالي سامي اللي تذكرت انه عندنا بالبيت حصلته ودقيت وانا خلااص
بموت

رد علي بعد ثلاث محاولات : هآآآآ (بصوت نايم وكسول)

خآآال ي ب موووت ال ح ق ني

: من ..؟ ديمة ..؟ لحظة جايك ..!

في ثواني الا خالي بغرفتي حتى ماحسب ان هدى ممكن تكون موجودة .. كان
خوفه علي اكبر من أي شي بهاللحظة ومحد راح يلومه لأن وجع راسي بيموتي
لو استنيت اكثر ..

شالني بدون شي لاعباية ولا شرشف ولا حتى طرحه نزلني للسيارة في اللي كان
مدخلها لداخل البيت تذكرت عبايتي : عبايتي ياخالي آآآآآآآآآآآه بمووت خلاص

رجع خالي سامي يجري وجاب عبايتي ولفها علي وآخر شي تذكرته انه شغل
السيارة وفتح البوابة بالريموت وخرجنا وهو لابس بيجامته ومابدل حتى

صحيت وأنا بنفس المستشفى اللي سويت فيها التحاليل وعندي خالي سامي
وخالي ناصر اللي بسرعه شافني لمن صحيت وقام سلم على راسي ويقول
سامحيني ديوم نسيئك والله والجوال صامت متعود قبل ماانام اخليه صامت

تبسمت له : لا ماعليه اهم شي اني الحين مافيني شي

كان خالي سامي واقف بعيد يتأملني وسأكت ماتكلم .. طالعت فيه لقيته مبدل
ملايسه لابس ثوبه بس بدون شماغ .. تذكرت انه كان بالبيجامه لمن جينا ..

سألت بوهن

- كم الساعه خالي ..؟

- الساعه 3

- العصر

- ايوه كنت نايمه ومعطينك مسكن نومك

- الحمد لله يارب ..سكت بعدين قلت وانا اناظر خالي سامي.. موعد ابوي ؟

- خلاص ابوك خلص مراجعته راح معاه سامي ورجع للطايف ماقلنا له عنك شي
!..

- احسن لاتقولوا له شي اصلاً هو مسوي معاي تحقيق يقول وجهك ليه اصفر
وتعبان وحاولت اتعذر بقله النوم .. خالي سامي وش فيه ؟؟

قال خالي ناصر(بابتسامه) : مادخن وطفشان .. مانعه مايدخن هنا

ناظرنا خالي سامي قال : ترى منتي طالعة من المستشفى لين نتظمن عليك

: شو ..؟ لا الله يخليكم مالحب

قاطعني بسرعه وهو يجلس على الكرسي اللي بجني السرير حقي : موبكيفك !..

ناظرت خالي ناصر اللي مسح على راسي قال : الدكتور مصر ماتطلعين لأن حالتك
... وسكت

: ورم ..؟

بسرعه خرج خالي سامي اللي كان هم الدنيا على راسه باين في وجهه ..

خالي ناصر يحاول يداري ويبين ان الموضوع سهل وهين قال :ديمه هذا استنتاج
مبدأي ومو واضح والدكتور يقول حتى لو كان ورم فهو في بداياته ولازم نتأكد

قبل مايكمل رن جوال خالي ناصر شاف الرقم وقام بعد شوي عني وجلس يكلم

صحيح انها متغيرة من فترة من آخر زعل بينها وبين خالي لمن سمعها تلمح لي اطلع من بيتها واني المفروض اذا انتهيت من الدراسة ارجع عند ابوي ..او اسكن بالملحق اللي فوق لأنه فاضي وراح اخذ حريتي وهي كمان تاخذ حريتها .. وخالي الله يهديه ماقصر ضربها وأهانها وقال ان هذا بيت ديمة قبل مايصير بيتك ..

استوعبت هدى الدرس وللحين ماجرحتني او لمحت لي بأي كلمة بالعكس صارت تهتم فيني ودايما تقول انها ماتتخيل بيتنا بدوني ...

اليوم هدى زعلانه عشاني تخاف اني اموت !!

الحمد لله اقل شي اذا مت محد حاقد علي ولا يكرهني

دخلوا عندي وسولفنا وكانوا جاييين لي اكل وقهوة وشاهي وحلا ومعجنات .. جلسوا معاي لين الساعة 8 العشاء .. سمعنا صوت خالي سامي وبعدها طلعا هدى وخالتي رجعا للبيت وجلس معاي خالي سامي اللي شايل هم الدنيا على راسه ..

سألته : ليه مسوي بنفسك كذا .. ؟

: مافيني شي .. وصد عني وبعدين وقف ودخل يده في جيبه .. احسه مرتبك كثير بس رحمه ربي بالجوال لمن دق .. اول ماسلم عليه وكلمه عرفت انه عمي ياسر وعلمه بالجناح ورقم الغرفة وقفل

رجع يناظر فيني : هذا عمك ياسر بيجي يتظمن عليك

: غريبة عمي عمره مافكر يكلمني الا ...

: الا شو .؟

قلت وانا لعب بالغطا اللي علي : الا عشان صاحبه وقال لازم اوافق عليه

قال وهو كأنه يتذكر: اها لا ماعليك ناصر انهى الموضوع ..

: ايوه عرفت .. بس الله يستر

ناظرني قال: لاتشيلين هم ..

دخل علينا عمي ياسر اللي كان مرة متغير عن آخر مرة شفته فيها

سلم علي وقال سلامات وقعد يسألني عن مرضي ومن متى وليه ماكنت اجي للمستشفى .. وانا بدوري ارد بإجابات مختصرة اني كنت احسبه صداع عادي .. واني اذا نمت اصحى مافيني شي !!

خليت المجال لعمي وخالي يسولفون وانا وصلنتني اشارات مفزعه من راسي

رجعت راسي على السرير وأخذت المخدة لاشعورياً وحطيتها على راسي .. ماكنت ادري اش ردة فعلهم ولادققت فيهم كنت في الاعصار اللي اجتاحني احاول ادور لي شي اتشبت فيه لحد مايتجاوزني بس لاااااااا شكله مصر يجتاحني كله معاها ..
اااااااااااه .. اااااااااااااااااه بموت ..

: ديمه تحملي ناديت الدكتور .. كان صوت خالي سامي اسمعه من بعيد ..

جلست اصرخ بصوت واطي .. وأبكي بألم يارب ارحمني يارب ارحمني

دخل علي الدكتور الي قد يسألني للمرة الثانية من فين الألم وأنا أشر على راسي كله احسه بينفجر ..

تکلم مع الممرضه اللي اخذت كفي الأيسر وغرزت الأبرة المسكنه فيه مرت
خمس دقائق وانا احس الألم يطفى شوي شوي ..! الحمد لله

صحيت اليوم الثاني وانا تعبانه وحيلي مهدود رحت للحمام ابغى اتوضا واصلي
احس بغثيان وابغى استفرغ بس معدتي مافيه شي من امس .. حاولت اتماسك
الين اكمل صلاتي .. اول ماکملتها دخل علي خالي ناصر اللي كان باين انه مهموم
سلم علي وسألني عن حالتي قال : يالله جهزي نفسك بعد ثلاثة ايام بنسافر
لامريكا ولا اقول خلاص انا اكلم هدى تجهز اغراضك .. انتي ماتقدرين تطلعين
: شو ..؟ خالي بسوي العملية هنا ..

بسرعه قال : لاااااا .. بعدين سكت وقرب مني وقال بهدوء : ديمة انا اخترت لك مركز هيوستن للأورام في امريكا .. بعدين مهند نصحني فيه .. ويعرف دكاترة ممتازين دلني على واحد علاقته فيه كويسة وخبرة احسن من اللي هنا ..!

**: خالي اللي بيصير لي هنا بيصير لي هناك والمكتوب مكتوب مابغاك تتكف
عشاني ولا تسافر عشاني**

قاطعني : ديمه خلاص الموضوع منتهي ولا اسمعك تقولين هالكلام اللي اسويه لبسام وأسامه اسويه لك لأنك بنتي فاهمة ولا لا ..؟ بعدين الموضوع منتهي واليوم بروح للسفارة عشان اطلع التأشيرات بدري وترى حجزنا بالمركز وزبطنا كل شى انا ومهند باقى عليك السفر بس

مر يومين على كلام خالي وزاروني خالتي فادية وهدى وام هدى وسلوى واخوات هدى واليوم الثاني جاتني لى وروان وندى وليلى وبصراحه كدروا علي من كثر ما بكوا .. الحين المفروض هم اللي يهدوني ويهونون علي صرت انا اللي اهديهم وأهونها واسوي نفسي عادي بالرغم اني بديت اخاف وأحس اني قربت من الموت

..

اليوم موعد السفر وخايفة يرجع لي الصداق وانا بالطيارة خاصة ان المسافه طويله وماقدر اتحملة بصراحه يعني لو داهمني بالطيارة معناتها راح اموت ..! قلت لخالي وانا خايفة : واذا جاني الصداق وانا بالطيارة ..؟

لاتخافين بعد شوي بيعطونك مسكن مدته 24 ساعه .. حمدت ربي وشكرته .. اخذت الإبرة اللي صرت ادين لها بحياتي بعد الله .. ورحنا للبيت البس وآخذ بقيه اغراضي لمن شفت عيال خالي بكيت من قلبي .. هذي اول مرة ابكي بهذا الشكل من يوم عرفت مرضي .. ماتخيل اني بتركهم ويمكن للأبد .. صحيح مو اول مرة اسافر واخليهم بس اول مرة اسافر وانا احتمال كبير ما ارجع لهم .. وانا بحالتي هذي ..

احبهم والله احسهم عيالي انا .. عاد انتم تخیلوا ام مريضة وبتروح وتخلي عيالها وراها ..ويمكن تموت وماعاد تشوفهم... آآه بس

أخذني خالي من يدي وانا كنت حاضنه ياسمين وديمه ويدي الثانيه ورا أسامه اللي احسه لازق فيني بقوة وبسام اللي كان واقف شوية عني ودموعه في عيونه رحت له وضميته ولحقتي خالي ومسك يدي مرة ثانيه قال مايصير كذا ياديمه هذولا اطفال .. التفت لهم قلت وانا ابتسم مالبغى اخوفهم : اشتقت لكم كثير واحبكم كثير .. ليه مازرتوني بالمستشفى

رد بسام وهو يبتسم ويحاول مايبيكي : محد يرضى ماما تقول ممنوع ..!

ابتسمت ودموعي تنزل قلت : انا بسافر واذا جيت بشتري لكم هدايا ..!

وتركتهم وطلعت لغرفتي اخذت شور وبدلت لبست بنطلون ابيض وبلوزة طويلة لونها بيج وأطرافها محدد بذهبي ..ولبست صندل ابيض وذهبي .. وأخذت شنطتي الصغيرة اللي لونها ابيض .. ونزلت وعبايتي في يدي والشغالة معاها شنطتي حقت اغراضي وملابسي .. جا خالي بسرعه قال : يالله تأخرنا

وطلعت معاه ومع خالي سامي اللي بيوصلنا للمطار .. ودعت خالي سامي وانا
ابكي وهو كان مخنوق ووجهه متغير احس بخوف في عيونه مايبغي يوريني اياه
وعاطاني ظهره وهو يقول الله معاك وترجعين بالسلامه ..!

انقهرت لأنني خليتهم يحزنون ويبكون .. هدى ماقابلتها لأنها مقفلة على نفسها
غرفتها وماتقدر تشوفني .. اعرف هدى دايم تقول انا استقبل بس ماودع اللي
احبهم ..!

في الطائرة .. نمت اغلب الوقت ماصحى الا اذا جينا ننزل من ولاية لولاية ..
وأكون زي اللي متخدره ابغى ارجع انا .. كل ماصحيت وانا بالطيارة اشوف
خالي جالس يقرأ .. سألته بمثل : كم باقي ..؟

: باقي ساعتين بس نامي اريح لك

احس فيني نوم مو طبيعي بسبب المسكن اللي آخذه ،، رجعت نمت وخالي رجع
يقرأ ..

قربنا نوصل وقمت للحمامات ونزلت عبايتي ولبست حجاب لونه بيج وأطرافه
ذهبي بنفس لون البلوزة ..

وأول مانزلنا لبست نظارتي الشمسية السوداء وصلنا الصالة الا خالي يضحك
ويسبقني وانا اطالع لوين يروح .. شفته يسلم على واحد طويل كان خالي بيني
وبينه بعدين هو لف واعطاني جنبه رجع لي خالي وقال ان هذا مهند وبنروح معاه
لشقتة .. حسيت بالدنيا تلف فيني .. ماقدر اتخيل انه يشوفني بدون غطا على
وجهي واروح معاه لشقتة لاوالله .. بعدين موقفي مو حلو انا اللي رفضته بدون
سبب مقنع الحين اروح معاه .. لا ومليون لا قتلها بنفسي

وقلت لخالي وانا احاول اوطني صوتي على قد ماقدر : تكفى خالي بنروح فندق ..
خالي طلبتك لاتخرجني ..!

مسكني خالي بمعصمي وربت على كفي بيده قال: مهند بيروح يسكن عند صاحبه
واحنا بشقتة عشان مايخرجك ..!

لويت فمي وقلت وانا مكشرة : هو قال كذا ..؟

: ايه قاله وقال انه آخذ اغراضه اللي يحتاجها كلها يعني مابنشوف وجهه بالشقة
ابدأ..!

:طيب خلاص ولو انا اشوف انا لو نروح لفندق احسن له ولنا

اخذني خالي بيدي وانا احسنني ابغى ارجع ورا ما ابغى امشي قدام .. قدام فيه مهند
ياربي استحي منه لو مانعرفه كان احسن اجل اتغطي عنه في السعودية وهنا لا ..
وقدام فيه العملية وراسي والألم يارب استر بس ..

مشيت مع خالي وانا عيوني بالأرض ركبنا السيارة وجيت ورا خالي اللي ركب
قدام .. ركب مهند وانا مالتفت له سمعته يقول كيفك ياديمة ..؟ سويت نفسي
ماسمعت وجلست اطالع برا .. بعدين قال بصوت عالي : سلامات ياديمة
ماتشوفين شر .. كان خالي ساكت مالدري هو مايبغى يخرجني او انه كان يفكر
ومشغول ولا معترض بسكوته على مهند لمن كلمني .. قلت بصوت واطي وكلام
متقطع : الله ي سلمك . طلعت صح الحمد لله بس مدري احد سمعني ولا لا ..

(♡)*.....•♪.....*..... (♡)

رحنا لشقته عشان نريح وبكرة موعدنا بمركز هيوستن للأورام ...

نزل خالي ومهند وانا متردده انزل ولا استنى لين خالي يقول انزل كنت مرة
مستحيه من مهند .. وعيوني بالأرض ولافكرت انا اشيلها من على الأرض ..
وكل شوي اعدل نظارتي على عيوني اخاف تبين عيوني ولاتستغربون سخافة
تفكيرني لمن تمنيت ان فيه نظاره تغطي الوجه كله كان البسها قدام مهند ولا يلح
مجرد لمحاه شي من وجهي ..

سمعت خالي يقول : ياالله ياديمه انزلي ولا تعبانه ..؟

نزلت ومشيت ورا خالي من دون ماارد وكأن وجهي بيطيح من الحيا .. نزل مهند
الشنط حقتنا وطلع قبلنا وانا وخالي وراه .. ياربي شو هالإحراج .. والله لو رحنا
فندق كان اخذت راحتي على الآخر وارتحت من اللي انا فيه

شفته يفتح الباب حق الشقة وانا معترضه عليه مو يقول انه مايدخل ولا راح
يجلس بشقته ليه اجل الح علينا نجي بشقته وهو داخل قبلنا ولا عذر تحجج فيه
خالي عشان ارضى اجي معاه للشقة ..

دخل الشنط ودخل خالي وانا وقفت برا الشقه ماقدر ادخل بصراحه وهو موجود ..
رجع لي خالي سحبني من يدي ... وشفيك انتي ليه ماتدخليين ...؟

: ها .. ليتنا رحنا لفندق احسن من هنا الله يسامحك ياخا ...

جانا صوت مهند اللي قطع كلامي مع خالي ..: يالله يابو بسام بيجيكم غداكم وانا
اشوفك بكرة بإذن الله

قال له خالي يتغدا معاه بس رفض ومااعطى خالي فرصه يناقشه

حمدت ربي بعد مراح مهند ..

شلت الطرحه على طول ورحت ادور على الحمام فينه لقيته وأخذت لي شور
سريع وبدلت لبست بيجامه قطنيه لونها زهري ودخل خالي بعدي وأخذ شور هو
كمان وبعد شويه دق الباب وفتح خالي لقاه من المطعم وأول ماشاف خالي سلم
عليه ورحب فيه طلع سوري يشتغل بمطعم عربي وجايب لنا منه غدا كباب وانواع
المشاوي مع سلطات انواع وأشكال .. قال ان الدكتور مهند حاسبه وسلم على
خالي ومشى .. لمن سمعت صوته حنيت لجدي .. اشتقت لها كثير .. مالدري
اشوفها ولا لا خاصة انها ماتدري عن اللي صار لي .. من فترة ماكلمتها .. آخر
مرة قلت لها اني بخير ماحبيت اقلقها علي ..! وابوي آآه يابوي اذا سأل عني
ولا دق علي وش بيقولون له .. اكثر شي قهرني اني سافرت وهو مايدري ..!
بس خالي سامي وعدني انه يقول له اني جاية ادور جامعاه كويسة عشان اقدم
على بعته .. يقول انه بيقنع ابوي ولو اني عارفة انها مراح تمشي على ابوي ..
لأنه بالعقل لو كلام خالي سامي صحيح كان اقل شي ودعته وسلمت عليه ولا
كلمته بالتلفون ..

رجعت لعالمي وحالتي وشفيت الشقه اللي عبارة عن صاله تصميمها راقى وأثاثها
بسيط وراقى لونه ابيض وخداديات اورنج .. وفيه مكتبة تلفزيون فيها ارفف
مرصوص عليها كتب اغلبها انجليزية .. والمطبخ مفتوح على الصاله .. وغرفتين
كل وحده بحمامها وحده فيها سرير ومكتب ودولاب ملابس كبير شويه والثانية
فيها سرير ودولاب صغير شكله اذا جاه احد يخليه ينام بالغرفة الثانية او ان معاه
احد ساكن بالشقه بس السرير الثاني باين انو جديد ومحد استخدمه حتى الدولاب
مرة جديد مو زي الغرفة الكبيرة واللي سريرها باين انو مستعمل بالرغم انو

نظيف ومرتب .. طبعا انا ماطلعت ولا شي من الشنطة حقتي لأن بكرة بروح
للمركز وياعالم متى اطلع هذا ان طلعت ...!حتى ملابسي رجعتها بشنطتي ..

الحمد لله لسه الألم ساكن ومراح اتألم قبل بكرة بإذن الله عشان المسكن اللي
اخذته بالمستشفى ...!

دخلت غسلت وفرشت اسناني بعد ماتغديت مع خالي ودخلت الغرفة اللي حسيتها
انها موغرفته صليت وحاولت انام .. دخل علي خالي قال بنام في الغرفة الثانية اذا
حسيتي بشي تعالي بسرعه قوللي لي مو لين يزيد الألم

قلت له حاضر وطلع

نمت حوالي اربع ساعات وقمت اشوف خالي بالغرفة الثانية دخلت بهدوء لقيته
نايم وباين انه تعبان .. تركته نايم ورحت للصالة شغلت التلفزيون قلبت في
القنوات ما عجبني شي ورحت اشوف الكتب

غازي القصيبي آخذ حيز كبير من الرفوف .. بدر شاكر السياب كتابين .. جبران
خليل جبران وغادة السمان وأحلام مستغانمي ومحمود درويش موجوده اسماءهم
بين الكتب .. اخذت كتاب لغازي اول مرة اشوفه اسمه "دنسكو" فتحت الكتاب
ابغى اقرا عن ايش يتكلم .. بس ماقرت ولا كلمه عيوني بدت تزغلل ، وراسي
بدت براكيته وإعصاراته وانفجاراته .. حطيت المخذة عليه يمكن هالمره تسوي
شي مافيه فايده وكل ماله يزيد ..! رميت الكتاب من يدي على الطاولة اللي قدامي
وقمت بروح لخالي اصحيه ..

ياربي باقي على مفعول المسكن ماخلص 24 ساعه لسه بمووت .. حرام خالي
مانام كفايته ارواح اصحيه بس غصب مافيني اتحمل .. مشيت وانا احس بيغمي
علي من قوة الألم اللي سيطر على حركتي وماعدت قادرة اتحرك ..ناديت خالي
بصوت متوجع بس مافيه رد .. وصلت غرفته وانا اصيح بصوت واطي ... لأن
حتى الصوت يألمني اكثر صحن خالي مفجوع على صوتي وبسرعه قام غسل
ولبس وقبل مانخرج شفته هو يكلم مهند وقال له تعال بسرعه ما اعرف المركز
وينه ايه ديمه تعبانه بالمره عجل الحقني وقفل ..

كنت بروح البس بس ما قدرت احسني اتهاوى على الأرض .. وصحيت وانا في
المستشفى وعندي ممرضة على طول قالت انها بتسوي لي تحليل دم

وأخذت مني دم وأخذتني بعد كذا لقسم الأشعة سووا لي اشعه مغناطيسية ..
ورجعت لغرفتي وانا منهكة .. دخل علي بعدها الدكتور اللي قعد يسألني عن الألم
وشكله .. ومن متى وكيف بداياته وكيف تطور دخل خالي علينا وفهت من كلامهم
ان العملية بعد بكرة ... طلع الدكتور وجلس خالي عندي سألته : خالي ابوي درى
عني واني سافرت ولا لا ؟

: ها ايه علمه ياسر .. فجعه الله يهديه ..

: غريبة ماكلمني ياويلي لا يكون فيه شي .

: لاتفاولين ان شاء الله مافيه غير العافية

: بدق عليه الحين ... وانا اضغط على اسم الغالي الا طلع الجهاز مغلق ..

ناظرت بخالي وانا اضغط على جوالي بيدي : خالي ابوي فيه شي ..؟

مسح خالي على راسي وقال بحنان وهدوء: لو فيه شي اكيد بيعلموني العيال بس
محد قالي شي ..بس انتي تطمني وفكري بنفسك وصحتك وادعي ربي ان الله
يعافيك

ماكان يهمني الا ابوي ابغى اسمع صوته يمكن اموت ماسمعتة او تظمنت عليه
قلت بحالة يأس : استر يارب

.....

مر علي اليوم كله وانا بين النوم والفحوصات اللي بجد طفشتني بس عشان
العافية لازم اتحمل واصبر

كان خالي يجيني يجلس شويه يتظمن ويطلع ساعتين ثلاث بعدين يرجع لي .. آخر
شي الحيت عليه يروح مو محتاجه احد خاصة ان فيه ممرضة فلسطينيه حبوبه
ومهتمه فيني بزيادة ..

جا يوم العملية وانا قلبي مو مرتاح من ابوي اللي كل مادقيت عليه اعطاني مقفل
.. سألت خالي قبل ما ادخل غرفة العمليات : الله يخليك تقول لي اذا ابويه فيه شي
ولا لا ..؟

: ديمه صدقيني مافيه الا العافية بس انتي لاتفكرين الا بنفسك .

: خالي تكفى بكلمه يمكن اموت وانا ماكلمته

: اش هالكلام كلها كم ساعه وتطلعين مافيك الا العافية وبتكلمينه وتجلسين معاه . ادعي ربك انه يقومك بالسلامه وابوك تراه حساس يقول لي سامي انه مايقدر يكلمك وانت بهالاحالة يخاف يتأثر بعيدين يأثر عليك .

سكت مجبرة لأنني اعرف خالي نقاش زي هذا معاه مايوصل لنتيجته . حاولت اصدق بس الشك مسيطر علي ان ابوي فيه شي خاصة ان عنده القلب والضغط والسكر .. وأي صدمة تأثر عليه .. : "يارب استر" .. كنت ارددها باستمرار .

دخلوني غرفة العمليات ورددت بعض الآيات اللي انا حافظتها بعد ماقرئت المعوذات وآية الكرسي وتوكلت على الله حسيت ان ابرة البنج بدت تخدرني .. وفي ثواني غبت عن الدنيا .

صحيت وانا احسني احلم تذكرت الم راسي .. امريكا .. العملية .. بس لسه مالدري ويني الأكيد اني مو بغرفة العمليات ..

فتحت عيوني اكثر بشوف انا رجعت للدنيا ولا اني في القبر ولا وين ..

لا شكلي بالمستشفى في غرفة ثانية وعندي مريان الممرضة الفلسطينية اللي اول ماشافتنني ابتسمت . حمدت ربي وشكرته اني موجودة .. طلعت الممرضة ورجعت لي بسرعة ومعها واحد عرفت انه دكتور من الباطو بس مو الدكتور ويليام المسؤول عن حالتي واللي سوا لي العملية .. الحمد لله على السلامة . قالها . وانا انصدمت ... يوه يتكلم عربي ...؟! اوف استوعبت منهو لأنني عرفت صوته .. "م ه ن د" قلتها بنفسي وغمضت بقوة .. بعيدين قلت: الله يسلمك ... بصوت احسه يطلع مع راسي مو من فمي من الوجع

: تحسين بألم .. وهو يطالع بالأوراق اللي بيده

: هزيت راسي بيايه وانا اطالع تحت

: كيف الألم زي الأول ولا يختلف

: لا .. اخف .. بس .. لسه فيه ألم

: الحين تاخذين مسكن ويروح

سكت وانا مغمضة حقنت الممرضة المسكن في وريدي ونمت بعدها بخمس دقائق وهو جالس يكتب عندي ..

مر علي اسبوع وكل ماحسيت بألم آخذ مسكنات .. نسيت او تناسيت وجعي وعمليتي واحس بهموم الدنيا على راسي لأنني مو مطمئن على ابوي .. خالي يتهرب مني واذا شافني ابكي عشان يعلمني قال مايقدر يكلمك وانت تعبانة وسامي خايف يصير له شي اذا سمعك تعبانة واحنا نقوله ان مافيك شي بس مانعينا من الكلام في التلفون ..

ماصدقت خالي لين كلمتني خالتي فادية وقالت لي نفس كلام خالي حتى مو مزودة ولا منقصة أي كلمه .. وسألت خالي سامي وقال لي نفس الكلام وزود عليه اعدار كثيرة ..

باقي لي اسبوع ثاني وارجع للسعودية بس المشكلة اني بجلس في بيت مهند .. طلعت من المستشفى ورجعت مع خالي لشقة مهند ... احسني لسه ضعيفة مااقدر امشي ، خالي صار مايطلع من الشقة الا دقائق ويرجع ومهند كل شوي يجي ويجلسون بالصالة وانا بغرفتي مااطلع ..لقيت الغرفة مو زي ماتركتها يعني فيها اشياء ماكانت فيها .. طاولة قريبة من السرير عليها كتب لغازي القصيبي .. الجنية ، رجل جاء وذهب ، العصفورية ، شقة الحرية ، والعودة سائحا الى كاليفورنيا .. ودنسكو اللي تركته من يدي قبل ادخل المستشفى .. وديوان شعر اسمه مائة ورقة ورد لغازي القصيبي جابه خالي لي عشان يسليني اذا كان مع مهند ورقة ورد وثاني اسمه الخليج يتحدث شعراً ونثراً ولقيت كمان بالغرفة استريو وسيديهات اكثرها لفيروز ومحمد عبده وفيه لرابح صقر وخالد عبدالرحمن ونوال والرويشد والجسمي وفيه لمطربين غربيين عرفت ان خالي يعرف ذوقي بالكتب والأغاني وأكد هو اللي اختار لي هالكتب وجابها عندي .. تمنيت لو هدى معاي ولا خالتي فادية عشان خالي ياخذ راحته ويروح يتمشى مع مهند حرام احسني حابسته معاي ..

جلست يومين وخالي ومهند يجلسون لين الساعة 11 بعدين مهند يروح وخالي يدخل غرفته اللي هي غرفة مهند وينام ..

اما انا كنت انام على الساعة 12 او 1 بعد ماقرأ قرآن وقرأ في ديوان مائة ورقة ورد لأن الباقية قد قريتها كلها ماعدا دنسكو اللي يذكرني بالمستشفى والألم فما

حببت ارجع اقراه .. وكنت اصحى الصباح اسمع فيروز وماسمعت غيرها بشقة
مهند لأن اذا حضرت فيروز بطل كل فنانين الدنيا .. قاعدة عندي ومقتنعه فيها
وماراح غيرها...!

دخل علي خالي الساعه 9 وجاب لي فطور وجلسنا مع بعض نسولف الين دق
الباب وراح خالي يفتح بعدين رجع لي بعد عشر دقائق يمك
كنت احس خالي بيقول لي كلام بس حسيته متردد قلت له بسرعه : فيه شي
ياخالي ..؟

: امممم ترى مهند عازمنا على الغدا بمناسبة نجاح عمليتك

: شو ..؟

: والله انا قلت له مايجوز ومايصير وادري ان ديمه بترفض هذا اذا مازعلت مني
... بس هو اصر علي وألح وقال لي انك كنتي بين يدينه سبع ساعات ومافيها شي
لوجلستي معنا

: معقوله انت اللي تقول كذا ياخالي ..؟

: ديمه انا مااقول تعالى سولفي معاه ولا اضحكي الرجال عزمنا قال ان الغدا لديمه
بمناسبة نجاح عمليتها لأنه ضيفني وانتي بالمستشفى

: مستحيل ياخالي والله يخليك بنروح نجلس بفندق خلاص زودناها ..

: اذا انتي رافضة بكيفك بس ترا مافيه شي انتي متحجة ومتسترة ولا عدنان
زوج خالتك سمر ويوسف زوج صديقتك تقابلينهم في سوريا عادي ومهند لا ..!

: اولاً عدنان زوج خالتي يعني من العايلة .. ثانياً ماقد اكلت مع عدنان بسفرة
وحده .. ثالثاً يوسف قابله مرة وحده وهو اللي ناداني عشان ريناد معاه وهي
اللي قالت له .. وسلمت عليهم وجلست معاهم اقل من خمس دقائق مع خالتي
سمر .. كملت ودموعي تنزل .. رابعاً هالمهند مستحيل اشوفه بعد كلامه هذا
وماعادني قاعده بشقته ابداً ..

: طيب طيب هدي اعصابك .. وعلى كيفك بس كرهتية ليه ترى الرجال خيره علينا
ووقفته معنا بتظل دين في رقبتى لاتقولين هالحكي الفاضي عنه المفروض
تكونين مدينه له بحياتك ..

طلع خالي من عندي واعصابي متوترة .. مالدري ليه ..؟ يمكن لأن مهند وقف
معانا ولاكأني رفضته بدون سبب مقتع .. ومالي وجه منه .. !

صدقوني مافيه سبب ثاني بس مالبغي اخرج نفسي معاه بعدين خالي ادري انه
يسوي كذا ييبغاني لمهند بس لاا مستحيل مهند يخطبني مرة ثانية ومستحيل اوافق
عليه بعد مارفضته بيقول بترد لي الجميل وانا مالبغي ابني مستقبلي على عرفان
وجميل وأصادر قناعاتي بشخص اللي متقدم لي ..!

سمعت جوال خالي يرن .. وكان صوته واضح لمن تكلم .. سامي خير وش فيه
..... اش قاعد تقول انت ..؟ لاحول ولاقوة الا بالله طيب طيب
..... لا لا بجي بأقرب فرصة ان شاء الله ماعليك انت بكره بخلي
الدكتور يشوفها ونجي على طول الله يرحمه ويجعل مثواه الجنة
..كأن خالي تكلم بصوت هادي او قال شي بعد ماقل بس ماسمعت ..

انا سمعت مكالمة خالي ونبرة صوته فيها حزن بس على مين ياربي ..؟ ياويلي
لايكون من خوالي ولا ابوي ولا احد يقرب لنا ..؟

حسبت خالي لوحده بالشقة ماكان على بالي انه مهند هنا بس سمعته يقول : عظم
الله اجرک واحسن الله عزاک

: جزاك الله خير .. قصر صوتك لاتسمعنا ديمه .

كأن صوته خفت شوي وبعد شوي سمعت باب الحمام قفل وانا صرت ارتعش
اصلاً سيرة الموت خلقة ترهقني فما بالكم اذا احد يقرب لنا .. ومن هذا اللي
بيرجع خالي عشانه والمفروض اليوم الثلاثاء وموعدي يوم الجمعة وبيقدمه خالي
لبكرة الأربعاء... غريبة ..! ومن اللي ماييبغاني اعرف انه مات ..

تذكرت ابوي ..ياويلي

قمت وانا امشي بشويش متوقعة أي صدمة تقابلني وكأني مجهزة نفسي عشانه
شفت مهند جالس على الكنبه معطيني ظهره ومنزل راسه بين يدينه ويشد شعره
كأنه بيطلع من راسه شي وحسيت انه متوتر يعني هذي مصيبه ياويلي

جيت من وراه وماهمني أي شي بالدنيا الا اهلي وأبوي .. ابوي اللي من زمان
احس ان فيه شي وهم كلهم يطمنونني

قلت وانا ارتجف : مين اللي مات

فز مهند من مكانه وطالع فيني وانا عيوني كلها دموع وما بغى ابكي : ها ..؟ محد
مات وناظر ناحية الحمام كأنه يبغى خالي يجي ينقذه من الموقف

قلت بصوت مخنوق ودموعي كل مرة تزيد : قول الله يخليك هو ابوي ..؟ اصلاً
كنت حاسة ان فيه شي ..

: لا مو ابوك هذا واحد من اصحاب خالك .. اعتقد ماتعرفينه .. سكت وهو يناظر
بكل مكان في وجهي بالحمام في الأرض فعلاً مرتبك بعدين كمل : روعي ارتاحي
ابوك واهلك مافيهم الا العافية

تركته ورحت عند خالي وهو بالحمام سمعت مهند يقول : تعالي بيحي الحين

مارديت عليه ودقيت على خالي وناديته بصوت مخنوق : خالي ابوي صح ..؟

مارد علي خالي .. وحسيت انه يبكي ولا هرب من مهند ولا ايش

جا مهند وأخذني بيدي .. ماكنت احس بشي في الدنيا : ديمة موزين عليك الزعل
تعالي بتخرين كل اللي سويناه انتي تتوهمين صدقيني ابوك مافيه الا الخير اذا
تبيني اكلمه الحين دقيت عليه ..

: لا جهازه مقفل ..

كنت اقله وانا احس بخوف عمري ماحسيته .. اذا ابوي راح من يبقالي .. اذا
ابوي راح كيف اعيش لام ولا اب ولا جدتي عايشه ..! ياربي انا ولا ابوي .

نزلت دموعي وانا متجمده ومحد راضي يقول لي شي يقنع .. سمعت الحمام انفتح
وخرج خالي عيونه كانت زي الدم اخذني وحط راسي على صدره قال ليه الدلع
الحين يموت ابوسعيد جارنا تبكين ، تموت مزنة جدة لمى تبكين ، حتى رايد
صديقي يموت تجلسين تبكين عليه ..

ناظرت فيه وانا ما بين فرح وزعل .. رايد صاحب خالي اقرب الناس له .. بس اهم
شي ابوي مايموت .. صحيح صرت انانية بس ابوي الا ابوي .. اصير انانية
وحسودة وجشعه وكل الصفات السيئة تجي فيني اهم شي ربي يخلي لي الحنون
الطيب القلب الكبير .. قلت وانا اناظر بعيون خالي : اذا مو ابوي ماراح ابكي .

مادري ليه حسيتني ديمه هذيك الصغيرة اللي عمرها ست سنين واذا تبغى شي
تلح عليه وتترجا خالها عشان يجيبه الحين اترجاه يقول ان اللي مات مو ابوي .

مسح على راسي قال انا بروح احجز على رحلة بكرة او بعد بكرة بالكثير لازم
اروح تعرفين عزا رايد عاد .. وانتي خلي تلفونك عندك اذا بغيتي شي اتصلي .

مهند اللي ماكنت ادري هو موجود ولا لا طلع صوته من المطبخ شكله شافنا
وراح للمطبخ مستحي يجلس معنا .. قال لخالي : انت ارتاح بروح انا احجز
واجيب التذاكر لاتشيل هم .

: لا لا بطلع .. رفع يده بكاس المويه اللي فيها وأشر على خالي قال : خلني اروح
معاك .

حسيت ان خالي يبغى يطلع من الجو هذا .. انا اسبب الحزن مريضة وخايفه على
ابوي وابكي وماراح اخفف عن خالي قلت بصوت مخنوق : خالي اخرج انت انا
مافيني شي احسني احسن .

كل شوي خالي يتصل علي واطمنه بالرغم اني كنت ابكي فيني خوف وابوي
مااتصل ولا فتح جهازه ..

على الساعة تسعه دخل خالي وهمه احسه قد الجبل معقوله رايد لهاالدرجة غالي
عليه .. اتذكر خالي حزن على جدتي كثير بالرغم انه متعلق فيها اكثر من اخوانه
كلهم الا ان حزنه هالمره اقوى .. ماكلمته لأنه مايقدر يتكلم ولا له نفس كنت ابكي
على صاحب خالي وعلى حالة خالي .. وكنت خايفة على ابوي كشيير ...

ومقهورة من مرضي يمكن حالتي النفسية لها دور في حزني ودموعي ..!

اليوم الثاني رحنا للمركز وكشف علي الدكتور وسووا لي كل الفحوصات والحمد
لله طمنونا وقال لنا الدكتور تقدرن تسافرون بس تراجعون مستشفى عندكم
وطبيب متخصص عشان تتطمنون اكثر ولا ارجعوا لي بعد شهر عند أي ملاحظة
او اذا طرأ أي عرض عليها ..

سافرنا بالليل كنت لابسه بنطلون اسود واسع شوية وتي شيرت اسود فيها رسوم
باللون الفضي والأبيض لبست حجاب اسود حرير مكمش ولبست نظارتي الطبيه

واحنا خارجين ركبنا مع مهند اللي ماتكلم من يوم ركبنا الا لمن قال بتوصلون
هناك يكون الصباح في جده .. رد خالي : احسن يمديني اروح للطايف ونريح
هناك

لمن قال الطايف شهقت ياربي رجع لي الشك ان ابوي فيه شي .. طالعت بخالي
اللي حس فيني وسمع شهقتي بس مابين لي .. ومهند التفت علي وطالعني بنظرة
ماقدرت افسرها .. كنت اتوسلها تبين لي شو فيه بالضبط .. ابوي ولا لا .. احد
من اخوالي ..؟ خالتي ساميه .. عمتي ولا احد من اخواني ..؟ أي شيء تفسره لي
نظرتة بس المهم تظمني ..

مرت علي ساعات كأنها دهر بالطيارة .. صحيح مر علي عميلتي ثلاث اسابيع
واني الحمد لله احس اني بخير بس ابوي ابغى اشوفه عشان افرح صدق ..

وانا مغمضة عيوني رحت افكر : ياربي بشوف ابوي اذا شفته بسوي نفسي
زعلانه لأنه ماكلمني بس بحضنه بطيح في حضنه زي كل مرة .. بحط راسي على
صدره وهو يمسخ عليه ويشمه بعرق زي كل مرة لمن يقول هذي عافيتي ..

بسلم على يده ورأسه وخدوده .. ياربي متى اوصل مشتاقه كثير لابوي .. اول
مرة اطول عنه

لمن اروح عند جدتي بسوريا كان يكلمني كل يومين بس الحين احسني من زمان
عنه آخر مرة شفته وكلمته ليلة يتعشى عند خالي ..

في الطيارة كانت الأفكار تتضارب في راسي .. حزن خالي على صاحبه بهذا
الشكل .. دموعه اللي تنزل من عيونه وهو يحاول يداريها عشان مااشوفها

ياناس بحياتي ماشفت خالي يبكي ..الا من يوم توفى رايد ..

صمته ولا نظراته فيني احياناً احسها تكسرنني من داخل .. خالي فيه شي اكبر من
وفاة رايد .. لا يكون هو السبب بموت رايد .. لاااااا اش هالأفكار الغبية

بس الأفكار اللي مو غبية ان خالي فيه شي اكبر من مصيبة موت رايد ..

وصلنا بعد جهد وارهاق نفسي وجسدي .. وماتصدقون لو اقولكم انها اطول رحلة
بحياتي وكأنها شهر ..

بالمطار تفاجأت لمن شفت خالي ماجد هو اللي جا يستقبلنا .. اجل وين خالي
سامي اللي هذا شغله اصلاً .. ياويلي لا يكون خالي سامي هو اللي مات

والله صارت افكاري تجيبني وتوديني .. بس خالي سامي كلمني بعد مكالمه خالي
اللي قلبت كيانه .. اجل مو هو بس اش فيه لايكون صاير عليه شي

سألت خالي ماجد بلهفة : فين خالي سامي لايكون فيه شي ..؟

: الله اكبر ياديمه كل هذا ماتبيني استقبلكم هذا وانا اللي فرحان فيك ومشتاق لك
بس اخ لو دريت خلّيت سامي يجي وانا ريحت عمري ..

: لاوالله خالي مااقصد حتى انا مشتاقه لك بس مو من عوايد خالي سامي يترك
مثل هالمناسبة

سكت خالي ماجد لمن التفت لخالي ناصر اللي مسح وجهه بمنديل وحسبته يبكي
انخرست انا ومتى اوصل للبيت اشوف هدى هي اللي بتقول لي خالي اش فيه .
وصلنا البيت بس اخذني خالي ماجد للمجلس خلاص عرفت لمن خلاني اجلس
على الكنب وطالع بالأرض

قلت له وانا احسني اختنق وماقدر اتنفس

: ابوي صح

: الله يرحمه تعب وجلس اسبوعين في العناية و صرت احس صوته
يضيع واسمع صراخ واصوات في راسي واذاني كأن عليها جبل وتهاويت على
الأرض

(♥)*.....*..... (♥)

ديمه حبيبة خالها اصحي عشان خالك .. عشان بسام وأسامه اللي يسألوني عنك
كل ماشافوني .. اصحي عشان ياسمين يصير لها اخت كبيرة .. وعشان ديمة
الصغيرة ماتكبر ماعندها اخت .. حتى هدى تبيك ..

ديمه اصحي عشان فادية وسامي وماجد كلهم ميتين من الحزن عشانك

كنت اسمع الصوت من بعيد احاول استوعب اللي انا فيه ولا انا ويني .. حية ولا
ميته ..؟

فتحت عيوني كانت الدنيا زي الضباب قدامي .. ماقدر ادقق بشي ..؟

"ديمة .. اللهم لك الحمد . اللهم لك الحمد" .. سمعت هالجملة وانا مو مركزة زين كنت اعرف الصوت زين بس ماقدر ادقق من صاحبه .. كل هذا بأقل من دقيقة وانا كل شوي الدنيا توضح قدامي .. غرفة بيضاء وأجهزة .. فيه اكسجين على خشمي وفي .. وفيه انبوب مغذي مشبوك بكفي وجهاز لتخطيط القلب بجنبني .. طالعت خالي اللي دخل علي بسرعه بعد ماطلع لثواني ورجع : ديوم الحمد لله على السلامة .. ليه تسوين فينا وبنفسك كذا .. اسبوعين ياديمه في غيبوبه حرام عليك قد ينسنا من رجعتك لنا ؟

تذكرت انا وش سويت وليه وضعي كذا وخالي يتكلم عن ايش آآآآآآآآ ليتني ماتذكرت .. اجل مر علي اسبوعين وانا .. ياربي كأن اللي يصير لي قصة فلم سينمائي . وانا من ضمن ابطاله ...!

دمعت عيوني وغمضت بقووووة وبصدري زي النار .. ليت كل اللي تذكرته حلم ولا كابوس وراح اصحى الحين منه .. بس للأسف انه واقع .. قلت بتأكد ان موت ابوي حقيقي بصوت يادوب اسمعه: ابوي خلااص راح وتركني .

: استهدي بالله يابنت الحلال واذكري ربك . خلي ايمانك بالله قوي .

دخل علي الدكتور وقال الحمد لله على السلامة وطلب من الممرضة تقيس لي الحرارة والضغط .. وسألني اذا انا اتذكر شي وأعرف ويني ..قلت له : ايوه اتذكر و انا بقلبي كنت اقول ليتني فقدت ذاكرتي ..ليتني ماصحيت .. ليتني انا اللي رحت بدال ابوي .. آآآآآآآآ ياربي ارحمني ابوي راح وخلاني وشلون بعيش بدون صوته وبدون كلامه لي ديمة ابوها .. عيون ابوها .. قلب ابوها .. من بيدللني زي ابوي .. صحيح خالي بمكان ابوي وامي بعد وعوضني ربي بوجوده وحنانه واهتمامه وحبه لي .. بس ابوي مافيه زي حنانه .. ابوي كان يجيني وانا بمووت على امي واذا قابلت ابوي وكلمته احسني اكثفي بحنانه وكلامه وأبوته ياناس محد بيعوضني اياها .. ياربي لطفك ورحمتك ..

كانت دموعي تعبر عني وهمي ماخلاني ارد على اغلب كلام خالي .. صدمتي بوفاة ابوي كانت اكبر من أي تعابير ،، من أي حزن ووجع ومرارة وهم .. سمعت خالي يكلم خالتي فادية وهو يضحك ومبسوط .. بعدها خالي سامي ثم خالي ماجد .. آخر شي كلم هدى وقالها وهو يضحك : رتبوا غرفة ديمة ونظفوها لأنها بتجي .. وسمعتة يحلف لها وهو يضحك .. بعدها قفل ورجع لي .

قال وهو يحط يده على راسي

: ديوم انتي من حقك تحزنين على ابوك وكلنا مقدرين هالشي .. بس لازم تكونين ديمة القوية اللي صبرت على فراق امها وجدتها ومرضها وهذي محنه وابتلاء من الله لازم تتجاوزينه والأيام قدامك ان شاء الله هذا آخر الأحزان . سكت شوي بعدين كمل .. انتي ماتدرين ابوك وش يعني لي ... ابوك ياديمه هو اخوي اللي امي ماجابته ,, وأقسم بالله ياديمة ان حبي لعبدالله ومعزتي له اكثر من حبي لمحمد وماجد وسامي .. يشهد الله ان فراقه كان اقوى من فراق امي . وسكت وحسيت ان صوته تغير .. بعدين كمل .. احنا ياديمه لازم نكون مؤمنين ولازم نكون اقوى من كذا ربي ريحه من امراضه اللي عنده رجال مايتحمل التعب ولا الصدمات .. تدرين ان سامي يقول الدكتور آخر مرة قال له قلبك تعبان ولازم عملية بس هو رافض يقول اعرف اني لوسويتها ماقت منها .. يعني حاس انه مو مطول .. حزنا ياديمه مو مرجعه ولا مسوي له شي وانتي تدرين ان ابوك مايكدر عليه الا دمعتك وحزنك .. المفروض بدل مانبكيه ندعي له ونتصدق عنه ونكمل حياتنا لأن هذا هو اللي يبغيه .. الدنيا مانتتهت ياديمه وانتي بنتي وانا ابوك وامك واهلك وماراح تحسين باليتم ولا بموت ابوك طالما اني عايش وراسي يشم الهوى ..

بكيت من قلب على كلام خالي اللي جلس يهديني وهو يقول لاتنفعلين مو زين
عشانك خلاص اسكتي ،

تكلمت بكل وتعب : الله يخليك لي ياخالي انت اهلي من صغري بس ابوي
آآآآآآآآ

: ديمه ابوك ندري بغلاه بس هدي نفسك وقومي صلي اذا تقدرين وادعي له ..
تدخلت الممرضة يوم شافتني بقوم قالت استني لاتتحركين عشان فيه ابرة وأدوية
راح تاخذينها ...

بعد المغرب كنت في بيتنا الكبير وتحت بالصالة سلمت على هدى اللي حضنتني
لدرجة انها تعبتني بس تحملت لأنها انسانه صادقه وتحبني من قلب .. سلمت على
عيال خالي كنت حزينه بشكل ما اقدر اوصفه لكم احس الدنيا وقفت هنا .. خلاص
وش باقي حلو بعد اليوم وابوي مو بالدنيا ..

جابت لي هدى قهوة وشاهي وأكل بس ما اكلت ولا اقدر ادخل شي بفمي قلت بطلع
لغرفتي .. وانا احسني تعبانه ميتة تعب جسمي ضعيف ووزني نزل لين و

صل 46 بعد ماكان 57 كيلو .. قمت ابغى اطلع بعدين جا خالي ساندني لين وصلت
غرفتي وطلع وأرسل لي هدى تجي عندي لأنه بصراحه يخاف علي من قوة
الضعف اللي فيني .. جات هدى عندي وبعد شوي الا دخلت علي حرمه بعبايتها
ومتغطيه لأن خالي بالببيت وأول ماشافتني رمت الغطا وهي تحضني كانت لمى
وهي تبكي بصوت عالي : الحمد على السلامة انا ماقدر اعيش بدونك .. ليه
تسوين فينا كذا .. توني دريت انك صحيتي وجيت على طول مع فهد اخوي .. ليه
ياديمه تضعفين .. ليه تقهريني وتخليني طول هالفتره لوحدي جلست لمى
تبكي منهاره وانا بكيت معاها بس ماتكلمت ..

مارضت لمى تروح مع اخوها واستاذنت زوجها انها تنام عندي وزين انها جلست
عندي لأنني ماقدر اجلس لوحدي كانت لمى جالسة بجنبي وهي تمسح على راسي
وأحيانا تجيب المصحف تقرا عندي عشان ارتاح واقتنع ان ابوي خلاص مات الله
يرحمه ...

كانت الساعه 10 بنفس الليلة ماقد نمنا بالرغم اني كنت تعبانه وكنت خلاص بنام
ولمى عندي سمعنا اصوات برا دخلت لمى الحمام على تحسبه خالي ناصر
بيشوفني .. بس اللي دخل كان اخوالي محمد وسامي وماجد .. وخالتي فادية اللي
سلمت علي بصياح ودموع واخوالي كلهم جايين من الطايف عشانني .. يالله كل
هذا فرحانين .. سلموا علي وتحمدوا لي بالسلامه وجلسوا عندي على السرير
وكل واحد منهم عزاني وعاتبني بطريقته .. وكلهم حاولوا يخرجوني من الحزن
بسوالفهم معاي وانا احسنني بديت اطلع من جو الحزن اللي كنت فيه لي كم ساعه .

يووو نسييت لمى بالحمام .. لها اكثر من ساعه يالله .. قربت من خالتي قلت لها
ان لمى في الحمام ياليت تشوفها لايكون صار لها شي .. فزت خالتي قالت
لاخوالي : اطلعوا صاحبة ديمه لها ساعه بالحمام حرام عليكم .. وبكرة ان شاء
الله تشوفون ديمه احسن واكثر .

قاموا اكثر وهم يلوموني ليه ماقلت لهم تفشلوا في البنت .

طلعت لمى وهي مسوية زعلانه .. واعتذرت خالتي منها بعد ماسلمت عليها
التفتت علي لمى قالت : يابختك ياديمه كل هالغلا حولك بجد انتي وحده محظوظه ..

تبسمت لها قلت احمد ربك على النعمة بس .. والله لا يحرمني اخوالي ولا ودهم ..

دق تلفوني اللي توني فتحته كان رقم غريب مارديت بس دق مرة ثانيه واعطيته خالتي لمن ردت كان رامي ولد خالي محمد اللي اكبر مني بحوالي ثلاث سنوات واعطتني خالتي التلفون قالت رامي بيكلمك .. انا رفضت بصراحه لأنني اول مرة اكلمه .. بس خالتي اشرت لي انه مصر يكلمني .. اخذت التلفون حطيته عند اذني وسمعته : هلا ديمه .. الحمد لله على سلامتك

:

: عظم الله اجرک واحسن الله عزاک

قلت بصوت واطي : "جزاك الله خير والله يسلمك "

اضطر رامي انه ينهي المكالمه لأنني محرجه وماقدر اصلا اتكلم

رامي دايم يحسني باهتمامه اذا جا عندنا او تجمعنا في بيت جدتي .. دايم طالباتي مجابة واي شي تحبه ديمه لازم يلبيه لها حتى لو ماطلبت منه شي .. دايم اعتبره اخوي .. واذا شفت اخته منار اللي تقريبا في سني وهي تكلمني عنه وعن حركاته احسني احبه بجد بس زي ماتحبه منار وزى ماتحبه اماني اختها بنات خالي محمد ..

جلسوا اخوالي عندنا وخالي سامي وخالي ماجد جابوا اهلهم في بيت خالي ناصر وماكنت اجلس لوحدي ابدأ ..

جلست حوالي اسبوع واخوالي عندي يحاولون يطلعوني من جو الحزن وينسوني همي بس كانت الاتصالات اللي تجيني ترجعني للواقع اللي انا فيه

عزوني صاحباتي .. وريم وامها ام مهند اللي بكت لمن كلمتها .. وحاولت تخفف عني بكم كلمة .. وسميرة اخت مهند كلمتني بهدوء وعزتني

وكلموني استاذاتي بالجامعه .. وفيه ناس اول مرة يكلموني دقوا علي وعزوني وبعضهم كانت واصلتهم اشاعة وفاتي ولمن دروا ان ديمه ماماتت حبوا يتأكدون مثل مرام وفاتن من الجامعه !..

قاعده ابي اكلم اخواني وكان خالي ناصر جالس معاي بس سمعت كم كلمة وسيل من الالهات من امهم اللي دعت علي وقالت اني سبب وفاة ابوهم واني يتمت

عيالها ورملتها وتحسبت الله علي ودعت ,, اضطريت اقفل بعدين اتصل خالي
وردت وبسب وشتم وقال خالي بلهجة حادة : عطيني عناد يام عناد وبسرعه
لوسمحتي ويشد على اسنانه ... احس خالي حاقدا عليها بس مايبغي يتكلم عليها
احتراماً لابوي الله يرحمه ..!

جاني صوت عناد آه ياقلبي ذكرت ابوي .. عناد كان ابوي مصغر حركاته كلامه
وهو يقلد ابوي .. قال : ديمه الحمد لله انك مامتي ولحقني ابوي انتي وابوي اكثر
شي احبهم في حياتي ..

: عناد حبيبي كيفك انت مرتاح ؟..

: لا ديمه تجين تعيشين عندنا اخواني يحبونك ومحتاجينك وووو سكت بعدين كمل
.. انا محتاج لك .. امي وسكت

: حبيبي انا عارفه كل شي بس لاتشيل هم ... بجيك بعد كم يوم

: لالاتجين امي بتذبحك .. تراها تهدد وتقول انك انتي اللي موتي ابوي

: عناد عمري لاتصدق الكلام هذا .. هي بس عشان زعلانه عليه وو

قاطعني : لاوالله مابكت عليه ولا همها .. كل شوي تقول فكة منه

: طيب اش رايك تجي عند عمتي صالحة وانا اقابلك هناك

: لا امي محرمه علي اني اروح لعمتي ..

: ماعليك بكرة العصر بجي عند بيتكم خلك بس عند التفلون وانا ادق عليك آخذك
لبيت عمتي ونجلس مع بعض بعدين ارجعك

: طيب لاتتأخرين ولاتنسين .. واذا منتي جايه ردي لي خبر

: يا عمر ديمه ابشر وولايهمك ماراح اتأخر ولا راح انسى

رحت مع خالي للطايف وأنا كل مكان امر فيه احس بعذاب وحزن .. كل شي
بالطايف يذكرني بابوي .. وقفنا عند بيت ابوي ودقيت على عناد وبسرعه رد علي
قلت له اطلع انا استناك .. نزلت لمن شفته ونزل خالي اللي سلم عليه قبلي بعدين
سلمت عليه بغناق طويل ابوي عناد .. ريحة ابوي والولد اللي ابوي باني عليه
آماله .. خليته يركب قدام وانا ركبت ورا وشفته متأثر من طريقة سلامي عليه

بس مابكا .. عناد عمره 15 سنه بس من تصرفاته كأن عمره 20 او 25 .. حبيب
اخته رجال وتصرفاته رجولية بس خايفه ان امه تدمره ..

رحنا لبيت عمتي اللي استقبلتنا بالدموع وجلست عندنا وعناد معاي ترك الرجال
بعد ماسلم على زوج عمتي صالحه .. سولفت معاها شوي وقلت لها عن رغبة
ابوي اللي قال لي عليها وانه خايف على عناد من امه .. وحسيت عمتي تأثرت
عشان عناد وبنفس الوقت انقهرت من ابوي ليه يستحي من زوجها اللي يعتبره
اخوه وليه ماقال لهم وهم يدورون العيال لهم سنين ..

التفت انا بدوري لعناد وقلت له : عناد انا ادري انك تعاني عند امك وانها تتكلم
عليك واحياناً تضربك .. ومنت مرتاح عندها بالبيت .. بس امك واخوانك محتاجين
لك .. انت الحين رجال البيت اذا بتجلس عند عمتي وتمر عليهم باستمرار عشان
هنا مصلحتك .. وهنا بترتاح .. هذا شي راح يسعدنا ويطمنا .. اما اذا بتقطعهم
وتنساهم فأنت بتخيب ظن ابوي الله يرحمه فيك .. وانت شوف اذا تقدر تصبر
على امك وتتحملها عادي ارجع واجلس عندها محد بيجبرك

فز عناد بسرعه قال : ياديمه انتي ماتدريين امي وش تسوي .. يوم ابوي الله
يرحمه موجود كان هو اللي يمنعها لاتضربنا والحين تضربني بس انا كبير اقدر
اهرب منها بس روعي شوفي جسم عادل .. وروحي شوفي سديم الصغيرة ..
ياديمه امي مريضة لازم تتعالج ..

لمن سمعته يقول كذا حسيتني بنهبل ..بتجنن على اخواني ياويلي هذولا من
بينقذهم .. انا مجربة ضربها وقسوتها ورميها لي مع الدرج .. طالعت في عمتي
وانا مفجوعة ..

عمتي معروف عنها انها حرمة حكيمة هي اصغر من ابوي على طول يعني
عمرها في الاربعين .. قالت بعد صمت دقيقه يمكن : خلك هنا ياعناد وانا بروح
اليوم لجدك واتفاهم معاه عشان محد يلومنا اذا اخذت اخوانك .

: "تدريين ان امي تقول بتزوج" .قالها عناد وراسه بالأرض وأحسه مهموم
ومتفشل من امه

مارديننا ولا علقنا .. يعني ابوي توه كمل شهر بموته وهي تفكر بالزواج ...
لاوتقوله لعيالها الله يهديها

قام عناد بعد ماقال : عمة اش رايك اجيب اغراضي كلها عندك انا احيانا افكر
اهرب من البيت بس مالدري فين اروح

: الايمه هات اغراضك وانت واخوانك عيالي وحبى لكم من حب ابوكم الله يجعل
مثواه الجنه . اليوم جيب اغراضك انت ومن بكره اتفاهم مع جدك واجيب اخوانك
عندي

: عمة ترى سديم صغيرة وماتتحمل ضرب امي

انقهرت على حظ ابوي وحظ اخواني اثريني بنعمه .. الحمد لله على كل حال .
حتى سدومه الصغيرة تعذبها ..

لو عمتي مو محتاجه ان يكون عندها عيال وشفقتها فرحت فيهم والله لاأخذ
لاخواني بيت واعيش انا وياهم واسوي فيهم زي ماسوى خالي ناصر فيني و
اكثر.. بس عمتي موجوده الله يعطيها العافيه وبتحطهم في عيونها وبتربيههم
احسن تربيه وربى ماحرمها من العيال الا من حظ اخواني بالرغم اني واثقة من
عمتي حتى لو عندها عيال كان اغلت عيال ابوي وحطتهم بعيونها لأنه اكريمه
وحنونه وطيبه ...

رجعت لجده بعد ماتأكدت ان عناد اخذ اغراضه لبيت عمتي طبعاً وامه ماتدري
..تذكرت امه .صدق مافيه ام تسوي بعيالها كذا الا وهي مريضة الله يهديها
ويشفيها .. !

مرت الأيام وانا بديت اطلع من الحزن ورحت كذا مرة كشفت وسويت فحوصات
كاملة عشان راسي والحمد لله كل شي تمام .. بس فيه شي لاحظته بعد فترة
وماقلت لاحد عليه لأنني اشوفه عادي ومو مستاهل اقول لاحد عليه بعدين مابغى
اقلق خالي علي اكثر يكفي اللي يسويه عشانى .. كنت اذا صحيت من النوم مااقدر
افتح عيوني بسرعه لازم اغمضها حوالي دقيقتين وأفتحها شوي شوي لين تفتح
لأنني ماشوف شي .. وأحس بألم فيها بس دقيقتين وتصير عادي مافيه شي ..
يمكن عشان الغيوبه اللي كنت فيها ,,

بعدها رحت لجدي اميرة بسوريا اللي كانت تعبانه بعد وفاة ابوي .. اول ماشافتني
انا وخالي ناصر قعدت تبكي قال : مات ابني ياناصر ..

فعلاً ابوي سيرته عطره عساها تشفع له عند ربي .. جلست عندها انا وخالي
اسبوعين وتمنيت ان هدى جات بس بسام عنده مدرسه وماتقدر تخليه .. اما
خالي كان ماخذ اجازة والمدير صاحبه وميسر له اجازاته حتى علاقته بزملاءه
اللي يعرفون ظروفه ممتازة .. وخالي يجيب تقارير واعذار عن غيابه كل ماطلب
منه المدير

عدت الأيام وانا علاقتي بالدكتورة نجوى ممتازة دايمًا تكلمني وتضمن علي ولمن
جا موعد التقديم على الماستر قالت لاتشيلين هم اذا بدا الترم داومي خلي كل شي
علي .. شكرتها من كل قلبي ..

بدا الترم الثاني وبدت دراسته ومذاكرة واجتهاد كالعادة وطبعا الماجستير تبي لها
جهد اكثر ..

ولا وحده من صاحباتي معاي اول اسبوع مر علي كأني غريب بالجامعه .. امشي
لوحدي وأفطر لوحدي لحد ماتعرفت على صاحبات جدد كانت زينه ودانه وعفاف
كلهن متزوجات وعندهن عيال .. انا الوحيد اللي لسه ماتزوجت وأصغرن ..
طبعا فرق كبير بينهن وبين صاحباتي بمرحلة البكالوريوس .. صحيح طيوبات
واخلاقهن كويسه س مشاكلهن مع ازواجهن وعيالهن ياللاكثرها .. احسني وانا
معاهن كبرت عشر سنين

عدا الترم والحمد لله درجاتي كلها عاليه .. بدينا الاجازة الصيفيه من جديد يارب
تكون هالاجازة عكس الاجازة الماضيه .. مابغى اتعب ولاابغى شي ينغص علينا ..

جالسة مع خالي عبدالرحمن في الصالة ونتقهوى .. مديت عليه فنجال القهوة قال
بعد مارشف من فنجاله ونزله على الطاولة : محمد اخوي كلمني عنك يبيك لرامي
ولده وش رايك ..

بصراحة ضحكت ونزلت صحن الحلى اللي بيدي وقلت لخالي وانا أأشر على
صدري : انا اتزوج رامي ..؟

حسيت خالي معصب من ضحكتي وطريقة سؤالي يحسبني اتريق او اتمسخر في
رامي قال : ليه رامي وش فيه مو مالي عينك ؟..

انتبهت ان خالي فهمني غلط قلت : بالعكس رامي كل بنت تتمناه بس عمرك
سمعت بنت تتزوج اخوها ؟..

ناظر فيني خالي وتبسم قال : لا سكت شوية .. بعدين غمز لي بعينه وكمل :
اصلاً فيه ناس مكلميني عشانك بس قلت اشوف رايك برامي اول ..

: مين الناس ؟..

: هذا زميلي بالعمل اخوه خريج قسم اداره واقتصاد .ويشتغل في بنك الراجحي ..
راتبه ممتاز ... وهم اساساً ناس ماشاء الله عليهم تجار .. بعدين سكت خالي كأنه
يتذكر شي وحك راسه وكمل : المشكله انه في الرياض .

جيت بتكلم قال : انا سألت عنه وهو ماعليه كلام بصراحه .. وانتي لاتتكلمين
الحين بس لاتنسين ان نفسي افرح وابي افرح فيك ياديمه ...

سكت وماعلقت بكلمه .. قعدت افكر بكلام خالي .. اتزوج واحد ماعرفه ومن
الرياض .. بس كل البنات كذا يتزوجون وهم ماعرفونهم ولا قد سمعوا عنهم ومع
كذا يصيرون سعداء ومرتاحين بحياتهم .. اهم شي ان خالي سأل عنه ..

فكرت زين بعدين قررت ..!

انفعلت هدى لمن قلت لها اني موافقه .. وانا بقلبي متخوفه احسني اغامر بحياتي
ودراستي .وكيف ابعد عن خالي واروح الرياض هذا اللي احسه مرة صعب

قالت لي وهي معصبة : ديمه من جدك تتزوجين واحد بهذي الطريقة . وترفضين
شباب كل واحد احسن من الثاني وتوافقين على واحد ماتعرفينه ولا عمرنا سمعنا
فيه

وقفت بروح للمطبخ قلت ببرود : عادي القسمه يا هدى بعدين هذا سأل خالي عنه
ويقول رجال وهذا خالي سامي راح للرياض يسأل عنه

مسكتني بيدي قالت : اتركي اخوانك وسؤالهم .. من سألوا بالله ؟.. ولا من
بيسألون ؟.. يعني اصحابه وأهله وزملاؤه وجيرانه اكيد بيقولون كويس وطيب
ورجال عشان مايقطعون نصيبه

سحبت يدي منها وقلت بحيرة وانا امشي : هدى لاتخوفيني

لحققتني هدى للمطبخ وهي تتكلم بجدية وخوف وحرص باينه في لهجتها وعيونها :
الله يوفقك ياديمه بس حبيت اذكرك انك رفضتي سلمان ثم مهند وبتتزوجين هذا
اللي مايزيد عن مهند او سلمان بشي ..

كأن هدى خبطتني على راسي ... اوووه تذكرت مهند ياناس .تجاهلي لكل
تصرفاته و بدون سبب .. اهتمامه فيني اللي ماستاهله .. شكله ..! ياربي على
شكله ..! العيون الواسعه ، الشعر الاسود الطويل ، الطول والاكتاف العريضه
واليدين القويه .. اتذكر لمن مسكني يوم سألته اللي مات ابوي وقال لا ..! نظراته
اللي كلها اهتمام وانا اصد عنه واتجاهلها .. كلامي عنه يوم جا يعزمني .. يووه
اكيد سمعني ... بس والله ماكان من قلبي كنت متنفرة من خالي وقلقانه على
ابوي ..!

يالله يمكن مهند رجع لأنه كان بآخر ترم لمن سويت العمليه وراح يرجع
للسعودية .. ماسمعت عنه شي الا مرة سمعت خالي ناصر يكلمه بس مااهتميت
وش يقولون يمكن الرجال الحين متزوج ولا خاطب سنه كامله يمدي
تغير فيها اشياء كثيرة .. يالله الله يهنيه ويسعده .

تركت هدى ورحت عند خالي اللي كان جالس عند التلفزيون وجلست بجانبه بناء
على امر منه ..!

طبعاً كبداية أي حديث مع خالي عن وزني وليه مااسمن وانا كالعادة اقول له زاد
وزني عن اول .. واحلف له اني آكل .. الحين وصل وزني 54 الحمد لله تحسن
كبير

سألني خالي عن رأيي بالعريس قلت اللي تشوفه وانا متردده من داخلي خاصة
بعد كلام هدى .. بس سويت نفسي عادي قدام خالي .. ابغى افرح خالي بأي شي
وادري اني لو انخطبت راح يفرح من قلبه وكمان ابغى اشيل مسئوليتي من خالي
احسني تعبته معاي كثير ..

يوم الخطبة في بيتنا ناداني خالي بعصبيه .. وطلعت له

حسبته معصب مني .. ياربي شو عملت حتى يعصب بس عرفت من كلامه انه
معصب عشاني .. قال لي وهو معقد حواجه : والله ياديمه مادري ايش اقولك ..
الرجال مو على قد كلام الناس عنه ... قلبي مو مطمئن .. تذكرت كلام هدى سبحانه
الله كأنها عارفة النتيجة ..!

قلت : خيرة من ربي انك عرفتة الحين ياخالي ...

مسك يدي وضرب عليها بيده الثانيه بخفيف قال : ماعجبني ابد ولا ابويه يكون
زوجك ..! لأن ديمه تستاهل واحد احسن من هذا واقل شي اظمن له وارتاح ..
بس هذا ماقدرت ومايصلح لك ابد ..

: اوكي خالي انا لايمكن اتزوج واحد ماقتنعت فيه من اول لقاء بينك وبينه ..
والحمد لله ان ماصار شي رسمي .

دخل علينا خالي سامي ووجهه متغير .. قال بنرفزة .. هالتافه والله ماياخذك ...
وبروح اطرده الحين .. اجل هذا يخطبك بعد مهند وسلمان ..

انا كنت ساكته وتذكرت هدى وكلامها .. سبحان الله كأنها عارفة الحقيقه ..
راح لهم خالي قال اعطوني فرصة ثلاثة ايام ونرد عليكم .. طبعا عشان مايخرجهم
ويرفض على طول .. وبعد ثلاثه ايام قال لهم اني رافضة ..

عدا على الموضوع حوالي اسبوع .. كنت اكلم عناد اخوي حوالي الساعه ثلاث
قبل العصر .. وكان مبسوط ومستانس عند عمتي واخواني معاهم

: ها عمري كيف الاجازة

قال بحماس : ماناقصني الا انتي وابوي الله يرحمه

حسيت بعناد يقتلني بكلمته : الله يرحمه اهم شي كيف زوج عمتي معاكم ..؟
تنهد وقال : صرت اقول له ابوي الصراحه ياديمه كأنه ابوي في تعامله معي وانا
احاول ارضيه واخدمه واحسسه اني ولده

: الله يرضى عليك هذا ظني فيك . طيب وعمتي مستانساه ..؟ كيف عادل وسديم
لايكونون يضايقونها ..؟

ضحك وقال : لا تحبهم اكثر مني ابشر .. ومدلعتهم حتى سديم اقول لها اوديك
امي تقول لا ابغى عمه صالحه .

: الحمد لله ان ربي سخر لكم عمتي وزوجها .. يالله يا عمري بخليك انا الحين
وانتبه على نفسك وابغاك عناد اللي ابوي كان يكلمني عنه الله يرحمه

: وش كان يقولك عني ..؟

: كان يقول انك رجال واكبر من سنك وانه يعتمد عليك في اغلب الأمور .. وكان يقول ابيه ولد صالح ومايصاحب رفقة السوء تكفى عناد لاتخيب ظن ابوي الله يرحمه فيك .

: لاتخافين ياديمه مو عناد اللي يفسد ويصاحب الشلل الفاسده انا من البيت للمسجد واذا بغيت اللعب كورة ماتعدى ملعب الحارة اللي بجنب بيت عمتي ..

: الله يحفظك حبيبي .. يالله انتبه على نفسك ومع السلامه

: مع السلامه

(♥)*.....•♪•.....*..... (♥)

قفلت من عناد اخوي وأخذت الريموت ارفع صوت التلفزيون وانا كنت جالسة بالصالة اللي تحت ... رحت ادور بالقنوات ابغى اهرب من كلام عناد وماابغى شي يكدر علي تعبت من التفكير والذكريات والحزن ..

لاهي نار ولاهي ما ..

لاهي غيمة ولاظما ..

ان حكنت غنت سنابل من رضا ..

والسكوت ان صار نيران الغضى

يارضاها ...!

وقف وناظر شوي ..

شف غلاها ايش سوى بشخص حالي ..

آه من قلبي نصحته بس عيا ...

ينتصح نبضه ببيها ..

آه منه ليه عيا ..

ليه عزم يترك الكون ويجيها ..

: ها ديمه اش اخبارك من زمان عنك وانتي الله يهديك ماتصلين ولا تتذكرينا .

: والله ادري مقصرة بس ابشرك الحمد لله وأخباري تسرك

: انخطبتى تزوجتى جالك عيال .. (تقولها بضحكة)

: ههههههههههههه ايه بختب لولدى عندك عروس

:هههههههههههههههههههههههه لا جد ديمه انخطبتى ولا لا ؟

: انخطبت بس ماصار نصيب ...

: الله يوفقك ويكتب لك الى فيه خير

: ويوفقك ويسعدك يارب

: یالہ تامرین علی شی

: سلامتك سلمى على الوالدة وسميرة ..

: سلام علیکم

: هلا والله وعليكم السلام

ناظرنی خالی وجاوبته قبل یسأل ..

:ریم بنت بدر .

: اوہ اخت مہند

: يس .. قلتها وانا التفت عنه

: تفشلت فيه للحين ماضيونا كل ما عزمته يقول لين انقل لجدّه

: ليه هو فين

: بالرياض يس بينقل بعد شهرين اعتقد اوثلاثه

: الله يوفقه

: اللهم آمين

جلس خالي ناصر معاي وقعد يكلمني عن الورث قلت لاتكلمني ما بغى شي بتنازل
لاخواني .. قال لي : مو بكيفك ابوك كاتب العمارة الجديده لعناد والي مأجرها في
الشفأ لسديم .. اما العمارة اللي في مكة كتبها لعادل .. وانتي كتب لك عمارة
الشهداء .. وعمايه الباقيه قسمها بين اخوانه وكتب لاخته صالحه اربع شقق
ومصنع البلوك اللي في السيل .. ولام عناد الفيلا اللي هي فيها ولو انها ماتستاهل
بس هو ما ينسى احد ..

فتحت فمي مذهوله هذي اكبر عمارة ليه انا .. كمل خالي : وانتي شريك في
الشركة حقته لك النص بالضبط

دمعت عيوني : ليه يسوي كذا حلال عياله والحين عماني اش بيقولون ..

: من بيتكلم ..؟ وعياله مأمن مستقبلهم .. ابوك عنده خير وتراه وصى ان
عبدالوهاب زوج صالحه هو يكون الوصي عليهم ويكون مسؤول على حلالهم ،،
وعبدالوهاب كان متفق معه قبل لايموت الله يرحمه .. وكان مأمنه على عياله
وبيني وبينك ياديمه عبدالوهاب قد المسؤولية ورجال امين .. ماينخاف على
اخوانك معه .. خاصة انه يعتبرهم عياله ..

دمعت عيوني : اااااااااااه كان حاس انه بيخليهم

: ديمه مانبي حزن الله يرضى لي عليك .

: خالي انت المسؤول عن كل شي تكفى لاتدخلني في هالأشياء وكل اللي لي حلال
عليك تصرف فيه كأنه حلالك !..

: انا بحط لك فلوسك في البنك وبعطيك بطاقة صراف لأني عارف انك عاقلة
وماتخربين حلالك .

كمل خالي بأسى : فيه ناس يدفع لهم شهرياً الف ريال كاتب اساميههم يقول
اجارات المحلات اللي بعمارة عادل تراها لهم لين تهد العمارة ..

الله يرحمه ابوي خيريه على الناس حتى بعد موته .. يارب وسع عليه قبره واجعل
مثواه الجنه

..

كملنا سهرتنا انا وخالي وهدى وعيالهم وطلعنا ننام بعد الفجر ..اول مادخلت
غرفتي جاتني رساله من خالتي سمر تعاتبني اني مااكلها بجد اشتقت لهم
واشتقت لبيت جدتي والحياة هناك

خلاص قررت اطلب من خالي اني اروح لجدتي ..

اليوم الثاني طلبت خالي وماتردد بالموافقة الحمد لله ورحت عند جدتي اسبوعين
انبسطت في بيت جدتي واغلب وقتي قضيته مع خالتي سمر وجدتي والأسواق
الشعبية اللي اموت فيها بسوريا ...

رجعت لجده بعدها وكنت اقضي ايام الإجازة مابين الطايف وجده ومرتين رحت
للمدينه مع خالي وهدى بكل مرة نجلس اسبوع وكانت سهراتنا بجده كثيرة
من ملاهي لزواجات لمطاعم للكورنيش اللي كنا نقضي بعض الليالي عليه وأحيانا
لين تشرق الشمس نفطر عليه ونرجع بيتنا ...

....

رجعنا للدراسة وبديت سنه جديدة وترم ثاني كنت فيه متفوقه وأوشكت على اكمال
الرسالة بس اكيد لازم انتظر وماستعجل .. عسى الله يوفق بس .

عدت سنه كاملة كانت روتينيه اكثر منها هادية وعادية .. مااذكر ان فيها شي
مميز الا ان لمى حامل وعلى بداية حملها

والله من زمان عنها لمى .. ماصرت اكلها زي اول من بعد زواجها ..

اخذت جوالي ودقيت عليها طلع لي صوتها تعبان وسألتها من ايش قالت ان الحمل
متعبها كثير .. وعاتبنتني كثير ليه ماازورها ولا اتطمئن عليها .. اعتذرت منها
ووعدتني اني اجيها اليوم ..

قفلت من لمى ورحت لبست .. بعدها كلمت خالي قلت له اني بروح لللى وهو من
سمع اسم لمى عرف ان مافيه مجال للنقاش وافق على طول

خرجت مع السواق لببيت لمى اللي ماشفته الا ثلاث مرات واليوم الرابعه .. بس
كنت اقابلها عند اهلها حتى ماخرج زوجها في بيته ..!

كانت متغيره نحفانه وماتحب الأكل .. وأغلب العطورات كاربتها .. جبت معاي أكل
من بيتنا .. وأكلت معاي الحمد لله وجلسنا نسولف الين جات الساعة 9 موعدا
رجعة زوجها ودقيت على السواق اللي كان قريب من بيت لمى وجا اخذني بعد
ماحاولت فيني اجيها بكرة بس اعتذرت منها لأني بصراحه مستحيه من زوجها ..
اش بيقول عني كل شوي ناطة له ...!

وصلت البيت شفت خالي وناداني اجلس عنده قعد يسولف لي عن الفلوس اللي
حطها برصيدي وكيف عبدالوهاب زوج عمتي صالحه ماسك اعمال ابوي بإخلاص
.. وانه مبسوط باخواني يقول احس كأنه راجع عشرين سنه ورا ومايفارقه عناد
وين مايروح ياخذه .. انبسطت لاخواني وعمتي وزوجها من كل قلبي ..

الحمد لله ان ربي ماخسر ابوي الله يرحمه وانه عياله متركهم بدون ولي رزقهم
ربي بعمتي وزوجها اللي حلوا محل الأم والأب ...

بس ابوي مراح احد يعوضه ... مهما كان محد بيعوضه لا زوج عمتي ولا عمتي
ولا انا ولا أي احد بالدنيا .. حنية ابوي علينا ماتقاس بحنية بشر مهما ابدى
وأعطى ومنحنا بس ابوي غير .. اشتقت له ... والله اشتقت له كم لي عنه ..؟
تذكرت ملامحه اللي ماغابت عني ابدأ ومراح تغيب .. بالرغم اني ماتجرات
وفتحت صورته وصوري معاه .. تذكرت كلامه لي ودلعه لي وطريقته اذا سلم علي
.. الديم نظر عين ابوها .. الديم غلا ابوها .. الديم بنية ابوها .. اشتقت احط راسي
على صدره وهو يدخل يده بشعري ويشم راسي بقوة وهو يضحك ويقول خلاص
تعافيت ..

الله يرحمك يبه ويجعل مثواك جنان الخلد ... طلعت من عند خالي وانا محملة
بالذكريات والقهر والحسرة على ابوي .. حزني على ابوي اكثر من حزني على
جدتي وامي وكل الناس .. بس ربي عوضني بخالي ناصر اللي بمكانة امي وابوي
واهلي وعزتي في الدنيا ..!

نمت بعد ماجاتني هدى وحاولت تطلعي من جو الحزن اللي اثارته الذكريات
والورث واهتمام ابوي فيني وخوفه علي من الدنيا وتأمين مستقبلي انا واخواني ..

يوم الثلاثاء كان خالي يكلم ويحلف وصوته واصل وهو يقول والله ان عشاك
عندنا رضية ولا ماضية .. خالي يلح ويصر الين قرر وحسم الموضوع ان عشا
الطرف الثاني اللي على التلفون عندنا يوم الخميس ..!

قفل ورجع لنا انا وهدى اللي كنا جالسات بالصالة قال : مهند واهله عندنا يوم
الخميس وتراني بسوي عشا كبير .. التفت على هدى قال : ابي كل شي يبيض
الوجه .. وطالعني وكمل..: ديمه الله الله بسلطات ديمه وعصيراتها ..

فرحت بأهل مهند اخواته عسولات وأمه طيبة الدنيا وكل ماتذكرت كلام ابوي عنها
الله يرحمه حبيتها اكثر .. بس هو .. ماحب اتذكره .. احسني اهرب من التفكير
فيه ..

بدينا انا وهدى شغل من يوم الاربعاء بالليل .. جهزنا الصحن والكاسات والدلال
والترامس وكل الأغراض اللي تخص الضيوف وكانت بالخزانة ..

والخميس الظهر سوينا العصاير .. والسلطات وطبعاً ماحطينا عليها ملح ولا خل
حتى ماتخرب ..! .. ولو انا ما اعرف اسوي شي وعمري مادخلت المطبخ الا
نادراً .. بس تخصصي حلا وسلطات وعصاير .. وأتفنن فيهم ..

سوينا سته انواع حلا للحريم بس وحطيناها بالثلاجه .. لأن الرجال رفض خالي انا
نحط لهم حلا يقول الرجال نحط بس تمر مع القهوة والمعجنات قلنا بنجيبها
من برا مايمدينا نسويها يادوب نلبس ونرجع نسوي القهوة لأن الضيوف مرة
كثير سواء الحريم ولا الرجال .

لبست تنورة بيضا طويلة قماشها ناعم وجايه بشكل كلوش هادي وبلوزة لونها
ابيض وزهري بدون اكمام وواسعه وطويلة شوي .. لبست اكسسوار زهري
وابيض متماشي مع لبسي ومرة مناسب .. وخلت شعري مفتوح وحطيت مكياج
زهري وقلوس زهري .. وهدى لبست تنورة سودا وطويلة فيها فصوص فيروزي
وبلوزة لونها فيروزي اكمامها قصيره وهي واسعه ومفتوحة مع الجوانب كانت
قمة في الشياكة واكسسوارتها مناسبة اسود وفيروزي ومسكت نص شعرها اللي
يوصل لنص ظهرها بشباصة وخلت الباقي مفتوح ..

بدوا الناس يجون وجوا اهل مهند سلمت علي امه بحرارة وماكاني رفضت ولدها
اللي تموت عليه .. وبناتها كمان سلموا علي بحب وحنان .. ياربي قلوبهم مرة
طيبة .. كان خالي حاط عشا الرجال بحديقة بيتنا لأنها مرة كبيرة وتكفي الرجال

والحريم كانوا داخل البيت .. طبعاً عازمت صاحباتي بالجامعة لى وروان اللى كانت خلاص بتولد .. وندى ولىلى .. وزينه ودانه .. اما عفاف اعتذرت بحجة ان زوجها ماخليها تروح لبيوت ناس مايعرفهم هو .. جات خالتي فادية وهند زوجة خالى ماجد وغادة زوجة خالى سامي وكل وحدة جابت شغالتها اللى ربحونا كثير ..

جلست مع صاحباتي بعد ماناديت ريم عندنا وجاتنا عادة لأنها تقريباً فى سنى وجوا ايمان ونادية اخوات هدى .. وسميرة اخت مهند جلست مع خالتي فادية وهند وسلوى وحنان اخت هدى وام مهند جلست مع ام هدى وام لى وجارتنا ام سعيد وانيسطوا .. يمكن هدى هى الوحيدة اللى ماقدرت تجلس وانا احياناً اروح اوقف معاها شوية وأجيب قهوة وشاهي وحلا اقهوي الحريم .. حتى خالتي وهند وغادة كل شوية يقومون يساعدون هدى .. أخيراً جبننا العشا وتعشنا .. وكان بيتنا حفلة من الصغار وجلسات الحريم والعشا بس الحمد لله فيه حوالى خمس شغالات .. وحلفت على هدى تروح تجلس انا اشرف على الشغالات .. وقفت معاهم وكلفت كل وحده منهن بشغله اللى تغسل واللى تكنس واللى تسوي القهوة والشاهي بعد العشا .. واللى تمسك الصغار وتغسلهم عشان اشكالهم تقرف وراح يعدمون البيت علينا .. وشغالتنا الكبيرة كلفتها تشرف عليهن وحطيتها مكاني لأنها هى اكثر وحده تعبت اليوم .. ورجعت جلست مع ريم وايمان ونادية وسولفنا .. وكانت ايمان تعلق على وتذكرني بخطبة سلمان وحبه الجنونى لى وانا سكتها قلت لاتذكرينى .. سألتنا ريم عن الموضوع وقالت لها ايمان لأن هدى علمتهم بالتفصيل عن الخطبة وان خالى ماوافق عليه وقال انه مايناسبني ابداً لأن شخصيته ضعيفه واني اعزه من صغرى بس ماعمرى تخيلته لى زوج ..

ضحكت ريم منها وقالت كلمة خربطتني كثير بالرغم انها تمزح : تستاهلين ليه ترفضين مهند .. ولا وحده تطول ان الدكتور مهند بن بدر يخطبها وترفضه ..

سويت نفسى اضحك وانا احسنى مرتبكه بعدين قلت : يووه ياقدمك ياريم تصدقين نسيت الموضوع هذا من قدمه له سنتين ... بعدين حبيبتي ابغى لى واحد يكون حنون مو ياخذنى ييغاني احن عليه وانا ادور الحنان عنده ..

خبطتني ريم وهى تدافع عن اخوها وتضحك : اسكتي مهند لو سمعك ذبحك .. بعدين هو احن انسان فى الدنيا .. !

: يادبه امزح معاك .. لاتصدقين بعدين مهند ماراح انسى وقفته معانا للأبد .. والله يقدرنا نرد له جميله ..

: مممممممم يعنى لو اطلب منك شي توافقين لأنه يُعتبر رد جميل لمهند

: انتي تامرین بعدین اذا لك انفذه لأنك غاليه مو رد جميل لمهند ..

: انتي توافقين ولا لا ..؟

: مmmmmmmمم أمري

: خلاص استني اقولك شوي

خبطتها ايمان اللي مسوية انها تمون عليها من بدري : هي انتي استحي يعني
تبين تطردينا

: ايوه سر بينا بس مصيركم بتعرفونه من هدى

ضحكنا وانا انشغلت باللي تبغاه مني ريم ياربي متى يروحون اهل هدى ابغى
اعرف هذي اشتبغى مني

مرت ساعتين وانا اصبر نفسي واقول مصيري بعرف ان شاء الله ليه استعجل .

بعد ماطلعوا اهل هدى مابقي الا ام مهند واخته سميرة وخالتي فادية وزوجات
اخوالي اللي بيجلسون عندنا اخذت ريم لغرفتي قلت تعالي نطلع فوق اريح لنا وانا
بقلبي بختلي فيها بشوف اش تبغى حسيت البنت جاده ..

طلعنا غرفتي وهي تتأمل بيتنا وتمدحه :واو ماشاء الله عليه بيتكم كبير وكل مكان
احلى من الثاني كل زاوية فيه خيال ..

: تسلمين حبيبتي بس تعالي نجلس بغرفتي

دخلت غرفتي واعجبته كثير غرفتي كانت واسعه لونها ابيض ومفارشها الوانها
تفاحي وأبيض .. فيها دولاب مكون من رفوف للتحف بس انا مخليته للدبايب
حقتي والشموع والصور حقتي وحقت خالي وعيال خالي و اكثر شي اعجب ريم
هي صوري

جلست على المكتب حقي بعد مااتفرجت على الصور وانا بقلبي نار ابغى اعرف
اش تبغى مني

: ريم قبل شوي تبغين مني شي وماقدرتي تقولينه قدام البنات

: بصراحة ياديمه ابغى اعرف شي واحد ..

: شو ..؟

: مهند موصيني اسألك السؤال هذا وبس .. وامانه عليك تقولين الصدق .. واذا ماتبين تجاوبين عادي انتي حرة

هههههههههههه هاتي اسئلتك انتي واخوك :

ماضحكت لأنها كانت جادة .. قالت : لو مهدد يخطبك مرة ثانية توافقين ..؟

ارتبکت کثیر شو هالسؤال المفاجيء قلت وانا اصد عنها : شو هالسؤال ..؟
هههههه فاجأتيني ..!

حاولت اسوي نفسي طبيعيه بس مو قادرة .. احس وجهي زي النار ويديني ترتجف !!

عضت على شفائها بقلق واضح عليها قالت : مهند يقول انك مراح توافقين وانك تكرهينه واحتمال انك تحبين ..!

**ضحكت على تفسيره الغبي : هههههههههههه اول شي ماكرهه ولا احبه ..
بعدين مهند انسان عادي مر في حياتي كأى طبيب صح انه وقف معنا وهذا شي
ما ننساه له وزى ماقلت لك الله يقدرنا نرد جماليه .. ثانيا احب مااحب مو من
حق أى احد يعرف !!**

: ديمه مهڊ خطبك ورفضتيه .. بعدين عزمك مرة وقتي انك كرهتيه

هو قالك ؟..؟

: مرة قالها لي بالغلط .. ترى مهند مايجب يكلم احد عن خصوصياته ..!

: قُلْتُ لَكَ مَا كَرِهَهُ وَلَمَنْ سَمِعَنِي كُنْتَ تَعْبَاهُ وَلِي اسْبَابِي ..

: طيب هو قال انه بيخطبك مرة ثانية وثالثه وعاشرة .. شكله متعلق (وتغزلي بعينها وتضحك) وقال انه ماراح يتزوج غيرك .. وانا بصراحه مالدري ايش اقول حتى انتى رفضتيه بدون سبب مقنع .. عاد صدق تحبين ؟

[illegible]

: ترى بقوله ديمه قلبها مشغول وانت مالك نصيب فيه

: قوليه يمكن يروح يدور على نصيبه بعيد عني لأنه راح يتعب .. وان شاء الله يلاقى وحده احسن مني وتناسبه اكثر مني ..

طلعت من عند ريم بروح اجيب لنا عصير وشي ناكله احسني جيعانه ومرتبكه
كمان .. وابغى اخرج من جو ريم وكلامها المربك ..

رجعت لها وفي يدي فيها صينية فيها عصير وفطائر ..لقيتها تكلم وأول ماشافتني
قفلت وهي احسها معصبة وتخاصم؟؟

قلت لها وانا اعطيها الكاس ومعاها صحن فطائر بالجبنه

: خير اش فيك احسك مو على بعضك ..؟

: قلت لمهند ديمه ماتبيك وقلبها مليان مو لك وانت روح دور على نصيبك بعيد
عنها .

: مجنونة انتي .. لا يروح هذا يقول لخالي وتجي مصيبة على راسي

: لا ماعليك ماراح يقول لخالك ولا راح يجيب لك مشاكل اعرفه زين .. بس حلف
انه بيروح يكلم خالك ويخطبك الحين

: مايمل اخوك ..؟ ولا مايفهم ..؟ انا ماابغاه .. غصب يعني

كانت بتتكلم بس قطع جوالها كلامنا وكان مهند هو اللي يكلمها .. شفت ريم
متفاجئه لأنه قالها شي .. بعدين قالت : اش قاعد تقول انت لا مهند
ماقدر..... والله بتزعل البنات

رجعت وحطت يدها على التلفون وقالت بفتح السبيكر يقول خليها تسمع ..انا كنت
متجمده وكاره هالحركه اجل بيكلمني وهو ببيت خالي صدق ماعنده مروءة ..

فتحت السبيكر من دون ماتاخذ رأيي .. طلع صوته : هلا ديمه ان شاء الله انك
بخير ... تراني خطبتك من ناصر قدام الرجال ..قال هي لك .. آسف ياديمه بس
انتي لايمكن ياخذك احد غيري .. وعلى فكرة اول كنت ابيك رغبة بس الحين
تحدي وعناد ... عاد اذا بتفشلين خالك قدام الرجال هذا شي راجع لك واذا ماتبين
كلمته تنزل بالأرض لاتعلمينه اني قلت لك شي وافقي عشان ماتقهرين ناصر لأنه
مايستاهل القهر خاصة منك انتي ... وآسف مرة ثانيه ... ويالله مع السلامه
..وقفل ..

بسم الله الرحمن الرحيم .. انا في حلم ولا علم .. صاحي هذا ولا يستهبل ..
ناظرت في ريم اللي كانت مفجوعه اكثر مني .. قالت : ديمه مو مصدقه ان هذا
مهند ..

مارديت عليها وكملت : ديمه لاتزعلين ولا عليك من الخرابيط اللي قالها كلمته
تنزل الارض ومدرى ايش هذي اشياء انتهت من زمن جدي .. ماعليك واعتبريه
ماقال شي .

دخلت الحمام وانا مو مستوعبه شي .. لا ماراح اتكلم لين خالي يقول شي اخاف
هذا يبيغاني انقهر واثير مشكله .. سمعت جوالي يدق وانا بالحمام .. خرجت
بسرعه وماطالعت بريم .. لقيتها خالي سامي رديت : هلا خالي

: هلاديوم انزلي لي تحت ابيك

: فيه شي

: تعالي وتعرفين

: اوكي جايه

خرجت من عند ريم اللي مسكتني بيدي قالت : ديمه ... وانا مسكت يدها بيدي
الثانية

قلت : ريم انتي اختي وصاحبتي مالك علاقة باللي صار !!

نزلت عند خالي سامي اللي كان يدخلن بشراهه

اول مانزلت قال : مهند خطبك من ناصر للمرة الثانية والرجال شاريك اذا تبينه
وافقي واذا ماتبينه والله اللي رفع سبع وطمع سبع ماتاخذينه ومحد يغصبك لو
على قطع رقبتني .

كنت بتكلم الا خالي ماجد دخل قال بسرعه : ماعليك من احد ياديمه اذا ماتبينه
قولي لا وخلي احد يفتح فمه

سكت وانا افكر باللي صار ومابينت اني عارفه الموضوع .. قلت : فين خالي
ناصر ليه ماكلمني ..

رد خالي سامي : ماله وجه منك

: ليه ..؟

وكان خالي سامي تذكر انه تسرع واربتك بعدين قال: ها.. لأنك رفضتية المرة الأولى ومايقدر يفاتحك بموضوعه مرة ثانية ..

: خلوني افكر .. واشوف خالي ناصر ..

دخلت البيت وأنا احسني ابغى استفرغ .. اجل مهند يتمن علينا باللي سواه ويهيني ويجبر خالي انه يزوجني اياه !..

طيب يامهند انا اوريك

طلعت عند ريم وحاولت اسوي نفسي طبيعيه لأنها مسكينه حسيت انها مقهورة من تصرف اخوها اللي تدق عليه ويطنش ولا يعطيها مشغول .. وآخر شي قفل جواله .

قالت لي : ديمه ادري ان حركة مهند سخيصة بس .. قاطعتها بسرعه وقلت بكل برود : ماتدرين هذا النصيب ومهند شخص كويس ماينرفض ويمكن يحبني ومايبغاني اروح لغيره قلتها وانا اضحك بتريقه .. وخايف ارفضه مرة ثانية .. ومالقي الا هالطريقه عشان يضمن اني اكون له

حسيت ريم ارتاحت من كلامي قالت : والله انك عاقلة ياديمه واتمنى تكونين من نصيب مهند لأنه مو لاقى احسن منك

ابتسمت وقلت : قبل شوي انا مو لاقيه احسن منه والحين هو ...

غيرنا الموضوع وجلسنا نسولف بالجامعة والدراسه والرسم وانا احسني اشتعل من داخلي وبحترق اذا خالي جا بشوف اش يقول ..

راحوا اهل مهند على الساعه 3 تقريباً .. وناموا كل اهل البيت هدى وخالتي فادية وغاده وهند ناموا عندنا ... الا انا استنى على جمر ..

استنيت خالي الين الساعه خمسہ الفجر كنت جالسة على الدرج وباين علي القلق .. دخل خالي وباين انه تعبان وطفشان وقرقان حتى لمن شافني صد عني بعدين قال : صباح الخير ليه صاحيه

: استناك .. ابغاك بموضوع ... تكلمت وانا احسني ارتعش

: تعبان ياديمه اذا الموضوع مو مهم خليه لبكرة ..

: لو مو مهم ماستنيتك لهذا الوقت وهنا .. وأنا أأشر على الدرج

: طيب تعالي فوق وطلعت معاه وكان بيجلس بالصالة اللي فوق قلت : لا تعال بغرفتي احسن

مسك شماغه بيده وقال : اوكي يالله .. الله يستر باين انه موضوع خطير .

دخلنا غرفتي وقفلت وهو جلس على الكرسي وانا كنت واقفة ومادري كيف ابدأ الموضوع

: ها ديوم وش عندك ..؟ اجلسي ليه واقفه ..؟

: خالي سامي قال لي على موضوع مهند

: اووووف .. ادري انك منتي موافقه وادري انك ماتحبين مهند بس وسكت خالي

: بس شو ..؟

: اذا ماتبينه محد بيحبك بس مهند مافيه منه وانا متظمن له وادري انه بيعزك ويسعدك .. ولاتنسين ان ابوك كان يتمناه لك الله يرحمه

آه يايبه لو تدري كيف مهند اهاني بخطبته لي بهذا الشكل ماكان تمنيته لي .. قلت لخالي اللي شاف دمعه بعيني : خالي اذا رفضت وش بيصير

: ماصاير شي بس بتخرجينا مع مهند بعد وقفته معانا نرفضه والمشكلة بدون سبب ..!

: خلاص خالي اللي تبنيه يصير انا ماابغى اضايك بشي .. لوتبي روعي فداك

: ايش هذا الكلام ..؟ انتي سامعه شي .. ؟ احد قايلك شي ..؟

: لا ياخالي بس ماابغى اخرجك مع صاحبك ..

: اتركي هاللهجة عنك .. اذا ماتبينه محد بيجبرك .. واذا مو مقتنعه فيه لاتتخلين
عن رأيك واختيارك عشاني ماعليك مني !!

حسيت ان خالي شايلى هم الدنيا .. وبكيت غصب عني وقلت له

: خالي انا موافقه على مهند ولاتسألني ليه غيرت رأيي .. وانهرت من القهر اللي
فيني والله احسني مغصوبة مابغى اكسر كلمة خالي قدام الناس .. اصلاً مهند
ماكنت اكرهه ودايما اتذكره بالخير بس الحين صرت اكرهه .. ليه يسوي كذا مع
خالي وليه ييغاني اوافق غصب ..

سلم خالي على راسي وقال : والله ياديمه ان مهند رجال وانا اللي اضمنه لك ..
اعرفه من صغره وكل ماقابلته تمنيته لك لأنني ماني لاقى احسن منه لك ..

قلت لخالي وانا ابكي : الله لا يحرمني منك بس . ويخليك لي

: الحين ليه تبكين ممكن اعرف

مارديت عليه ودخلت الحمام بكيت ساعتين يمكن واكثر ...

وخرجت ماحصلت خالي ... شكله راح يبشر هدى لأنه باين انه مبسوط .. .

.....

صحيت على هدى اللي دخلت غرفتي وشالت البطانية من عليّ .. بس لمن شافت
وجهي وعيوني مورمه رجعت البطانية علي وجلست بجنبي

: ديمه اش صار ناصر جايني مبسوط وفرحان يقول انك وافقتي على مهند ..
وانتي هنا مسوية مناحه وقالبتها حزن

آآه تذكرت اللي صار .. مهند واهانتة لي وخطبتي بطريقه قللت من قيمتي .. ولا
كلامه لي .. بياخذني عناد وتحدي !!

انا ديمه اللي كل حرمة تشوفني تحط عينها علي لولدها .. وأغلب زميلاتي
كلموني عن اخوانهن ولا عيال خالاتهن او قرايبهن انا اللي محد يتجرأ
ويخطبني الا وهو واثق من نفسه وقد انه يكون زوج ديمه ...

شافتني هدى ابكي بقهر قالت : ياويلي ياديمه احس ان فيك شي قولي لي
لاتسكتين ..!

: مافيني شي .. بس محتاجه ابوي وامي معاي في وقت زي هذا

: غريبة ماقلتيه لمن وافقتي على يزيد

قلت وانا ابكي : خالي كان فرحان وذكرني بأبوي قال انه كان يتمنى مهند لي

وكملت وانا ابكي :.. كنت ابغاه يفرح لي ويكون معاي هو وامي

وانا بقلبي حزن سببه ثاني . مهند اهاني بحرسته ورد لي حركتي ..

بس ماعليه اوريه ...

جلست هدى تعلق علي وتضحك وانا اتبسم بعدها جات خالتي فادية وهي مبسوطه
وتضحك لأن خالي ناصر بلغها الخبر ..

قمت اتوضا وأصلي واحاول اسوي نفسي عادية ومافيني شي ..

قلت : يالله لو سمحتوا اطلعوا من غرفتي الحين عيالكم يلحقونكم ويخربون
اغراضي . ويلبون غرفتي

قالت خالتي : الحين عيالنا بيخربون وبسام وأسامه مايطلعون منها

قلت : بسام واسامه مؤدبين

خبطتني خالتي على كتفي قالت : الشرهة مو عليك الشرهة علي انا اللي جاية
ابارك لك من الفرحة

: الله يبارك فيك بس يالله لو سمحتوا ..

طلعوا كلهم وانا رحت آخذ لي شور وابدل ملابسي ونزلت عندهم تحت

لقيت هدى وخالتي وهند وغادة جالسات عند التلفزيون .. وانا رحت للجلسة
الثانية بالصالة وكلمت لمى بقولها على الموضوع اللي ماقدر اتكلم مع احد فيه
بكل صدق الا مع لمى

صحيح ريم عارفه السالفه .. بس ريم اخته ومابغي اقرب منه عن طريقها ..

: ليلة يخطبك .. وصد خالي عني قال بغير الموضع .. المهم انتي انزلي السوق
من اليوم لأن مهند كلمني يقول يبي الملكة بعد اسبوع

: شو ..؟ بعد اسبوع ..؟

: ديمه خليك عاقله مو كل شي تعترضين عليه ..

: بس اسبوع مايكفي

: الا يكفي ونص وانتي مو محتاجة شي كلها فستان وخرابيطكم البسيطة
تخلصونها بيوم واحد ..

وخرج خالي من عندي خلاني بحيرتي وقهري ومادري ايش اسوي
ياربي في كم يوم تتخربط حياتي بهالشكل خطبة باهانه وملكة غصب عني ..
ارحميني يارب وصبرني ..

بديت انزل السوق احيانا مع خالتي واحيانا هدى .. ومرة متضايقه مالي نفس بأي
شيء .. مغصوبة ياناس تخيلوا انفسكم مكاني ... اشترت فستان جاهز لونه
سكري داخل معاه اللون البني الفاتح وناعم مرة كان جاي على الصدر اللون
السكري وخيوط كريستاليه بنيه تتلف من وري الرقبه .. وماسك على اعلى
وسطي حزام بني بعدين جاي الفستان واسع الين تحت الركبة وكان لونه سكري
وفيه فصوص كريستاليه لامعه .. ومن ورا كان طويل .. واشترت جزمة بنيه لها
خيوط تتلف حول الساق .. كان مرة ناعم وشياكه لأبعد الحدود واشترت كمان
اكسسوارات .. وهدي اخذت لها فستان لونه موف مشجر بموف غامق كان ناعم
مافيه أي تكلفه كان علاقي وصدرة مفتوح شوي .. وكان مفتوح من قدام واشترت
له جزمه واكسسوارات مناسبه .. وخالتي اشترت فستان تفاحي داخل معاه اللون
الأسود قصير وعلاقي .. وأخذت له جزمه طويلة لونها اسود .. واكسسوار بسيط
عبارة عن حلق اسود وخاتم اسود وكان عندها ساعه سودا ..

كل ما قرب يوم الملكة كل ماتوترت اكثر وكرهت نفسي .. بس يالله كلها يوم
وبيعدي زي غيره .. لا مراح يعدي زي غيره .. من بعد اليوم هذا بصير زوجة
مهند .. مهند اللي اهانني بغاية الانتقام ..

يوم الاربعاء ليلة الخميس .. كنت جالسه اتفرج على التلفزيون وعندي قهوة
وهدي راحت تنام لأن وراها شغل من بدري .. بس الحمد لله افتكينا من العزيمة

بالبيت لأن خالي قال ان الملكة بتصير بالاستراحة حقتنا بشمال جده ..بعد ماكان
بيحجز قاعه بس انا رفضت قلت هنا في البيت ومختصرة ومابنعزم احد الا جيراننا
واخوالي واهل هدى وصاحباتي واصحاب خالي اذا يبغى يعني مابغاها كبيرة
وقاعه وتكاليف ..

دقت علي ريم وانا في فمي حبة شكولاته وشربت عليها قهوة وشرقت من طاري
ريم اللي من بعد هذيك الليلة ماكلمتني ..

: الو

: هلا ديمه .. كيفك ..؟

: الحمد لله بخير انتي كيفك وكيف امك وسميرة ..؟

:والله بخير الله يسلمك وامي عندي طيارة من الفرحة مو مصدقه انك بتاخدين
مهند

: ههههه الله يسعدھا دوم وأبد ولا يكدر عليها

: تدرين انا بننقل جده وبطفشك مني

:فرحت من قلبي انهم بيجون : حلو والله .. الله يجعلها خيرة لكم ..

: حضرة خطيبك هو اللي اصر علينا خاصة انه كل مابغى يجينا تكون حالة امي
مأساوية خيفة يصير له شي من الطريق ويلحق فواز الله يرحمه

: الله يخليكم لها .. ويخليها لكم .. ! بيني وبينك احسن والله تجون لجده تفتكون
من المشاوير ومنها تقعدون مع ولدكم اللي كم سنه بعيد عنكم ولمن يرجع انتم
بديرة وهو بديره كنت اتكلم بمنتهى الجدية والعقلانية ماحطيت براسي انه
مهند اللي بيكون خطيبي وزوجي بعد كم ساعه ..

: ايوه خافي على السيد مهند من الحين ..الا صحيح ديمه من جد محد ضغط عليك
عشان توافقين

: الا اخوك ضغط علي . وغصبني عليه ..

: لا اقصد من اهلك ..؟

: لا والله ومحد درا انه قال لي شي ولا ان عندي خبر بالسالفه ..

: اها .. والله مهند عارفك يقول مراح تتكلم .. وضحت بعدين كملت : يقول
ديمه اكبر من انها تعلم خالها وأ عقل . وانا اكثر شخص فاهمها !!

: الله ومن متى يعرفني هو ولا يفهمني ..؟

: ديمه تكفين تقولين لي .. انتي تكرهين مهند الحين ومجبورة عليه ولا لا ..؟

: ريم خلاص الله يخليك موضوع مامن كلامنا فايده فيه بكرة بنرتبط انا واخوك رسمي وقدامنا حياتنا ادعي لنا نتوفق بس

: الله يوفقكم ويسعدكم يارب ..صدقيني ياديمه مهند مافيه منه متفهم وحنون وطيب

: انتم في جده ولا ابها

**عرفت اني اغير السالفه وضكت قالت : ههههههههههههههههههههه فهمتها
..ياستي احنا في جده ..؟**

: طيب كويس .. عشان ماتجون للاستراحة تعبانين .. وتكونوا قد ريحتوا

: اوکي دیوم تامرین علی شي بروح انام ..

: سلامتك حبيبتى نتقابل بكرة ان شاء الله

: مع السلامه

: هلا مع السلامه .

(♥) * ♪ * (♥)

قفلت وانا افكر بمهند .. اجل يدري اني مراح اتكلم لخالي .. الحين اخيب ظنه وافشله عند خالي وافركش كل شي .. والله لو خالي يعرف ان شوا هذي الحركة ان لييهذهه وياوليه منه

ولا خلاص ما عاد ينفع .. اصلاً حتى لو تكلمت خالي هو اللي بيتفضل لأنه مايرضى
انى اعرف الموضوع وانى وافقت عشان كلمة خالى ومافكرت بنفسى .

طلعت لغرفتي وانا احاول انام لين اذن الفجر .. قمت صليت ورجعت اتقلب في سريري والحمد لله نمت اخيرا ..

صحيت الساعة اربع العصر وانا مصدعه وهدى على راسي : ياديمه يالله قومي ماباقي وقت اللي يشوفك يقول مو ملكتها اليوم ولا وراها صالون بتروح له ولا شي

: ماني رايحه الا الساعة سته المغرب ليه اصحى الحين ..

: لا ياديمه روي الحين احسن خلصي وتعالى للاستراحه بدري مو تروحين المغرب وماتطلعين الا الساعة 11 او 12

: ليه قالوا لك بيسوون لي عملية تجميل .. انا ماقد أخذت ساعه وهم يذبطنون لي المكياج

: حبيبتي هذا مكياج ملكه وتسريحة ملكه مو زي كل مرة

: خلاص هدى روي انتي انا مصدعه والله مالي خلق شي

: شو مصدعه ..؟ من متى وليه ماقلتي ياويلي ياديمه لايكون رجع لك

قاطعتها بسرعه : لا لا لا يروح بالك بعيد صداع عادي بس من السهر لاتخافين

: اوه الحمد لله بس ترى بقول لخالك عن صداعك لو درى ذبحني ان ماقلت له

: بكيفك بس ترى مافيني شي .. انا اللي ذقت وجع الصداع ولو احس انه زي هذاك بنفسي قلت لخالتي ..

: اوكي بخلي الشغالة تجهز غداك وانتي قومي خذي شور وانزلي يمكن يخف الصداع اذا اكلتي .

: يالله جاية وراك

طلعت هدى من عندي ورميت الغطاء عني وقمت بثقل اخذت شور وصليت الظهر والعصر استغفر الله بس نومي صاير ثقيل انام الصباح وماصحي الا على العصر .. الله يغفر لي ويسامحني

لبست بنطلون جينز عشان اروح به للمشغل وتي شيرت مخطط بالعرض بأخضر
وأورنج وبيج بكم قصير وحلقه واسع .. نزلت تحت وحصلت الشغالة حطت لي
سلطة ومكرونة باللحمة والجبنه .. ولبن .. اكلت بسرعه وشربت لبن وقمت قلت
الحقيني بالقهوة للصالة

سمعني خالي اللي توه نازل بيروح للاستراحه . قال : تعالي ديمه وش سالفه
الصداع

: عادي خالي مو صداعي هذاك تظمن .. بس عشاني مانت كويس والحين
بشرب قهوة وبيروح لا تقلق .

: طيب متى بتروحين للمشغل ..؟

: شوية مو الحين

: بكيفك ... بس لاتتأخرين على الناس زين ..؟

: حاضر ولايهكم ..

جلست اتقهوى ودقيت على هدى اللي كانت بنفس الصالون اللي انا حاجزة فيه
بشوفها خلصت ولا لا .. قالت انها لسه مابدت لأن قبلها وحده وقالت ان ليليان
الكوافيرة حقتي تقول تجي الحين عندها ثلاث غيرك وكلهم يبون يخلصون بدري
وطالبينها هي شخصياً ..

انقهرت بصراحه مابغى اروح من العصر كأي عروس .. وخالي قال لي لا تأخر

..

طلعت لبست عبايتي ودقيت على السواق اللي جا بسرعه وخرجت معاه للمشغل ..
كان فيه حادث قدامنا وشرطة موقفة الطريق وأخرنا بالطريق ووقفنا حوالي ساعة
وأكثر وهدى كل شوي تدق علي وكل ماقلت انا بالطريق لسه عصبت وانا مافيدي
حل غصب لازم استنى .. خلصت هدى وراحت للاستراحه وخالتي جات من
الطايف جاهزة راحت للاستراحه على طول ..

اخيراً وصلت الصالون على الساعه سته الا ربع .. كانت ليليان اللبنانية تحبني
كثير وانا اعرفها من سبع سنوات تقريبا من لمن كنت بالثانوية .. وكانت متحمسه
لي لمن قلت لها ملكتي يوم الخميس .. تأخرت عليها وهي تتحجج لي جوا قبلي

بالتلفون وبالحمام عشان اوصل وتبدا تسوي لي قبلهم .. دخلت عليها وأخذتني على طول على الغرفة من دون ماتتكلم لهم وشفت وحده عصبت وراحت تكلم صاحبة المشغل .. يوم جات صاحبة المشغل وشافتني سلمت علي وباركت لي وطلعت لهم تعتذر وخلت وحده ثانية تسوي لهم بعد مامدحت لهم شغلها وقالت انها احسن من ليليان وناس كثير يطلبونها !..

سويت مكياج نوعاً ما ثقيل .. بس صراحة طالعة حلوة كثير .. فتحت شعري بس عملت له فلو من تحت ودخلت فيه اكسسوارات هادية وناعمة والحمد لله خرجت من المشغل راضيه عن نفسي كثير ..

رجعت لبيتنا حوالي الساعة تسعه وجوالي موقوف رنين لدرجة ان البطاريه ضعفت وانا اصلاً شاحنتها قبل مااروح .. لمى هدى خالتي . اخوالي ناصر وسامي وماجد .. ريم وهند وغادة وجدتي اميرة اللي كلمتني وهي تبكي حوالي نص ساعه .. وخالتي سمر وخالي ايمن .. كل هذولا فرحانين لي .. حظيت جوالي بالشاحن .. ورحت البس فستاني واكسسواراتي .. بصراحة طلعت شي خيالال الحمد لله .. ابتسمت لنفسي وانا اقول ماعليه يامهند خل تصرفك ينفعك .. اكيد بيشوفني لكن وربي لانتقم منه وأرد له الصاع صاعين وانا ديمه !..

رحت للاستراحه وأول ماشافوني هدى وخالتي وهند وغاده قعدوا يمدحون فيني اللي تقول المكياج يجنن واللي تقول فستانك مو طبيعي واللي تقول الليلة انتي عروس بمعنى الكلمه اما خالتي قالت : ديمه طول عمرها حلوة حتى بدون مكياج تاخذ العقل بس ليت مهند يقدر مين هي ديمه .. آآآه ياخالتي جيتي على الجرح .. ماتدرين مهند كيف خطبني ..

جات ام مهند بالغرفة حقتي بالاستراحه وسلمت علي بحنان ماعمري شفت له مثل .. ودموعها كانت في عيونها قالت : والله يابنتي من اول يوم شفتك فيه وانا ادعي ربي تكونين من نصيب مهند والحمد لله انه ماخيبيني .. وماجابت سيرة رفضي له المرة الأولى ..

: الله يخليك ياخالتي ويسعد قلبك دائماً وابدأ .

دخلوا سميرة وريم اللي حضنتني وسلموا علي .. بعدها طلبني خالي اجي له برا

خرجت له وكان بيده دفتر كبير قال : يالله ياديمه وقعي !..

: قول لي اول شي قلت له على شروطي

: ايه قلتها وانا متفشل منك بس وافق عليها كلها وهو فاتح فمه

: احسن !..

: وشو احسن كأنه عدو مو بيصير زوجك

طالعت بالدفتر قلت : فين اوقع

: وقعي هنا

وقعت وخرجت وانا اتذكر شروطي اللي تضحك مادري غبيه بقولكم عليها

اولاً نسكن مع اهله .. يمكن تستغربون هالشروط لأنني ماقد سمعت ان فيه بنت تطلب انها تسكن مع اهل زوجها .. بالعكس البنات يطلبون بيت مستقل .. بصراحة هالشروط تحديداً كان انساني بحت ... لأنني فكرت بأمة وبنفسي ،، امه عشان هي مسكينه وتحبه ماابغاها تحس اني بعدته عنها خاصة انها جات لجده واستقرت هنا وكمان عشانني ماابغى اتقابل انا وياه 24 ساعه .. وكمان ابغى احس اني اعيش بوسط عيله ام واب كبار واخوات ماعمري جربت هذا الشي يمكن لأن خالي وهدى شباب وعيالهم صغار احسني ابغى عيلة تتكون من ناس كبار زي ام مهند وابوه .. وانا جاية بدخل عليهم بسلام ومحبة ماابغى اسوي مشاكل وراح اكسب امه واخواته اللي اساساً طيبات بطيبتني وتعاملي معاهم بإذن الله ..

ثاني شروطي : دراستي مايتكلم فيها ومو من حقه يقول ادرسي ولا تدرسين حتى لو اكمل بعد الدكتوراه .

ثالثاً شغاله لأنني ماعمري دخلت المطبخ وأكدت على خالي يقوله اني مااعرف اطبخ ولا اغسل ولا اكنس اذا عجبه عجبه مااعجبه للحين احنا على البر . وماابغى اغشه ..

بس هذي شروطي يعني ماكلفت عليه كثير .. بالعكس وفرت عليه الفيللا اللي كان يدور عليها بيشترها وهم توهم مشترين فيللا كبيرة لاتقل عن 4مليون ..

اتصل علي خالي ناصر قال ان مهند بيدخل يلبسني الشبكه .. قلت مولازم انت تعال لبسني اياها ولا خل امه تلبسني مو لازم يجي ...

كويس ان خالي مو عندي احسه راح يعطيني كف لأنه عصب وقال : بلا كلام فاضي الرجال بيجي الحين انا دلعتك زياده ولا تستهبلين علي ..

بصراحة خالي عمره ماضربني ولا عصب علي كذا ومع كذا ضحكت منه لأنني عارفة ان كلامي ينرفز ..

كانت المصورة تصورنا طول الوقت تصورت مع هدى وبعدين مع خالتي ثم مع
غاده ومع هند كمان كل وحده صورت معاها لوحدها عشان هم يقدرين يحتفظون
فيها بس انا لا .. بعدين مع ريم .وامها وسميرة اختها .. مسكت المصورة قبل
لايجي مهند قلت مو تقولين سوي كذا وكذا وتقولين لخطيبى امسكها ولا المسها
ياويلك .. استغربت مني قلت لها اذا امرتيني بشي ياويلك ماراح يصير لك طيب
هههههههههه اول مرة اهدد احد بالطريقه هذي !! بس كنت خايفه اخرب كل
شي ان لمسني

دخل مهند مع اخوالي اللي كانوا يضحكون وفرحانين وجا عمي ياسر سلم علي
على طول وانا اصلاً ماشفته من يوم طلعت من المستشفى بعد وفاة البوي الله
يرحمه الا مرة وحده

كنت اناظر بالأرض وصورتنا المصورة وكان مهند جالس بجنبي واشوا مالمسني
لأنى كنت مرة مرتبكة

سمعت خالي يقول ماتبي تلبس خطيبتك الشبكة ولا نسيت .. بعدين يادكتور بتشبع منها الحين لبسها خانا نطلع عنكم .

شو ..؟ يطلعون ..؟ اجلس انا وهذا لوحدا ..؟ طيب ياخالي بتخرجني معاه ..؟
 رفعت راسي وانا مفتحه عيوني .. وشفتهم ضحكوا قال خالي: خلاص ياديوم هذا
 زوجك عادي اذا يجلس معاك ويشوفك ..

**قال خالي سامي : والله ياديمه اذا ماتبينه يجلس معاك باخذه باذنه الزم ماعلينا
راحت ديوم زينة الدنيا**

رد عليه عمي ياسر اللي يضحك : الحين تزوجونها وتدلعونها وش خلّيتوا لعيالكم انتم

**تدخل خالي ماجد بهدوء : هذي ديوم اغلى حتى من عيالنا اللي تبیه يمشي غصب
عن اللي مايرضى**

حسيت بكلام خالي ماجد فيه معنى غامض وانا مارفعت راسي وهم يضحكون
ويعلقون بس حسيت بالعبرة خنقتني لمن سمعت مهند يقول : خلاص هي الحين

زوجتي غصب عنكم ومحد يتدخل فيها من اليوم غيري يقوله وهو يضحك ..
وكمل : ولو سمحتوا اهدوا ولا اطلعوا احسن بلبس حرمتي الشبكة .

كانت عيوني مليانه دموع وفتح العلبة ولبسني وانا كنت قرفانه منه ومن كلامه
ومن قربه مني ومن الساعة اللي شفته وشافني فيها . اجل غصب صرت زوجته
آه بس هو صادق صرت زوجته غصب

لبسني الشبكة ومسك يدي اليمين ودخل الخاتم فيها وانا اخذت الخاتم من عمي
ياسر وحطيته باصبعه من فوق وتركته وهو كمل ودخله... صورتنا المصورة
وكانت كل شوي تقول ياديمه مايصير هيك مابذك الصور تطلع حلوة

مارديت عليها ولا ادري اش تقصد عشان مارفعت راسي ولا عشان دموعي اللي
بدت تاخذ مجراها ...

انتبهوا لي اخوالي وكلهم سلموا على راسي وباركوا لي وطلعوا .. رجع خالي
ناصر بعد ماطلع ومسح على راسي قال : دموك هذي مايبها اذا تبين ارتاح
لاتنزل ..

حسيت انها نزلت اكثر بس طلع لي منديل ومسحتها وسلم على راسي وقرب مني
يهمس باذني قال : والله اني شاري مهند وانه رجال وماخليته ياخذك الا وانا
واثق انه يستاهل ديمتي .

تبسمت لخالي قال : ايوه كذا ابغاك خليني افرح وارتاح .

هزيت راسي وخرج خالي ناصر .

مارفعت راسي ورحمني ربي بدخول امه واخواته اللي سلمن عليه وعلي وباركن
لنا وانا رديت بصوت عالي بس هو كان يضحك ويرد بصوت عالي وكان واقف
وامه بجانبه بعدين جلس ونادت سميرة المصورة تاخذ لنا كم صورة

صورتنا وانا نفس حالتي مارفعت راسي ومتوترة من قربه مني بس جات عندي
المصورة قالت بصوت واطي بس هو سمعني : ياآنسة ديمة ماطلبت منكم أي
حركه بناء على رغبتك بس ياحياتي مايبصير هيك ماشفت وجهك . رجعت مكانها
ورفعت راسي وصرخت المصورة بفرحه وصورتنا انا وهو بس اكثر من اربع
صور وحاولت تبسم لي وانا بدوري ابتسمت لها وصورتني على طول . بعدها
طلعوا امه واخواته وبقينا لوحدنا ساكتين

كنت بقوم بس مسك يدي وسحبته على طول منه

رجع ومسكها بقوة قال : اجلسي بعدين انا ماقت فين بتروحين وتخليني .

مارديت عليه بس صديت عنه

: ديمه

التفت عليه لمن ناداني وهذي اول مرة اشوف وجهه قريب كذا وكان يبتسم .

اوف كان شكله خيال تذكرت امريكا .. عيونه واسعه .. حواجبه مو طبيعيه
وخشمه يجنن وعليه ابتسامه اربكتني ورجعت اطالع وري

تكلم مرة ثانية : الحين ليه ساكته

: مو حصل اللي تبغاه .. وافقت عليك عشان ماخرج خالي وماقلت لاحد يعني
نجحت خطتك

: اوف كل هذا تكرهيني وانتي الحين مجبرة على الزواج مني ..

ياربي كانه مو داري يحسبني موافقه حبا فيه .

مارديت عليه وانا لافه بوجهي عنه واطالع الجهة اللي بجنبي ...

: طيب قللي لي ترى احنا لسه على البر

رجعت اطالع فيه لقيته مقرب مني ويطالع فيني كنت بقول شي بس ارتبكت
وحسيتني متخربطه ونسيت اللي كنت بقوله لمن شفت وجهه بعدين قلت : خلاص
لو سمحت طولنا بمشي انا ..

رجع مسك يدي قال : انا بجي بعد يومين واشوفك .. لاتجيني وانتي معصبة
وحاولي تتأقلمين على اني زوجك حتى لو ماني حبيبك بس هذا الواقع انا زوجك
ويمكن مع الوقت نحب بعض ونتأقلم على بعض

التفت له وانا رافعه حواجبي و مفتحه عيوني على آخر شي كاني اقله بالله
عليك بس ماقدرت اطلعها الا بعيوني ..

ابتسم ووقف قال وهو يطالع فيني : ها وش قلتي اوكي ..؟

: لا مو اوكي ومراح تشوفني الا بعد الزواج ... ورجاء لاتحاول مجرد محاولة او
حتى تفكر تكلمني ... اللي تبغاه صار وافقت ملكنا خلاص ..

ابتسم بعد مامسك يدي بيده اليسار ومسح باصبعه على جبيني و قال : يعني بتخليني اقدم زواجنا .. كنت مخطط على انه الإجازة الجاية بس خلااااص بنقدمه !..

قلت ودموعي تنزل : انت عارف اني مابغاك ليه تجبرني عليك ..

: حط اصبعه على راسه قال : كذا مزاج ،، شفتك دلوعه ومغرورة قلت اكسر راسها . واتحداها واعاندها ..

خرجت من عنده وانا ابكي ودخلت غرفتي اللي بالاستراحة على طول وبكيت من قلبي ياربى هذا حال وحده الليلة ملكتها .. دخلت على لمى وبسرعه حضنتها وانا ابكي وجلست تهديني وقلت لها على كل اللي صار .. كانت لمى بتبرر له بس قالت :-بصراحة ياديمه مرة قليل ادب وماعنده ذوق فيه احد يقول هالكلام لخطيبته .. !

دق الباب وقامت لمى تفتح كانت ريم قالت : ديمه خير حياتي ليه تبكين
مسحت دموعي وقلت وانا اشهق : مافيني شي تذكرت ابوي هو اللي ناقصني
البللة

: الله يرحمه لاتبكين عليه ادعي له احسن . ولو كان موجود ماخلاك تبكين كذا . خلاص عاد لاتنكدين علينا .

حسيت ان ريم متأثرة بس حسيت انها مو مصدقتي ان هذا هو السبب الي
يخليني ابكي كذا

جات خالتي وهدي وهند وغاده وكلهم استغربوا كانوا يحسبوني زي أي وحد تجي
من عند خطيبها اذا شافها وهي تضحك وتقولهم اش قالها

: لمى وش فيها ديمه ... قالته خالتي الى كانت تحضني وانا ابكي

قالت لمى وهي تمسح دمه خانتها : تتدلع ..

: لا مو ديمه الى تتدلع بالله اش قالت لك

طلعت ريم على طول وخفت ان لمى تتهور وتقول لهم شي قلت بسرعه : مافيني شي بس تمنيت ان ابوي هنا الله يرحمه

حسيت ان خالتي ارتاحت ان هذا السبب : اوه الحمد لله خوفتيني حسبت مهند
قالك شي .

: لا وش بيقول شوفي الشبكه

: واو وربي تجنن ياديمه الماس وباين انها غاليه ماتقل اربعين الف
وجات هدى وهند وغادة شافوها وابدوا اعجابهم فيها .

قالت خالتي بتطلعين عند الحريم ولا بتجلسون هنا
ماكان لي خلق لااطلع ولا ادخل ولا اكلم احد احسني ابغى ارجع للبيت لأنني تعبانه
كثير

واتصلت على خالي قلت : ابغى ارجع للبيت ولمى معاي وابغى السواق يوصلني
قال خالي : اطلعي لي برا ابغاك بسرعه !

بس تحججت ان لمى عندي لأنني حسيت انه لاحظ صوتي المتأثر من البكا وخفت
يسألني ثم اتورط .

بعد ساعه كنت انا ولمى في بيتنا وهي تحاول تطلعني من جو التوتر اللي انا فيه
: ديمه امانه كيف شكله حلو ... اذا يشبه ريم وسميرة يجنن

: مايشبه لهم لا

: من احلى هم ولا هو

قلت وانا ابتسم بعد ماهديت من نوبة البكا اللي في الاستراحة ثم في السيارة :
لاوالله ياللى هو احلى كل شي فيه حلو بس قهرني ومالحيه احسني اكرهه ..

: بالعكس ياديمه افرحي حلوة الحياة اذا بدايتها فيها اكشن ومواقف زي هذي
النهاية بتصير حب وكلام حلو .. تشوفين بعد الزواج والله ليبيوس رجولك بس
ترضين عليه لأن بصراحه مافيه رجال يوقف قدام جمال ديمه ويقدر يكابر

: تكفين لمى فكينا من احلامك ورومنسيتك .. انا ماخذة واحد قلبه حجر .. انسان
من صخر ولا يفكر بالحب والرومنسية ولا فيه واحد يقول لخطيبته انا خطبتك

ابغى اكسر راسك .. وعناد وتحدي ..؟ اسكتي يالمرى الله يخليك بحاول اتناسى لين
يجي موعد زواجنا .. الله يستر منه يقول بقدوم الموعد كأنه بكيفه ..

: بيني وبينك خالك مرة مزودها مخليه على كيفه .. ولا وين راك لمن قال الملكة
الاسبوع الجاي

: خالي كأنه خايف يطير من يده يقول مافيه احسن من مهند لك .. يقول تبيني
ازوجك من هالشباب مايستاهلونك .. بس مهند عاجبه يقول مافيه زيه وياليتيه
يدري مهند وش قال لي ...

ياربى ارحمني وساعدني على الأيام الجاية

اتصل زوج لمرى عليها وقال انه قريب من البيت يباخذها .. وقامت تلبس عبايتها
ونزلنا من فوق الا هدى وخالتي داخلىن وعيالهم نايمين كانت الساعة حوالي 2 ..
وشغالة خالتي طلعت بعزام وخالتي كانت تشيل جراح وطلعت فوق وهدى كانت
تشيل ديمه والشغالة تشيل ياسمين والشغالة الثانية تشيل أسامه اللي باين انه
ثقل عليها وهي حرام كبيرة ماتقدر تطلع الدرج وهي تشيله .. وقفته وصحيت
اسامه الين صحى وخليتها تمسكه بيدينه عشان مايطيح وتخليه يمشي على
رجوله .. كان بسام مع خالي داىخ يبغي ينام وطلعه خالي فوق ورجع لي بسرعه
وهدى وخالتي كل وحده دخلت غرفتها تعبانات

: ديمه تعالى ابغاك قاله خالي وكان صوته مرة عالي ..

قلت بحذر : هلاخالي

اشر لي اجلس قال : بالحرف الواحد تقولين لي وش صار

جلست واخذت الخدانية مسكتها بقوة قلت : ماصار شي دخلوا اهله وتصوروا
معانا وبعدها جلسنا يمكن خمس دقائق وطلعنا

: والبكا والمناحه اللي انتي مسويتها ليه ومهند طلع متغير ومتضايق طول الليل

: انا بصراحه تذكرت ابوي تمنيته معاى .. ويمكن هو تأثر لمن شاف دموعي

: طيب قلتي له وش سبب بكاك

: ها .. ممممممم بصراحه لا

: ليه خليتي الرجال يقلق ويتخربط يحسبنا غاصبينك عليه

ياسلام اجل يوم خطبني مو عارف اني راح انغصب عليه ولا اخرج خالي

قلت لخالي : ما قدرت اتكلم معاه واقول له وش فيني

: ياديمه يا حبيبتي انا ما قلت لك انه خلاص زوجك يعني تكلمينه عادي .. هذا مو غريب ليه ماتفهمين

: خالي مو معقول اول يوم اقله عن اللي فيني واللي مو فيني استنوا علي شويه اتعود عليه بعدين اقله اللي يبي

: طيب ديوم ماعلينا لاتنكدين على نفسك ووقف خالي ... ومالي اشوف هالدموع اذا شفتها ودي اموت ولا تنزل دمعك

صرخت : لاتقول اموت الله يجعلني اموت قبلك ويخليك لي

: طيب هدي اعصابك .. ديوم حالتك مو عاجبتني الدموع هذي وراها شي وش فيك ولا تبين تخبين علي

: لاتجيب سيرة الموت اكرها

وحضني خالي على صدره قال : مانجيب سيرة الموت ولانكدر على الديم ولا ننغص فرحتها اللي هي خلتها دموع وزعل بس ابي وعد ان دموعك ماتنزل .

ابتسمت لحنية وطيبة خالي ناصر : خلاص . حاضر . اللي تبغاه يصير ..

ضحك خالي : الله لايحرمني هالضحكة والله مهند محظوظ اللي بتصيرين في بيته وانا اللي مادري كيف بدخل هالبيت وانتي مو فيه

: لا ماعليك كل يومين بتشوفني اصلا ماقدر اعيش بدونكم انا

: هذا كلام أي بنت قبل الزواج بس اذا تزوجت تستقل بحياتها وزوجها

: انا لا غير عن البنات ما استغني عن اهلي مهما صار ...

: نشوف ياديوم والله الظاهر بكرة تطقين الشهرين والثلاثة ماشفناك

: خلاص تشوف خالي

: هلا

كبير يحن علي ويهتم فيني مو متعود على الدلع والحنان ويبغاني اعطيه ..
وصحيح ان اسباب رفضي له مو منطقيه بس ماقدرت اتقبله .. بعد كذا في
هيوستن ماكان يكلمني الا بالمستشفى واسئلة طبيه حسيته شايف نفسه ومغرور ..
بس لمن طلبني من خالي عرفت انه انسان مغرور ومايحب احد يرفض له طلب
وهو قالها اصلاً .. ياربي اذا هذي بداية حياتي اجل كيف لمن اتزوجه واعيش
معاه ببيت واحد

يارب الطف بي وارحمي .. ياربي والله تعبت طفولتي معاناة ووحده اول شي
وفاة امي بعدين قسوة زوجة ابوي بعدين عيشتي مع خالي لوحدي لااطفال لام لا
اخوات الين تزوج وكنت لوحدي اغلب ايامي هدى بحالها وانا بحالي ماكنت احتك
فيها لأنها كانت تحسنني اني دخيله على حياتها وكان كل وقتي بين الكتب .. الين
تأقلمت علي والحمد لله صارت لي اكثر من اخت .. ثم معاناتي مع الصداق واللي
ماكنت اقدر اخطو خطوة الا ينكد علي .. ثم اكتشفنا انه ورم هذا بحد ذاته اخذ من
عمري كثير احسه كبرني كم سنه وفتح عيوني على اشياء ماكنت تخاطر في بالي ..
ومعاناة الألم عسى المسلم مايجربه .. ثم العملية وأبوي والغيوبة اللي صارت لي
بغيت اموت بسببها ثم يوم ربي فكني من هذا كله له الحمد والشكر مدد بلا عدد
على فضله علي .. والحين يطلع لي هالمهند .. عاد مهند حياة وعمر هذا ان
استمرينا .. يعني كل ايامي الجاية معاه تشير الى اني راح اعاني كثير رحمتك
ياربي والله اني تعبت من الهم والمصايب ..

صحيت بعد نوم كله احلام مزعجة وكوابيس وانا مرهقه .. سألت هدى بعد
ماصليت عن الشاحن حقي قالت ان فادية اخذته من غرفتك وانتي نايمه ..

ورحت لغرفة خالتي فادية لقيتها فاضية ومرتبته ومافيها شي

رجعت لهدى اسألها عن خالتي قالت ان عبدالعزيز اخذها بعد صلاة الجمعة
انقهرت ماجلست معاها احسنني ابغى اتكلم مع خالتي بس المشكله ان خالتي
متهورة وعصبية وماتتحمل احد يغلط علي او يزعلني وأكد بتروح لخالي وتقول
له على كلام مهند وانا ماابغى اقهر خالي بعدين ماراح يتغير شي الحين خلاص
ملكنا

كنت برجع لغرفتي الا ناداني خالي قال وهو خارج من غرفته ويمسح وجهه بمنشفة صغيرة : تراني عزمت مهند للغدا وبيجي .

انقهرت بجد قلت بعصبيه : شو ..؟ بيجي يتغدى ..؟ مو البارحة كان معاكم استغرب خالي من اسلوبي بس رد علي ببرود : انا الحيت عليه اقل شي تعتذرين له عشان البارحة نغصتي عليه

ارتبكت قلت بسرعه وبصوت هادي هالمرة : شو اعتذر له ومااعتذر له ..؟ .. خالي لو سمحت انا ماسويت له شي وووو صديت عن خالي قلت بشجاعه : ومستحيل اقابله ..

تأفف خالي بضيقه صدر قال : لاتنسين انه زوجك واذا اخذك بيدك الحين محد بيرده

دمعت عيوني على طول ماعاد فيني اسمع اسمه ولا اتذكر مو اقابله واشوفه واسمع موال جديد منه قلت : خالي لو سمحت لاتفرض علي شي زي كذا وأي شي يخص مهند لاحد يفرض عليه شي فيه ..

طالعني خالي بنظرة عدم رضى قال : ماتبين تقولين لي وش فيه ياديمه ؟

مسحت دموعي بيديني وانا اشهق قلت : خالي الله يخليك لاتسألني ولاتجيب لي سيرة مهند خلاص بتزوجه وانا راضيه بس لاتفرضون علي اقابله ولا اكلمه لأنه مستحيل يشوفني قبل الزواج او حتى يكلمني .

مد علي خالي منديل ومسح على راسي بخنية قال وهو يحاول يهديني : خلاص اللي تبينه يصير انتي حرة محد بيجبرك انا بس شفت مهند البارحة متضايق قلت اليوم اعزمه وأخليك تقابلينه وتقولين له انك ماكنتي متضايقه منه وانك لمن كنتي تبكين عشان ابوك و ..

قاطعته بسرعه : خالي مو لازم هو مصيره بيعرف بس مو الحين خلاص خالي اذا مهند بيجي روح اجلس معاه بس اذا سأل عني قول ماتبغى .. الله يخليك خالي قول ديمه ماتبغى تقابلك ولا تحط لي اعذار من عندك

رحت بسرعه لغرفتي وانا مقهورة اول مرة اكلم خالي باسلوب زي هذا الا لمن عزمنا مهند كلمته باسلوب يشبه هذا . يعني مهند هو السبب اني اكلم خالي بالطريقة هذي في كل الحالات..

بكيت اليوم بما فيه الكفاية احسني مو قادرة اتحمل وجات في راسي فكرة ... وين كانت غايبة عني ..؟ ليه ماروح لسوريا واجلس عند جدتي كم يوم ..؟

ماخرجت من غرفتي الا الساعة خمسة العصر وشافتنى هدى متضايقه قالت : ديمه وش فيك لاتخبين علي انا اختك احس انك مهمومه .. مهند له دخل ..؟

: لامهمومه ولا لمهند دخل ولا شي بس انا حاسة اني متضايقه بدون سبب انتي لاتشيلين همي ماعليك .

: تدرين ان مهند قال يبي يشوفك وقال له خالك مارضت تقابلك ؟

: احسن .. وخالي صادق ..

: اجل وربى ان فيه شي ياديمه ومهند اليوم كان مو طبيعي على قولة خالك يقول احس انه مهموم حتى خالك يقول اشك ان ديمه قايلة له شي ...

: ماقلت له شي ولا قال لي شي يمكن لأني بكيت البارحه على ابوي وامي

: الله يهديك فيه احد ينكد على نفسه بالذكريات

: خلاص هدى تكفين ماقدر ابكي ماعاد فيني ..

: طيب خلاص وآسفه ياديوم .. تبغين غذا ..؟

: لا ابغى خالي وينه ..؟

: خرج مع مهند ..

اخذت جوالي وانا بقلبي اقول خله يدري بقهره لمن يدري اني راح اسافر

دقيت على خالي ورد علي بسرعه

: هلا والله وغلا بديمتي

استحييت من خالي لمن تذكرت كلامي اليوم معاه قلت بصوت هادي : هلا خالي كيفك ؟

: بخير انتي كيفك الحين ..؟ كيف المزاج عساه احسن الحين .. ؟

رديت بسرعه وتهربت من سؤال خالي على قد ماقدر : الحمد لله .. خالي متى بتجي ..؟

حسيت خالي ارتبك لمن تغيرت لهجته وقال بجدية : ليه بغيتي شي ..؟

قلت : خالي الله يخليك بروح عند جدتي كم يوم ..

كانت هدى قاعده وشهقت ومفتحه عيونها بقوة . بس ماعلت ...!

: ممم ليه فيك شي ..؟

نزلت دموعي غصب خفت خالي يرفض وانا لو جلست في البيت بموت من القهر
قلت : مافيني شي بس محتاجه ارواح الله يخليك خالي لاتردني والله نفسي ارواح

..

: طيب طيب لاتبكيين .. ولايهمك انتي .. متى تبين تروحين ..؟

قلت بسرعة : خالي ياليت اليوم بس ابغى بكرة او بعده بالكثير اكون عند جدتي ..

: اوف اوف كل هذا مستعجله .

.....:

: طيب من عندنا اغلى من ديوم الحين احجز لك وجهزي شنطتك وانا ادق عليك
اقولك متى الرحلة

: تسلم ياخالي الله لا يحرمني منك ويخليك لي

: ويخليك ياديوم بس افريديها شوي ترى كائي اشوفك وانتي مبوزة

: هههههههههههه لا بالعكس الحين روقت .

: عساه دايم رايقه

: طيب يالله مع السلامه

: مع السلامه

وانا اكلم خالي سمعت عنده اصوات اتوقع انه في الكوفي شوب .. والتفت لهدى
اللي تناظر فيني وكأن حالي مو عاجبها ..!

ابتسمت لها وانا احسني مرتاحه كثير قلت لها : هدهود ليه تناظريني كذا

قالت وهي مكشرة وتهز راسها بأسف : ديمه وش صار لك ؟

[illegible]

وصلت السوق وانا طول الطريق اتذكره وأفكر ياترى وش كان بيقول لي .. يمكن
بيقول شفتك زي مابغيت وكل شي اخطط له يصير .. ويمكن بيقول انتي اللي
جيتني بنفسك محد جبرك ..

صورته ماراحت من بالي وأدري انه معجب فيني طبعاً بلا غرور انا الحمد لله
حلوة وكل الناس يشهدون لي .. بعدين لبسي مع مكياجى كان مغري .. حتى لمن
فتحت شعري اطلع احلى ... وشعري لوحده يفتن طويل وناعم وكثيف ولونه بني
فاتح يعني كفيل ان مهند يحط صورتي هذي براسه لين يموت ..

بس اللي قاهرني وش دخله للمرسم ليه خالي يخليه يدخل من دون مايقول لي ..؟
ولا خلاص صار زوجي حضرته معناته له الحق يتدخل في كل خصوصياتي ..؟

المشكلة ماابغى افتح محاضر تحقيق مع خالي لو قلت له ليه تخليه يدخل
وماسمح انه يشوف لوحاتي ..!

اوووه حاولت اشيله من راسي على قد ماقدر ..و دخلت محل ذهب بسرعه
واشتريت اسواره لجدتي من ذهب اصفر ومعاها خاتم بفص اسود .. هذا ذوق
جدتي وراح يعجبها

اما خالتي سمر فأخذت لها اسواره من لازوردي لأنه ناعم يناسبها .وخاتم لام
خليل الطباخه اللي تشتغل عند جدتي لأنى اعتبرها من اهل البيت ... ومريت بودي
شوب وأخذت مجموعة هدايا مغلفة لمايا واحتياطاً اذا سهى زوجة خالي ايمن
جات . و مرح صاحبة خالتي سمر.. وساعه لعم ابوسليم الجنايني حق حديقه
جدتي .. وأخذت لأهله اقمشة ولحفيدته الاء العاب كثيرة وفستان حلو لأنه يحبها
ودايمما يحكيها عنها ويتمنى يسعدها بأي شكل واخذت لزوجته ام سليم قماش حلو
وجلابيه معاها طرحة نفس اللون واخذت لهاسجاده ... ومريت العربيه للعود
واخذت منها عود وثلاث خلطات دهن عود .. وعطرين رجاليه لخالي ايمن اذا
حصلته ولعدنان زوج خالتي سمر ..

رجعت للبيت وانا متوترة كانت الساعة تقريباً 10 وتمنيت ماالاقى مهند مع خالي
ياربي خالي مايشبع منه اذا قابله مايفارقه الا الفجر بعدين هذا وين شغله ماعنده

دوام ولا اليوم الجمعة نسيت . وأهله المساكين اللي جو هنا ماشافهم من الظهر
صدق مايسطي ..

دخلت بعبايتي ولقيت خالي جالس عند باب قسم الحريم ينتظرني سلمت وسألت
فيه احد قال : لا

حسيت خالي فيه شي بنرة صوته زعلان قلت : اشفيك خالي لايكون زعلان اني
بسافر .. انا محتاجة

قاطعني بسرعه قال : لامو زعلان خذي اغراضك وامشي

استسلمت وقلت : الحين ؟

: ايه يالله

رحت لبست جاكيتي وعبايتي مرة ثانية وسلمت على هدى وعيالها وخليت الشغاله
تطلع شنطتي ومشيت !!!

في الطريق كان خالي ساكت ولاحظت انه مشغول بشي قلت وانا ابتسم : ممكن
اشاركك التفكير ..؟

طالعني قال : ممكن بس اخاف تتنرفزين

خلاص عرفت ان مهند في الموضوع قلت : لا اوعدك بس قول اش فيك

: تراني خليت مهند يشوف المرسوم

مارديت عليه :.....

: ردي

ماكنت ابغي انرفز خالي ولاضيق خلقه اذا قلت ليه ؟ وبينت اني معترضه انه
يشوف لوحاتي فقلت متظاهرة انه مرة عادي واني مازعلت : عادي خالي اعتقد
مافيه شي ..؟

حسيت ان خالي ارتاح وتنهد بعمق قال : صح مافيه شي والمفروض انتي
تورينه المرسوم مو انا

تبسمت بعدين كمل

والسعادة .. ورجعت ديمه (متزوجه) ومستقبل راح يكون ممتليء بالعناد والقهر
والتحدي بعيدا عن العطاء والبذل والأمان اهم شي ... آه يا شجرة الزيتون ليتني
اكون مثلك صامده وقويه .. وصابرة رغم تقلبات المناخ وحرارة الشمس وهطول
المطر الغزير فجأة .. وقسوة عمو ابو سليم عليك بمقصه الطويل .. ياليت مهند
كان حلم وراح اصحى منه .. ولا ياليتني اصير قوية عشان اواجهه الأيام الجاية ..
ومايقهرني بكلامه وتصرفاته وتحديه لي ..

شفت عم ابوسليم قريب مني وانتبه لي .. قال وهو متفاجأ : مين ..؟ ديمه لك
يا اهلا وسهلا ايمتى وصلتي يابنتي ..

: اهلين فيك ياعمو .. اليوم وصلت ولسه ماقابلت جدتي لأنها نايمه .. انت كيفك
وكيف اهلك

: كتر خير الله منيح يابنتي .. كيف صحتك هلا طمني

: الحمد لله بخير .. وترى ياعمو جبت لك هدية سامحني مو قد المقام بس عشان
كنت مستعجلة البارحة قررت اجي هنا ..

: جيتك لهون يابنتي هي اكبر هدية .. ولك انتي بتردي الروح للي ببشوفك

: ههههههههههه الله يخليك ياعمو ويطول بعمرك .. يالله عن اذنك

: اهلا وسهلا فيك يابنتي اذنك معك

رجعت للفيلا بعد ما قطفت لي نرجسة اغرتني .. وكانت الساعة عشر خلاص موعد
قومة جدتي الحين .. رحت لغرفتها لقيتها مو في سريرها .. وسمعت صوت الما
بالحمام .. ورجعت اخذت هدية عمو ابوسليم وهي الساعة وأغراض حفيدته آلاء
ومن العود اللي جبته .. وأغراض زوجته .. ونزلت بوديه له

رحت عنده لقيته لساته يتكلم مع الأشجار بس هالمرّة مع الورود الحمراء (
الجوري) وهو يقول : باين زعلانين اليوم .. مابدكون تغنوا لي .. لك غنوا انتو
اجمل اشي بالدنيا .. انتوا الحب .. يعني الحياة .. يلا غنوا ..

قاطعته وانا اضحك : يمكن زعلته ياعمو عشان كذا ماغنى

جلست مع جدتي ساعتين يمكن وانا خلاص داخه ابغى انام .. صحيح نمت
بالطيارة بس مو كفاية احسني مواصلة من امس للحين .. حتى من زين نوم امس
اللي كله احلام وكوابيس ...!

طلعت لغرفتي ورميت نفسي على السرير ودقايق بس الانمت بعقم

صحيت الساعة 8 العشاء وانا احسني طلعت كل التعب الي فيني من كم يوم ..

قمت صليت كل الفروض اللي فاتتني ودقيت على خالي سامي اللي باين انه احسن من امس .. وقال لي انه لسه بجده مابيروح للطايف الا اذا راحت منه الحمى لأن خالي ناصر حلف مايروح لين يتطمئن عليه ... وسألته عن خالي ناصر قال انه بخير .. ووبعدين قفلت مع خالي سامي ونزلت ..

**لقيت خالتي سمر عندنا سلمت عليها وحضنتي وباركت لي وأخذتني بيدي قالت :
تعي احكي لي**

: شو احيى لك ..؟ وانا اضحك

: بذك هلا تحكى لى عن مهند من طاطا للسلام عليكم

: ههههههههههههههههه لا الله يخليك خاينا من مهند وسيرته خليني اروق معاك مرة مشتاقه لك .

: بس حطي بياك راح تحكي لي اذا مو هلا بعدين

: اوکي بس الحين خلينا نجلس مع جدتي

■ : يلا .. ■

كنت مقفلة جوالي مابغى احد يدق علي ... وخوالي يعرفون رقم بيت جدتي وجوال جدتي يكلموني عليهم ..

جلست مع جدتي وخالتي وسهرنا في الحديقة وام خليل والشغاله الاندونسية
جلسوا يشوون لنا في جو خيالي .. لمن تعشنا على الساعه 3 الفجر قالت جدتي
انها تعبانه وبطلع تنام .. جلست انا وخالتي وصرت انتهي من سالفه وابدأ
بسالفه بعيدة عن مهند اللي اخاف انها تجيب سيرته .. واحاول اسألها عن
مواضيع واخليها تقول لي كل شي بالتفصيل .. طولنا واحنا نسولف الين رحمني
زوجها قال انه قريب من البيت ويبدل يسلم علي ويأخذها بسرعه .. لبست
عبايتي وحجابي اللي كنت ماخذتها معاي تحسباً اذا دخل علينا احد غريب لأنى

كنت لابسـه تنورة قصيرة وبدي .. دخل عدنان وسلم علي من بعيد ونادى خالتي
سمر اللي رجعت معاي لجواة البيت عشان تاخذ شنطتها .. سلمت عليها قالت :
لساتك ماحكيتي لي اشي عن مهند وحكاية خطوبتك المفاجئة .

: روعي لاتتأخري على زوجك وبعدين نتقابل وأحكي لك .

: يلا تصبحي على خير

: وانتي من اهله .. باي

أوف . الحمد لله عدت الليلة على خير .. طلعت لغرفتي وفتحت جوالي لقيت
رسالة من لمى تقول كلميني وتساألني عن اخباري وهي اصلاً ماتدري ان سافرت
.. وبعد شوي دق علي رقم غريب من السعودية بس مارديت .. وقفلت جوالي
بعدها على طول ونمت ..

اليوم الثاني رحت عند مايا ولقيتها مسوية حفلة وعازمة اغلب صاحباتها بمناسبة
زيارتي لها .. تعرفت على البنات كانت لينا ونوال وسهام ورغد كلهم حبوبات
قعدوا البنات يرقصون وحاولوا فيني ارقص مارضيت .. انا اصلاً ماقد رقصت في
زواجنا ومناسباتنا الا زواج اخوالي يادوب اوقف خمس دقائق اتحرك فيها مع
الاغنية شويه اسم اني رقصت واخرج

مو هنا ارقص لا والبنات حريفات ومبدعات بصراحه يتاميلن مو زبي احسني هبلـة
مااعرف ازبط لو حركة وحده .. جات لمى بعد ماردت على التلفون اللي دق قالت :
ديمه اتصلت ام خليل تنول افتحي تلفونك لأنو خالك بدياك ضروري !..

فتحت تلفوني وانا عارفه ان خالي بس بيظمن يشوفني وين اروح اصلاً أي
مشوار اروح له اذا كنت بسوريا يكون عنده خبر .. واليوم لمن دقيت عليه مارد
علي وارسلت له رساله اني رايعه عند مايا عازمتني ..

دق تلفوني على طول لقيته خالي ماجد

: هلا خالي

: والله مادري مو راضي يدخل راسي كلامك .. بس اتمنى انه صدق

: لاصدق ياخالي .. بس طمن بالك الله يخليك .

: طيب يالله تامرین علی شی .

: سلامتك وانتبه لنفسك ولا تفكر بهذا الموضوع ترى مافيه شي من اللي براسك

: او كي .. انتي انتبهی لنفسك واستانسی .. !ويالله مع السلامه

: مع السلامه

كنت اكلم خالي بزأوية بعيدة عن البنات وصوت المسجل وهيصتهن وازعاج رعد
اللي تنكت وتضحك .. ولمن كنت اكلم كان نفس الرقم اللي البارحة يدق علي ..
لمن قفلت لقيت ست مكالمات لم يرد عليها لنفس الرقم اللي دق علي البارحة

دق هالمرة وطول لأنه مو انتظار وفتحت الخط بشوف مين بس ماتكلمت

انتظرت شويه محد تكلم بعدین تكلمت : الو

: هلا هلا هلا بديمه .. حرمننا المصون

: مين ..؟ مهند .. ؟

: وش معناة سفرتك بهالسرعه وانتی تدرین انی مو راضی عنها ؟

قلت بقلة صبر وعصبية : مين انت ..؟

: لاتسوين نفسك ماعرفتيني .. تدرین انی مهند من اول مادقیت .. ولا متعوده
تدق عليك ارقام غريبة ..!

ردیت بصوت يرتجف: لو سمحت اقفل لأني مابغی اقفل فی وجهك ..!

: لااااااھ ..؟تسوينها ..! ولا وش ابي انتظر من وحده مغرورة ومدلعه الا انها
تقفل بوجهي انا اللي اصير زوجها .

قاطعته : لو سمحت مافيني اعصاب تتحمل سخافاتك .. ومع السلامة

قفلت بسرعه وقفلت جوالي بعدین رجعت للبنات احاول اسوي نفسي عادية بس
لااااااا ماقدر امثل ..

جات عندي لینا قالت : شوبك ديمه ..؟

: مافيني شي بس خالي ييغاني بموضوع مهم عن اذنكم

تدخلت مايا : شو تمشي ..؟ ولك لسه ماجلستي حتى تمشي !.

: ماعليه مايا مرة ثانية اجيك او تجيني انتي والبنات ضروري امشي الحين .
ولبست حجابي وعبايتي اللي كنت لابستها على فستاني القصير ..

خرجت مع ماهر اخو مايا الصغير عمره يمكن 12 سنه لأنني جيت معاه والحين
رجعني طبعاً مشي على رجولنا وهم اصلاً بيتهم قريب من بيت جدتي .. بس
ماقدر اخرج لوحدي ..

وصلت البيت وانا احس اني متكسرة منهارة مخنوقة ابغي ابكي ومو قادرة

يارب ارحمن قلتها بقلبي وانا ارجو الرحمة في لحظة زي هذي رحت لغرفتي
على طول حتى مامريت جدتي .. رميت عبايتي على السرير وقعدت ادور بالغرفة
استوعب اللي صار .. ياربي الحين حالي كذا واحنا ولسه مخطوبين وهو
مايشوفني ولايكلمني وشلون لو قابلته 24 ساعه

ياربي اش اسوي اروح عند خالي اقول ماابغاه ولازم يطلقتني ..! وافتك من الهم ..

يؤ شو يطلقتني ...؟ والله ليوقف قلب خالي .. اصلاً اذا خالتي فادية زعلت من
عبدالعزيز وقالت ابغاه يطلقتني عصب عليها وكان بيضربها بس مسك نفسه ..
عمري ماشفت خالي معصب بهذا الشكل قالها لوسمعت سيرة الطلاق لسانك
قصيته .. وبعدها خالتي ماجابت سيرة الطلاق قدام خالي .. عاد اذا قلته بخلي
التاريخ يشهد على ضرب خالي لي لأول مرة فيه اكلم خالي ماجد لا لا .. خالي
ماجد بالرغم انه دائماً ساكت بس اذا عصب ينسى اللي قدامه وهو يحبني لدرجة
انه لو احد يتكلم في قفاي كسر راسه مو هذا اللي يهيني ويجرح فيني والله ليقتله
ويروح خالي ماجد فيها ... حتى خالي سامي بيعصب ويقوم الدنيا ويرجعون على
خالي ناصر لأنه صاحبه وواثق فيه .. آه عليك ياديمة حظك دائماً يمشي عكس
احلامك

سمعت صوت جدتي وهي تناديني وكل شوي تقرب من غرفتي بسرعة دخلت
الحمام وفتحت المويه .. ماقدر ارد عليها صوتي مخنوق وعيوني محتبسة بدموع
مو راضية تنزل .. ليتني ابكي حتى ارتاح .. ليتني اقدر اشكي لأحد حتى لمي
ماعدت اقدر اشكي لها لأنها تقلب الموضوع اكشن وتترقب أي تصرف وأي حركة
تحس انها فلم نهايته بتصير رومنسيه

مالي غير ربي كالعاده هو ملجأى اولاً وأخيراً .. توضيت وخرجت .. لبست شرشفي حق الصلاة .. وصليت لربي اطلبه وأرجوه انه يفرج همي وييسر لي اموري ويكتب لي اللي فيه خير ..

احسني ارتحت بعد ماصليت .. وخرجت جلست مع جدتي اللي استغربت رجعتي بسرعه من عند مايا وتحجبت بخالي ماجد انه اتصل علي وزعلان من سفرتي المفاجئة واني ماقلت له .. صدقتني جدتي وحسيتها تظمنت

بعد يومين اتصلت على مايا اعتذر منها وعزمتها هي وصاحباتها على مطعم اعرفه من زمان كلاسيكي وفيه مطربين اصواتهم روعه والأهم الليلة فيه صلاح عاكف .. مو مشهور بس احس انه مظلوم صوته خيالي بس محد اعطاه حقه في الاعلام ... اهم شي في صلاح عاكف بالنسبة لي انه يغني احيانا اغاني خليجية ...

تعشنا بالمطعم وبصراحه ليلة من ليالي العمر جات معاي خالتي سمر لأنني ماقدر اخرج الا مع احد اكون واثقة فيه من اهلي .. كانت رغد مو طبيعيه حركاتها تموت ضحك دمها خفيف وبنت عفوية وعلى نياتها .. بالرغم من ان اهلها بالضيعة وهي موظفه مع مايا بشركة الا انها عايشة حياتها وماتحب النكد .. واذا فيه حكاية حزينة تقوم توقف وتقول: اذا فيه بكا ودموع مراح اجلس ..

رجعنا للبيت انا وخالتي مبسوطات بعد ماغيرنا جو واستانسنا .. وحصلنا جدتي نايمه .. والله اني انقهر اذا رحنا مكان وتركناها بالبيت بس المشكله هي ماتقدر على السهر ومومتعودة واذا اخذناها معانا خربطت علينا كل شوي تقول يلا نرجع تعبت ..!

قررنا نعزم جدتي بمطعم قريب تصميمه بيت عربي من البيوت السورية القديمة وأكلهم تقليدي .. فيه مجدرة وفيه كبه نية اللي جدتي تحبها وفيه شيش برك وانواع الشوربات والمشاوي .. بجد جدتي مراح تنسى هذي السهرة ..

قلت لها : خلاص جدتي اذا حسيتي نفسك طفشانه خلي خالتي تجيبك هنا ..

: لك يابنتي كل مابروح مكان معك مابندر ارجع له وانتي مش هون بيزكرني فيك ومابرتاح فيه

: يوووه خلاص مراح ارواح معاك لأي مكان حلو معاك عشان تقدرين تجين له اذا رحت

: لك تسلمي لي يا حلى جدة بالدنيا ههههههههههه

مافكونا من شرهم الين اتصلت خالتي سمر على زوجها اللي ارسل زميله لأنه كان مشغول مايقدر يجي .. و جا زميله وعرفنا على نفسه اسمه عبود .. بس طويل وعليه عضلات مو على قد اسمه ..ذكرني بابو عنتر وشجاعته؟؟ اول ماشافوه حاسبوا وطلعوا وهو وصلنا للبيت ..

بالرغم اني طفشانه عند جدتي الا اني مالبغى ارجع للسعودية لأن مو بس ذكرى
مهند بتقعد في راسي الا ببصير طاريه وسيرته عندي باستمرار .. خالي كلمني
كذا مرة عشان ارجع يقول ارجعي بس اترجاه اجلس شوية كمان الين جات
الدراسه ورجعت غصب ..

استقبلني خالي سامي في المطار لأن خالي ناصر كان مشغول ومكان في جده
بالمرة .. كنت ما تكلم كثير بالسيارة الا اذا سألتني خالي سامي ارد .. آخر شي
سألتني فيني شي قلت له اني مرهقه وسهرانه ومائمت وأصلاً انا كذابه نايمه طول

الليل .. الله يسامحني بس .. لولا اني مالبغي احد يحقق معاي ولا يشك ان سبب
همي مهند كان ماكذبت بس مابي مشاكل ووجع راس ..

كملنا طريقنا وانا ساكته ووصلنا البيت ... سلمت على هدى .. بجد مشتاقة لها
ولعيالها اخذت ديوم الصغيرة وبوست فيها وحضنتها وجات ياسمين وحضنتني
ونفس الشئ أسامه بس بسام جلس يناظرني من بعيد .. ورحت عنده انا بنفسي
وسلمت عليه وحضنته بقوة وشلته من على الأرض .. احب بسام كثير احبه لأنه
صورة مصغرة من خالي حتى بعض حركاته تذكرني بخالي .. اخذتهم معاي عشان
اعطيهم هداياهم كنت جايبة لهم ملابس وألعاب كثيرة .. وجبت لهدى بناطيل
وبلايز وتنانير وصنادل الله يكرمكم وثلاثه فساتين روعه .. انا طول الفترة اللي
كنت فيها بسوريا اشتري لنفسي اذا نزلت السوق مع خالتي .. بس لمن رحت
اشتري لهم هدايا على آخر اربعة ايام كنت أي شي اشوفه حلو آخذه لهدى .. حتى
خالتي فادية مااشتريت لها الا ثلاث بلايز وصنادل تناسبها زي هند وغادة ..
وجبت لعيالهم ألعاب

.. جلست مع هدى وسولفت معاها قلت لها كيف قضيت الأيام هناك ... كلمتها عن
بعض البنات اللي عرفتهن وخالتي سمر صاحبته .. وعن دلال جدتي لي وعن
الأشياء اللي ونستني هناك واللي ضايقتني ..

جيت بروح لغرفتي لأنني لسه ماطلعت قال هدى : صحيح ترى مهند يبي زواجكم
بدري .

: شو ..؟ حسيت بكلمة هدى كأنها شي طاح على راسي

: والله يقول بعد رمضان بس خالك قال استنى لين ديمه تجي وانه هو مو موافق
عشان امتحاناتك ..

: والله مو بكيفه حتى الصيف الجاي ماني موافقه مو رمضان .. هه ماشاء الله
عليه احلامه كبيرة هذا .

: اسكتي ياديمه خالك يقول مصر على الزواج بعد رمضان

: والله لو تقطعوني مارحت معاه .. واذا يبي يسوي زواجه خلّه يسويه بس
بدوني انا .

رحلت لغرفتي اخذت شور وبدلت لبست بيجامه واسعه بكم طويل وجلست افكر وحلفت من قلبي انه لايمكن اوافق ولا اخرج من بيت خالي بعد رمضان .. والله يستهبل هذا ..؟ هذا من اولها نكد علي .. الله يساعدي على الأيام الجاية ..

ما قدرت انام حاولت حاولت بس مافيه فايده .. بعدين نزلت تحت عند هدى
لقيتها جالسه على التلفزيون وعندها شاهي ومكسرات وجلست معاها اشرب
شاهي بعد ساعه دخل علينا خالي وحضني على طول وسلم علي وانا سلمت على
راسه ويده مرة واحشني خالي .. ياربي احبه كثير ... هذا الانسان اهلي كلهم ..
هذا اغلى شي في دنيتي عساني مالبكيه ..

جلس على الكنبهOLF يده من وراي وجلس يسولف معاي ويسألني فين رحت وكيف ايامي هناك انبسطت ولا لا ويسألني عن ناس يعرفهم من جيران جدتي ..

كان يسألني وانا ارد عليه باختصار من القهر اللي فيني من تصرفات مهند

ناظرت بخالي بعدين قلت : خالي الله يخليك بطلب منك طلب

: أمري من عندي اغلى منك ..؟

: الله يخليك لافتح معاي موضوع الزواج السنه هذي

طالع بهدى وتنفس بعق قال : مmmmmmm قالت لك هدى .. انا اصلاً ماني موافق
وشلون بتختبرين وانتي عروس .. بعدين هذي ماجستير مو لعب اطفال .. بس
زوجك متهور ومو فى عقله ..

حسيت صوتي مخنوق قلت : خالي لاتقول لي شي بخصوص هالموضوع .

انتبه خالي اني راح ابكي قال : ولا يهملك نغلق الكلام في هذا الموضوع طول السنه وانا مالي دخل .. تفاهمي انتي وياه بعدين تعالوا قولوا لي

نزلت دموعي غصب وقلت : اذا بدت الاجازة الصيفيه الجاية يصير خير لكن قبلها مستحيل

قفلنا الموضوع للمرة بعد ما هداني خالي وغير السالفه ...

بعد يومين قالت لي هدى ان خالي كلم مهند اني رافضه حتى الكلام بالموضوع هذا .. وان مهند زعل وعصب قال انه بيسوي زواجه بداية الصيف رضيت ولا مارضيت ..

ضحكت عليه وانا احسه معصب خله يذوق شي من اللي اذوق اذا قال لي شي ..
مر علينا الترم كله وانا ماارد على اتصالاته ابدأ ولا رديت على أي رقم غريب خافه يطلع هو .. واذا رديت على ريم ماتكلم الا اذا ريم قالت الو ارد ... واذا ماتكلمت اقفل لأنه مرة كلمني من جوالها وقفلت على طول ماخلتيه يتكلم وقفلت جوالي يومين ..

ادري اني المفروض ماسوي كذا بس هو اللي اجبرني .. ماقدر بصراحه اعيش بقهر وابكي بعد كلمتين منه يهيني ويذكرني انه مايبغاني بس خطبني عشان يكسر راسي لأنني رفضته .

كنت مطمئنه طول الترم لأن مستواي حلو من الاختبارات الدوريه اللي كلها فل
مارك الحمد لله

جا رمضان وزارونا اهل مهند ثلاث مرات وافطروا عندنا كانت امه بلسم لعمايله معاي .. تحبني وتدعي لي .. لدرجة ان ريم تقول والله ياديمه انها صارت تدعي لك اكثر من مني انا وسميرة ومهند خاصة بعد ماعرفت انك ماخلتيه ياخذ بيت مستقل اللي اغلب البنات يطلبونه ..

وانا ضحكت ودعيت لها وقلت ماابغى احرمها من ولدها اللي تحبه لو يوم واحد ...
الله يقدرني واراد لام مهند معالمتها الطيبة بجد تخرجني من كثر ماتعالمني زين وانا واثقة انها بتعاملني احسن من كذا اذا جيتها

عزمونا مرتين وخالي وهدى راحوا لهم وانا اعتذرت بالدراسه والاختبارات ومرة عزمونا في العشر الأواخر بعد الاجازة بس تحججت ان لمى بتجيني وقلت للمى غصب عنها تجي تفطر عندي عشان خالي مايشكوجات عندي من العصر .. هذي لمى صديقة عمري من يوم عرفتها مااحتجت لها وخذلتنني .. حتى بعد ماتزوجت عسى الله لايفرق بيننا !

قضينا العيد في بيت جدتي الله يرحمها بالطايف زي كل سنه .. انا الوحيده اللي عيدي كان نكد وحزن لأن هذا اول عيد لي وابوي مو فيه .. كان كل عيد يجي

لبيت جدتي يعيد علينا ويعطيني الف ريال عيديه .. وياخذني عصر اليوم الثاني انا
واخواني للملاهي ونتمشى ونتعشى برا مانرجع الا آخر الليل ينزلني ببيت جدتي
ويروح هو واخواني لبيته .. الله يرحمك يبه اشتاقلك وللحين مو مصدقه اني
ماراح اشوفك .. احس اني بصحى يوم من الايام والاقيه جاي يسلم علي ..
استغفر الله العظيم

رحت اليوم الثاني لبيت عمتي صالحه وانا اصلاً عيدت عليها امس بس اليوم جيت
أخذ اخواني نروح نتمشى زي ماعودهم ابوي الله يرحمه .. رحنا حديقة الملك
فهد وجلست مع منار اللي اخذتها معاي هي واختها امانى ورحنا مع سواقهم..
وانبسطوا ولعبوا ومنار لعبت مع عادل وسديم واختها هديل لكن انا ماتحركت من
مكاني الا اذا بغيت اجيب لي شي اشربه .. كان عناد يلعب بألعاب الكترونية بعدين
جا وجلس معاي وهو متضايق من منار ولعبها كأنها طفلة وفيه شباب يطالعون
فيها أخيراً قال نزلها بنمشي ولا نزلتها انا .. اشرت لمنار وجات على طول لأنها
تضايقت من الشباب وجلست معنا بعد ماقام عناد .. ياقلبي يا عناد مسوي نفسه
رجال كبير ولو انه توه دخل 16 بس يارب اشوفه احسن الناس وكبره بقدره
وقيمته بين الناس وعندك يارب ...

قضينا اربعة ايام بالطايف وكان اللي يميز العيد هذا خالي محمد واهله اللي قضوه
معانا ..

كانت جلساتنا مع بعض حلوة وزوجات اخوالي كأنهن اخوات .. ومافيه بينهن
مشاكل ولا غيره ولله الحمد .. خاصة ان خالتي فادية ماتسمح بأي مشكلة بينا
بأوامر من خالي ناصر من اول ماتزوجوا اخوالي .. وكانت ام رامي زوجة خالي
محمد بمثابة ام الجميع هنا .. حنونة وطيبه وخالي كمان فيه طيبة خيالية وحنون
على عياله وعلى اخوانه وعلينا كلنا

لمن سلمت عليه قال لي والله ياديمه اني زعلت لمن رفضتي رامي بس يوم قال
ناصر ديمه تقول مافيه اخت تتزوج اخوها اني حبيتك اكثر واعتبرتك مثل عيالي
وأعز

سلمت على راسه وقلت : انت بمكانة ابوي الله يطول بعمرك ,, وجلس يسولف
لي عن رامي والشروط اللي لازم تكون في البنت اللي يبيها اهم شي تكون ملتزمة
لأنه ماشاء الله عليه ملتزوم وحافظ القرآن . ماعلقت الا ب : عسى الله يوفقه
ويسعده ويرزقه باللي تستاهله .

مرت الأربيع ايام حلوة بس عدم وجود ابوي الله يرحمه هو اللي مضايقتني ..
جات الاختبارات وكانت نتايجي عال الحمد لله .. كان عندي ست مواد كلها جبت
فيها اعلى من 97 ماعدا مادة وحده اخذت فيها 94 بس راضية الحمد لله ..

بدينا الترم الثاني على طول وجات اجازة الحج بسرعه قضينا العيد في جده طلعا
للشاليه يومين مع اصحاب خالي ورحت عند روان اللي توها سوت حفلة ولدها
البراء عشان كانت تستنى العيد .. سهرنا عندها ورقصوا البنات وغصبوني
ارقص ورقصت معاهم وانا احسني غيبه مااعرف بس نتعلم على قولة منار بنت
خالي محمد اللي كل شي تحب تتعلمه ... عدت الأيام ورجعنا للدراسة وانا كنت
احاول انشغل عن مهند اللي مامل وهو يتصل باستمرار وانا اطنشه اخيراً سويت
فيه حركه وقفلت جوالي وطلعت لي رقم جديد طبعاً لمى هي اللي ساعدتني وجابت
لي الشريحة باسم زوجها .. ماعطيت رقمي الجديد لريم ولا لعمي ياسر كنت
خايفه ياخذه مهند .. بس مرة دقت ريم على بيتنا تخاصمني تقول ليه مقفلة جوالك
قلت ان شريحتي محترقه ومشت عليها .. ياربى والله مااحب اكذب بس ابغى
اكمل الترم هذا بدون مايأثر علي شي زي كلام مهند اللي يسم البدن ..

كانوا اخوالي مستغربين ليه غيرت رقمي قلت ان يجيني عليه ازعاج ولمى
اعطتني الرقم هذا ماتبغيه .. خاصم خالي سامي قال أي ازعاج يجيك هاتيه خلينا
نرد عليه مو تغيرين رقمك .. ووعدته لاقول له على أي ازعاج يجيني ...

يوم اربعاء وانا جالسة مع هدى وخالي نايم وقت صلاة العشا لأنه رجع من
المدرسة وراح يشوف له ارض بيشتريها وهي بعيده شوي المهم مارجع الا بعد
المغرب وعلى طول دخل ينام لأنه تعبان كثير ...

دق التلفون ورديت على طول من دون ماشوف الرقم ..

: الو السلام عليكم

: عليكم السلام

: لو سمحتي ناصر فيه ..؟ ادق على جواله مقفل ...

: ن.. ال..ي م ياويلي هذا مهند حتى بتلفون البيت طلع لي ..

حسيت كأنه تذكر شي : اوووووه ديمه ... سكت شوي بعدين قال : وش هالسخافات .. ؟

ماتكلمت احسني مو مستوعبه الحين هذا يطلع لي حتى بالتلفون ويتكلم علي حتى سلام زي خلق الله ماسلم والله لو كان احد بينه وبينه ثار كان سلم عليه واقل شي قال كيفك :

انتظرني ارد وانا متجمده ولمن يأس تنهد وقال : ماعليه هانت ياديمه .. كلها كم شهر ..و...

اخيراً تحركت وقدرت اتحكم في يدي وعلى طول قفلت بوجهه قبل اسمع كل كلامه وانا عن اللحظة اللي رديت فيها على التلفون ,, وش جابني اصلاً للتلفون .. ليه اتلقف ..؟ يووووه شو هالحظ ..؟

ياربي بحياتي محد كلمني كذا ... الا جميلة زوجة ابوي الله يرحمه بس جميلة كانت تقول لي كلام اقسى من كذا ياليتيمه .. ياللعونه .. ياسبب شقاي .. ودعوات انواع واشكال ..وتهديد وترهيب وتخويف وتعذيب بشتى انواع الوسائل والطرق .. و قدرت الحمد لله اتجاوزها هي والمرحلة اللي عشت فيها عندها بفضل الله وخالي ناصر واخوانه وجدتي الله يرحمها وحنية ابوي الله يرحمه .. يمكن لو كان ابوي يجاريها ولا يقسي علي كنت الحين عندي انواع العقد النفسية بس ابوي كان العافية والبلسم والحنان اللي احتاجه حتى لو ماكنت معاه الله يرحمه ويجعل مثواه الجنة .

بس هالمهند قرفني طفشني .. ماقدر اتكلم عليه ولا اتجرأ وماقدر اكلم احد عنه خيفة من المشاكل والمصيبة انه واثق مني اني ماراح اقول كلامه لأحد ..

جاتني هدى وانا شكلي متغير قالت من اللي دق : قلت واحد يبغى خالي يقول جواله مقفل

: مهند ..؟

: ها ..؟ ايه ... لا لا مادري ماميزت صوته !! صديت عنها وهربت من عيونها ... تظاهرت اني عادية وكملت ... ليه تسألين ..؟

بعد شوي جا خالي قال انا ومهند في المجلس جيبوا العشا

قمت انا شردت لغرفتي مادري خفت منه صار يخوفني .. وماعدت احب اسمع منه شي لأنه مايكلمني الا يجرحني ويهينني بس انا حلفت لأردها له حتى لو بعد ماتزوج ..

جلست اذاكر فوق حتى هدى نادتنني للعشاء قلت مالبغي.. خايفة انه يحط براسه شي ويصير .. احسه قوي ويقدر يوصل للي يبغاه ..

اصرت هدى اني اتعشى وجابت العشاء في الصالة اللي فوق وخرجت اتعشى معاها اهم شي مائزل تحت واصير قريبه من مهند

حاولت هدى تفهم تصرفاتي من كثر اسألتها لي ونظراحت واستغرابها مني .. وانا مابينت لها أي شي وخلتني على راحتني ...!

رجعت لغرفتي بعد العشاء ورحت اذاكر .. ابي اهرب يا عالم من سيرته وطاريه واحساسه انه موجود قريب مني وفي بيتنا ..! اكلت الكتب وحطيت كل تفكيري فيها غصب وكأني داخله حرب يالانتصر يالانهزم والحمد لله قدرت بفضل ربي احصر تفكيري بالمذاكرة واتعود على البعد عن مهند .. ولو ان تجيني لحظات الاقيني افكر فيه بس بسرعه اهرب منه ...!

كالعادة اروح للجامعة مع السواق والأيام هذي امر زينه صاحبتني أخذها معاي وارجعها لبيتها لأن زوجها راح دورة للرياض وماعندها احد يوديها للجامعة .. الساعة حوالي 2 ونص وانا راجعه للبيت كانت الدنيا حر وشمس تحرق قلت للسواق ينزل للسوبرماركت اللي على طريقنا يجيب لي مويه

نزل السواق وانا اخذت تلفوني ابغى ادق على هدى اقولها ترسل الشغالة تشغل مكيف غرفتي مرة تعبانة اليوم كان عندي اختبار وللحين مواصلة من امس وانا اذاكر .. اول مادقيت رقم هدى الا فيه سيارة وقفت بجنبي طفشني صوت بواريتها وكأن فيه احد ينبهني او يبغاني التفت .. واضطريت اقفل قبل ماترد هدى.. التفت لقيته خالي ناصر ومعاها واحد ثاني مادققت وصديت بسرعه مالبغي الرجال اللي معاها ينتبه لي خاصة انه جاي بكرسي الراكب وانا على يمينهم .. دق بوازي بقوة مالتفت بعدين نزل وجا عندي .. فتح الباب اللي ورا قال :هلا ديمه كيفك

قلت بضحكة : بخير انت كيفك ..؟ شو حركات المراهقين هذي ..؟

دق جوالي ورحمني بهدى رديت عليها بصوت هادي

: الو

: هلا ديمه دقيتي نص دقه وقفلتي وادق عليك ماتردين

: تلفوني كان صامت

: طيب بغيتي شي مني

: مmmmmم ايوه ارسلي الشغالة تفتح المكيف حق غرفتي برجع انام على طول

: اوكي .. ماتبين تتغدين

: لا لا مالي نفس

: يالله باي

: باي

كانوا ساكتين وأكد سمعوني حتى وانا موطيه صوتي واتكلم باختصار

قال خالي اللي حب يكسر جو الصمت : ديمه كيف اختبارك

: حلو الحمد لله

: بديتي الرسالة ولا لسه

: بديتها

: طيب اليوم ابدي اكتبها على جهازك ولا اقولك احسن اكتبها على جهاز جديد
ماتدخلين فيه نت

: ان شاء الله

كنت اتكلم باختصار ولو بيدي اختصرت اكثر ولا تكلمت بالإشارة ماابغى مهند
يسمعني ياربي احسنني اكرهه وماطيقه بس الله يصبرني

اول مرة اشوف خالي يتكلم بهذي الطريقة قلت باعتراض وقهر وقلة حيلة : خالي مو فاهم علي انت .. وماقدرت امسك نفسي بكيت من قلبي وأخيرا قمت لغرفتي مقهورة من نفسي ليه ابكي قدام خالي وليه مهند يمشيني على كيفه

لحقني خالي ودق علي الباب بس ما فتحت له ولا رديت عليه .. وسمعتة نزل وانا منهارة ابكي والوم نفسي اني وافقت ياربي ضيعت حياتي مع واحد مغرور ومايطيقني ..

جلست الين الفجر حتى هدى دقت علي ومارديت عليها

رحت اليوم الثاني للجامعة ما بغى اقابل خالي ولا هدى ولا احد .. مهند قهرني ومابقي الا شهر عن الاختبارات واذا بجلس بهذا الحال مراح اجيب معدل حلو ... رححت للمكتبه المركزيه عشان اكتب في الرسالة اللي تحتاج تركيز واهتمام ..

كنت اكتب وانا اتخيل اني السنه الجاية راح اجي وانا بحال ثاني وشكل ثاني وحياة ثانية والأكيد اني راح اجي ديمه ثانية من حياتي مع مهند .. دقيت على لمى قلت لها اني بجيها اليوم بعد المغرب وطارت من الفرحة ..

طلعت من الجامعة ورجعت للبيت وانا بقلبي ادعي اني ماشوف خالي ناصر ولا يكلمني حتى هدى ما بغها تسألني عن شي

دخلت بيتنا ورحت سيده على غرفتي ونمت لي ساعتين سمعت الباب يدق بس ما فتحت

ولا رديت ..

قبل المغرب دخلت علي هدى وانا لابسه تنورة جينز وبلوزة لونها ابيض وفيها رسوم بالاسود ولامه شعري بشكل عشوائي بمساكه كبيره .. وكنت ادق على السواق يجي بسرعه

: وين رايحه

: بروح عند لمى

: ديمه وش فيك الله يخليك ريحيني وقولي لي ترى والله شايله همك ..

: هدى الله يخليك مافيني الا العافية وبليز لا تسأليني عن شي لأنني مراح اتكلم وبتضايق وبس ..

دخلت غرفتي على طول وبدلت لبست بيجامه مريحه شورت وبدي واسع لونها سماوي ونمت .. وصحيت قبل المغرب .. بسرعه اخذت لي شور ورحت لبست تنورة سودا طويلة وبلوزة موف وداخل مهاها اللون الاسود بخطوط رفيعه على شكل دوائر وهي من الحرير وكانت واسعه وصدرها مفتوح .. حطيت مكياج خفيف وقلوس موف ولميت شعري ومسكته بشباصة بعد ماطلعت منه خصلت من وري ونزلت خصلة كبيرة شوي من قدام جبتها على جنب ولقيتها من وري اذني ..نزلت سلمت عليهم حصلت خالتي ام صالح (ام هدى) عندنا .. مع ام مهند اللي باين انها تحبني كثير وسلمت علي بحرارة واعتذرت منها لأنني مقصرة مااكلها ولاجيتها في بيتها قالت :يابنتي عارفين ظروفك ومهند يطمني عليك ويقول انك بخير بس الدروس شاغلتك ..

سكت بعد ماجابت سيرته كانت ريم معاها وجلست اسولف معاها عن الجامعة والبحث .. وهي تقول لي عن الروتين اللي هي عايشته و الملل والطفش بحياتها وأشرت عليها تدرس دورة حاسب آلي او تجميل منها تشغل وقتها بشي مفيد ومنها تكتسب دورات وتتعلم يمكن بكرة تتوظف فيها .. وأخذت ريم كلامي باهتمام وبعين الاعتبار قالت بتقول لابوها

بعدين قالت : ديمه جهزتي ولا لسه ترى ماباقي عن زواجكم شي

: خلاص من بكرة بنزل السوق

: الله يعينك ترى بتتعبين

: لان شاء الله ماراح اتعب كلها كم مشوار واخلص خاصة اني منظمه

: ماشاء الله عليك اشوى مني .. انا اذا كنت بحضر زواج اجلس الف السوق اسبوعين عشان الاقي الفستان ثم الجزمه والاكسسوار اللي يمشي معاه .. اخلي كل اهل البيت يعانون هههههههه مو زواجي والله لاخذ خمسه شهور ماخلصت نص اغراضي

: هههههههههههه لا بعدين انزلي معاي اعلمك كيف تشتريين

: اوكي ومنكم نستفيد يا حرم اخي المصون هههههههههههه

ناظرتها بنظرة لو بكيفي قصيت لسانها بس هي مسكينه مالها ذنب في اللي يسويه اخوها ..

تعشت عندنا ام مهند واستانست مع خالتي ام صالح .. بالرغم انهن ماعرفن بعض
الا عندنا بس صارن صاحبات ويزورن بعض باستمرار من يوم جوا اهل مهند
لجده .. ام هدى اعتبرها بمكانة امي ولا جدتي .. تذكرني بجدتي الله يرحمها لأن
كانت علاقتها فيها قوية ومن صغرهن صديقات ويحبن بعض كثير .. عشان كذا
ارتاح لمن اشوفها احسن اشوف جدتي عايشة الله يرحمها ويعافي ام هدى
ويخليها لعيالها ...

اما عند الرجال تعشى خالي مع ابو مهند وابو صالح ويوم جات الساعه 11 استاذنوا ابو صالح وابو مهند وراحوا بعد مانادوا على حريمهم ...

هالمره مهند ماجا ولا سمعت سيرته بس على الساعه 11 سمعت ريم تكلمه :هلا
مهند كيفك ؟..... متى بترجع للبيت ..؟طيب قبل تروح
للبيت مر عليّ عند ديمه لأنني بسهر معاهاايوه جالسة معاي
..... بخير بتكلّمها ؟اوكى

التفتت لي قالت خذي مهند بيكلمك .. شو يكلمني صاحي هذا ولايبغاني افشله قدام الناس .. قلت لها بصوت واطي : ماقدر اكلمه الحين بعدين اكلمه .وتبسمت . وكملت :استحي منكم ..وأشرت عليها وعلى هدى اللي تناظر فيني متحمسة لردة فعلى لأنها تدري اني مااكلمه .. بس ريم اكيد ماتدري وتحسبه يكلمني ..

رجعت ريم تكلمه : مهند البنت مستحيه منا .. ماتبي تكلمك قدامنا

قمت بسرعه وأخذت معاي صينية القهوة عشان اجيب غيرها والقهوة اصلاً جديدة بس ابغى اروح مالبغى اخرجته او يحرجنى وانا داخله المطبخ وامشي بشويش سمعتها تقول ..راحت والله مشغولة .. خلاص شوي اذا جيت ادخل سلم عليها وشوفها بالمره عاد الليله ديمه غير ماشاء الله عليها غير

هسته طیب بای

هزيت اکتافي وانا بمنتهى البراءة قدامهم : ما انتبهت

: طبعاً صعبة تقابلين حبيب القلب بالشكل هذا

[illegible]

: اجل بقوله انك ماتقدين تشوفينه اليوم

**مسكت الزرار اللي في بلوزتها قلت بتودد : ماتقصرين ريوم اخدمك في الأفراح
والمناسبات الحرجه ان شاء الله هههههههههههه**

ضحكت ريم وصدقت مسكينه ... قالت : تعالي .. ليه ماتدقين عليه وتعتذرين له بنفسك .

: لا والله .. اش تبغيني اقول ... اقول آسفه لابسه بيجامه وشعري كله موية وماالبغاك تشوفنى بهذا الشكل

التفتت ريم على هدى وقالت : بالله يا هدى هذا شكل وحده مخطوبة وزواجها بعد شهر .. مو مهمته لخطيبها ولا تسأل عنه او تجيب سيرته ...

ناظرت فيني هدى وكأنها تأكد على كلامها وابتسمت بعدين قالت : ديمه عاقله مو خفيفه

ضحكت انا وقلت : شكراً يا زوجة خالى العزيزة

ضحكنا كلنا ودق مهند على ريم وردت عليه : هلا مهند يالله طالعه
..... مميم لا لاتنزل ديمه بتنام الحين ومو مجهزة نفسها عشان تقابلك

[illegible]

لبست عبايتها وانا نفسي ادري اش قال لمن ضحكت .. بس ريم ماخلتني افكر
كثير قالت : مهند يقول هانت كلها شهر .. وتقابلي 24 ساعه .

ماعلقت ولا حتى ابتمت بس رحت بعيد ياربي اش قصدہ شہر واورياہ علی
اللي تسويہ ..؟ ولا شہر واريہا من جديد ..؟ ولا شہر واصير علی کيفي ؟
بأى وقت اشوفها وماعدات تتحجج بشى ...!

سمعت ريم تقول : هيه الأخت فين راحت

: هلا ريو مه قلتی شی ..؟

: ادري حبيب القلب اخذك منا

: ههههههههههههههههههههه بهیشتی شی

: كنت اقول مع السلامه وكلمينا ولا اقولك هاتي رقمك !!

**: امممممم جوالي فوق استني دقيقه اجيبه لك كنت عارفه انها مراح تستنى
لأن مهند يدق عليها ويقفل**

: فيه احد مو حافظ رقمه هذا وانتي مصرية تاكلين الكتب ... غطت شعرها وقالت
.. خلاص ديوم دقي علي اذا طلعتي لغرفتك ورقمي عند هدى خذيه منها

[illegible]

خرجت ريم ورجعت لهدى اللي احس ان براسها مية الف سؤال بس تحترمني
وماسألتنى لأنها عارفة انها مراح تاخذ منى أي كلمة

قلت لها تصبحين على خير وطلعت لغرفتي ورحت اكمل كتابة البحث حقي استنى الصلاة

صليت الفجر ونمت بعدها .. صحبت الساعه 2 الظهر ونزلت بعد ماصليت وبدلت
ملايسى

حصلت بسام وياسمين جالسين على التلفزيون .. سلمت عليهما وحضنتهم قال
بسام : ديمه انا احبك كثير زي ماما .. بس ازعل اذا بتروحين عند مهند

استغربت من كلام بسام قلت له: من قالك اني بروح عند مهند ..؟

: مهند سائنی عنك قال تحبها قلت ايوه قال انا باخذها عندي

: مممممم بروح عنده وبخليكم تجون عندي وأجي عندكم ووووووو ماكنت ادري ايش اقله وغيرت الموضوع قلت : افطرتوا

: ايوه انا وياسمين صحنيا بدري بس أسامه وديمه نوامين مايصحون بدري زينا

: بروج اصحيهم واصحي بابا وماما كمان

مریت علی الشغالة قلت جهزي الغدا وطلعت فوق اصحي النايمين .. صحيت ديوم بدلع وأسامه جلست اضحكه وهو نايم واحاول اشيله واسوي اني مالا قدر وانو قوي وهذا حلم اسامه انه يصير اقوى انسان بالدنيا .. صحوا وأخذت ديمه معاى

ورحت لعند غرفة خالي وهدى .. دقيقت الباب وسمعت صوت هدى باين انها صاحية ودخلت ديوم عليهم ورجعت ادري انها بتنط على خالي على طول وتزعجه ناديت على هدى قلت ان الغدا جاهز وانا مرة جيعانه واستناكم تحت ..

نزلت تحت ونزلوا بعدي بشوية كان خالي يشيل ديمه وينططها فوق وهي تضحك جلس بعد ماسلم وجلست هدى بجانبه وانا مقابله لهم

قال : اليوم بيوديك السواق انتي وهدى للسوق ..و التفت لهدى وكمل .. هدى تقول ان مافيه وقت ..

قلت : بنروح بس محتارة ابدأ بأيش

تدخلت هدى : انا اقول اليوم نروح ندور على الفستان وأحسن تشتريين جاهز لاتفصلين ماعاد يمديك وانت مو فاضيه كل شوي عند الخياطه

:اذا قدرنا نلاقي فستان بسرعه بروح بوتيك ناريمان عندها موديلات قالت لي وحده من البنات وتصاميم عالمية روعه

: اوكي نروح نشوف مو خسرانين شي ..!

خالي وكأئه تذكر شي : الذهب .. انتظروا لاتشترونه الحين .. فادية تقول انها بتختار لك على ذوقها

ضحكت هدى وقالت : الله يعينك ياديمه الحين بتشتري لك من النوع الثقيل قلايد وحزام ليه لأن فادية تقول اهم شي في جهاز العروس الذهب ولازم يكون ثقيل وغالي مو شرط فخم وأنيق وناعم

خالي بكل جدية : وهي صادقه فادية .. بدال ماتحط فلوسها بالخرابيط تحطها بذهب اضمن واحسن

قلت وانا اضحك : خالي صاير تفكيرك مادي .. انا عني ماراح البس ذهب الا اذا كان شي ناعم وخفيف

قال خالي بجدية : حلو اشتري شي ناعم وخفيف واشتري شي ثقيل يمكن تحتاجينه بعدين لاقدر الله ..!

قلت وانا اأشر على عيوني وابتسم : ابشر ياخالي من عيوني الثنتين اللي تبيه يصير

تغدينا وجلسنا بالصالة وبعد العصر طلعت مع هدى للسوق مع السواق ... مادرت
الا محلين او ثلاثة الا حصلت فستان روعه .. كان ابيض على فضي ناعم وبسيط
جاي من فوق على الصدر ضيق وفيه علاقي كريستال من جهة وحدة يوصل
للكتف من ورا .. والصدر فيه كريستال لامع وفصوص كبيرة شوي لامعه بقوة ..
كان اللون الفضي خيالي .. ومن تحت كان التصميم ناعم بس القماش نفسه فخم
وفيه كريستال اخف من اللي بالصدر وطويل من ورا شوية والطرحه كانت ارووع
شي بالفستان لونها فضي فيها اقراص كريستال دائرية كبيرة شويه ومتباعده عن
بعض .. وهي طبقه وحدة من القماش طويلة لأسفل الفستان تثبتت على الراس
وتنزل على الراس .. احسني مو قادرة اوصفها لأنها مبهرة بمعنى الكلمه .. بس
ماعجبت خالتي فادية في البداية .. تقول كأنها شرشف صلاة مرصع بالكريستال ..
بس بعد مالبست الفستان بالبيت والطرحه معاه اعجبها كثير !..

رحت انا وهدى لبوتيك ناريمان كان خيالي وأخذنا تنانير وبلايز وبناطيل وبدييات
بعدها رجعنا للبيت

يوم الجمعة ماقدرت انزل ولا باقي الاسبوع لأنني ارجع من الجامعه لأنني ارجع
اذكر وأكتب رسالتي اللي كان موضوعها " من المسئول عن ائزان الشخصية "

الاسبوع اللي بعده كانت خالتي عندها .. طبعاً مايححتاج اقولكم انها وبختني كثير
اني مانزلت السوق الا مرة وحده وان باقي لي اشياء كثير .. نزلت معاه الاربعاء
واشترينا الذهب والله لايوريكم شالت لي كوم ذهب اربعة اطقم .. وقلاده كبيرة
مالها أي داعي بس جاريتها لأن خالي يبغى كذا وحزام .. وكم خاتم على ذوق
خالتي وأساور ناعمه وهادية اكثر شي عجبني هي ...!وكم سلسال ناعم كمان

رجعنا للبيت ويوم الخميس ماكنت ابغى اروح لأنني طفشت من السوق وخالتي
اصرت علي وعصبت وهددتني انها بتكلم خالي وتقول اني مستهترة وماعندي
احساس ومو متحمسه لزواجي كأنه زواج بنت الجيران .. !عاد انا مو ناقصة
وخالي ناصر من النوع اللي يدلغني صحيح بس اذا زودتها والله ليوريني ..

رحت مع خالتي واشتريت الجزم والشنط بالرغم ان كل اغراضني اللي عندي الحين
جديده ومايححتاج اجيب جديد بس خالتي ماعندها عروس لازم كل شي جديد !..

اشترينا كمان اكسسوارات وعبايات وطرح .. قالت باقي الفساتين واني ماخذت
ملابس كفايه بس انا ماعاد فيني امشي بصراحه رجولي تكسرت .. وخالتي
انفعلت وقالت

: اجل الله يعينك .. الاسبوع هذا ماني راичه وراح ننزل كل يوم لأن الامتحانات على الأبواب وحضرتك اعرفك مابتنزلين ايام الاختبارات

قلت باستسلام : خلاص ولا يهملك الاسبوع هذا اكمل بس خلينا نرجع ..!

صرنا ننزل كل يوم اشتريت المكياج والعطورات وكريمات بدي ووجه وكمان اشتريت الملابس الداخلية والبيجامات

رجعنا للبيت قالت خالتي باقي قمصان النوم بنخلي لها يوم كامل صرخت انا : لا والاف لا مستحيل والله لو مالدري اش يصير الا قمصان النوم كلهم استغربوا ... بعدين لحقت على نفسي و قلت : لاتخافون بشتري بس انا ولينا صاحبتني تعرف اماكن حلوة وأشياء ناعمه غير نعومي ..!وابتسمت ثم قلت : بعدين هذي اشياء خاصة لاتخرجوني ..

خالتي كانت شاكة بتصرفاتي وكل شوي تقول انتي موطبيعيه اللي يشوفك يقول انك ماخذة شايب ومغصوبة عليه .. انا بصراحه ضحكت على تعليقها ..وبقلبي اقول لو تدرين وش فيني ياخالتي .. انا فيني هم قد الجبل وانتم فرحاتين وتسحبوني من سوق لسوق كأني بروح للجنه اللي تحلم فيها أي بنت وانا في الحقيقه بروح لعناد مهند وتحديه لي وغروره واحتقاره واهانتة آآه بس لوتدرين ياخالتي فادية . . لوتدرين ياهدى اللي متأكدة انك عارفه اني مو متحمسه لالزواج ولا لمهند نفسه .

حجزت عند المشغل اللي اتعامل معاه واللي سويت مكياج ملكتي فيه ..

رجعت خالتي فادية للطايف .. وكل يوم تتصل فيني وتساألني اذا اشتريت القمصان ولا لا ..؟ وانا كل شوي اقول اليوم بنزل هو كله محل واحد آخذ كم واحد والباقي بعد الزواج ..

كنت اضحك عليهم وأوهمهم ان حياتي مع مهند راح تكون عادية ولا حلوة ...!

رحت عند لى اللي ولدت وجابت بنت سميتها "ديمه" على اسمي وحاولت اخليها تغيره بس رفضت وماعطتني فرصة للنقاش لأنها خلاص قررت وزوجها وافق ..

جلست معاهما بعد ما عاتبتني لأنني ماعدت اكلهما زي اول وانا اعتذرت بتجهيزات الزواج قالت : والله زعلانه منك تحددون الزواج مافكرتي فيني واني في فترة نفاس ..

قلت بتريقه : من قال ان لي دخل بتحديد موعده

فتحت عيونها لمى قالت : كيف مالك دخل مو زواجك

ضحكت وقلت لها : لا حبيبتي هذا زواج مهند وهو الوحيد اللي يقرر ويفرض
وخالي يجاريه على كل شي ..

قالت بأسى : بجد ياديمه الله يعينك

: ماعليك لموي احضري تكونين خلصتي اسبوعين وزياده اهم شي تقدرين
تتحركين وتمشين وديومه الصغىرونه ماراح يجيها الا العافيه ..

: ان شاء الله بحاول احضر

: لا مو تحاولين اذا ماجيتي معاي ماراح اكلمك ..

: لا جد ديمه باذن الله راح اجي مالتخيل انك تتزوجين وماكون معاك

: اهم شي احضري لاتسوين ولا شي عاذرتك بس ابغى اشوفك في ليلة زي هذي

: خلاص من عيوني

خرجت من عند لمى على الساعة 8 المغرب واتصلت على روان وقلت اني راح
اطلع معاها للسوق ابغى اشترى لي كم فستان وهي ذوقها روعه .. لأنني
مااشتريت مع خالتي الا ثلاثه وذوق خالتي مايناسبني واذا جيت اشترى شي على
ذوقي تقول مايصلح جاريتهما والحين ابغى اشترى على ذوقي .. وصلت عندها
وخرجنا مع بعض بعد مااتصلت على خالي وقلت له .. وقلت لهدى اني بروح
اشترى القمصان... ورحنا انا وروان لأكثر من مجمع واشتريت فساتين مرة رايقه
وحلوة .. رجعت للبيت معاي اكياس وخرجت لغرفتي على طول وناديت هدى تجي
تشوف الفساتين وقستها وهي عندي : واو ياديمه وربى رووعه اوف لويشوفك
مهند بس بالشكل هذا والله لينهبل

: هذا ذوق روان غيرت طبعا الموضوع ماابي سيرته ولا تخيل نفسي البس
عشانه

مرت اسبوعين الاختبارات كنت اواصل اغلب الأيام لأنني مصرة اكمل الدرجات
ماحاولت اضيق على نفسي وأفكر بشي راح يآثر على مذاركتي .. الحمد لله عدت
على خير وأخيراً انتهت الاختبارات ..

لو اقول لكم انه كل ماخطر على بالي الزواج ولا جات فكرة اني بتزوج مهند قريب
احس اني ابغى امسك الوقت لايتحرك ماابغى اليوم يمر وينتهي ويجي يوم ثاني
ويقرب موعد الزواج .. صحيح جاريت اللي حولي وهم فرحانين لي بس انا بقلبي
شي ثاني ..

خلاص هذا آخر اسبوع لي ببيت خالي وانا ديمه البنت اللي عايشة بعز خالها
ودلاله .. اذا جيته بعد الاسبوع هذا راح اجي ضيفه ولفترة معينة وارجع الا في
حالة وحده وهي اني انفصل عن مهند وهذا اللي اتوقعه ... !

رجعت للبيت وانا على قد ماني فرحانة اني انتهيت من اختباراتي على قد ماني
زعلانه

دخلت الصالة وحصلت خالي ناصر جالس عنده اوراق كثيرة ويكتب شكلها
للمدرسة او عقود تابعه لمكتب الXXXX حقه .. ! سلمت عليه ورد علي وهو
مشغول .. ماحبيت اقطع عليه شغله وجيت ابغى اطلع بس ناداني وهو مشغول :
ديمه تعالي لاتروحين انتظري لين اخلص ابيك بموضوع .

: حاضر

جلست على الكنبه وانا اقول بقلبي الله يستر .. احترت من خالي اش يبغى .. جا
في راسي مليون شي .. الحين راح اعرف كل شي ليه اتعب نفسي ..

كمل خالي اوراقه وخلصها بعد حوالي نص ساعه

قال وهو يحس بارتياح وابتسم لي : هلا ديمتي ها كيفك ..؟ وكيف امتحاناتك ..؟

: الحمد لله بخير وامتحاناتي كلها عال

: الحمد لله .. وين تبغين شهر العسل

: ها ..؟ مو لازم شهر عسل

: لاوالله بكيفك هو ؟ ديمه تراني صبرت على دلحك كثير .. ترى لو غيري كان

كسر راسك عشان الدلع هذا

: حتى انت ياخالي ..؟

ناظرني خالي قال : وشو حتى انا ..؟ وش قصدك ..؟

: ولا شي ..؟ طالما مو بكيفي ليه تشاورني

: مهند يقول اسألها وين تبينه

: ماابيه .

فتح عيونه وهو يناظرني وقال بصوت عالي: ايش ... وش فيك انتي تستهبلين
ولا خلاص شفتيني ساكت

: اقصد ماابغي شهر غسل برا مو لازم ماشبع سفر وغربه خلنا نقضيه هنا
بالسعوديه احسن

حسيت خالي ارتاح لأنه غمض عيونه شوي بعدين قال : والله هذا عين العقل بس
انا ابيك تروحين شهر غسل حالك حال بنات الناس انا اقول روحوا كندا وماليزيا
ولا اسبانيا ولا فرنسا مافيه احلى من هالدول

: لا لا ياخالي انا ماتهمني الشكليات بالعكس هنا احلى والمفروض هو يستغل
اجازته ويقضيها بالبلد مو اول ماياخذ اجازة يرجع يسافر

: هو راضي ماعليك اهم شي انتي

: انا مهمني هنا بجده بمكه برا بأي مكان عادي .. بس ارجع واقول لو مانسافر
احسن

: بكيفك بس ليه انا حاس انك منتي مبسوطه

: يعني بطلع من بيتك وتبغاني اصير مبسوطه قلتها ودموعي في عيوني
وصوتي مخنوق ..

: هههههههههههه لا تقولين هالكلام محد بيزعل على طلعتك كثري بس هذي
الحياة وانت هنا بجده اذا بغيتي تجين ولا اشتقت لك كل مافي الأمر مشوار
مايكلف عشر دقائق

: ليه بيتهم فين ..؟

: بينا وبينهم تقريباً ربع ساعه اذا مافيه زحمه

: يا الله يعني بعيد شويه

: لا بعيد ولا شي اجل تبين تسكنين بجانب اهلك

: تصدق خالي ...؟ لوماكنت مابغى افرق بينه وبين اهله كان قلت نستاجر بنفس حينا ..

[illegible]

: الله لا يحرمني منك ويخليك لي

: ويسعدك ياديووم واشوف عيالک واربيهم مثل ماربيتک من غير شر على اهمهم وابوهم

: انت عزيز يا خالي وسندي بهالدنيا واذا رببت عيالي اشهد انهم بيطلعون رجال عساني ما انحرمت منك

دخلت علينا هدى قالت : ماشاء الله وش هالكلام الحلو ديوم عطينا شويه ولا خالك مافيه امل ننافسك بكلامه لك ..

ضحك خالي من كلام هدى وقال : عاد انتي يام بسام محد ماخذ من الكلام الحلو
كثرك

قمت وانا اضحك قلت: بروح ابدل ملابسي وارجع اتغدى معاكم ..

**: يالاه ننتظرك .. قاله خالي وهو يقوم يروح للطولة اللي حطوا عليها الشغلات
الغدا**

بدلت ملابسي ولبست قميص قطني لنص الساق وأكمام قصيرة ونزلت .. وتغدينا
بعد ماجوا بسام وأسامه وياسمين من عند التلفزيون الي محطوط لهم بغرفة
خاصة تحت !!

اليوم الأربعاء صحيت الساعة وحده الظهر عشان اشوف درجاتي بالنت .. اووه الحمد لله كل درجاتي روعه اقلها كانت 97 من ميه وهي مادة واحدة الباقيه مادتين 98 ومادة 100 من 100 وومادتين 99 من ميه الحمد لله رضا من ربي ..

ارسلت لخالي درجاتي كلها بأسماء المواد وآخر الرسالة كتبت وش رايك في بنتك..؟ ما قدرت اكلمه وأزعجه لأنه نايم وانا بصراحه ماحبيت اقول لأحد قبله

قمت غسّلت وصليت الظهر وأخذت دوش ولبست لأن جدتي بتوصل اليوم هي
وخالتي سمر مع خالي ايمن وزوجته .. وخالي محمد موجود بالطايف عشان
بيحضر زواجي بس ماراح يجي الا بكره بس هند وغادة بيجون اليوم بالليل لأن
عندنا عشا لجدتي اميرة ...

شفت هدى خارجة من قسمهم وهي تبتسم جايتني : مبروك يا ديمه مو غريبة عليك ..

:هههههههههههه عرفتي الله يبارك فيك

: يالله اليوم بتروحين للمشغل

لا جدتي بتجي خليها بكرة

: ما يصير لازم تروحين اليوم يابنت سوي الحمام اليوم احسن ترى المفروض انك مسويته من امس ولا قبله بس انتي كسوله عاد لازم تروحين اليوم

: وجدتي وخالتي وسهي اللي بيجون عشائي

: لاحقة عليهم بعدين هم عارفين انك عروس يالله ديمه تكفين لاتعاندين

: مو مسألة عناد ياهدى بس بجد مو حلوة اترك اهلي اللي بيجون من بعيد

: والله مافيه شي بعدين خالتك هنا بتقابلهم وانا موجوده وهند وغادة خلاص لاتشيلين هم

: اوکی بروح اجل بعد شوي

رحت للصالون وسويت حمام مغربي وبخار وسلمت نفسي ليليان اللي دايماً تنبسط على مكياجها ولا الشغل معاي تقول اني مانتعيبها وان بشرتي سهل التعامل معها .. اخيراً صبغت شعري بني فاتح ودخلت معاه خصل صغيرة مرة لونها ثلجي وأكدت على ليليان انها ماتكبر الخصل وفعلاً اتقنت اللي ابغاه طلعت الخصل ناعمه وخفيه وكأنها خيوط ثلجيه ناعمه داخله على اللون البني الفاتح ..

رجعت للبيت على الساعة 9 بالليل واول ماشفت جدتي حضنتها بسرعه وخالتي نفس الشئ .. وسلمت على سهى زوجة خالي ايمن اللي اعتبرها زي خالتي سمر

جلسنا مع بعض وهذي مو اول مرة يجون عندنا في بيتنا .. خاصة خالي ايمن اللي يجينا اذا حصل فرصة لأنه في الرياض ويقدر يجي بالسيارة

جلست معاهم الين جات الساعة 4 الفجر وكانت جدتي تعبانه دخلوا غرفة الضيوف وناموا ونامت معاهم عادة لأن فيها اربع سراير وغرفة خالتي فاديه فيها سريرين نامت فيها هند معاهها .. انا طلعت لغرفتي وقلبي بدا يدق قربت الساعة اللي مالدري كيف راح تكون بس اللي ادري عنه انها ساعه مراح اكون فيها مبسوطه .. وكل هاللي سويته مو عشاني فرحانه ولا لأنني ابغى مهند يشوفني حلوة .. لا بالعكس انا فكرت في اهلي في اهل مهند اللي مالهم ذنب ان عروس ولداهم ماتهتم ولا تجي بشكل عادي وماتتكلف عشانه .. وفكرت بالناس اللي راح يجون مابغاهم يتكلمون علينا خاصة انهم يدرون ان مهند دفع مهري 100 الف فما ابغاهم يقولون ان خالي ماعطاني ولا انه قصر معاي ..

حاولت انام ماقدرت .. جلست اتقلب الين الساعة 11 الصباح ارق وتفكير و مهند اللي راح ارتبط فيه وانا اكرهه .. ايوه اكرهه لأنه بإمكانه يطلبني بأسلوب احلى .. بإمكانه يتمكن من قلبي لأنه مو ناقصه شي بس هو ماحاول وشكله مايبغي ..

كنت احلم اني اتزوج انسان مهم في المجتمع .. تكون شخصيته قويه يحسني بالحنان والأمان ويقدر ديمه اللي انا واثقة انها بنت الكل يحلم فيها .. ماني مغرورة بس انا الحمد لله فيني كل الصفات اللي يتمنونها اغلب الرجال .. ماعدا شغل البيت طبعا وهذا مو عيب اقدر اتعلمه بسهولة والشغاله تكفي .. انا جميلة ،، عاقلة ،، محترمه وخلوقة ،، مثقفة وشهادتي كبيرة ومتفوقه ،، اصل وحسب ونسب وعز الحمد لله

كان النوم قريب مني لأنني حسيت بتعب بس دق الجوال وطرده النوم شفته رقم
عمتي صالحه

ردیت بتعب : هلا والله

: هلا ديمه كيفك يابنتي

: الحمد لله انتي كيفك ياعمه

: بخير من ربي .. ليه صوتك تعبان فيك شي

لأعمتي بس ما قدرت انام للحين

[illegible]

: ان شاء الله .. متى بتجين

: اخوك هو اللي قومني اتصل عليك وبممشينا الحين يقول بشوفها قبل زحمة الناس

: يا عمر اخته يا عناد كيفه هو يا عمه وكيف عادل وسديم

: هذولي نعمة ربي علي كلهم بخير ياوجه الخير

: الله يسعدك ياعمه ويكتب لك الأجر ويخليك لنا ام حنون وقلبك كبير .

**: ويسعدك يا بنتي والله لوتدريين انهم مغيرين لي حياتي وعوضوني اللي ربي
حرمنى منه الحمد لله على كل حال**

: ماتدرين عن امهم

[illegible]

شو..؟ ومن هذا الى خطبها..؟

: ولد خالتها مساعد عنده حرميتن وهى الثالثه

: الله يرزقها ليها تتزوج لاتجيك بكرة تقول هاتي عيالى

: ههههههههههه والله هذا كلامي ..طيب يمه ما طول عليك نامي زي ماقلت لك والليلة ان شاء الله اشوفك

: على خير يارب سلمي لي على اخواني عندك خاصة عناد

: يوصل ... مع السلامه ..

: بحفظ الله

قفلت من عمتي وحطيت جوالي صامت ونمت .. كان نومي بتعب كل شوي اصحى
واذا نمت اتحلم بأحلام مزعجه

صحيت وانا احسني مصدعه ومرهقة وتمنيت اني مانمت هالنومة المزعجه بس
يالله اسمه اني نمت ..دقت علي عمتي قالت ان عناد جا مع عمه ياسر وقالت لي
ادق عليه عشان اذا ماقابلني راح يزعل .. دقيت على عمي حصلته بالمجلس حقنا

..

كانت الساعه خمسهِ العصر وجاتني خالتي معصبه تقول يالله للمشغل

قمت بكسل واستحميت ولبست بنطلون جينز وبدي كحلي علاقي وقصير ولبست
عبايتي ومريت المجلس سلمت على عناد اللي حضنته وكثير بعدين سلمت على
عمي ياسر .. وقلت اني مشغولة قال عناد : اناا بوديك للمشغل مع السواق

قلت له : اوكي يالله نمشي انا جاهزة

ورحت مع عناد اللي ركب وري معاي عشان اسولف معاه براحتي بدون مايسمعنا
السواق

.. جلس يسولف لي طول الطريق عن عمتي وعبدالوهاب وطيبتهم وانه مرتاح
نفسياً .. فرحت كثير لكلامه وقعدت اوصيه على نفسه واذكره في كلام ابوي الله
يرحمه عنه

وأوصيه على عادل وسديم .. ووعدني انه راح يكون قد المسئولية وانه رجال قد
الثقه . وقعد يقول لي عن مغامراته في الحي حقهم والمدرسة ودرجاته ..

وصلت للفندق على الساعه سته تقريباً دخلت جناح العروس ومعاي ليليان ..

اما خالتي والبنات راحوا عند الصالون يسوون مكياجهم هناك الا هدى جات معاي
وسوت مكياجها قبلي بعدين بدت ليليان في مكياجي على الساعه 8 وطلبت منها
تسوي لي تسريحه ناعمه تناسب الفستان وقلت لها ماترفع شعري على فوق لأنني

ماحب الستايل هذا .. لفت لي شعري على وري بطريقه روعه وببدا محترفه
ودخلت الشعر مع بعض كانت الصبغه بصراحه جنان .. طولت ليليان وهي تشتغل
وتخلص مرحلة وتبدا مرحلة بالمكياج احس كل هذا ماله داعي بس يالله مكياج
العروس عشان مميز ويطول على قولتها .. اخيراً خلصت الساعه الحين 11
وماراح انزف قبل 2 او حتى 3 لبست فستاني اللي طلع مع المكياج والتسريحه
روعه .. ولبست الجزمه الفضية اللامعه والعالية شويه... ولبست طقم الالماس
معاه والخاتم ..تذكرت شي ... لا لا لا كيف نسيت ... ياويلي نسيت اجيب الدبله
معاي .. ورطه صدق .. اصلاً الدبه مالبستها من ليلة الملكه واذا احد سألني عنها
اقول واسعه علي .. الحين اذا جا المفروض يخرج الخاتم من يدي اليسار ويحطه
بيدي اليمين .. ياربي اش اقول له .. ماخطر في بالي الخاتم ونسيت شي اسمه
دبله ..

دقيت على هدى لأنني لو قلت لخالتي بتعصب علي وانا مو ناقصتها .. !

: هلا ديمه خلصتي

: تعالي هدى تكفين محتاجة لك بسرعه

دقيقه وحده بس الا هدى عندي : هلا ديمه خير فيك شي واو ماشاء الله تبارك
الله وربى انك اجمل عروس شفتها بحياتي حصنتي نفسك

: ايوه هدى لاتخافين بس انا في ورطه ومحد بيساعدني الا انتي خالتي لو تدري
بتعصب علي وتزعل

: شو فيه وقفتي قلبي ؟

: الدبله نسيتها

: يوووه معقولة انتي

: هدى لاتعاتبين انا قلت لك عشانك ارحم من خالتي تكفين هدى ايش الحل

: مmmmmmm طيب لاتخافين بروح للبيت

: بعيد البيت اخاف يطب الحين علي وانتي ماجيتي

: لا ماعليك بكلم ناصر مايدخله لين اقول له بقوله ماخلصت اوكي ..؟

: اوكي الله يسعدك يا هدى ويخليك .

قبضني قلبي لمن سمعت سيرته وانه بيدخل الحين عندي قلت عشان ابرر لهدى
توتري : اوف كل هذولا ..؟

: تكفين ديمه لاتنغصين على ناصر طلبتك لاتبكين اذا شفتي مهند .. انا حاسة انك
ماترتاحين له وتتضايقين منه بس ناصر لا يحس ماتدرين قد ايش يشيل همك ..
طلبتك ديمه خلي ناصر الليلة يكون مبسوط وفرحان .. ترى ليلة الملكة بغى يموت
عشانك !..

: ياقلبي ياخالي .. خلاص هدى لاتشيلين هم... بعدين الله يخليك لاتقولين اللي
قلتيه لي عن احساسك لاحد طلبتك هدى..

:لاتخافين ماعمري قلته الا لك كله عشان مايتضايق ناصر

: ماراح يتضايق لاتخافين

اخذت نفس عميق وهدى راحت تلبس عبايتها وطلعت وانا احسني بديت ارتجف
وأحس بيغمر علي خلاص

(♥)*.....•♪•.....*..... (♥)

حاولت اصير قوية اذا مو عشاني عشان اخوالي وعناد وعمي ياسر

دخل خالي اول واحد وسلم علي قال : ماشاء الله تبارك الله وش هالزين اضمن
ان مهند الليلة بيطيح ومحد مسمي عليه .. مبروك ياديوم والله انه اسعد يوم
بحياتي يوم شفتك عروس ...

قلت له بسرعه: استنى خالي لايدخل لين اتصور انا وياك لوحدنا

اوكي يالله وزبط نفسه وصورتنا المصورة صورتين .. بعدين راح ينادي مهند
والباقيين

.... دخل على طول وانا مالتفت له ولا رفعت راسي من الأرض

جا يمشي لين وقف بجنبي قال : السلام عليكم

.....:

: كيف الدلوعه

قلت بقلبي دلوعه بعينك ومارديت عليه :

جو اخوالي وعمي وراه سلموا على راسي وباركوا لي بعدين جا عناد بعدهم وسلم علي وأخذ يدي قال : اسمع يامهند ديمه بنت عز .. عزها وولاتلها تراني وصيتك .. ضحكوا اخوالي على تهديد عناد قال خالي : كفو سند ديمه ... والله انك رجال ولد رجال .. اجل مايحتاج اوصي على ديمه دام عناد فيه الله يستر عليه ..

جا صوت مهند المختلف عن اصوات اخوالي وعمي احس فيه نبرة غريبه ارتجفت لمن سمعته : ابشر ياعمي عناد ديمه بعيوني .

ما تكلمت انا ومارفعت راسي ولا ادري كيف شكل مهند اللي اعرفه انه لابس بشت اسود لأنني اشوفه من تحت ... قال خالي خل هذي تصورنا بنطلع يالله نخلي الرجال يتصور مع زوجته بهدوء تصورنا كلنا .. وانا بأمر من المصورة رفعت راسي .. قال خالي سامي انا بتصور معاها لوحدي ولو سمحتوا وخروا .. ضحكوا منه وجا خالي سامي مكان مهند وحسيت براحه وأمان ودفى قبل شوي كنت بموت من البرد بس لمن جا خالي سامي دفيت .. صورتنا بعدين جا خالي ماجد وتصورنا لوحدا .. بعدين جا عناد .. وعمي ياسر قال : انا مالتصور الا ومهند يكون معنا صديقي وهضمتوا حقه هنا وابي افزع معاه .. طبعاً يمزح وجا وتصور معاي .. وهم يضحكون كلهم ... احسهم كلهم مبسوطين الا انا .. ويمكن مهند .

خرجهم خالي وراح وراهم وسكر الباب .. ودخلت امه واخواته على طول ومعاهن حريم شفتهن يسلمن عليه وسلمن علي وباركن لي وانا رديت عليهم وابتسمت لهن بس كان يضايقتني كل شوي يناظر فيني ... تصورن كلهن معانا ثلاث صور بعدين تصورنا مع امه واخواته .. ونادى امه قال : تعالي هنا بالوسط بنتصور معاك لوحداك تصورت معانا بعدين خرجوا كلهم ... وبقيت انا وياه والمصورة اللي قعدت تامرني ارفعي راسك واطلعي فيني .. وقربي منه لاتبعدين بليز .. ياعريس قرب غصب عنها .. حظ ايدك على خصرها .. اطلع بعيونها ... ديمه بليز اطلعي بعيونه

ما قدرت .. وهي تامرني وكأنها طفشت مني وأخيراً قررت ارفع راسي بس بسرعه غمضت عيوني ما بغى اشوف وجهه .. ومستحيه ومقهورة من كلام المصورة . بليز اطلعي فيه ماتغمضي عيونك

فتحت عيوني كان يناظر فيني بتأمل .. يطالع بعيوني رجعت غمضت مااقدر ..
اصلاً عيونه مو طبيعيه واسعه وصافيه ورموشه كثيفه وحواجبه كثيفه وطويله
حسيت مر علي ساعتين ثلاث وانا متوترة بشكل فظيع وكارهه نظراته لي ماقدرت
افسرهما .. هل هي تنفيذ لأوامر المصورة باتقان .. ولا يتأملني معجب ولا يفكر
كيف ينتقم مني ولا كيف يربيني .. ولا نشوة انتصار علي ... ولا بس يبغى يقهرني
ويغضني .. ارتحت لمن قالت المصورة صورتين وخلاص .. خذ ايدها قربها من
فمك .. اخذ يدي وانا ارتجف .. قربها من فمه .. يالله هلا بوسها .. لعنت الساعه
اللي جات فيها المصورة طيب شغلها عندي . باس يدي وانا اناظر فيه مقهورة
بس مااقدر اتكلم رفع عيونه وناظر في عيوني ونزلت نظري للأرض .. كان زي
الريموت كنترول هي تقول سو كذا ويسوي كأنه مستانس بحرق اعصابي ... املت
عليه اوامر ولف يده علي خصري وأحسه يشدني ناحيته كنت بصرخ وسمعت
المصورة تقول واو هيك بيجنن ديمه حظي راسك صدره حظيته وانا رافضة
حركاتي كلها بس عشان الصورة تطلع حلوة وعشان ماخلي المصورة تعصب
علي لأني في وضع زي هذا مااقدر اسكتها تنفست بعمق احاول اهدي نفسي
.. قالت هلا بدكن تخرجوا من هون تنصوا الكيكة احنا راح نصور فيديو هلا
انتبهوا لكل حركه ديمه خليك بنت مطيعه ماتعندي عيونك بتتول انو مو عاجبك
الوضع .. قرب مني وحط فمه عند اذني قال :خليك مطيعه لاتعاندين سمعتي ..؟
اتركي الدلع عنك

مارديت عليه ولا كلمته ...

كان ماسك يدي بقوة وانا امشي معاه بعدين قالت المصورة لا مش هيك وجات
لفت يدي علي ذراعه .. احسني قربت منه كثير وريحة عطره قوية بشكل مو
طبيعي بس حتى لو حسيت برجولته ولا لفت نظري هذا مهند اللي اهاتني ونافخ
علي وكلمني باسلوب بايخ ..لايمكن اسمح لنفسني اني اعجب بواحد مثل هذا ..ولا
افكر مجرد تفكير .. قلعته ارضيت خالي وماهنته قدام الرجال .. وهو راح اعتبر
وجوده زي قلته ..

مشيت اكمل التمثيليه السخيفه .. قصينا الكيكة والبناات يصيحن تحت لمن شافونا
من فوق اكلني بالشوكه وأكلت قطعه صغيرة وانا اكلته .. شربني عصير وهو
ماشال عيونه من علي ... أتقنت الدور وانا اشربه العصير .. بعدين نزلنا تحت
ورموا الورد علينا وجات قصيدة الزفه فيني انا وياه وكانت الموسيقى روعه
مشينا لحد ماوصلنا الكوشة اللي منسقتها هدى وخالتي متماشيه مع فستاني ..
وكانت بجد روعه .. قبل مانجلس قربنا من بعض ... كل هذا بأوامر المصورة

طبعاً...طلع دبلتي حطها بيدي اليسار وانا احسه ربطني فيها خلاص ،، غير حياتي بهذي الدبلة للأبد ،، من لبستها وانا اسمي ديمه زوجة مهند ... مو ديمه بنت عبدالله وبنت خالها ناصر .. خرجت دبلته ودخلتها بيده اليسار وهالمره عشان الناس هنا دخلتها كلها وانا ابتسم ..

جلسنا على الكوشة وسمعنا مشغلة الذي جي اللي جنبها عشان اغاني الزفة فقط .. تقول اغنية اهداء من ناصر ابو بسام .. خال ديمه لها

وجا صوت الجسمي لا لا تضايقون الترف لاتضايقونه .. حسيت بدموعي بتنزل والله قلبي عورني على خالي ياربي كيف بتركه ... ولا هو ادري ان خالي مايقدر يجلس في بيته بدوني يارب ارحمني ماابغى ابكي .. مسك مهند يدي وضغط عليها وقرب مني قال : لاتبكين ... فكينا من الدموع .. وخليك قوية .. سكت وانا مقهورة منه كان نفسي اسحب يدي اروح اهرب منه للأبد بس ماتكلمت .. جو اخواته وامه وحريم كبار شويه من قرايبه يرقصون عندنا .. بعدين قام مهند وخرج وخالني عشان اهلي يسلمون علي .. سلمن البنات علي مرة ثانية وباركن لي ورقصن عندي ماطولت الا جات هدى قالت خالك يقول تطلع خلاص الساعة قربت على اربع ...

. شو ..؟ اطلع يعني شو اطلع ياربي مو قادرة استوعب اني بروح مع هذا الآدمي

اخذتني خالتي كانت لابسه عبايتها وجات جدتي اللي اصرت تسلم على مهند وتوصيه علي .. وهدي كانت معاي وانا امشي معاهم اصلاً فستاني مو كبير حتى يضايقتني صحيح طويل من وري بس اقدر اتحرك براحتي .. كنت امشي بشويش عشان طقوس العروس فقط .. وصلت بوابة القاعة ولبست عبايتي وطرحتي ولفيتها على شعري واحنا اساساً حاجزين بنفس الفندق بس لازم اخرج مع البوابة بعبايتي وندخل مع مدخل الفندق الرئيسي بالسيارة ..

كانوا اخوالي وعناد عند الباب .. وانا ماقدرت امسك دموعي كنت ابكي وانا اتذكر كلام هدى حاولت امسك نفسي .. وماخلي خالي ينتبه لي وغطيت وجهي بطرحتي .. وسلم علي خالي وحط يدي بيد مهند قال : قلبي اللي بين اضلاعي امانتك ..

: لاتوصي ياابو بسام بعيوني الثنتين

جات جدتي وكانت بس متحجبة وسلمت على مهند اللي استغرب قال هذي اش تبغى ماكان يدري انه جدتي يحسبها من الموظفين حقات القاعة .. قهرني بكلمته هذا ماعنده اسلوب ..

.. قال خالي : هذي ام ايمن جدة ديمه

: اووه هلا هلا ام ايمن كيف الحال .. الحمد لله على السلامه

: اهلين يابني .. بدي وصيك على ديمه .. ديمه امانتك .. بدياك تخليها بعيونك ..
يابني ديمه درة حافظ عليها ..

: لاتوصين حريص يام ام ايمن ابشري ديمه بعيوني

يالله مع السلامه ..

سمعت خالي يقول : نوصلك ...؟ . قال :لا مشكور ورجاءً رجاءً لاحد يدق علينا
يزعجنا . بنتكم في الحفظ والصون لاتخافون ..

ضحك خالي وراح وانا خلاص راح قلبي معاه ونزلت دموعي غصب ..

سكتنا خلال الدقيقتين اللي وصلنا فيها للفندق ووقفنا السيارة بمكان مناسب شفته
ينزل وجا عندي وفتح الباب نزلت وانا مقهورة ومكسورة .. ودخل قدامي وانا
امشي وراه لحد ماوصلنا الجناح .. فتح وانتظرني لحد ماوصلت وانا اصلاً كنت
متعمده امشي بشويش خلاني ادخل قبله وكان حاط بشته على يده دخل ورماه
على الكنب اللي بالصاله ونزل شماغه جلس على الكنب وانا عدت من عنده
ودخلت الغرفه .. نزلت عبايتي وشفت وجهي بالمرآة كانت عيوني باين عليها
البكا اخذت منديل ومسحت الدموع وجلست ازبط شكلي .. هذا فين راح قلعت له
اسأل عنه ..

نزلت الطرحة حقتي .. وجيت بنزل الفستان الا اطل مع الباب قال : بدلي ملابسك
وتعالى نتعشى

: مو مشتھيه

: لا بتتعشين وتتركين الدلع عنك .. ولو سمحتي اذا قلت لك شي قولي طيب
واسمعي الكلام ..

تنهدت وقلت : ممكن تسكر الباب ..

رجع وسكر الباب وانا رحت للحمام وأخذت شور على اقل من مهلي احسني ابغى
اغيطه .. خرجت بعد مالبست بيجامه لونها زهري كم طويل ومحدد بسماوي ..

وبنظرون طويل ومدده اطرافه بسماوي .. جففت شعري وحطيت كريم علي وانا
احسني اتحرك بهدوء ولاكأن عندي احد او قال لي شي اصلاً ..

دخل علي بعد ماذق الباب قال : ساعه استنى

: قلت لك مو مشتبهة ليه تستنى

: ديمة واللي يرحم ابوك تراني تعبان ماشوف لارتفعين ضغطي بحركاتك
الطفولية اللي مالها داعي .

مارديت عليه مو يقولون الحقران يقطع المصران ؟..

رحت للسريير ابغى انام وجا لين مسكني بيدي قال : لمن اكلمك مو تطنشين فاهمه
؟..

: ممكن تخلي اليوم يعدي على خير ..؟

: اووووف .. اللهم طولك ياروح

وطلع من عندي وانا لبست شرشف الصلاة حقي وصليت الفجر .. ورحت للسريير
دخلت تحت الغطا لأنني بردانه وحسيت جسمي متكسر من التعب وقلة النوم ..
دقايق بس ونمت ...

صحيت على الساعة تسعه الصباح وقشعر جسمي لمن شففته متمدد بجنبي مو
متغطي وكان بثوبه مانزله وفتح الأزارير باين انه تعبان .. مادري فين راح هو
خرج ولا لا .. ولا ادري متى نام ولا حتى حسيت فيه

قمت بشويش ورحت للصالة جلست فيها ومددت على الكنبه ونمت .. صحيت على
صوته وهو يقول : ديمه قومي كل هذا ماتبين قربي قومي صلي ويالله بطلب غدا
عجلي

صحيت وانا قرفانه منه مايعرف يتكلم الا بأمر . الله يعيني عليه كيف بتحملة
باسلوبه هذا ..

تنهدت بقوة وقمت جلست كنت مغمضة عيوني وحاطة يدي عشان مايشوفني وانا
مغمضة اخاف بعد يقول هبله ولا شي من يوم ماسويت العملية ماصرت افتح
عيوني بسرعه لازم استنى دقايق بعدين افتح ..

دق جوالي شفته خالي رديت عليه وانا يادوب فتحت عيوني وصوتي نايم : هلا خالي

: هلا بالعروس .. صباحية مباركة .. كيفك وكيف مهند معاك ..

: الله يبارك فيك كلنا بخير

: هو عندك الحين ..؟

: ايوه ليه ..؟ خفت لا يكون البارحة خرج وشافه خالي الله يستر

: ادق على جواله مايرد عطيني اياه ..

: حاضر لحظة بس

مديت جوالي عليه وكلمه وفهمت ان خالي يبارك له ويسأله عني قال اني بخير ومبسوطه ...

لا والله شايفني مبسوطه ..؟

قمت رحت توضيت وصليت الظهر وهو دخل الحمام سمعت صوت الدوش شكله ياخذ له شاور وخرج وهو لابس بيجامه .. وجا للصالة وانا لسه بالبيجامه مراح ابدل ولا راح البس عشانه .. كنت لامه شعري بشباصة ومحاطيت مكياج ولا سويت شي .. مابغى احسسه اني عروس .. خله يعرف اني مابغاه وطفشانه منه وأكرهه هو وأسلوبه وشوفة نفسه

.. طلب الغدا وبعد شوي راح يفتح باب الجناح بعد مادخلت الغرفة وسكرت الباب وشويه ناداني قال : الغدا برا ولاتبين عزيمه

اوف ياربي فيه احد يكلم عروسه بالطريقه هذي

قمت مابغى مشاكل بس مريت المرايه وفتحت شعري وابتسمت لنفسي شعري مغري وهو كثيف وناعم وطويل لأسفل ظهري خليته مفتوح وجيت جلست مقابله له احسه ناظر فيني لاشعورياً . وبلع ريقه ثم قال : اذا تغدينا بنروح لاهلي واهلك بعدها نمشي رحلتنا الساعة عشرة بالليل

: فين ..؟

: فرنسا عشرة ايام ونكمل باقي الشهر في ايطاليا ..

: لازم نسافر ..؟

: ايوه لازم ورجاء لاتطلعين لي بقرار ولا تحاولين تفرضين رأيك بأي شي ..!

: ممكن ماتكلمني بهذي الطريقة

: ماعرف ادلع انا وماعليه تعودى على الاسلوب هذا لأنى ماحب الدلع ..

قمت من على الأكل وانا لسه مااكلت دخلت الغرفة وانا ابكي ياربى هو ليه يسوي كذا .. انا اش سويت له .. ايوه صح نسيت انى رفضته ونسيت انى قلت قلبي مليون وهو ماله مكان فيه .. ونسيت انى رفضت عزيمته واحنا بأمريكا وقلت انى اكرهه .. ياربى اش هالحظ .. بكيت من قلب طلعت دموع البارحه وأمس وقبل اسبوع اللي كنت اكبتها عشان ما احزن خالى علي وهدى وخالتي وكل الناس اللي تحبني ...

دخل علي ولمن شافني ابكي وقف شويه بعدين رجع وسكر الباب ...

يا عالم انا والله ماني دلوعه بس الاسلوب هذا ماتعودته ... ومافيه عروس بالدنيا يعاملها زوجها بالشكل هذا .. المفروض يراعي انى عروس وتاركة بيت اهلي واني اهم شي مجبورة عليه .. وهو اللي اجبرني ..

جلست ابكي يمكن ساعه بعدين قمت اخذت شور سريع وخرجت البس بعد ماصليت العصر على اساس بنطلع لأهله واهلي .. لبست تنورة موف قصيرة وبلوزة وردي وداخل معاها الموف .. بأكمام قصيرة مرة وواسعه وجاي مطاط على وسطي وفيها اكسسوار اسود على الصدر والأكمام ولبست جزمه لونها وردي بخيوط تتربط على الساق .. لبست حلق موف ووردي وحطيت مكياج ثقيل شوي حطيت بودرة وبلاشر وردي وكحلت عيوني من جوا بقلم اسود .. وشادو موف ومسكرة وحددت حواجبي بعدين حطيت قلوس موف ... وفتحت شعري وبخيت عطر وخرجت من الغرفة بشوفه فين ..

الساعة قربت على خمسہ متى نروح لاهله بعدين اهلي لازم نروح للمطار بدري .. يالله على بروده ... شفته متمدد على الكنب ومغطي وجهه بذراعه وقفت عنده شوي بعدين رجعت .. ناداني والتفت له قال : بغيتي شي

: ماقلت بنروح لاهلك واهلي

: لا خلاص كنسلنا .. وهو لسه مارفع يده عن وجهه

شو كنسلنا صاحي هذا .. ؟

سألته بخوف وتردد: ليه ..؟

: كذا غيرت راياي .. ولا عندك اعتراض كالعاده ..!

بصراحة حنيت عليه .. اجل كنسل الرحلة عشاني .. نسيت كلامه لي وقت خلني
اتجراً واكلمه اذا مو عشانه عشاني وعشان صورتنا قدام الناس .. بلغت ريتي
ثلاث مرات احس حلق نشف من الخوف قلت : احم احم .. مم ممكن نتكلم ..؟

رفع يده عن وجهه وطلعني بنص عين قال : نعم تكلمي

: ط ط ط طيب لاتعصب

قام جلس قال : وش بغيتي ياديمه تكلمي مو ناقصك انا

: ليه فيك شي

: ايه فيني هم الدنيا ..

طالعه بقلق وخوف ... خفت ان صاير مصيبة : صاير شي ؟ اهلك فيهم شي ؟
اهلي فيهم شي ؟

: وهذا اللي همك الناس ..؟ همي انتي ياديمه فاهمه ولا لا ..؟ انا من يوم خطبتك
تورطت لاتحسبيني لمن كنت ابي اكلمك وادورك حبا فيك .. لا ياديمه انا كنت ابغى
شي يريحني ويطمني ويهدي بالي ابي الاقي فيك شي واحد مايخليني اندم اني
تزوجتك ..

لفت الارض فيني لاااا مو معقول اللي اسمعه بس تشجعت .. مالدري فرحت انه
قال كذا .. يمكن لو قال انه يحبني ويموت علي زعلت .. لأنني ماحبه وماقدر
اعيش معاه ..

غمضت عيوني بقوة ادور على كلام ارد فيه عليه ... قلت وانا احسني بطيح على
وجهي : انت اللي جنيت على نفسك ومحد اجبرك على الزواج مني بالعكس
اجبرتني واجبرت خالي عليه ووو انتهى الكلام ماعندي كلام خلاص .

رجعت للغرفة وانا خطواتي مو قادرة اسيطر عليها .. جلست على الكنبه اللي
بالغرفة ودق جوالي كان خالي ماجد سلم علي وبارك لي وسألني مبسوطه ولا لا

: مستحيل والله لو تشب حياتنا حريقه ماجيت اترجاه لأنني ببساطة ماغلطت عليه
ويحمد ربه اني متحملته وماقلت لأخوالي عن اسلوبه والا والله مايخلوني اجلس
عنده دقيقه وحده .

: طيب وش بتسوين قدام الناس خاصة انك بتسكنين عند اهله

: يفرجها ربك واذا احد بيلاحظ شي بيلاحظ عليه اسلوبه انا محترمه وهو كل
شوي يحذف على كلمه

: الله يوفقك ديوم ويسعدك

: وياك لى

: يالله مع السلامه بنتي ازعجتني تبكي اذا حسيتي نفسك تبغين تتكلمين مع
احد اتصلي اوكي

: اكيد انتي اقرب الناس لي الله لايحرمني منك ... يالله بوسي لي ديوم

: اوكي .. يالله باي

: باي الله معاك

جلست على التلفزيون شوية بعدين رجعت شلت مكياجى بالكريم ولبست بيجامه
لونها ابيض قميص بأزارير وكم طويل واسع وبنطلون حرير ناعم ووسيع شوية .. !

كان شعري مفتوح ورحت جلست على التلفزيون و ماحسيت بنفسى الا لمن
صحيت على صوت مهند اللي كان يناديني بهدوء : ديمه قومي تعشي ماكلتي
شي من امس .

صحيت وانا بجد ميتة من الجوع ماكلت بعد حبة الفطيرة اللي اكلتها البارحة الا
حبة شكولا غصبتني عليها جدتي .. وللحين مادخلت في معدتي شي ..

قال : مرة ثانية ديمه اصحي

: خلاص انا صاحيه

: صاحية

جلست وحطيت يدي على عيوني وقلت : الحين افتحها صاحيه انا خلاص !....

فتحت عيوني بعد شوي مالمقيته عندي ... بس رجع لابس بيجامته .. مهند طويل
لونه ابيض بس مقارنه معاي انا ابيض منه بكثير جسمه يجنن اكتافه
عريضة ويميل للنحافة بس باين ان عنده عضلات ... شنبه خفيف وما عنده لحية
وشعره ناعم وأسود طويل شوي ومرجعه كله على وري بصراحه شكله يجنن
سمعت الباب يدق قام يفتح وانا رحت للحمام اغسل ورجعت لقيت العشا وصل
جلس قدامي يناظر فيني قلت : اتعشى لوحدي

: ايه تعشيت انا برا

سكت بعدين قال : حسبتك بتقولين ليه تروح وتتركني وانا عروس بس شكك
منتي مهمته

: مو من حقي اتحكم فيك انت انسان فاهم مو محتاج اقولك المفروض تسوي
وماتسوي

: اها يعني لو اروح اسهر كل ليلة برا على كيفي ماتعترضين

: بصفتي شو ..؟

: ممممم بصفتك زوجة ..؟

: زوجة ..؟

: ليه عندك اعتراض ..؟

: هههههههههههه لا ما عندي اعتراض بالعكس زوجة وعروس كمان ..!

: وش قصدك ..؟

: مااقصد شي بس خلنا نتعشا ترى كملت 48 ساعه مااكلت شي ..

: مامنعك لاتتعشين .. تعشي بس قللي لي قصدك اول

: سبحان الله انت الحين دايماً كذا

: شلون كذا ..؟

: مالدري غريب

: وش لاحظتي علي يااستاذة ديمه

وصلت الحمام وحاولت استفرغ بس مافي معدتي شي .. رجعت والغرفة تلف فيني
وطحت على الأرض قبل اوصل للسرير ..

صحيت وانا على السرير وهو جالس بجنبي وحاط راسه بين يدينه وكأنه يفكر دق
جوالي وتحركت بشوف مين بس كان اسرع مني واخذ الجوال حطه صامت

بعدين رن مرة ثانية ووراني الرقم كان توأم روعي .. اخذته منه وانا موطايقتة
وردت بصوت مخنوق وتعبان وقرفان : الو ..

خطف الجوال مني وحطه على اذنه بس ماتكلم .. ورجعه لي

ناظرته باستحقار وحطيت الجوال على اذني ..

: الو ديمه .. ديمه وش فيك ؟..

: هلا والله لمى .. سوري طاح الجوال من يدي .

: المهم كيفك ؟..

: الحمد لله

: انتي نايمه

: ايوه

: طيب اذا صحيتي كلميني

: اوكي ادق عليك بعد شوي

: باي

:باي

كان جالس بجنبي ورجعت لي ذكرى كلامه ... جيت بتحرك واقوم للحمام احسني
دايخه مافيني اتحرك ... بس مسكني بيدي بحنان : قومي افطري الساعة 9
الصباح وانت اغمي عليك من الجوع وووووووو كان مرتبك كثير .. حط يده
جبينه ورجع دخلها في شعره قال : ديمه انا آسف .. انا واحد وقح .. انا غبي
ماعندي اسلوب .. ديمه خلااص

وجيت اصلي الفجر صليت وانا احس برعشة وضعف .. كنت جالس على السجادة
وجا جلس بجنبي

: ديمه قولي شي لاتسكتين ..

شلت شرشفي من على راسي وصديت عنه وقلت : الله يخليك انا الحين احس اني
تعبانه مالي خلقتك ..

: طيب بنفطر هنا ونتغدى برا

: لا

: كذا بتموتين من الجوع

طالعه وقلت وانا مخنوقه احسني راح ابكي : احسن لي وأحسن لك اموت

طالع فيني وغمض عيونه بقوه وتأوه من اعماقه .. حسيتها من قلبه: آآآآآه
قام وطلب لي فطور وبعد ماجا الفطور دخل ينام لأنه باين عليه انه مواصل

افطرت وشربت عصير ... بعد شوي حسيت معدتي بتقلب علي ورحت بسرعه
للحمام ... استفرغت وغسلت وجهي .. رفعت راسي وطالعت المرايه لقيته واقف
وراي قال : طبيعي تستفرغين لأن معدتك كانت فارغه ..

ماكلتمه ورحت للصاله وهو جلس بالغرفه مالحقني يمكن بيرجع ينام .. وانا
رجعت آكل غصب بعد نص ساعه تقريبا حمدت ربي لأنني حسيت الحياه
رجعت لي

شغلت التلفزيون وحطيت قناة الام بي سي مالدري وش فيها بالضبط ولا كنت
معاها .. ماقدرت اهرب منه .. التفكير فيه هلكني .. لوبيدي هربت من مهند وكلامه
وتعامله معاي .. وشكله .. وصوته اذا عصب ولا اذا روق ولا اذا حسيت فيه
بحنان زي قبل شوي .. خلاص احسه محاصرني وانا المسكينه اللي ماعندها قدرة
على أي مقاومة .. وماقدامها الا الاستسلام وانتظار الحكم !! والفرج بيد الله ..

بعدين دقيت على لمي اللي لاحظت ان صوتي تعبان واعتذرت مني كثير لأنها دقت
علي بوقت غلط بس قالت حسبتك صاحيه وكنت قلقانه عليك وابغى اشوف مهند
رجع ولا لا .. قلت لها تتظمن وماقدرت اقول لها شي لأن مهند صاحي وراح
يسمعني وكمان احسني تعبانه ماقدر اتكلم .. وخلاص قررت محد يعرف باللي
بيني وبينه غير ربي ..

نمت بالصالة بدون غطا بعد ماتمددت على الكنبه والتلفزيون كان شغال وصحيت
العصر حسيتني شبعانه نوم .. ومصحصحه ..دخلت الغرفة لقيت مهند نايم ..رحت
أخذ لي ملابس ودخلت أخذ شور ..وبعد الشور حسيت مزاجي احسن من قبل
الحمد لله .. لبست بنطلون جينز سماوي وبلوزة اورنج حرير وواسعه وحلقها
كان واسع وبدون اكمام وجمعت شعري مسكته بشباصة من فوق وتركت الباقي
مفتوح خرجت من الحمام وحصلت مهند صاحي ومسند ظهره على السرير
وحاط يدينه ورا راسه .. التفت علي حسيته يتأملني بس ماالتفت له ورحت عند
المرايه حطيت قلوب اورنج وحددت حواجبي ولبست حلق دائري و كبير لونه
اورنج .. كان باين ان ملامحي تعبانه .. بس عادي احس ان التعب اللي بعيوني
معطيني شكل هادي وحلو ...

خرجت من الغرفه وماحسيته تحرك .. رحت للصالة وجلست على الكنبه حطيت
رجل على رجل بكل برود وقعدت ادور على قناة كويسة تريح لي اعصابي بعد
مااربكني هالآدمي ...قلت ماابغى اعيش بجو نكد لاحقه عليه بالأيام الجايه ذا هذا
مابيتغير ..الله يعيني ..بحاول قدر الإمكان ارفه عن نفسي الحين ..

جلست تقريبا ربع ساعه شفته خرج لابس ثوبه وجلس عندي بالصالة بعد ماطلب
لنا غدا .. كان يطالع بالتلفزيون وماتكلم معاي كأنه مسرح او مهموم .. قلته اجل
انا يقول لي كل هالكلام ..

جا الغدا وانا بصراحه من النوع اللي اترك وجبتين ثلاث يبين على شكلي وأحس
وزني ينزل بسرعه ..يعني لو تركت الأكل راح يلاحظون اهلي وأهله وماابغى
اسئلة ولا ملاحظات من احد .. جا مهند عندي ومد يده يبغي يمسك يدي بس قمت
انا ومااعطيته يدي .. جلست مقابله له وانا مارفعت له راسي حسيته يناظر فيني
وهو لسه واقف ماجلس بعد .. ياليت فيه طاولة ثانية وأروح أكل فيها لوحدي مو
معاه بس مضطرة اقابله .. رفعت راسي لأنه طول وهو واقف شفت عيونه
تطالعني بهدوء وتأمل ياربي شو هالاحراج اخرجني بس انتبه لنفسه وجلس وانا
بديت أكل خفت يبدا بكلام يسد نفسي زي البارحه .. وأمس ..!واموت من الجوع ..
ولا يغمی علي ..!

اكلت سلطة وسبموسة وحبة كبه وشربت لبن .. جيت بقوم قال : تغدي

: الحمد لله

: ماتغديتي

: خلاص شبع

غمض عيونه وضغط على اسنانه كأنه يهدي نفسه حتى مايعصب قال : ديمه
تغدي هذا مو غدا ..

حسيت انه يتأمر علي ياربي ماعنده طريقه ثانيه بغير هذي اللهجه وأخذت نفس
عميق عشان ماتوتر .. وقلت وانا هادية بلهجتي بس : ماحب الرز واللحم بعدين
اكلت كفايتي الحمد لله ..

كشر وقال : ليه ماقلتي انك ماتحبينه

: عادي ماصار شي بعدين فيه بديل اكلت وخلص

: طيب اجلسي وين رايحه

رن جوالي بالصالة ورحت من دون ماررد عليه اوف الحمد لله انقذني ربي

شفتها الدكتوراة نجوى : الو

: اهلين ديمه كيفك يابنتي

: الحمد لله بخير .. انتي كيفك يادكتوراة

: بخير الحمد لله الف مبروك ياديمه .. كان نفسي احضر زواجك بس كان زواج
ولد اختي بنفس يوم زواجك اعذريني وبإذن الله راح اعوضك بزيارة ببيتك

: اتشرف يادكتوراة واهلا فيك بأي وقت

: متى حتسافري

: مادري .. كنا حاجزين على فرنسا بس اجلنا كم يوم

: ان شاء الله خيرة يابنتي يالله حببت اسلم عليك وبارك لك وبالرفاة والبنين

: تسلمين دكتوراة ماتقصرين والله يبارك فيك ..

: مع السلامه

: مع السلامه هلا والله

(♥)*.....*.....*.....*..... (♥)

التفت بشوف فينه لقيته واقف وراي ويناظر فيني .. ياربي هذا اش فيه اليوم
ماشال نظره من علي .. رجعت وجلست على الكنبه .. وهو جلس على الكنب
الثانية وجواله في يده .. شفته يدق على احد بعدين كلم : السلام عليكم
..... هلا والله الله يبارك فيك ويخليك لنا دخر انت شلونك
عساك بخير الحمد لله وشلون الوالده عساها
بخير عطني اياها

..... هلا والله بالغاليه الله يبارك فيك كلنا بخير
الحمد لله من عندكم ؟ اها لا
اشوى انا ماجينا اجل لا ماسافرنا قلنا نأجلها كم يوم معانا شهر
كامل ان شاء الله ايه عندي خذي .. وأعطاني الجوال قال :
ديمه خذي امي بتكلمك .. اخذت الجوال وانا ما طالعت فيه : هلا خالتي هلا والله

: هلا والله بديمه الف مبروك يابنتي

: الله يبارك فيك ياخالتي .. كيف صحتك بشريني عنك ..

: بخير ونعمه مانا قصنا غير وجودكم معانا

: الله يتم عافيته عليك ياخاله ويخليك لنا

: هاياديمه خذي ابو مهند بيكلمك

حسيتني بقفل مرة انخرجت وطالعت في مهند مفجوعه حتى هو استغرب يحسب
امه قالت لي شي يفجع وشفته يقول اشفيك بصوت واطي مارديت عليه بس اخذت
نفس ورديت على التلفون

: هلا والله

: شلونك يابنتي وعساها مبروك والله يوفقك .

: الله يبارك فيك ويسلمك قلته بصوت واطي وانا مرة مستحيه منه

هو شكله لاحظ اني مستحيه بعدين قال

: ماودي اطول عليك لكن ان شاء الله تجون بالسلامه والله يوفقكم ويسعدكم

: الله يسلمك ويخليك

: يالله مع السلامه

: الله معاك .

قفلت الجوال وانا احسني ارتجف ..

طالعتني وهو يبتسم قال : مستحيه من ابوي ..؟

مبسوط حضرته على شكلي قلت بعد مابلعت ريقى : ها ..؟ لا عادي

قرب مني قال بهمس : طيب يالله البسي بنطلع

بسرعه وقفت وبعدت عنه قلت : فين نروح ..؟

وقف وقال : ماطفشتي من هنا لك يومين ماطلعتي راسك

مسكت طرف البلوزة حقتي من تحت وقلت وانا منزلة راسي : اكيد طفشت

: ديمه وانتى تكلميني ناظري في وجهي مو بالأرض تراني مااخرج

رفعت راسي وانا اناظر فوق بعدين طالعت في التلفزيون مالتفت له وهو كان واقف على يميني

: لاحوول ديمه اذا كلمتك ناظري فيني لاتخليني اعصب

: ممكن ماتكلمني بالاسلوب هذا ..؟

مسك يدي اليمين وكأنه بيلفها قال : انتى اللي لاتتكلمين معاي بالاسلوب هذا

رفعت راسي للسما وغمضت بقوة ياربي ماابغى اتكلم معاه ولا ابغى احتك فيه ولا حتى اجلس معاه ..

صحيح اني اقدر اصبر عليه وعلى حركاته بس انا خايفه انفجر هاليومين وأخرب كل شي ..ذكرني بزوجة ابوي .. كنت اعيش طول اليوم بنكد وكانت تدور علي ادني زلة وتخلق من اللاشيء اشياء واشياء عشان تضربني وتحبسني وتحرمني باسبابها .. ياخوفي لارجع لنفس ايام جميلة وحياتي معاها .. وياخوفي لاتكون آخر ايام السعاده والهنا لي هي ايام عيشتي في بيت خالي ناصر ..ذكرى جميلة او اني راح ارجع لايام القسوة والظلم احساس يخوف .. احس برعب ياناس ..

رميت نفسي على الكنبه ورجعت راسي ورى وانا مخنوقة بس ماابغى ابكي

جلس على ركبته قدامي قال : قومي يابنت الحلال خلينا نطلع انتي طفشانه وانا
العن منك قومي

طالعتة و عيونني متحجرة فيها الدموع قلت وانا اهز راسي : طيب اذا خرجنا مع
بعض بيروح الطفش ... بنطفش اكثر صدقني

: اووووووووووف - حسيته من قلبه - بعدين كمل : ديمه الله يرحم ابوك
مالبي اطفشك ولا اضايكك بس انتي وسكت ثم قال : يالله قومي

حسيته تعبان اوطفشان من شي .. مو مني مالتذكر اني قلت له شي يخليه يطفش
ويمل من الدنيا لهذي الدرجة .. قلت : اوكي خلاص

قمت ولبست عبايتي وطرحتي وأخذت شنطتي ولمن جيت اخرج مسك يدي ولفني
ناحيته

شفت عيونه قريبه مني ... وجهه واكتافه وشعره اللي باين من تحت الشماع
...وعطره الرجالي احس ريحته وصلت كل خلايا جسمي من قوته تخربطت
وارتبكت حاولت ابعده بس مسكني بقوة قال : سامحيني اذا ضايقتك ..

ابتسمت ومارديت عليه .. خفت اتكلم ويخلق مشكله وانا ماصدقت انه يعتذر ..
هالانسان غريب اول مرة يتكلم معاي باسلوب حلو وصوت هادي بس اسامحه
..؟واذا سامحتك شو انسى كل اللي راح ..؟ لاااا يامهند اذا سامحتك مو معناتها
اني راضيه عن زواجي طولت وانا ساكتة واناظر بالأرض

: ديمه

ابتسمت وقلت : نمشي ..؟

خرجنا مع بعض بعد ماغطيت وجهي .. وكان مهند قمة في الشياكة والوسامه ..
فتح الباب وركبت بعدين ركب هو كان الجو متوتر بالسيارة وانا للحين احسني
مرتبكة وهو مسرح وأحس انه طفشان جد ..والله اني حنيت عليه .. بس تذكرت
انه ممكن يقلب علي الحين قلت بنفسني قلعتة ماهمني يطفش مايطفش اهم شي
مايضايقني الحين بالسيارة

دقيت على خالي

: هلا والله وغلا .. هلا باللي بيتي بدونها مايسوى

مارد علي احسه مسرح ومو معاي .. سمعت صوت سيارة يدق بوري ووقف فجأة
صرخت بصوت عالي بعد ماميلت بجسمي قدام .. كنت مرة مفجوعه ..

هذا السرعه وحط يده على صدري قال : ماصار شي الحمد لله لاتخافين

مارديت عليه كنت ارتجف بجد انفجعت لأن كان قدامنا باص كبير وخفت نصدم فيه
نزلنا عند كوفي شوب ودخلت معاه ..

مسكني بيدي الين جلسنا بمكان بآخر الكوفي جلسني ورجع قال : ايش قهوتك ؟
: تركي مزبوط ..

خرج من عندي وانا طلعت المرآية من شنطتي ونزلت الغطا والطرحه خليتها على
رقتي وزبطت شكلي وحطيت قلوس اورنج .. ورجعتها بسرعه قبل يجي ..

: ماكنت عارف انك خوافه

قلت بقلبي ضيفها لدلوعه ومغرورة وسكت مارديت عليه ..

جات القهوة وقام جابها .. ومعاها صحنين حلا..... دق تلفونه ورد هلا
هلا مين معاي اوه هلا هلا عمتي كيفك الله يبارك فيك
ويسلمك بخير الله يعافيك الاسبوع هذا صعب مانقدر
..... لا ماسافرنا اجلناها ياطويلة العمر لا لا وعد
نجيك ونجيب امي وريم بس خليني ادور وقت مناسب
ههههههههههههه لا ديمه تامر على كيفها هذي بنت عبدالله الله يرحمه وناصر
لازم ندللها طيب ياعمه انا بمكان عام اعذريني ارجع اكلمك
بعدين الله يسلمكم ويرزقها بالنصيب مع
السلامه . شفته يقفل على طول ويرمي الجوال على الطاولة

كنت اسمعه وانا حاطة رجل على رجل وانا على جنب مسوية مو مهتمه فيه وانا
بصراحة سمعت كل كلمة قالها .. شربت رشفة من القهوة ونزلت الكوب على
الطاولة وتكيت ظهري على وري .. كان مهند يطالع فيني ويتأملني.. بس ماكنت
اناظر فيه سمعت صوته : تحبين خالك ناصر ..؟

طالعت فيه باستغراب وش هالسؤال

ابتسم وقال بسرعه : سؤال غبي صح

رشفتم من قهوتي قلت : مو مسألة غبي .. بس غريب

ضحك بشويش وحسيتني انحرجت انا مرتبكه منه ومن شكله وضحكته وفي نفس الوقت خايفه اطلع من هنا وانا متضايقه منه ولا ابكي من كلمة يقولها ولا تريقه ولا تحدي ولا حتى اتهام زي آخر مرة آآآآه كل ماتذكرتها ...!

: ابغى اعرف بس قد ايش تحبينه ..؟

: قد ماتحب ابوك وأكثر ..!

: يعني تعتبرينه ابوك

: مو بس ابوي خالي ناصر اهلي كلهم ام اب اخوان اخوات كل شي بحياتي

ناظرني باهتمام وكأن كلامي كان مفاجيء له بعدين رد بسرعه : الله يستر عليه ويخليه لعياله

: ويخليه لي انا كمان

: انتي خلاص ماتحتاجينه

كنت راح اكب القهوة على وجهه من كلمته بس حسيتني اجبن من كذا .. ومارديت عليه

: اشفيك

.....:

: ديمه ردي علي

: مافيني شي

: ترى ماقلت شي يزعل وش فيك انتي ماتتحملين أي كلمه

: ادري

: هدي اعصابك طيب

حاولت اتماسك وآخذ نفس عميق اهدي نفسي وانا بقلبي اقول ياديمه تعودني على الصبر والتحمل وانتبهني لاتنهارين هذي شرارات يرسلها مهند لحريق بعدين وفري كل شي له

شفت مهند يناظر فيني مستغرب لهجتي لأنني مرة مرتبكة ومتدده اكلمه ولا لا

: الف مبروك

: الله يبارك فيك .. قلتها بصوت واطي

: الله يوفقك ياديمه ويسعدك .. كل الناس اللي تعزك باركت لك الا انا وانتي يشهد
الله انك بمعزة منار واكثر

: تسلم يارامي ماتقصر

شفت مهند لمن قلت يارامي فتح عيونه بقوة وعقد حواجبه ودخل يده في جيبه
ماحصل الدخان وخرجها بعصبية باينه عليه

: يالله ياديمه مع السلامه وسلمي لي على مهند انا كلمته وباركت له باقي انت
بس

: الله معاك ومشكور على اتصالك

ماكنت ادري ايش اقول لرامي من الحالة اللي جات مهند

قفلت وسويت نفسي مو مهتمه فيه قال : هذا اش يبغى ..؟ مايستحي على وجهه
يكلمك ..؟

: هذا رامي ولد خالي محمد اعتبره اخوي ..!

: الله يلعن شكله ذا وقته يخلص ... قالها بصوت واطي لمن دخل ديه في جيبه
مرة ثانيه يقصد الدخان .. حسيته متوتر .. بصراحة رحمته من الحاله اللي هو
فيها

: رامي قلبه طيب ويعتبرني اخت

: لو يعتبرك اخت ماخطبك

: مو هو اللي خطبني خالي من راسه جا وخطبني من دون مايدري رامي

: وانتي اش دراك انه مايدري ..؟

: اخته قالت لي واعتذرت مني عن رامي لأنني انصدمت من رامي انه يخطبني
وهو يدري اني اعتبره اخ وادري انه يعتبرني اخته ..

تنهد مهند بعمق وبقوة .. حسيتها كأنه يطلع شي من داخله

وقف ومد يده علي قال : قومي احسني مخنوق خلينا نطلع

مامديت يدي له بس لفيت طرحتي علي وغطيت وجهي وقمت اول ماكنت بطلع
مسك يدي وانا عادي خليته هالمره يمسكها مابغى اعانده وهو بحالته هذي ..
خرجنا ورجعنا للفندق وراح يحجز بالتلفون وطبعاً كلم صاحب خالي اللي بالمطار
سمعتة يسلم عليه ويقول انه زوج بنت اخته وان ناصر مرسله عليه .. ويبي
مقعدين الليلة لفرنسا

صاحي هذا شو الليلة ..؟ متى يمدينا نروح لاهله وأهلي

بعد مانزلت عبايتي وطرحتي رجعت للصالة عنده .. لمن قفل قلت : :مايمدينا
نروح لأهلك وأهلي

: مو لازم نروح لهم

طالعتة وانا مرة متضايقه هذا مو تصرف الحين اش بيقولون سافروا مامرونا
خالي وهدى ممكن يتفهمون بس اهله مرة مستحيه منهم

: يالله البسي بدال ماتفكرين يادوب نلحق الطيارة وأهلي انا اكلمهم وراح اكلم
ناصر لاتخافين

: اوكي

رحت اخذت لي دش ولبست بنطلون ابيض طويل وبلوزة لونها بني علاقي
وطويلة لنص الفخذ .. مافكرت احط مكياج لأنني راح انزل غطاي بالطيارة ..رحت
للمراية حطيت بس قلوس لحمي وحددت حواجبي .. ورجعت لشنطتي اللي رتبتها
ولبست جاكيت ابيض قصير بسرعه قبل لايدخل مهند علي... لفيت بقفل شنطة
مكياج لي لقيته واقف وراي ويناظرني من متى الله اعلم بس تحرك ولف بسرعه
قال : خلصي وانتظريني بالصالة بلبس ونخرج ...

جلست بالصالة كنت لابسه عبايتي وجوالي بيدي وشنطتي الصغيرة .. دقيت على
هدى اللي سمعتني وجلست تبكي تقول مو متخيلة حياتنا بدونك .. حتى انا تأثرت
وبكيت خاصة اني الحين بسافر .. سألتني عن مهند وكيفه معاي قلت الحمد لله
تمام .. مابغى اقول لاحد اني مو مرتاحه معاه .. احسني اقدر اشيل همي بنفسني
ومابغى الناس تشاركني الهم .. يشاركوني الفرح ولا يشاركوني الهم بعدين
خلاص تعبتهم معاي زيادة عن اللزوم ايام وفاة جدتي ثم العملية ثم وفاة ابوي الله
يرحمه

: أولاً الله يبارك فيك .. ثانياً انت تدق بأي وقت لأنني استانس اذا كلمتني .. ثالثاً
انا بخير ومهند كويس معاي الحمد لله .. رابعاً مرة مشتاقه لك وزعلانه لأنني
الحين مسافرة وماقدرت اشوفكم

: ليه ماقدرتي ..؟

: ماحجزنا الا قبل شوي ورحلتنا بعد ثلاث ساعات مايمدينا نروح لاحد

: اها .. ماعليه لاحقين نشوف بعض اذا ربي كتب .. اهتمي بنفسك وحاولي
تستانسين على قد ماتقدين الأيام هذي ماتتعوض

: ان شاء الله انت كمان اهتم بنفسك وسلم لي على هند والعيال

: الله يسلمك يالله فمان الله

: الله معاك

,

كان مهند قد دخل وحرك السيارة وانا اقول ثانياً يعني سمعني لمن قلت انه كويس
معاي .. احسن خله يدري ان اهلي يسألون عن معاملته لي واني اداري عليه
يحمد ربه بالذات قدام خالي ماجد اللي مايعرف اخو صديق قريب اذا احد زعلني
حتى زوجته ياويلها لو تجيب سيرتي بشي مو حلو . الله يخليه لي احسني احب
خالي ماجد محبة خاصة غير عن الناس كلهم ,, صحيح مو اكثر من خالي ناصر
بس كل اخوالي كل واحد احبه بطريقه تختلف عن حبي للباقيين .. الله يخليهم لي
عز وسند واهل ويخليهم لاهلهم وعيالهم

: هذا سامي ولا ماجد .. سألني مهند

: خالي ماجد ويسلم عليك

: الله يسلمه ... ماجد هذا يخوف دايم جاد وساكت واذا تكلم سكت المجلس كله
حتى لو قال كلمه عادية ..

: اخوالي كلهم رجال الله يستر عليهم

سكتنا وهو قد يدخن واحس انه متوتر باين عليه بالرغم اني مالتفت له بس من كثرة حركته وطريقة تدخينه ... فتحت الدرج ادور على سي دي ، كاسيت ، شي يكسر التوتر اللي احنا فيه ..

حصلت الدرج متقفل ورجعت مكاني .. طلع المفتاح وفتح لي الدرج اللي قدامي كان قريب مني وهو يفتح الدرج وانا احترق .. ياناس كله رجولة .. أي بنت مكاني راح تتوتر من قربيه .. فتشت بالسيدات اغلها لفيروز ومحمد عبده وخالد عبدالرحمن ورابع صقر ونوال الكويتيه والرويشد .. ولا واحد منهم يصلح نسمعه بجوزي هذا .. بس لازم اسمع شي غير مهند حظيت سي دي لرابع صقر ..

الصراحة قولها لي ... ماتبيني لاتعلقني معاك

مادريت البارحة... اش صار فيني ... لاسعادة عشتها او شفت راحة

ابتسمت لأنها بصراحة مرة مناسبة .. وخله يسمعها عشان يدري اني ماعشت معاه لاسعاده ولا راحة ...

رابع يغني وانا بعالم ثاني تذكرت بيت خالي وراحتي فيه .. تذكرت اهتمامهم فيني حتى بعد مارحت من بيتهم ومهند الكل واثق فيه وانه بيحطني في عيونه بس هو ماكان قد الثقة احياناً اجيب له اعدار اقول يمكن لأنه يحس اني اكرهه او اني رفضته ... بس هذا مو سبب او حجة مقنعه انه يرمي علي كلام ولا يتأمر علي بهذا الشكل .. او حتى يعاملني بعصبية ونرفزة .. معقولة مهند ماعنده اسلوب ..؟ ولا يعرف يوصل لي ..!

اتصلت علي خالتي فادية واستغربت .. انا كلمتها قبل ماخرج ورديت عليها لأنها اكيد تبغى شي قالت : تراني كلمت المصورة وقالت ان الصور جاهزة بتمرينها بطريقك ولا آخذها انا ... خفت ان مهند مايرضى يخليها تجيب صورنا لأنها اكيد بتجلس عندها شهر لحد مانرجع التفت عليه قلت نروح نجيب الصور ولا تجيبها خالتي .. بسرعه رد قال : لا نجيبها احنا الحين .. رديت علي خالتي قلت : احنا نجيبها لاتتعبين نفسك .. قالت خالتي : اذا مايمديكم ترى مافيها كلافه ولا شي

اخيراً وصلنا وأقلعت الطائرة لمكان بعيد مع مهند ولوحده .. الله يستر وش
بيصير لي مع مهند هناك ..

(♡)*.....•♪•.....*..... (♡)

في الطائرة .. كنت ساكته بجنبه بعد مانزلت عبايتي وتحجبت بحجاب بني في
الحمامات وكل شوي يمد يده اليسار ويمسك يدي بس ارتبك وانخرج منه واسحب
يدي غصب وهو شكله مل مني او حس اني منخرجه منه فاضطر يبطل ويتركني

...

حسيتني تعبانة ابغى انام .. رجعت راسي ورا ونمت كل ماصحيت وفتحت عيوني
الاقيني لسه بالسما وارجع انام ، فجأة صحاني مهند بسرعه وكنت بفتح عيوني
ماقدرت .. حظيت يدي عليها وهو يقول : قومي اشفيك ..؟

: خلاص الحين صاحيه لحظة بس ..

: ديمه يالله لاتفضحيني

: قلت لك خلاص انا صاحيه

: بتقومين ولا اسحبك بيدك قدام خلق الله ..؟

رفعت صوتي وانا قرفانه منه كل مافتحت عيوني ماشوف : ممكن تروح وتخليني
خلاص اجي وراك انا ..

: ديمه هذا مو مكان دلع .. عجلي علي

وأخيراً قدرت افتحها . قمت بسرعه ومارديت عليه بس دموعي نزلت بسرعه
طالع فيني ومد علي منديل .. واعطيته ظهري مالاخذته منه .. خرجت منديل من
شنطتي ونزلنا من الطائرة وانا نفسيتي مرة سيئة .. ياربي مو متعوده احد يتكلم
معاي كذا ..؟ ياربي صبرني عليه وساعدني ..مو بيدي ياناس افتح عيوني
بسرعه .. وهو بالطريقه هذي ماقدر اقول له اني ماشوف واشتكي له ..

وصلنا الفندق وانا ماكلمته ولا طالعت فيه ..دخلت بسرعه لبست بيجامه بنظلون
اصفر وبلوزة صفرا فيها رسوم بنيه على الصدر ...! وكم طويل كانت ناعمه
ومرة انيقه عليّ واهم شي انها ساالتره ..!

دخلت الغرفه بعد ماصليت .. كنت ابكي من قلبي يمكن لأنني جيت معاه بمكان بعيد
.. او لأنني مشتاقه لخالي وبيت خالي .. او لأن مهند قاسي معاي واسلوبه بشع ..
والأهم اني عروس اسم وبنظر الناس .. احسني تعيسه مع مهند وماراح يوصل
لي او حتى يفهمني ..

تمددت على السرير ابغى انام ... ومهند بالحمام ياخذ شور خرج وماطالعت فيه
قال وهو ينشف شعره بالمنشفه : لاتنامين لين تاكلين شي

مارديت عليه وغطيت وجهي بالغطا احاول انام

جا وشال الغطا عن وجهي ومسكني بيدي وجلسني غصب قال : اذا كلمتك
لاتطنشيني فاهمة ولا لا

نزلت دموعي بغزارة وانا اصد عنه .. بجد انا تعبانه منه ومن نفسي ومن جيتي
هنا ..

لف وجهي عليه قال : الحين ليه تبكين

: ممكن تقوم عني ماابغى اشوفك الله يخليك ماعاد فيني اتحملك

قام بسرعه وكأنه مستغرب من لهجتي واسلوبي وخرج وانا حطيت راسي على
المخده وجلست اقرا المعوذات وآية الكرسي وبعض الأدعية ودعاء ماقبل النوم
ابغى ربي يهديني لأنني خلاص تعبت من البكا وعلى كثر مابكيت في حياتي شكلي
راح اسجل الرقم القياسي في موسوعة جينيس من حيث كثرة الدموع اللي نزلت
مني خلال 22 سنه ..

نمت بعد مناخة طويلة وصحيت اليوم الثاني مالدري كم نمت ولا كم الساعه
الحين ..

ماشفت مهند بالغرفة .. وقمت رحت للحمام استحميت واصلت شفت عيوني
مرهقة وتحتها لون ازرق .. لبست بنظلون جينز وتي شيرت ابيض ضيق وأكمامه
قصيرة . لفيت شعري على وري وطالع منه كذا خصه ومسكته بشبابصه وخرجت
للصالة لقفته نايم ورافع رجوله على حافة الكنبة ورجعت للغرفة .. دقيت على

معاملة قاسية وبدون سبب مقنع .. يعني اترجاه ولا ابرر له فيه رفضته واني
عمري ماكرهته ولا شو ..؟

ادري اني اكابر ويمكن اخسر حياتي بس ماقدر اتنازل وهو بهذي الطريقة ممكن
لو يحترمني ويحسن علاقته فيني كان عادي اتنازل لأنه يستاهل بس بجد هو
مايستاهل وهو بالاسلوب هذا ..

شفته لابس بنطلون جينز وقميص بيج قال : البسي بنطلع نتغدا ..

مارديت عليه وماني راичه معاه وماراح اخرج من هنا الا للسعودية لو يموت ..
مسكني بيدي : ديمه مليون مرة قلت لاتطنشيني

مارديت عليه واعلى مافخيله يركبه . لف يدي بقوة قال : هنا مهند مو ناصر اللي
يدلحك فاهمة ..؟

صرخت من الألم وبكيت بقهر .. فك يدي ورحت للحمام ابكي ومنهارة دق علي
الباب ومارديت سمعته يقول : اللهم طولك ياروح .. عنك ماطلعتي قلعتك

جلست في الحمام اكثر من ساعة بعدين خرجت ومالقيته موجود جيت ادور علي
جوالي بكلم لمى بس وين الجوال ..؟ دورت عليه ماحصلته ... اوف وين راح ؟
آخر مرة شفته لمن رماه علي يعني هنا على السرير ..

فتشت السرير وتحتة ووراه وفي الأدراج مافيه شي .. عرفت ان مهند اخذه
عشان ماقلق اهلي اذا سمعوني ابكي ...

جلست عند التلفزيون اكثر من ثلاث ساعات .. بعدين دخلت انام .. مااكلت شي
يالله الحين وزني بينزل والناس بتتكلم واخوالي بيقدون يدققون .. الله يعين !!

صحيت بعد حوالي خمس ساعات قمت للحمام آخذ لي شور وابدل لبسي لأنني نمت
بالجينز لبست قميص وردي قطني وقصير لنص الساق والكم حقه كت ولبست
الشبشب حقه .. لقيته نايم على السرير شكله كان مرة تعبان ومصدق اني اصحى
يجي ينام مكاني .. احسن فكه منه ..!ليته ينام وانا صاحيه وانا انام اذا هو صحى
!..

جلست في الصالة حصلت فيها اكل اووه اخيراً .. شكله طلب وانا في الحمام ..
اكلت الين شبت ماضن اني آكل شي بعد كذا بسهولة ... جلست على التلفزيون
مرة طفشانه ياربي لا احد اجلس معاه ولا تلفون اتكلم فيه .. كان نفسي اكلم لمى ..
بس مراح اكلمه ولا راح اجيب سيرة التلفون ..

صحى مهند بعد ساعات طويلة قضاها بالنوم وانا قضيتها بالتفكير وعند التلفزيون
..

جا وجلس عندي كان شعره متبعثر ولا بس بيجامه لونها كحلي وهو لسه ما غسل
غمض عيونه وحط راسه بين يديه قال : بتطلعين ؟..

طالعتة واحترت اقول لا وازيد المشاكل ولا اقول ايوه واضغط على نفسي واسوي
شي ما ابغاه ..

احترت كثير بعدين قررت وقلت وانا اناظر بالأرض : كيفك !..

قال : بشرط ..

استغربت منه بس جاريته وقلت : شو ؟

: دلع ما بغى .. تنسيينه نهائي .. وتعودين نفسك انك خلاص صرتي متزوجه
يعني حرمة .. وكمان تبطلين بكا ...و....

مارديت عليه ولا انتظرتة يكمل وقمت دخلت الغرفة وبسرعه طفيت النور ورميت
نفسي على السرير جلس فترة مالحقتي بعد شوي شفته فتح النور علي اشوا
مانمت لسه عشان افتح عيوني لايسوي لي سالفه .. ناظر فيني شويه .. وانا بس
شفت عيونه صديت عنه .. تأملني شويه بعدين دخل الحمام وماكلمني .. سمعت
صوت الدوش ونمت قبل ما يخرج !

صحيت اليوم الثاني وماكان فيه .. فين يروح هذا ..؟ قلعتة ماهمني ! شو قلعتة ؟
لا يكون صار فيه شي ..؟ وانا اش اسوي ماعندي جوال !.. وفرنسي ما فهم كلمة
وحده

صليت وانا مرة قلقانه عليه .. وجلست استناه اكثر من ثلاث ساعات بعدين جا
وهو باين انه تعبان ... يالله اهم شي ان ماصار فيه شي رجعت للغرفة اول
ماشفته ... بس قهر شافني الحين بيقول مهتمه لتأخيري .. دخل الغرفة بعد ما قال

السلام عليكم ورديت عليه بصوت واطي وزعلان ولا التففت عليه .. وهو دخل
على طول للحمام ..

مرت اربعة ايام كنت اشوفه وهو داخل عشان ينام ويصحى يخرج او يجلس على
التلفزيون وانا ادخل انام .. احيانا يحاول يكلمني بس اطنشه ..!كذا مرة حاول
يصحيني وكنت الف على الجبهة الثانية وماارد عليه ..ويروح ويتركني ...

بس اليوم كنت جالسة بالصالة على التلفزيون وهو كان نايم بالغرفة وجا عندي
بعد ماصحا .. وجلس على نفس الكنبه اللي انا جالسة عليها قال : ديمه لمتى ..؟

مارديت عليه بعدين قال : ترى مو حياة هذي ..!

لا والله انت مو مرتاح اجل انا ايش اقول ..؟ قلت : كل هذا بايدك ..!

: تدرين انه مو قصدي

: اتمنى ينتهي الوضع هذا بسس ..

قاطعني بسرعه وقال : بس ايش ..؟

: انت اللي تجرح فيني وشكلك عاجبك الوضع

تنهد ثم قال : وانتي زعووولة بسرعه تزعلين

ناظرته وبسرعه صديت عنه قلت : يعني ترمي علي كلام وتتهمني وتجرحني
وتبغاني اعدي واضحك لك ..؟

ناظرني وقال : قومي بنطلع ..!

ابتسمت وقلت : بشروط ولا بدون ..

حسيت مهند يرتبك لمن ابتسم له ولو اني قليل ابتسم له لأن الجو مايساعد ابدأ
قال بارتباك وهو مكشر وصاد عني : لا بدون بس قومي ..

رحت البس في الغرفة ..بجد ابغى اخرج واغير جو .. يمكن هالمرة مهند يتغير ..
يارب نفسي انه يصير زي ماابغى .. ماابغاه يدللني ولا يقول لي كلام حب زي
ماكل بنت تتمنى ..بس ابغاه يحترمني ويعاملني زي أي عروس ولا زوجة .. يتكلم
معاي بدون لهجة السخرية اللي في كلامه

لحقني للغرفة وانا البس البدي حقي .. انحرجت منه بجد وتمنيت اني رحت البس
في الحمام .. مسكت الجاكيت في يدي ابغى البسه بس سمعته قريب مني وهو
يقول : ديمه بقول لك شي بس لاتزعلين

التفت عليه وشفته يبتسم .. قلت : قول عادي ...حسبت صاير شي وابغى اعرف
بسرعه ...

حط يده على شعره ودخل اصابعه فيه وشده على وري كأنه مرتبك قال : ترى
انتي مو ذاك الجمال اللي تنغرين فيه ..تراك عادية وأقل من عادية .. بس
تواضعي شوي ..

طالعته وابتسمت بصراحة صدمني .. انا الحمد لله واثقة من نفسي وعارفة انه
مفتون فيني خاصة اللحظة هذي بس وقفت قدامه ولأول مرة اطالعه من قريب
بارادتي ورغبتي .. رديت عليه ببرود وابتسامتي لسه على وجهي قلت بدلع وانا
القميص زرار القميص حقه بنعومه : ممكن اكون موحلوة وكمان ممكن اكون
بشعه وودلوعه وشايفة نفسي ومغرورة ووو اللي تبغى .. بس اللي عارفته زين
اني ساحرتك وتشوفني اجمل بنات الدنيا .. سويت له حركه بعيوني فيها دلع
وكملت : فيه شي ثاني بتقوله ولا خلاص يادكتور ؟

حسيت ان مهند يدوخ ومو قادر يثبت بمكانه ادري حركتي ووقوفني قريبه منه
خربطه .. ولبسي قدامه بالطريقة هذي البدي البيج .. والبنطلون الزيتي .. وشكل
شعري المفتوح ..

شكيت انه ماسمع كلامي لأنه كان يطالعني وقرب مني مسك يديني الثنتين ولفهم
على بعض قال : مدلعه ومغرورة وشايفه نفسك ووو تنهد من قلب ..

: أي وجعنتي اترك يديني

لف يديني اكثر قال : حركاتك هذي غبية زيك احسن تحتفظين فيها وبلا مسخرة ..
بلع ريقه وكمل : واصلاً اذا انتي واثقة من نفسك ترى ضايعه .. انا شفت اجمل
وعرفت احلى منك بكل شي .. انتي مجرد وحدة تحديثها لاكثر ولا اقل والدليل اني
اول ماارجع لجدة راح اخطب وانتي تشوفين .. واحلمي .. احلمي ياديمه انك
توصلين لي او تفارقيني ..بخليك لاتطولين سما ولا ارض ..

لف يديني على بعض اكثر ورماني على السرير .. ورجع لبس ملابسه وخرج ولا
عبرني

جلست على السرير مو عارفة اصدقه ولا اكذبه .. احسني في دوامه ومتاهه مالها
أي منفذ .. ياربي انا ليه تكلمت معاه بالاسلوب هذا .. ليه احاول استفزه وهو
خلقه معصب مني ..

مابكيت هالمرة ولا انقهرت يمكن لأي شفته خرج وهو مقهور وزعلان .. او لأنني
قرفت من شكلي وحالي وانا بس ابكي وانزل في هالدموع ..

عدت ثلاثة ايام وماكان يكلمني ... قبل مايخرج يطلب لي اكل .. واذا رجع طلب
ودخل ينام .. احسه هالمرة قرفان مني شكله كرهني خلاص .. حسيت برعب لو
ان كلامه حقيقي وانه ممكن يخطب ويتزوج غيري وانا بوضعي هذا !!

لا ياربي شو اعمل له .. احاول اكسبه واتنازل .. ولا اغيره ولا اتفاهم معاه ..
بس انا حاولت اكلمه قبل كذا ومااعطاني فرصة .. انسان عصبي وخلقه دايم
ضيق .. وأي شي ينرفزه بسرعه ..

الساعة اربعة الفجر وانا معبئة نوم من امس احسني مصحصة ونشيطة وهذا
للحين ماوصل .. ياربي لا يكون صار له شي

ماعندي تلفون ادق عليه حتى لوعندي رقمه مو مخزنه بجهازه ولاني عارفته ..
بس اقل شي ادق على احد من اهلي .. شو اعمل ياربي .. ماقدرت اجلس كل
شوي اطل من الشباك ولا اوقف عند الباب ابغى اسمع اذا قرب ولا لا ..!

بعد ساعه انتظار وملل مرت علي كأنها سنه .. شفت الباب يفتح ودخل وهو
مغمض عيونه بشو يش كأنه مو قادر يفتحها .. لااااا هذا مريض ولا شو فيه ..

طالعني بنص عين قال : ليه صاحيه ..؟

: ها ..؟ استناك تأخرت كثير

: روعي نامي

: تعبان ؟

: ديمه انقلعي من قدامي مالي خلقتك اللي فيني مكفيني

حالته تقول انه مريض .. عيونه حمرا ووجهه متغير لونه احسه مو قادر يفتح عيونه .. خطر في بالي صداعي الله لايعيده .. ولايوريه احد لامهند ولا غيره .

قلت بخوف : طيب ..

قاطعني بصوت عالي : انقلعي عن وجهي لاشوفك الحين مالي خلقت .

رجعت للغرفة ووبخت نفسي ليه انا حارقة نفسي عليه .. نمت وصحيت بعد ساعه ورحت للصالة اشوفه حصلته نايم على الكنبه .. وبجنبه كيس فيه ادوية ... بعدين رجعت انام..ما صحيت الا الساعه خمسه العصر .. استحميت ولبست بيجامه لونها زهري وجلست عند التلفزيون .. وهو ماحصلته !!

نفسى اخرج مرة طفشت خلاص بكمل عشرة ايام ماطلعت راسي من السجن الانفرادي هذا ..!

وهذا اللي خرج وهو شكله مريض ياربي فين راح ..؟

الحين حتى وهو مريض مو طايقني ليه مايخلينا نرجع لجدة والله بمووت من الطفش والقهر ..

فزيت بمكاني لمن سمعته يقول : وين وصلتني ..؟

حطيت يدي على صدري .. هذا متى رجع ولا فين كان ..؟

قرب مني ومسك يديني قال بحنية : خرعتك ..؟ بجد ياديمه انا آسف ..!

: كيفك الحين ..؟

: مافيني شي الحمد لله ... سكت شوية بعدين قال : آسف على كل شي ..

قاطعته : متى بنرجع لجدة ..؟

وقف ورمى نفسه على الكنبه اللي مقابلتني وحط راسه بين يديه وشد شعره لورا .. ذكرني بنفس الحركة اللي سواها لمن عرف بوفاة ابويه ورفض يقول لي

لمن شفته تخرعت قلت : صاير شي ..؟

: لا لا تشغلين بالك ..

تحجرت دموعي بعيوني وقلت : فيه احد صار له شي لا تكذب علي

: ياسر كلمني ... رفع راسه وطالعني قال : وش فيك ديمه ..؟ ليه هالدموع اللي بعيونك ..؟

احسني اختنق ما بغى اسمع خبر سيء خلاص كفاية

: مين اللي مات قول بسرعه مافيني اعصاب

: واحد من اصحابي

: لا تكذب علي زي خالي

: اقسم بالله ان خويي خالد بن سعد صار عليه حادث اليوم ... واهلك مافيهم الا العافية

: مات صح

رفع راسه يناظرني: الله يرحمه ..

اشرت عليه قلت : نفس شكلك يوم وفاة ابوي الله يرحمه

صديت بوجهي عنه ذكرى اليوم هذاك كانت تهزني وماقدر اقاومها .. كانت تخليني اضعف وتطلع كل مشاعري ..

وقف مهند وجا عندي قال : ديمه انا تعبان الله يخليك لاتبكين تزيدين همي هم ..

مسحت دموعي : ما ارح ابكي خلاص بس اش بتسوي ..؟

: ولا شي بكره بيدفنونه اهله .. وانا راح اكلم اهله من هنا ماقدر ارجع

: الله يرحمه وعظم الله اجره

: اجرنا واجرك وجزاك الله خير ..

راح للحمام وخرج بعد شوية وهو لابس الروب بعدين بدل لبس بيجامه لونها بيج قال لي : انا للحين مواصل لو يتفجر الفندق كله لاتصحيني

: حاضر

**: لا بتقومين تمامين بكرة ورانا سفر ونامي لاتوصلين عند الناس وانتي
تعبانه**

مارديت عليه لأنني اكره اسلوب التآمر بطريقة جلفة .. بس لازم اصبر يمكن هذا
طبعه وراح اتحملة لحد مايتعدل ، او اتعود عليه ...!!

دخلت تحت الغطا وانا افكر في بكرة متى بنوصل وايش راح البس ونروح عند
مين اول اهله ونتبع الأصول ..؟ ولا اهلي ونتبع قلبي وشوقه لهم ..؟

طبعاً ماوصلت لنتيجته لأن القرار مو بيدي وكل اللي فكرت فيه جوابه عند مهند ..
ماعد لبسي انا اللي راح احدهه والله يستر لايتدخل بكره في لبسي ويحدده لي ...

نمت بعد ساعه اتقلب فيها ... وصحيت الساعة 12 الظهر على صوته : ديمه
يالله مافيه وقت .

: خلاص

: نفس كل يوم خلاص روح وانا صاحيه .. قومي مراح تنفك هالغفوة اللي
بتأخذينها

: مراح انام اصلاً انا صاحيه ..

: يالله ترانا متأخرين فاهمه ..

اخيراً فتحت .. انا بصراحه متعودة عادي افتحها بعد مااصحى بوقت وعمري
مادقت انه طويل الا اذا صحاني مهند وطلب اني اصحى على طول ..!

الحمد بنرجع .. جيت لفرنسا ورجعت ماخرجت من الفندق .. وهذي اعتبرها اسوأ
سفرة بحياتي

لقيته جالس على حافة السرير .. وجوالي في يده .. يبي علينا من الحين يفتش
هذا .. التفت علي اول ماوقفت .. قال وهو يرفع جوالي بيده : مافدتيه ؟

: الا

: غريبة ماسألتيه عنه !

: مو لازم اسأل كنت عارفه انه معاك

: وعارفه ليه ماجيتي تطلبينه ؟

: ماابغى اطلب وسكت ياربي ماابغى افتح معاه نقاش ولا ابغى اكلمه

: ماتبغين تطلبين مني شي ..؟

: اذا بتفتح نقاش من النوع هذا سوري عن اذنك

:بسرعه البسي ترانا مستعجلين ووقف وحط جوالي بالشاحن وانا دخلت الحمام
بعد ماخذت شور خرجت بالروب لاني نسيت آخذ ملابسي للحمام كالعاده اذا جيت
استحم من يوم ماتزوجته ..

شفته لابس بنطلون جينز وقميص ابيض ويقلب في جواله ...

طالعني بنظرة غريبة ووقف وبلع ريقه قال : بتلبسين هنا ..؟

: ها ..؟ لا لا باخذ ملابسي البس داخل ..

ابتسم وقرب مني قال : تستحين مني ..؟

: ممكن شوي باخذ ملابسي

لف يدينه على ظهري وقال وهو بنفس الابتسامه : واذا قلت لا

احسني اغلي من حركته وجهي وراسي وجسمي وكلي قلت : اوووف لو سمحت
بعد ... فكيت يدينه مني وتحكرت بعيد عنه .. بس هو كان اسرع ولف ذراعي
وقال : ديمه اقسم بالله لو ماتغيرين طريقتك هذي معاي لاربيك من جديد .. انتي
محد رباك ..

: يوووه بعد مالي خلقتك

حسيت كأن فيه صاعقة نزلت على وجهي وخلعت فكي كله من مكانه من كفه

: ماتبغين قربي يا حقيييييييبييرة ..؟ كارهنتي ..؟ مالك خلقي

زبطت الروب على جسمي قلت وانا منهارة : مالي خلقتك واكرهك ومالبي قربك
لأنك تفرقني .. اكرهك واكره شخصيتك وشكلك وصوتك وكل شي له علاقة فيك ..
ياخي مو بتتزوج اذا رجعنا حل عني وطلقتني وفكني منك .. انا هنا ميتة معاك
خلني ارجع لحياتي ما طيقك ..

صفعني كف ثاني وثالث احس الدنيا تلف فيني وعظم فكي احسه انخلع .. سمعته
يقول : اطلقك ها ..؟ اطلقك ..؟ اذا ماربيتك وخليتك تمشين على كفي ماني رجال
..انا صبرت بما فيه الكفاية على دلحك ودلاك ..

كنت اصرخ وابكي ... ابغى احد من اخوالي .. احد منهم يجي يفكني من المجنون
المتوحش هذا ..

مسكني من شعري بيد ولف يدي اليسار بيده الثانية ورماني على الأرض وطحت
على الشنطة حقت مكياجي اللي كنت منزلتها على الأرض .. حسيت بيدي انشلت
مو مني والألم اللي فيها كان فضيع مو طبيعي ..

صرخت وبكيت وهو اخذ نفسه وخرج من الجناح .. قمت ابغى البس مو قادرة
احرك يدي .. ياربي شو اعمل .. لبست غصب وبتحمل غير طبيعي .. اخيراً قدرت
اقفل البنطلون .. شفت وجهي بالمرآة اثار وعلامات وصاير لوني بنفسجي ..
مستحيل اجلس عنده دقيقه وحده ..

وربي لاوريك يامهند ولأخذ حقي منك اضعاف .. اخذت جوالي بيدي اليمين اللي
ماتألمني واستعرضت الارقام .. ادق على خالي ناصر ولا سامي ولا ماجد ..
آخر شي دقيت على لمى ..

كلمتها انا ابكي وهي انفجعت مني : ديمه حياتي وش فيك

: ضربني يالمى

شهقت لمى مفجوعه منه : شو ضربك هذا صاحي

كنت ابكي ومنهارة ويادوب اتكلم : شو اعمل يالمى يدي فيها الم غير طبيعي مو
قادرة احركها .. كملت بكى وشهقت قلت : شكلها مكسوورة .

: وين انقلع هو

: مادري اعتقد انه خرج

: اسمعي كلمتي اهلك

: لا ما قدرت اخوفهم علي

: ضروري تكلمينهم .. حبيبتي هذا ماينسكت عليه .. اذا الحين ضربك وانت
عروس بكرة وش بيسوي

: ماراح استنى بكرة معاه بس الحين كيف اتصرف يالمى .. ماابغى اكلم اهلي
اقلقهم علي .. آآآآه يدي بموت من الوجع ..!

فجأة خطف مهند الجوال مني وقفله ورماه على السرير ووقف قدامي قال : وش
فيها يدك ..

بسم الله هذا متى جا ومن متى وهو هنا ؟

كنت ابكي مو قادرة اتحمل الألم وقرفانه منه ما بغى اشتكي له ولا اكلمه ..
ياربي ياليتني في جده كان اقدر ارواح لاهلي على طول .. ولا الاقي احد اكلمه
يوديني مستشفى ..

: قومي بوديكت دكتور يشوفك اذا يدك تألمك ولا تحسين بشي ثاني ..؟
بكيت اكثر لأنني ضعيفه في الموقف هذا وهو القوي .. كيف استند عليه وهو اللي
كسرني ..وقفت واخذت حجابي من دون ما اكلمه ولفيته بعد جهد .. شافني تألم
وأكثر بوجهي ودموعي تنزل وانا امسك طرف حجابي بيدي اليسار بشويش لأنها
تألمني والفة بيدي اليمين .. وبسرعه جاني قال : يدك ولا شي ثاني ..
: ودني مستشفى

: ديمه وش اللي يوجعك بالضبط
بكيت وصرخت في وجهه من القهر : يدي كسرتها لي .. ارتحت ..؟
بلع ريقه وغمض عيونه احسه يبغى يقول شي بس مو وقته ويمكن مايدري اش
يقول بالضبط ..

اخذت شنطتي الصغيرة وحطيت الجوال فيها وهو ساعدني وسكرها لي
مسك يدي اليمين وسحبته منه .. وشفته يطلع جواله ويدق وبعد ثواني كلم واحد
بالعربي ويسأله عن اقرب عيادة من السانت لازار .. وشفته يقول حلو حلو الحمد
لله ومشكور يا عبدالفتاح ما قصرت لا ابد المدام تعبانة شوي الله
يسلمك يا الله في امان الله ..

التفت علي قال : فيه طبيب مغربي بنروح له
مارديت عليه عيوني مورمه وشكلي مرة غلط ... دخلنا عند الدكتور بعد ما وصلنا
بسيارة كانت مع مهند .. طبعا مادري انه استأجر لأن هذي اول مرة اخرج من
الفندق وبدل ما اروح للمطار وارجع لاهلي رحت للعيادة ويدي شكلها مكسورة ...
دخلت معاه عند الدكتور وسلم عليه مهند قال انا صاحب عبدالفتاح صابر .. وقعد
يكلمه عنه عرفت انه زميله بالدراسه في لندن وانه هذاك مغربي عايش بفرنسا ..

سألني الدكتور وقلت له يدي تألمني . وطالعت بمهند شويه وكملت طحت على الشنطه ..

كان مهند يناظر بالأرض ورفع نظره لي على طول وبسرعه صد للدكتور قال :
ياليت تسوي لها اشعه يادكتور

رد عليه الدكتور وهو يكتب : طبعاً نعمل لها اشعه بس الأهم ماتكونش حامل
طالعني مهند قال : لا لا مو حامل ..

اخذتني الممرضة ودخلتني غرفة الاشعة وبعد ساعتين طلعت من العيادة ويدي
مجبسه .. قال لنا الدكتور كسر خفيف ولازم اجلس بالجبس من اسبوعين لثلاثة
اسبوع ..

في السيارة ساكتين مشى مهند بالسيارة ولف بي في الشوارع بصراحه احسني
مخنوقه مابغي ارجع للفندق .. بنفس الوقت مابغي قربه ولا ابغاه يسوي لي
معروف .. ياليت اللي بجنبي الحين واحد من اخوالي ولا لمى ولا أي احد غير
مهند ..

قال : كيف الألم الحين

:

: انا قلت للدكتور يعطيك مسكن .. التفت وقال : نتعشى برا ولا ترجعين ترتاحين
كنت اناظر مع الشباك .. ومارديت عليه .. دموعي تنزل بغزارة .. مهند شرخني ..
قتل فيني اشيء بضربه لي واهانتة .. كسر يدي هذا اول الغيث .. وش بعد على
قولة لمى ..؟

تذكرت جميلة وكابوس جميلة ..

: ديمه ..

: اش تبغى ... قلتها بصوت مبجوح وبانس ومقهور

: الله يكسر يدي ان مديتها عليك مرة ثانية

سكت ماعلقت على كلامه .. يعتذر . ؟ مااعتقد اني راح اسامحه ولا اغفر له ..
مهند الا يبغي انصاع له وادور رضاه .. مافهم اني مو من النوع اللي يجي
بالقوة .. ماتعودت على القسوة من زمان .. كنت ارفض حركات جميلة معاي

واسلوبها بس ماقدر اواجهها لأنها اقوى مني .. بس الحين مهند جميلة ثانية
لايمكن اسمح له يتمادى وارجع ديمه اليتيمه المكسورة اللي مالها احد ..

هالمرة لازم اوقفه عند حده ولازم انتقم منه بدون ماضره .. بس ارجع حقي منه
اخذت بلحظتها عهد على نفسي مااسمح له يقرب مني لو يعتذر مليون مرة الا اذا
اثبت انه يستحقني وجدير بديمه .. لايمكن اخليه يتجاوز حدوده معاي بأي حال
من الأحوال كذا رباني خالي ناصر كان دايماً يقول لاتسكتين عن حقك خليك
شجاعه وحقك مايضيع .. خلي اللي يتعامل مع ديمه يخاف منها بقدر مايحبها ..
ولاتصيرين سهله مهما كان ..

اليوم مهند فوقتي وذكرني بكلام خالي اللي نسيتته من قبل لاخطبني مهند .. لكن
خلاص وقت الضعف انتهى

التفت عليه وقلت بهدوء : ممكن ترجعني للفندق ترى مو مرتاحه الحين

طالعني وياليتني ماشفت عيونه .. دموع .. ! آخر شي تمنيت اشوفها بعيون مهند
الرجولة اللي قدامي تبكي والقوة تضعف والشموخ اللي في عيونه انكسر .. ليه
يامهند ..؟ ليه تخليني اشوفك .. ؟ ماحب اشوف الرجال يبكي ..! مهما كان احس
الرجال هو مصدر القوة والبكا ضعف .. حتى لو كان ضعف لمدة ثواني اسمه
ضعف ..

قال : برجعك واسوي اللي تبغينه من اليوم ورايح ... انا مااستاهلك ..

ماعلقت على كلامه احسني ابغى استفرغ .. حسيت ان جسمي يرتجف وراسي
يلف فيني .. ودموعي تنزل اكثر واكثر واكثر ..

دقايق وكنا عند الفندق .. طالعتة بتأكد هالمرة اني اللي شفته بعيونه دموع ولا
من كثرة دموعي صار يتهيا لي اني شفت في عيون مهند دموع .. التفت لي على
طول كانه ينتظرني اقول شي اوووه الحمد لله ماشفت بعيونه دموع زي قبل شوي
.. تأكدت ان مهند قوي ويقدر يكبت ويداري ويتحمل .. اكيد هو مهموم بس
مايبين ولا يعبر بالدموع والبكا مثلي ..

قلت اتحجج بعد ما طالعت بعيونه : ممكن تخليني لوحدي ..؟

: لا مو ممكن بنزل معاك اساعدك يدك لاتحركينها مو كويس ..

طنشته ونزلت ورحت قبله الين وصلت باب الجناح قعدت انتظره الين وصلني
وفتح لي الباب ..

على طول دخلت بسرعه ورميت الحجاب حقي على التسريحه بدون اهتمام ورميت
نفسي على السرير ... نفسي ابكي اكثر بس والله تعبت .. نفسي تي تعبانه وانا
ملتيت بجد ملتيت .. وبكا قرفني .. وشكلي تشوه انطمست معالم وجهي من كثر
البكا .. عيوني منفخة وخشمي احمر ومورم .. وشفايفي احسها حمرا ومنفوخه ..
حتى اذاني صايرة حمرا ..

جلس مهند عندي ومسك يدي اليمين وبسرعه سحبها منه .. قال : ديمه بخليك
الليلة ماراح اكلمك بس بكرة لي معاك كلام طويل .. خلينا نصفني النفوس ونبدا
صفحة جديدة ..

مارديت عليه وما اعطاني فرصة اصلاً لأنه سحب نفسه وخرج برا ..

يومين ثلاثه .. اسبوع .. مافتح معاي أي موضوع وماكنت اشوفه اصلاً الا قليل
كان يجي ويسألني اكلت ولا لا وانا اهز راسي ولا اقول مالي نفس .. ويسألني
كيف يدي واذا احس فيها بألم او لا .. كنت في البداية احس بألم بس بعد اربعة
ايام حسيته خف والحين اختفى الحمد لله .. بس الجبس يضايقتني احسه مقيدني
لكن يالله هانت صبرت على اللي اقوى من الكسر وتحمل الجبس .. باقي اسبوع
ولا اسبوعين وافكه المشكله انو باين انا ماراح نرجع الا بعد ما افك الجبس .. الله
يعين بس ..!

(♥)*.....•♪•.....*..... (♥)

المغرب كنت لابسه بيجامه برمود قصيرة لونها اصفر وأكمامها مرة قصيرة
وجالسه عند التلفزيون .. يدي معرقله اهتمامي بشكلي .. شعري يادوب الفه أي
كلام ولبسي ادور على اخف شي واللي بدون حزام يتربط او سحب ..
حطيت رجل على رجل وشربت من العصير اللي قدامي على الطاولة ...

سمعت الباب انفتح ودخل مهند علي قال : كيفك ..؟

ماطالعت فيه وقلت : بخير .

سمعت صوته بقوته ونبرته الغريبه اللي مثقله صوته ومبينة رجولته : ديمه
عطيتك اسبوع كامل لكن الحين لازم نتكلم ..

: نتكلم عن شو ..؟

: عن كل شي !! حياتنا مع بعض .. وضع حد لتصرفاتنا مع بعض .. قرار نتخذه
عشان حياتنا !! اما نعيش او نشوف حل ثاني يريحك ويريحني

: اللي يريحني اني اول ما ارجع لجده ارجع لبيت خالي لأنني ما اقدر اعيش معاك

: بس انا ما اقدر !!

طالعه ابغاه يكمل يقول شي يوضح كلامه قلت ابغى اسحب منه الكلام : ماتقدر
على ايه ..؟

: ما اقدر اخليك تروحين لاهلك بعد شهر مو حلوة بحقك

: لا ماعليك انا راح اقول ما ابغاه ..

: هذا مو حل .. خلىنا نعطي بعض فرصة ثانية يمكن نفهم بعض اكثر

: انت ماراح تفهمني وانا لا يمكن اقدر اعيش معاك بالوضع هذا

: طيب قولني وش يرضيك وش المعاملة اللي تبغينه مني

: ما ابغى منك شي تقدر تحترمني ..؟ بس هذا اللي ابغاه منك تحترمني ..

: صدقيني ياديمه انا آسف والله آسف ... ديمه بحياتي ماتصرفت مع احد كذا اجي
اتصرف معاك انتي كذا وانتي غير عن هالناس كلهم عندي

غمضت عيوني بقوة خفت يقول انه يحبني .. صدقوني خفت .. مافيه بنت ماتحب
كلمة احبك .. بس انا خايفه اني احب مهند ولا اتعلق فيه وانا ما اضمنه ..

فتحت وناظرته شفته يطالعني وقلت على طول : متى بنرجع ..؟

كشر زي اللي ماحب سؤالي ومو قادر يرد علي قال وهو يأشر على يدي بعيونه
وراسه : متى ما بغيتي !!

: طيب بنستنى اسبوع وافك الجبس ونرجع على طول

: ديمه رجوعنا مو حل لمشكلتنا

: قومي نتعشى يالله ..

قمنا وتعشنا وجلسنا على التلفزيون كان شكل مهند متغير ميه وثمانين درجه ..
اذا كان رايق احس فيه جاذبية غير طبيعيه .. ياربي مايتغير ..! احس اعصابي
هدت وارتحت عادي ماخرج ولا اروح اهم شي محد يعكر مزاجي ويطفشني او
يضايقتني ..

حط على فلم انجليزي وقام جلس قال : الفلم هذا شفته قبل اربع سنوات وانا
بامريكا

اذكر كنت لوحدي بالشقة بعد ماتخرج خويي اللي كان معاي ورجع للامارات ..
مرت علي ايام رهيبة .. غربة ووحده وضيق بعد عبدالرحمن فكرت كذا مرة ارجع
للسعودية وابطل دراسه .. على فكرة وش رايك بشقتي .. ؟

: ممم حلوة بسس هذيك الايام ماحب اتذكرها ..

كأنه تذكر شي قال : احسن لاتتذكرينها ..! بتنامين ؟

شكله بيغير الموضوع قلت وانا ابتسم : لا شعبانه نوم ماحنام قبل الفجر ..!
قام وراح للغرفة ورجع لي وهالمرة جلس على نفس الكنبه اللي انا جالسة عليها
لاااا حسيت بكهربا في جسمي .. ماقدر اتحمل بلعت ريقني وتشجعت وقلت له :
ليه ماتنام ..؟

مسك يدي قال : مراح انام قبلك ..

هذا بجد ورطة .. قلت بارتباك : اصلاً بنام الحين ..

: طيب يالله ننام سوا

: ها ..؟ خلاص روح نام انا بنام هنا .. اشرت على الكنبه وانا وجهي يتشكل مية
لون ..

شفته يضحك بخبث قال : ماسامحتيني للحين ..؟

: لا ماسامحتك .. استنى الين اضمن انك خلاص بتتغير ..!

وقف وهو يقول : امري لله نصبر ياديوم .. المهم رضاك ..!

مر اسبوع والحمد لله تمام ورواق كنا نتكلم مع بعض اكثر شي رسمي .. اهم شي فيه احترام متبادل .. طبعا هو ينام بالصالة وانا انام بالغرفة .. وأحيانا يدخل بعد الظهر ينام بالغرفة ..

رحت معاه وفكيت الجبس بعد ماسويت اشعه والحمد لله جبر الكسر .. بس على الله مهند يجبر الكسر اللي بداخلي بسببه .. !

رجعت للجناح وانا مبسوطه ان يدي تحررت من الجبس وراح آخذ راحتي اكثر من اول ..

ناداني مهند وهو بالصالة قال : عمك ياسر يبغى يكلمك .. ومد علي التلفون .. كلمت عمي بألو وهلا ومرحبا وكيفك ... وهو يرد بالردود التقليديه على مثل هالأسئلة ..

: ديمه ابي منك شي ..!

: أمر ياعمي

: اهتمي بزواجك وبطلّي الدلع والحركات حقت الأطفال

: ليه شكاك لك

: مهند ماخبي شي عني .. هذا اولاً .. وثانياً انا ملاحظ انه مو مبسوط .. ترى ناصر مدلكك بزيادة وانتى المفروض تسوين زي باقي البنات .

قلت بقلبي " .. طيب يامهند مانويت تتغير .. "

: عمي

: هلا

: ممكن تقول لي مهند شو قالك بالضبط ومتى .. هههه تعرف لازم اسوي اللي يرضيه ويعجبه بشوف وش اللي مو عاجبه فيني ... ووو كنت متخربطه ماقدرت اصف الكلام على بعض المهم اني اوصل للاجابة ..

: مهند توه قال لي انك متعبته ياديمه انا عمك مو غريب عليك ابيك تكونين مبسوطه .. وترى مهند رجال ماعليه كلام لأنه ويقول لي انه بيتزوج لو ماتغيرتي .

لفت فيني الأرض من كلام عمي .. اجل وش خليت يامهند ماقلته لعمي .. وين
اللي راح يتغير وراح يبدا صفحة جديدة ..

قلت لعمي : ابشر ياعمي مالك الا اللي يرضيك انت ومهند !... شفت مهند خارج
من الغرفة وجاي عندي ناظرته باستحقار ورجعت اكلم عمي : عمي الله يخليك
هالأشياء لاتطلع لاحد وترى مهند يبالغ لاتصدق تراه مبسوط ...

خطف الجوال مني قال : وش قلت لها ياخبل ..؟ الله ياخذ ابليسك
من قالك تكلمها خربت علي الله لايغطي عدوك العافية ..

انقلع ياشيخ اوريك انا بس اصبر لين اشوفك يالله يالله مع
السلامه اقفل بس ولا قفلت والله ماتكلمها والشرهه مو
عليك على اللي خلاك تكلمها .

دخلت قبل يقفل ولحقتني على طول قلت قبل لايتكلم : لوسمحت ماني متحملة أي
نقاش .

: ديمه اصبري

: لاااا مو صابرة ولا متكلمه معاك ولاسامعتك متى بنرجع للسعودية ؟ خلاص
يدي الحين مافيه شي يدينك ويثبت عمايلك ..

: طيب هدي اعصابك خليني اشرح لك الموضوع ...

: ماابغى لاتشرح لي ولااسمع لك وبليز احجز لنا بأسرع وقت برجع لاهلي خلاص

: ابشري اليوم احجز بس انتي هدي اعصابك ولا تعصبين الله يرحم ابوك ترى
ياسر ماعنده سالفه ومايدري وش يقول لك ..

سكت ورحت افتح شنطتي وارمي ملابسي فيها .. وهو اخذ التلفون وراح يحجز
لنا ..

..

اخذت شور وانا مخنوقة بس رفضت ابكي بسببه تكفي الدموع اللي نزلتها بسبب
مهند خلاص .. ولبست تنورة قصيرة كلوش لونها عسلي وفيها فصوص ذهبي ..

وبلوزة تتربط من وري الرقبه لونها ذهبي على عسلي وفيها فصوص ذهبي
واسعه شوي ونازلة على خصري لبست حلق ذهبي وأخذت معاي مكياج
بشنتتي بعد ماسشورت شعري ولفيته من تحت وطلع شكله مرة حلو .. آخر شي
لبست جزمه طويله لونها عسلي ..

ولبست عبايتي لأنني خلاص راичه ولأنني لابسـه تنورة قصير والبلوزة عريانه
شوي ولازم البس العباية .. دخل علي مهند وكان لابس بنطلون بني وقميص
سكري كان بصراحة يجنن .. بس صديت عنه لأنني زعلانه منه ، وعليه ، ومن
اللحظة اللي خلتني اوافق عليه .. ولا اسامحه واعطيه فرصة ثانيه ..

كنا بنطلع خلاص رحلتنا بعد شوي بس مسك يدي وسحبني بقوة ناحيته . مسك
اكتافي بيدينه وناظر فيني احسني مااقدر انفك منه كان اقوى مني ،واستسلمت
وانا احسني ارتجف .. اش يبغى هذا الحين .. مافيه وقت بالطيارة بس تفاجأت
لمن باس راسي قال :آسف ياديمه انا

كانت ردة فعلي سريعه لمن نزلت يدينه من اكتافي وهو ماکمل كلامه .. مو وقت
الأسف الحين خلاص ... خرجت قبله .. وهو مشى وراي وماتكلم ولا علق ..

يعني اخبي على عمايله واصبر ولاشكيت لا لأهله ولا لأهلي .. وهو يروح
يشتكيني لعمي وانا مالي ذنب .. بالله ياناس مو هو اللي يغلط علي .. سواء
بالكلام ولا الضرب ..

وصلنا المطار ومحد تكلم فينا وفي الطيارة قال وهو يقرأ في مجلة : ترى بنروح
لاهلي مسوين لنا عشا .. ناظرته وحسيتني متورطه عاد اهله مالهم ذنب في اللي
يصير بيننا .. قررت انام عشان اوصل للناس وانا مصحصحه بس تذكرته كيف
يصحيني واسلوبه المتهور وكل شي يببيه بسرعه .. رجعت راسي وري وهو انتبه
لي قال : نامي قبل مانوصل بصحيك وماعليك بخليك تاخذين لك غفوة

: لا مافيني نوم

والله ميتة على النوم بعدين انا متعودة جميع رحلاتي لسوريا اكون نايمه في
الطيارة عشان لمن اوصل اكون رايقه وماني تعبانه

انتبهت لمهند وهو يقول : ديمه يالله اصحي !!

يووه نمت .. بجد زعلانة من نفسي حظيت يدي على عيوني شويه بعدين صحيت
واشوى هو ماتكلم ..

كانت رحلتنا تمر بالكويت وانا جالسه استنى جا عندي مهند رايق ويدخن قال :
خالك يقول تمشوا بالكويت ليه استعجلتوا .. اش رايك ؟

: شو نتمشى ..؟ قلتها وانا اقلب جوالي اقرا الرسائل اللي وصلتنى اليوم ..

: ديمه ارفعي راسك وانتى تكلميني تراني اكره هالحركة احسها احتقار .

رفعت راسي وهو يناظرني وانا مغطيه وجهي .. : مااحتقرك وهذا مو طبعي

: ادري انه مو طبعتك بس اذا جينا عند الناس لاتخليين احد يتكلم خاصة ريم فاهمه

: لاتخاف مو انا اللي اطلع اسرارنا !!

: ديمه لاتصدقين ياسر مزحت معاه واخذ كلامي جد

طالعه قلت : قفل على الموضوع مالي خلق اسمع فيه شي ..

: نقفل بس روقي لاتفضحيننا عند اهلي ويفتحون معاي محاضر تحقيق الحين !!

اعلنوا للرحلة وقمنا من دون ما ارد .. ماتكلما لحد ماوصلنا الرياض .. نزلنا
بعدين طلعا على طيارة جده وكنت بقوم للحمامات قال : ترى عماتي وخالاتي
هناك عند اهلي والعشا كبير مارديت بس اشوى انه قال لي

رحت للحمامات ازبط مكياجى حظيت مكياج ثقيل شوية اساس وبودرة وبلاشر
وشادو بني وذهبي . وكحلت عيوني من داخل ورسمت خط خفيف بالقلم الأسود
تحت رموشي اللي تحت وحطيت ماسكرا وآخر شي ختمت بروج بني ولمعه ..
بخيت على وجهي مثبت مكياج وزبطت شعري من جديد وخرجت بعد مالفيت
طرحتي على راسي وغطيت وجهي بجزء منها حتى لا اعدم مكياجى .

(♥)*.....♫.....*..... (♥)

وصلنا جده واحنا نازلين قلت :مين بيستقبلنا...؟ خفت يكون احد من قرايبه ..

: محد .. سيارتنا بالمطار وقلت مولازم يجي احد ...

سكت ووصلنا سيارتنا .. الجو ماعجبني مهند يدخن بشكل فظيع .. واحسه كثير متوتر .. خايف يبين علي شي ... انا متضايقه منه صحيح وماني مبسوطه معاه وخاصة عند اهله وعماته وخالاته موجودات وبيدققون علينا لكن مراح احرجه بإذن الله ..

فتحت الدرج حق السيارة وطلعت سي دي لمحمد عبده بقطع جو التوتر وكمان خايفه انه يفتح معاي نقاش يزيد الطين بله ونتأثر فيني واحنا رايعين عند الناس .. خاصة اني مو مستعده اسمع أي نقاش ... وبحالته هذي لايمكن يكون هادي .. بدت الموسيقى وانا مو عارفه ايش الأغنية بس يالله شي نسمعه أي شي حتى لو مو حلو اهم شي ماعطي مهند فرصة للكلام معاي ...

يامن يراعييني بعينه واراقيه

بعيون قلبي كل ما لاح زوله

يفز قلبي لا تبدت مواريه

واغض عنه الطرف والناس حوله

اقعد معه في الناس مقدر احاكيه

اخشى لساني يختلف في مقوله

يغلي الحكي في خاطري مقدر احكيه

ويصرخ بصدري صمت قد طال طوله

اسرح بفكري لا جرى طاري فيه

لا اقدر ارد الهرج ولا اقدر اقوله

ولا اقدر افيض سر قلبي ولا اخفيه

ولا اقدر اداري له جروح عليه

يا من يناديني بقلبه واناديه

يا مودع ليلى ليلاً طويه

ينسى الغفى عيني إلا جيت باغيه

يامن يلوم اللي خلا من خليله

اخذتني الأغنية لعالمي ماراحت بعيد عني ...

شفت مهند متأثر والتفت علي قال : ابو نورة على الوتر صح ..؟

: ها ... ؟ مو دايمًا !! اهم شي الأغنية كلماتها حلوة ولحنها وتكفي انها بصوت
ابو نورة .. كنت مرة متخبطه خايفه يطلع لي بسالفة ولا يسوي لي مشكله ..
انا صحيح تعودت على نقاشاته المشحونه بس الحين خايفه اتأثر قدام الناس ابغى
اليوم يعدي على خير يارب استر !!

طفى مهند المسجل بعد ماشافني طلعت جوالي ابغى ادق على احد يشغلني عنه ..
كنت بدق على خالي بس قال : لاتدقين على ناصر لأنه عند اهلي وفيه رجال
بالمجلس لاتحرجينه ... وبعد شوي بتشوفينه اكيد !! .

: خلاص بدق على هدى بشوفها بتجي ولا لا

دقيت على رقم هدى وردت علي : هلا بالعروس

: هلا فيك مرة وحشتيني هدى كيفك

: الحمد لله بخير انتي كيفك والحمد لله على السلامه

: الله يسلمك بتجين على العشاء

: احنا هناك ببيتكم نستاكم

: اوكي احنا خلاص قريبين من البيت

: توصلون بالسلامه

: يالله هدى باي

:باي

وصلنا البيت كان فيلا حولها اشجار بوابتها كبيرة ومن برا كانت تحفه .. دخل
مهند السيارة ووقفها وقبل ماتنزل مسك يدي : ديمه ماابغى الناس
قاطعته بسرعه قبل لانفتح أي موضوع ثاني : مستحيل اخلي الناس تلاحظ شي
اطمن

: هذا العشم .. ما بغى نكون سيرتهم

: لاتخاف

: يالله ننزل مع بعض

نزلت وهو راح ينزل الشنط .. استنيته لحد ماجا بسرعه مسك يدي ولقينا الباب
مفتوح اول مادخلنا قابلتنا ريم وصرخت لمن شافتنا وجات سلمت على مهند بعدين
سلمت علي وراحت قبلنا بتعلم امها .. بس ناداها مهند قال : اصبري بنطلع
لجناحنا نبدل ونادي الشغالة تطلع الشنط ...

طالعت فيه انا قلت : انا لابساه ما يحتاج

: لا تعالى يمكن تبين تعديلين شي لك كم ساعه بالطيارة

: اوكي

طلعنا جناحنا كنت ساكته ما تكلم ..! دخلت الجناح حقنا كان مرة فخم .. الصالة
اثاثها يذكرني بأثاث شقته بأمريكا .. قال : اش رايك

: اكيد ذوقك

: ايوه كيف عرفتني

: يشبه اثاث شقتك بأمريكا

: اووه آسف اذا ذكرتك ..

: عادي

: اذا تبين نغير كل هذا من بكرة ... وعلى ذوقك انتي ...

قاطعته قلت : لا لا مو لازم يتغير هنا شي .. بعدين عاجبك انا شو دخلني ..؟

صح اني قهرته بس مادري ليه حبيت الحين وباللحظة هذي انرفزه .. بالرغم انه
باين انه رايق ومبسوط لمن جينا عند اهله ..

اخذ يدي وغريبة ما عصب بالعكس ابتسم وكأنه ماخذ دوا يهدي الأعصاب
وما يخليه يفعل او يعصب .. معقوله هذا مهند قال بهدوء : اتركي الكلام الفاضي
عنك .. هذا بيتك انتي واذا تبين تغيرين فيه شي حاضرين .. ولاتقعين تلمحين
لأن والله ياديمه ماتفارقيني بالسهل .. وانا صعب وتعرفيني ..!

شفته واقف بجنبي وحط يده على كتفي قال : وين رحتي ترى ابوي ماياكل ويحبك
من قبل لايشوفك من كثر كلام امي والبنات عنك ..

نزلت راسي وقلت : الله يخليه لكم ..

نزلنا مع بعض وهو لاف يده على اكتافي .. لقينا امه تحت اللي رحبت فينا وهلت
وضمت ولدها ساعه وجلست تبكي مسكينه .. كل ماتذكرت كلام ابوي الله يرحمه
عنها احبها اكثر .. سلمت عليها انا بعد وحضنتني وسلمت على راسها باركت لنا
وهي تدعي لنا .. اخذتنا وجلسنا بالصالة وقالت لريم تجيب القهوة والشاهي بس
مهند قال بيطلع للرجال وماراح يجلس وشفته يهمس لامه بكلمه ماسمعتها وهي
ضحكت بعدين قالت : اصبر لين عماتك وخالاتك يجون يسلمون عليك ..

رفض مهند وقال : بروح اسلم على ابوي ودخلي ديمه عليهن وانتبهي لها.. طالع
في امه بتوسل وكمل : تكفين يمه ..

: ديمه بنتي ماارضى عليها شي لاتخاف

خرج مهند بعد ماناظرني وقال : انتبهي على نفسك واذا اهل خالك راحوا بجي
اسلم على عماتي وخالاتي

قلت : اوكي

اخذتني خالتي لمجلس الحريم شفت هدى وفيه حريم اتوقع اني شفتهن بالزواج
وبعضهم تصوروا معنا

سلمت عليهم كلهم وحضنت هدى كثير حتى هدى كانت عيونها مليانه دموع بس
تبسمت ماتبغى تقلبها نكد قالت : مرة فاقدينك وبيتنا بدونك ميسوى وخالك
مايحب يجلس فيه كل شوي خارج يقول ماتخيل البيت بدونها

: انتو بركة البيت وانا شوفيني قريبة كل يومين عندك

التفت للحريم وكنت ساكته ماتكلمت الا مع هدى طبعا العيون كلها علي وانا جالسه
بجنب هدى

جلسنا فترة ساكتين الجو رسمي كثير .. احيانا هدى تكلمني بصوت واطي وأرد
عليها رد مختصر واسكت ..

على البنت اللي تقول اني نحيفة ... بنتها فاطمة .. وهذي سامية بنت خالتي
مزون وهذي عمتي منيرة وبناتها خلود وهديل .. تكلمت سارة

:هلا بك ياديمه عزة الله عرف يختار مهند مكمك ربي ..

: تسلمين ياخاله الله يطول بعمرك

: تعالي اجلسي عندي يا بنيتي

قامت فاطمه عندها وجلست بجانبها قالت : افا ياخالتي من العصر وانا هنا
وماعطيتيني وجه

: هذي ديمة عروسنا خلينا ندلعا ..

جلست سارة تسولف لي عن عيالها وبناتها المتزوجات اصغرهن فاتن متزوجه
من سنه ولسه ماحملت قلت لها : الله يرزقها ولسه بدري عليها لاتستعجل .

تدخلت فاطمة اللي كانت مركزة علينا قالت : ههههههههه ماشاء الله عندك خبرة
في الحمل والولادة تصدقين ما عرف شي عنهم ..

طالعت فيها وابتسمت قلت : عادي ثقافة هذي

قالت : لا حبيبتي هذي تكتسب من التجربة

ابتسمت ومارديت .. صدق سخيفه .. شكلها تبغى تستفزني بس بعيد عليها .

تكلمت خالة سارة قالت : اقول يا فاطمة البسي عبايتك وتغطي وروحي جيبني لي
كاس مويه ..

شفت هدى معترضه على حركات فاطمه بس ماتكلمت .. قالت ريم بصوت عالي :
ماعليه يادايوم بتلاقين مؤيدين ومعارضين .. وغمزت لي وكملت : تحملي عشان
الحبايب ..

ماكنت ادري اش ارد بس هدى انقذتني وقالت وهي تبتسم : اللي يعرف ديمه
يحبها على طول وانا والله ما اقلوله عشان هي بنتنا بالعكس ديمه انا وياها عشرة
عمر تدخل القلب بسرعه وعمرها ماضرت احد .. يعني ما توقع فيه احد بيصير
من معارضينها الا اذا ما عنده ذوق !!

دخلت فاطمة بكاسة المويه في يدها قالت : اش تقصدين ..؟ واخذت نفس كأنها
تهدي نفسها وابتسمت قالت : اكيد محد بيعارضها لأنها اخذت مهند !!

قامت مزون ولحقتها سلمى ولحقتهم منيرة بعد شوي ..

سألتنى هدى قالت : ها ديوم كيف عساك مبسوطه .. ابتسمت لها قلت : الحمد لله .

قربت مني اكثر وقصرت صوتها محد يسمعها غيري .. قالت : بتجينا طبعا في بيتنا

: اكيد بقول لمهند نجيكم بكرة ..

: تكفين ديوم والله ما اقدر لازم تجين ابغى اتطمئن عليك قلبي يقول ان ديمه فيها اشياء

ناظرتها بثقة وابتسمت قلت : هدهود تطمني قلت لك ..

جات ريم عندنا وقطعت علينا كلامنا وسكتنا .. نادت خلود وهديل عندنا .. وجلسنا نسولف اما فاطمة فقعدت تسولف مع امها بصوت واطي .. والخاله سارة قالت : من يجيب لي العريس بسلم عليه ..

قامت ريم بتدق على مهند بس رجعتها امها قالت اصبري لين الناس يروحون لأنه مايقدر يدخل وفيه حريم وأشرت على فاطمه والبنات ..

تكلمت ريم : بنات وش رايكم في زوجة اخوي

خلود : ماشاء الله عليها تهبل .. وطالعت فيني قالت : تشبهين خالتك السورية شفتها بزواجكم ..

قلت لها وانا ابتسم : تسلمين .. صحيح فيه ناس كثير يقولون اشبه لها

دق جوالي وكان خالي اول ماقلت الو .. قال اطلعي لي انا عند باب الحريم وبسرعه ..

اخذت شالي الذهبي وحطيته على اكتافي وقمت بروح .. وناديت خالتي ام مهند اسألها اقدر اخرج براحتي فيه احد ولا البس عباية .. قالت خذي راحتك ما عندنا رجال بالبيت الا عمك ابو مهند وزوجك .. خرجت عند الباب اللي دخلنا معاه انا ومهند وحصلت خالي ينتظرني ومهند معاه .. سلمت على خالي وحضنته ساعه اشتقت له ياناس .. اشتقت له كثير .. ابوي امي اخوي اختي صديقي .. الأدمي هذا كل شي بحياتي .. اخذني لصدرة وهو لاف يده على اكتافي قال : الحين بس حييت .. طالع بمهند وقال : مالدري وش مسوية ديمه فينا ، البيت كله كئيب بدونها ..

اول ماشافني عمي ذكر الله وابتسم لي وبارك لي وانا رديت عليه بصوت واطي
كنت مرة مستحيه ..

لاحظ عمي اني منخرجه قال لخالي ومهند : تعالوا العشا جا وخلوا ديمه تدخل
تتعشا

راح خالي ورا عمي وكنت برجع ادخل بس مهند ناداني : ديمه لحظة

: هلا

: احد ضايقتك

: لا محد ضايقتني .. ليه ..؟

: مميمم ماعليك من أي احد يلطش عليك كلام اوكي

: عادي عادي ماعليك

: ايش اللي عادي اذا احد تكلم عليك تقولين لي فاهمه ..؟

: فاهمه .. اوامر ثانيه ..؟

: لا خلاص روعي ... وطلع زقارة وجلس يدخن ..وعيوناه كانت علي

دخلت عند خالتي ام مهند بالمطبخ وأول ماشافنتني قالت : عروسنا بالمطبخ تعالي
يمه اجلسي بالمجلس

: خالتي والله عادي بجلس هنا معاكم جلسة الحريم توتر ..

: يابنتي فاطمه لاتهتمين لها ولا تاخذين على كلامها

: لا ياخالتي لاتشيلين هم مافكرت بكلامها والحمد لله انا اكبر من هالخرابط اهم
شي لاتضيقين خلقك

: الله يرضى عليك والله ان ربي رازق ولدي يوم اخذك

: تسلمين ياخاله .. الله رزقه بأمر مثلك عسى الله يخليك لنا

دخلت علينا فاطمة قالت : خالتي تبين مساعده ترى انا سنعه وراعية بيت

ردت ام مهند : لا مشكورة يافاطمة ماتقصرين روعي عند الحريم

جلسنا وأنا احس الجلسة رسميه عشانهم ساكتين تعشينا وانا كنت جالسه بين
هدى وخاله سارة ..!

اكلت مكرونه وسلطة وأخذت تفاحه اكلتها قالت خالة سارة : ديمه ليه ماتتعشين ..

: اتعشى ياخاله

تدخلت هدى : ديمه لاتحاولون فيها لايمكن تاكل رز ولحم

" اجل مهند وش بياكل ان شا الله " قالته فاطمه بقرف وهي تاكل ..

مارديت عليها قالت خالتي ام مهند : اذا ديمه مااكلت رز خلاص مهند ماياكله

قالت نورة : مادام ماتحب الكبسة اكيد ماتعرف تسويها ..! ولا نسيت انها ماقد
دخلت المطبخ راعية كتب ودراسة .

تدخلت هدى بسرعه : ديمه طول عمرها عايشة بعز ودلال وان شاء الله بيزيد
دلالها عند مهند واهله .. وهذا عشنا فيهم يوم عطيناهم ديمتنا ..!

ابتسمت لهدى احسها متأثرة بكلام خالي ناصر .. اسلوبها اليوم وكلامها عني
يشبه كلام خالي ..

قالت ام مهند : تستاهل ديمتكم من يدلها ويعزها عسى الله يهنيها ويسعدها

انا ماعلقت الا بكلمه : تسلمين ياخالتي الله يخليك لنا

كنت احس ان نورة تناظر فيني بس مالتفت لها وقمت بغسل قالت : كثر الله
خيركم واكرمكم الله ... هذي حفظتها من الضيوف اللي يجونا ولا انا اول مرة احد
يضيفني رسمي كذا ..

: هني وعافيه يابنيتي ..! قالته خالتي ام مهند وسارة عمة مهند ..

قمت ولحقتني هدى قالت واحنا نغسل : ديمه انتي كيف صابرة عليهن بجد
ماتستحي هذي وامها ..

: عادي هدى ماعليك منهم ولاتشيلين همهم مقهورات مني غير كذا مااهتز فيني
شي اذا شفتيني اعبرهن ولا اهتم لهن ازعلي ولا انقهرني بس الحين ماعليك خلينا
نستانس ونضحك عليهن .

: معاك حق والله مو قد انا نعطيهم اهتمام .

اخذت هدى بوريها الجناح حقي وطلعنا فوق ربع ساعه بس فرجتها عليه كان صالة و مطبخ مفتوح على الصالة .. وغرفة نوم ومجلس للحريم طبعاً... وغرفة فاضية فيها مكتب ومكتبه صغيرة وفيها استريو وسيديهات واللاب توب حق مهند وشنطته الطبيه.. وكنب لونه كموني كأنه سرير لشخص واحد شكله مريح ومعاه تكايات كأنها مخدات لونها بني كانت الغرف كل وحده احلى من الثانية كأنه تحفة بصراحه .. اعجب هدى كثير ,, قعدت تمدحه وتمدح ذوق مهند لأنها توقعت انه هو اللي اختاره ... وجلسنا نسولف عن لبسي ولبسها وزبطنا مكياجنا ..بعدين نزلنا تحت

اول ماجلسنا قالت نورة : الحين اللي مأتث جناح مهند من ..؟

قالت خالتي ام مهند : هو مختاره يقول يعرف ذوق ديمه

: ياشين الوانه تجيب المرض

انا ابتسمت وطلعت بهدى اللي ابتسمت لي بدورها ياربي احسهم صغار الحمد لله ماعدنا احد يتصرف هالتصرفات ولا تعودت عليها ..

جات سميرة عند هدى وعلاقتهن ببعض صارت مرة مرة قوية .. جلسوا يسولفون وانا و ريم وخلود وهديل جلسنا نسولف الين الساعه قربت على اثنين احسني خلاص تعبانه .. اتصل خالي على هدى قال اطلعي بنمشي ..وقامت هدى راحت لبيتها .. بعدها ارسل مهند لعماته وخالاته يجن عنده بالصالة وطلعت فاطمة اول وحده للمطبخ ولحقتها سميرة وشفقتها تنادي ريم وهي تضحك ... طلعن كلهن يسلمن عليه وانا جالساه مع البنات

راحوا عمات مهند ..ساره بعد ماحضنتني وسلمت على راسها .. ومنيرة وبناتها اللي مرة ماكلمتني الا يمكن كلمتين سألتني كم باقي لي واكمل دراسه وجات بجنبي قبل تروح قالت انا آسفه ياديمه على كلام فاطمه لاتواخذينها عقلها ناقص وامها مدلعتها وقلت لها ماصار شي ولاتشيلين هم مازعلت انا ... حسيتها طيوبه مرة عكس نورة اللي تحقد علي

وراحوا خالاته بعد ما عزموني وقلت لهم اذا جات فرصه راح ازورككم مع خالتي !...

باقي نورة وبنتها .. وانا خلاص تعبانه حتى خالتي ام مهند مرة تعبانه .. رحمتني ريم لمن قالت ديمه كلمي مهند بالصالة .. استغربت نورة للحين مارجعت ...
وقمت مريت على المرايا حقت الحمام الخاص بمجلس الحريم شيكت على شكلي ..
صحيح عيوني شوي ذبلانه باين عليهم التعب بس احسني حلوة رحت لمهند كان جالس بالصالة وراسه بين يدينه .. ياويلي اذا شفته كذا احس فيه مصيبة
جيت قلت بصوت ضعيف وخايفه : خير فيه شي ...! وانا قلبي بيوقف لايكون خالي صار له شي ...!

كنت استناه يقول شي بس وقف لمن شافني وتلفت اذا احد يشوفنا ولا لا : اش فيك

: انت اللي اشفيك صاير شي ؟

: تعبان والله ياديمه وراسي بينفجر

: بسس ؟

طالعني قال : ايه تظمني كل الناس بخير الا انا ..

يووه هذا الحين فهمني غلط .. صدق ماعندي اسلوب قلت : سوري ماقصد بس انا خوافه .. واذا شفتك كذا اتخرج ...!

: قوي قلبك لاتصيرين خوافه .. قومي يالله خلينا نروح نرتاح ترى البنات هنا وو حسيته مايقدر يقول لي عن فاطمه خايف من ردة فعلي وقاطعته قلت : ايوه شفتها .. تبسمت لمن تذكرت ان البنات حجزوها بالمطبخ .. بعدين كملت : حرام حقق لها رغبتهما ترى الكبت مو حلو

ضحك مهند بصوت عالي وانا تجمدت وانا اطالع فيه صديت واخذت نفس عميق يارب لايبين علي يارب ارحمني لاينتبه لي مهند .. ياناس حتى في ضحكته رجولة وسحر غصب عني تفتني مو بيدي ...!

وقف وأخذ يدي وانا قمت معاه قلت : نمر على خالتي نقولها تصبحين على خير

قال : اوكي ...!

دخلنا عليهم بالمجلس ومهند حاط يدي بين يدينه بطريقة احسها تذوب ..

سلم عليهم وقال: يالله يام مهند تامرينا على شي هلكانين بنروح ننام

: سلامتك يمه وياجعله نوم العافيه

: الله يسلمك ويعافيك يالغاليه

قلت انا : يالله خالتي تصبحين على خير

: الله يجعلك من اهل الخير .

قلت لنورة : تصبحين على خير ياخاله نورة

ردت علي غصب عشان مهند وامه واقفين وباسلوب جاف ومن دون ماتطالعني :
وانتي من اهله ..

قال مهند : تصبحين على خير ياعمه

: وانت من اهله يالغالي ..

طلعنا مع الدرج ودخلنا الجناح .. رحت على طول للحمام احسني قرفانه من نفسي
ومن الجزمة (الله يكرمكم) خاصة انها من امس برجولي .. دخل مهند الحمام
واخذ شور على بال ماشيل مكياجى وعدساتى اللي متعبة عيوني .. وخرج وهو
لابس بيجامه لونها اسود كانت روعه عليه

دخلت انا أخذت لي شور معتبر رجّع لي النشاط والحيوية .. لبست بيجامه لونها
سكري كانت حرير وناعمه مرة بنطلونها واسع شويه وقميصها كم طويل ومقلم
بسكري درجة اغمق من اللون الاساسي ..

خرجت من الحمام بعد ماجففت شعري بس لسه فيه شوية موية ..لقيت مهند
متمدد ومتكى بظهره على السرير ... وجواله في يده يقرأ الرسائل

قال : ديمه تعالى هنا ... وهو يأشر على السرير

: ها ؟...مممم ليه ..؟ فيه شي ..؟

: لا مافيه شي بس بوريك شي بجوالي

جيت من جهته وسحبت كرسي التسريحه قلت : شو ؟

قام جلس قال شوفي الرسالة هذي

: مو قصدي بس بخليك براحتك وخلي براحتي الله يخليك .. وبليز كلنا تعبانين
ولازم نصحي بكرة مع الناس ... كانت دموعي في عيوني وماابغاها تنزل .. ياليتها
قال لا ياديمه .. تزوجتك لأني ابغاك، عاجبتني ، لأني احبك ، عشان اسامحه
وارتاح من العناد والانتقام بس والله يامهند لأوريك ولأخليك تدفع ثمن كلمتك
هذي ..! وزى مافهرتني من يوم ماملكنا لاقهرك وارجع لك عمايلك بإسلوبي ..!

: اوكي براحتك ياديمه ماابغى اضايك اكثر من كذا ..!

نمت بالصالة وصحيت الساعة 3 العصر اليوم الثاني وانا مو قادرة اتحرك كان
مهند يصحيني : ديمه قومي يالله تبين الغدا هنا ولا تنزلين مع اهلي تراهم
ماتغدوا للحين .

: بننزل احسن ليه نجلس لوحدا .. كنت اكلمه وانا مغمضة

: طيب قومي افتحي عيونك مو تكلميني وانتي مغمضة ولا ماتبين تشوفيني
تذكرت كلامه البارحه ولفيت راسي للجهة الثانية وحطيت الخداية على وجهي
شالها بس هالمرة قدني فتحت عيوني وقرب مني وباس راسي قال : ما عندي عذر
بس قلبك كبير

ابتسمت وماتكلمت ...ضعفت قدامه .. ماقلت لكم ساحر .. ويتحكم فيني على كيفه
؟..

سمعتة يناديني : ديمه

ياربي اسمي في فمه يجنن .. كل يوم اعجب بشي جديد بمهند ..!

طالعتة بكسل قلت : هلا

: الابتسامه هذي وش تعني .؟

قمت جلست وقلت : كل خير

: وانتي الخير كله ياعم..... يالله قومي يادوب تلبسين ولا لبسك هذا انزلي فيه

: بالله ..؟ انزل بالبيجامه ..؟

: لاصح لاتنزلين فيها الحين يتكلمون يقولون عروس ماتعرف تلبس ملابس نوم

فهمت مهند اش يقصد يعني عروس ماتلبس قمصان وبيجامات مغريه .. بس
اوريك اذا ماجننتك ماكون ديمه اللي محد اهانها غيرك ..! والله لاخلبك تمشي
وتهذي باسمي وتدور رضي يامهند ياللي شايف نفسك وتحسب الدنيا على كيفك
..الحين بس عرفت نقطة ضعفك .. والاسلوب اللي يناسبك ..

ابتسمت وانا احسه هالمرة يحترق كل ماابتسمت .. احسها لعبة حلوة نتبادل فيها
الأدوار .. ابتسامته تذوبني وانا ابتسامتي بدلع تدوخه ادري وتخليه يعيش ثلاثين
الف حاله بنواني قليله ..

قلت وأنا اناظر في بيجامتي بدلع : حرام عليك ... مو حلوة ..؟

تنفس بعمق وقال بارتباك : الا والله حلوة وانتي احلا

وقفت بدلع بعد ماتمططت قدامه ودخلت اصابعي مع شعري ورجعت كله على وري
ورجع تلقائي على ظهري بطريقه مرة حلوة .. وهو يراقبني بدقه رفعت راسي
وقلت له :تري بدق على جدتي من جوالك لأن جوالي مفصول ..!

وقف قدامي وقال : الجوال وصاحب الجوال تحت امرك ياست ديمه

: شكراً

: كتف يدينه وقال : العفو ..

حسيت اني انفرزه بابتسامتي .. ودلعي .. بس احسن عرفت الحين لمن كان
ينبسط ويضحك اذا رمى علي كلمه من كلامه اللي يغث اثريه يحب يشوفني
منفرزة .. يالله هذاني ارد له ..

رحت اتوضا واصلي الظهر وكويس اني صليت الفجر قبل انام .. نومي احياناً
يخليني آخر صلاتي ..!بس الله يسامحني ويغفر لي ..

لبست بنطلون زيتي وبلوزة تفاحي ماسكة علي فيها خطوط عشوائية باللون
الأسود وصدرها شوي مفتوح بس اخذت معاي بروش راح اسكر صدري قد
ماقدر بالبروش اذا عمي جا .

وحطيت مكياج خفيف بودرة وبلاشر وردي وشادو وردي وحطيت قلوز وردي
لامع

لبست صندل زيتي ناعم وحطيت عطر وخرجت من الغرفة ومريت على مهند اللي
كان متمدد على الكنبه في الصالة ويناظر فوق باين انه مسرح .. وقفت عنده
وناظر فيني وقام جلس وقعد يطالع فيني بجد يحرقني بس لاااا انا اللي اوريه.. :
ياالله ننزل عند اهلك !..

ابتسم بعدين قال : امر هذا ..؟

: مmmmmم اللي تحب امر .. طلب .. ترجي اختار اللي يعجبك قلتها وانا ابتسم
..

اما من يوم جيت هنا وانا ماسكه معاى الابتسامات شكله من الفرحة بالناس بعد
انقطاعي عنهم شهر كله وحده ودموع وقهر !..

ناظر بصدري قال : تعالى تعالى

جيت عنده قلت بدلع : خير

كشر وطلع سيجارة ورجع يدخلها بالعلبه شكله مايقدر يدخن لأنه ماكل شي لسه
قال بعد ماتنحج : الحين بتنزلين وصدرك كذا ؟

حطيت يدي على صدري قلت : ها ..؟ عادي اذا شفت ابوك بقفله بهذا .. وأشرت
على البروش اللي في يدي ..

: وليه ماتقفلينه الحين

: اذا عمي مو هنا مابغي اخرب الموديل .. مافيه الا زوجي وأخواته ولا نسيت ..
خفت منه لمن احرقني بعيونه بعدين تكلمت جد قلت : بس اذا جا عمي راح اقفله
عشان ماينقد علي .

: اها .. جلس يناظر بصدري ورقبتي وانا بسرعه رجعت ورا قلت : ياالله

تمطط بكسل وكأنه مايبغي ينزل بعدين التفت لي قال : ديمه تلبسين عدسات ؟

: ايوه طبعاً

: ليه ماسويتني تشطيب ؟

: قالوا ماينفع !..

: مين اللي قال ؟

: الدكاترة ..!

: ليه فين رحتي انتي أي مستشفى ؟

: مغربي ..!

: اها .. خليني اوديك التخصصي نشيك ماراح نخسر شي

: بعدين مو الحين .. وابتسمت بدلع وقلت :.. الحين انا عروس خلني اتهنى بلا عمليات ولا مستشفيات

مسكني بسرعه وشد على اكتافي بس بشويش قال : عروس هاه ..؟ وش سر
الوناسه هذي ياحضرة العروس ..؟

: ماتبغاني انبسط خلاص عشان خاطرك اكشر وازعل شو رايك ؟

كان ماسك يديني من فوق بعدين حطني على صدره بقوة قال : ماعندنا اغلى من
العروس وأكيد نبها تنبسط ..

بسرعه وخرت عنه وانا بموت من الحيا ورحت عند الباب وجهي كان احمر وانا
احس جسمي كله يرتعش هذا اللي انا جبته لنفسى . . بس لازم اصير قويه والله
لأتمادى يامهند وتشوف ..

كنت بفتح الباب قال وهو داخل الغرفة : انتظري ننزل مع بعض ..!

قلت بصوت عالي شوية : يالله بسرعه .. ترى اذا تأخرت بروح واسيبك

رجع لي لابس فنيلة بيضا وبنطلون ابيض ولسه مالبس ثوبه قال : حركات الدلع
هذي اتركها عنك واعقلي ..

رميت نفسي على الكنبه وانا مكشرة قلت : ياربي شكلك تحب النكد ..

طالعني ورجع يكمل لبس .. وبعد شوي خرج لابس ثوب ابيض وشماغه وعقاله
في يده قال خذي عبايتك عشان بنطلع لاهلك بعد مانتغدى ..

: الحين آخذها ..؟ خلها اطلع بعد شوي وأجيبها لأنني ابغى اخذ معاي اليوم الصور
اللي لسه ماشفناه .. وناظرت فيه بدلع وعتب بنفس الوقت كأني اقول انت السبب
..كملت : وكمان باخذ شنطتي

: ياخالتي مرة عادي ولافكرت فيها بس المشكله احسها بتنقهر اذا خرجنا بعد شوي

: ماعليك منها ولا تفكرين فيها ماتستاهل

: طيب خالتي تغديتي ولا تنتظرونا

: محد صحى غيري انا وعمك والخبله هذي شفتها قايمه من بدري

: اجل عمي تغدا .

: ايه تغديت انا وياه وهو دخل ينام والظاهر اني بلحقه .

التفت على مهند اللي جلس يقرأ الجريده وعرفت انه يسمعنا لمن قال : اجل راحت على البروش وبيجلس بجنبي .

فهمت قصده وحسيتني بختفي من الحيا قلت : ماراحت عليه الحين احطه

وجيت جلست قريب منه وفتحت البروش بقفل صدي لأنه كل شوي يطالعه بطريقه تخرجني .. سحب البروش مني قال بصوت واطي : اذا رحنا لبيت خالك تحطينه .. ! الحين خليه هنا ... اخذه وحطه على طرف الكنبه بجنبه .

انحرجت منه وابتسمت له وانا اناظر بعيونه ياناس مو طبيعيه حتى وهو صاحي من النوم فيها سحر ..

: ديمه اعقلي والا والله العظيم لاوريك ؟..

سويت نفسي متفاجاه وانا ابتسم : يوه شو عملت ؟.. قلت شي ؟..

تنهد من قلبه قال : بتندمين ياديمه على حركاتك هذي بس شغلك معاي .

جات خالتي بعد ماراحت للمطبخ وكانت بتجلس بجنب مهند من الجبهه الثانيه يعني على الطرف بس انا قمت عنها وقلت : خالتي تعالي هنا

: لا لا بجلس هنا خليك انتي بجنب زوجك .

ابتسمت وانا احسني اغيض مهند قلت بدلع : خالتي بتجلسين بجنب ولدك وتتركيني تراني اغار عليك ..

ضحكت خالتي وجات بجنبي يعني بيني وبين مهند وهو يناظر فيني ويبتسم
ابتسامه واسعه مالدري اش يقصد فيها وماتكلم .. قالت خالتي : يمه ديمه بطلب
منك طلب ولا ترديني !!

كان مهند مهتم بطلب امه باين من نظراته قلت : آمري ياخاله مو تطلبين ..
عيوني الشنتين لك !!

: تسلم لي العيون وصاحبته .. فاطمة لاتواخذينها ولا تخلينها تأثر على حياتكم !!
: ابشري ياخاله ولا يهكم وانا ماتهمني التفاهات والخرابيظ اللي مثل هذي .
: بيض الله وجهك وكثر الله من امثالك يابنتي .

دخلت علينا ريم وهي تضحك من مهند لمن قال لها : بسم الله حسبتك الخبلة
داخلة علينا .

سلمت علينا وبعدين ناظرت فيني بعد ما عدلت جلستي بين خالتي ومهند وصفرت
بقوة واعجاب قالت : مهند انت كيف ما انسحرت للحين .

التفت عليها وهو يضحك قال : اخوك رايح فيها من زمان

ضحكوا كلهم الا انا ابتسمت باحراج .. وحاولت اغير الموضوع قلت وانا اشوف
خالتي تتناوب : خالتي ليه ماتروحين تنامين .. باين عليك التعب ..

: صادقة والله بروح انام لي ساعتين .. يالله ابي امر على الشغالات اخليهم
يحضرون لكم الغدا

قال مهند : لا لا والله روعي نامي ماعليك منا .. البنات هنا ويحضرنه بأنفسهن .

ضحكت ريم وقالت : لا والله .. متأمل في زوجتك خير .. اسألها وش تعرف تطبخ

قامت خالتي وراحت تنام .. والتفت مهند علي وهو يضحك قال : بالله عليك
ياديمه تعرفين تسوين شاهي

طالعته وانا منرفزة منه اجل يتريقون علي قلت : لا ما اعرف .. بعدين ربي خلقتني
اتدلل ويخدموني الناس مو اخدمهم .

ضحك مهند بصوت عالي قال : لااا قوية هذي ياديمه وكبيرة في حقي .

: طيب يابنتي مابدي طول عليك .. انتبهى عحالك واهتمي بزواجك . وسلمي عليه وعلى اهلك .

: الله يسلمك يوصل ان شاء الله .

: يالله مع السلامة .. بأمان الله .

: الله معاك .. بحفظ الله .

قفلت مع جدتي وشفته واقف وراي .. بصراحه انقهرت منه ليه يجي وراي يعني
يبغى يسمع كلامي ؟ فكرت اتخذ موقف بس لانا انا الحين رااايقه وماابغى انكد
عليه ولا على نفسي

... طالعتة وهو متتح ومركز ومسرح ويتأمل فيني اخيراً تحرك وابتسم وابتسمت
له .. بعدين وقف ورمى وحط في فمه سيجارة ولعها ومد يده لي قال : هاتي .

قلت بشك وخوف : فين ؟

رمى السيجارة من فمه وقال : بس اوقفي مابغى منك شي .

مديت له يدي وسحبني بقوة وضممني على صدره .. كنت اتوقع كل شي الا
هالحركة .

كل خلايا جسمي تتحرك وتنتفض ومرتبكه وخايفه ومبسوطه .. مشاعري مضطربة
ومختلفه . . . رفض وقبول وارتباك وارتياح ..

كان ضامني بقوة وانا مافيه امل اقاومه .. صحيح كان شعور حلو وماينوصف بس
لا مابغى اخلي مهند ينتصر علي بسهولة .

مهند يخطط وينفذ وانا مالي أي رأي الا الاستسلام والضعف لاياربي خلني اصير
قوية .. يكون لي رأيي وقراري ويتنفذ زي مابغى ... مهند يجتاحني بحركاته
وبعيونه وضحكته حاولت ابعده عني بس قرب فمه من اذني وقال : لاتخافين
ماغصبك على شي ماتبينه ..!

قلت باحراج : خلنا نمشي لاهلي الله يخليك

تركني ومسكني بأكتافي وتأملني شويه وانا غمضت عيوني لأنه عيونه تجرفني
لبحر عميق وواسع اضيع فيه وأتوه .. باس راسي بحنان قال : يالله البسي
عبايتك .

رحت منه وانا احس بأنفاسه وحرارة جسمه ومسكة يدينه وقوتها آه يامهند ليه
تسوي كذا .. ماكنت ابغى اضعف ولا اخلي لمشاعري باب يدخل لي عن طريقها ..
مشاعري ..؟ لا لايمكن ..! انا بس كان عندي فراغ عاطفي هو اللي خلاني
استسلم لمهند بالطريقه هذي .. بس الحمد لله انه متفهم وما اخذ شي غصب عني
.. ليه حضني مهند معقوله يحبني ؟ ولا معجب فيني ..؟ الا صح هو باين انه
معجب فيني .. مو بس معجب .. مهند مفتون فيني من ليلة ملكتنا انا شفته وشفت
نظراته كان بياكلني بعيونه .. حتى اليوم اغريته بلبسي ودلعي وطريقة كلامي
وهذي النتيجة شي طبيعي مهند رجال ومعاه بنت تغريه اكيد بتخليه يفكر فيها ...
آه ياديمه اش سويتي .. انتقم ربي مني وانقلب السحر على الساحر ..

لبست عبايتي وحطيت الألبوم في الكيس وأخذه مني مهند .. كنت افكر ومسرحه
ذهني شارد بمهند واللي سواه من باب ايه بالضبط هل لأني اغريته ولا لأنه
يحبني ولا يستدرجني بالطريقه هذي عشان يوصل للأهم بالنسبه له ..
فاجاني وهو يقول : ديوم لاتفكرين .. مصيري بقولك على كل شي وأوصلك للي
تدورين عليه ..

طالعه متفاجأة وقلت : ها..؟ لا يكون تقرا افكاري ..؟

: انتي مكشوفه صدقيني ماتقدرين تخبين شي .

: ساذجه لهالدرجة ماقدر اخبي شي ..

تكلم بمنتهى الجدية : لا ياديمه لاتقولين كذا .. انتي انسانه واضحه جداً وصادقة
جداً عشان كذا اقدر اعرف بأيش تفكرين .

ابتسمت وقلت : نمشي ..؟

رد لي الابتسامه بأحلى وقال : يالله هاتي يدك ..

كنت احس ان الحواجز بيني وبين مهند بدت تنهار وتتكسر واني خلاص راح
اضعف له .. يالله اصلاً انا ابغى اعيش حياة حلوة ومبسوطه اذا هو بيتترك اسلوبه
الجاف وشوفة نفسه فأنا راح اتنازل عن قراراتي بس اذا رجع لها لو مرة وحده

: وانا اكثر والله ..يالله قريب افتحوا البوابه اوكي

: اوكي

:يالله سلام

: سلام

اخذ مهند مني رقم الحساب بعد ماوصلنا عند الصراف وسدد لي ورجعنا لببيت خالي ودخلنا مع البوابه وفتحت باب الفيلا بالمفتاح حقي ودخلت ورحت افتح لمهند باب قسم الرجال ودخل هو المجلس قال : تعالي اجلسي عندي لين ناصر يجي

قلت : بسلم على هدى اول شي

: زين لاتطولين علي

: حاضر

دخلت عند هدى وسلمت عليها وشفت خالي نايم بالصاله ورحت سلمت على راسه وهو نايم .. فتح عيونه ببطء وشافني وبسرعه فر ووقف وفتح يدينه بقوة : ياها لا وغلا بديمة هالدينيا وفرحها

: هلايك ياغالي وسلمت عليه مرة ثانيه وحضني على صدره .. اذا شفت خالي جميع المشاعر تجتمع مالدري كيف احدها بس اقول الله يجعل يومي قبل يومه .. وعساني مايبكيه ..

: مهند دخل

: ايوه بالمجلس

: بغسل واروح عنده

: اوكي انا بروح اقول له انك صحيت وبتجي عنده

مریت على هدى بالمطبخ ونزلت الألبوم عندها قلت بشوف مهند وبرجع لك

دخلت على مهند بعد ما نزلت عبايتي عند هدى

طالع بصدري وضغط على اسنانه بضيق قال : ما قفلتي صدرك ليه ..

التفت عليه اوف اش هالثقة فيني بعدين استطرده مهند كلامه بعد ما طالعي : لأنها
ماراح تضطر انها تشكيني لك .

قال خالي بجديه : الله يوفقكم ويسعدكم استغلوا كل لحظة بحياتكم لاتفرطون فيها
لأنها ماترجع وهذا اجمل ايام العمر

رد مهند : الله يجعل ايامنا وايامك كلها سعادته يا ابو بسام .

: اللهم آمين

خرجنا بعد ماسلمت على راس خالي وقلت له يزورني يشوف بيتي ووعدني خالي
بس قال : ارتب معاك موعد واجيك بشرط مايكون فيه احد من اهل مهند قلت له
او كي !!

ركبنا السيارة حسيت ان مهند مبسوط قال : ديمه

: هلا

بنروح لكوفي بعدين بنتعشى بمطعم ...تدرين ...؟ بحجز على ابها اش رايك نروح
هناك ..؟

: لاستنى مو الحين ...بعدين عملك . لاتنسى اجازتك خلاص انتهت ويومين
وتداوم ..

: لا لا ماعليك من دوامي اقدر ازيد اسبوعين .. انتي بس متى تبغين ؟

: خلنا نرتاح يومين ثلثه بعدين نقرر طالما عندنا فرصة اسبوعين .

رحنا لمطعم وتعشنا بس ما ادري شو صار لي صدعت وجسمي مرة مكسل
وتعبان حتى ما قدرت آكل ... احسني ابغى ارجع انام مافيني اجلس اكثر من كذا ...!

ماحببت اقول لمهند اني تعبانه واخرب عليه لأنه مرة مبسوط وبابن في عيونه ..
حتى دخان مادخن ولا سيجارة من يوم ماطلعنا من بيت خالي . واليوم هذا حكيت
لكم تفاصيله لأنه اجمل يوم مر علي مع مهند .. ويارب عسى ايامنا كلها الجاية
كذا وأحلى ...!

سألني ليه عيوني حمرا ووجهي ذبلان كذا قلت شكلي مرهقة وعلى طول قام راح
دفع الحساب ورجعنا للبيت بدري .. طلعا جناحنا بعد مامرنا اهله وسلمنا عليهم

لاحظت خالتي اني تعبانه .. سألتني قلت لها بس ابغى انام مانمت كويس .

طلعت فوق وبسرعه بدلت وأزلت مكياجى وغسلت ونمت .. صحيت على صوت
مهند وهو يقول : ديمه قومي خذي لك دوا حرارتك مرتفعه ،، ديمه اصحي ،

: يوه خلاص انا صاحيه شوفني

: تستهبلين انتي ..؟

: لا بس ... خلاص خلاص بقوم الحين .

كنت صاحيه بس مغمضة عيوني وانا احس ان جسمي متكسر ودايخه وقرفانه من
الدنيا يمكن حمى اللي فيني .

: طيب طيب قومي خذي الدوا واتركي عنك الدلع ..

قمت جلست بعد ما قدرت افتح عيوني وأخذت الحبوب من يده حطيتها بفمي
وشربت مويه .. قلت له : كم الساعه الحين ..؟

: مممم احنا اربعة الفجر .

: يوهه كان خليتني انام اقل شي الين يأذن .

: شفتك تحلمين ولمن لمستك كانت حرارتك مرتفعه . قلت اصحيك تاخذين لك دوا
.. بلع ريقه قال : ارجعي نامي اذا تبغين !!

قلت : لا لا بجلس الين اصلي الفجر .. احس حرارتي مرتفعه وقمت باخذ لي شور
عشان حرارتي تنزل ..

مشيت بروح للحمام بس صوت التلفزيون بالصالة كان مرتفع وماعنده احد ..
ورحت له بطفيه .. شفت في الصالة صحن حلا وقهوة عندي وباين ان مهند ماكل
منه استغربت كيف راح جاب له قهوة ولا مين اللي جابها له ... والله انقهرت انه
كان رايق ومبسوط واني تركته ونمت بس مو بيدي كنت تعبانة وادور السرير ..
ماكنت في حال احد .. ماخلاني مهند افكر كثير لأنه كان واقف وراي وقال بارتباك
واضح عليه : هذ هذ هذي قهوة جابتها الشغالة قبل شوي ..

يؤ اش فيه هذا مرتبك .. يعني يحسبني راح ازعل اذا الشغالة جات عندنا ؟

كمل وهو يجلس عن القهوة قال : تبين قهوة ..؟ اجلسي تقهوي .. اصب لك ..؟

: فيه شي ..؟ انت ليه كذا ترى مافيه شي اذا تقهويت لوحذك ولا قلت للشغالة
تجيب لك . بالعكس انا آسفه اني نمت وتركتك وو

: لا لا لا بالعكس بسس .. حظ يده بجيبه وطلع سيجارة ودخنها بتوتر فظيع .

هزيت اكتافي ودق الباب رحت بشوف مين ..؟ بس لحقني بسرعه وسبقني وفتح
وتكلم بصوت واطي ورجع لي ..

قلت : مين ..؟

: ها الشغالة تبي الأغراض وقلت لها بعدين ..

دخلت الحمام واخذت شور وخرجت وانا بردانه كثير .. ولبست بيجامه قطنية
ودافيه وأخذت لي بطانيه وجيت عنده بالصالة .. طالعه قلت : في راحت القهوة
؟..

: خرجتها برا يجون ياخذونها .

نفسي اشرب شي دافي .. وقمت بجيب القهوة قبل يجون الشغالات ويشيلونها ..

فتحت الباب ماحصلت القهوة .. بس شفت شي غريب ..

كانت فاطمة لابسه قميص لونه فوشي طويل وناعم بأكمام قصيرة طالع عليها مرة
حلو وجالسه في الصالة اللي فوق قدام غرفة ريم وتقرأ مجله . اول ماالنتبهت انه
انا فزت وحطت يدها على صدرها قالت : بسم الله الرحمن الرحيم متى صحيتي
انتي ..؟

اش دراها هذي اني كنت نايمه ..

طالعت مافيه قهوة وجيت بقفل بس نادتنني : ديمه

طالعتها وانا قرفانه منها ومن وجودها بالبيت قلت : هلا

قالت وهي مسوية مستحية : ترى مهند طول الليل طفشان وحببت اسليه سويت
له قهوة وحلا .. ضحكت وكملت : ماتقهويتي اكيد لأنني عرفت انك نايمه
وماحطيت لك فنجال .

قلت لها بقرف بس وانا ابتسم لها : لا حياتي تقهويت بفنجال مهند .. بس حلا
اعذريني ماقدرت أكل ... وأشرت على جسمي وكملت : مالحب وزني يزيد واصير
دبه .. بعدين يضحك علي مهند يقول لي بطه ولا دبه .

شفت لونها يتغير حسيتها تمت الأرض تنشق وتبلعها من وجهها بس دخلت
وسكرت الباب .. وعديت من عند مهند اللي كان واقف ياعالم مرتبك اثريها
مكلمته وشاكي لها طفشه .. قلته هو وياها ..؟

أخذت الغطا حقي ورجعت للغرفة وجلست على السرير .. ياعالم ماعاد فيني افكر
وانقهر وازعل .. انا مليت ابي حياة هادية بدون مشاكل وهموم ..

: تعالي وين رايحه .. ترى لسه مااذن ..!

مارديت عليه وانسدحت وتغطيت بالحاف .. بس جلس بجنبي وقال : ترى ياديمه
ماعاد فيني صبر عليك .. وانا الظاهر اليومين اللي راحتك دلعتك زياده .. ردي
علي ولا تطنشيني ..

ياربي والله مو ناقصته انا تعبانة

وكمل : الحين ليه ماتردين ولا تحسبين انك اذا طنشتي ارضيتي غرورك

لااله الا الله اللهم طولك ياروح .

: روح اشتك للي قاعدة لك برا وطول اللي الليل تهتم فيك وتقهويك وتتحنن عليك
من الطفش والوحده .

بهت لونه وفتح فمه قال : انتي فاهمه غلط ووو

: لا ني فاهمه ولا ابغى افهم ولو سمحت انا تعبانة بعد عني .

قمت وانا متكسرة وأخذت الحاف وشرشفي حق الصلاة والسجادة ودخلت الغرفة
الثانية اللي فيها مكتب وكنبه وقفلت علي بالمفتاح

دق الباب علي : ديمه

.....

:ديمه افتحي لاكسرده

.. خله يسوي اللي يبغى قلته وقلعة الساعة اللي شفته فيها .. اجل يروح للغيبة
هذي يكلمها عني .. استغفر الله ماابغى اظلمه يمكن هي تكذب .. بس ربكته
وخوفه وكذبه هو اللي قاهرني الحين . تعوذت من الشيطان وسميت بالرحمن
وقريت المعوذات وآية الكرسي ودعاء النوم .. نمت وهو راح من عند الباب ..
ماعدت اسمع صوته .. احس فيني نوم مو طبيعي . ومو قادرة افكر اكثر من كذا ..!

صحيت الظهر وانا دايله ، خرجت واخذت ملابسى واستحميت ولبست وماشفت
مهند موجود .. قلته ..

نزلت تحت عند امه وحصلت ابوه وريم وهو جالس معاها سلمت عليهم وكلهم
سألوني عن صحتي اليوم قلت لهم اني بخير ..

قالت خالتي : سألت مهند عنك قال انك تعبانة ونايمة .

: ايوه ياخالتي كانت حرارتي مرتفعه بس اخذت لي حبتين بندول وخفيت الحمد
لله

جلست وانا احس اني لسه تعبانة وقمت من الصالة لمجلس الحريم ومددت على
الكنبه لحقتي مهند قال : اوديك للمستشفى ..؟

سكتت وطنشته خله يدري انه غلطان مو كل شوي يغلط ويجيني يراضيني بكلمته
وانا ادور الراحة والهدوء .

قال بعصبيه وصوت واطي : ديمه ردي لاقص لسانك ثم اخليك تسكتين صدق

مارديت عليه :

: الله يعينك يامهند على هالبلوة

خرج من عندي وانا كنت تعبانة ودايله وقرفانه من حياتي ومن اسلوبه طيب
يامهند اوريك ..

نمت شويه الا جات ريم عندي وصحتني اقوم اتغدى وقالت لي انها جايبة الغدا هنا

قلت لها : اوكي حقوم الحين

شافتني حطيت يدي على عيوني قالت : ديمه فيك شي عيونك فيها شي ..؟

: الحين افتح عادي

بعد شوي فتحت عيوني وسألتني ريم باهتمام عنها اش فيها

: مادري بس من بعد العملية والغيوبة اللي صارت لي ماصرت افتح بسرعه
لازم اجلس دقيقتين ثلاث عشان اقدر اشوف

: يابنت هذا اكيد مو شي عادي لا يكون للورم اللي جاك دخل فيه ..؟

: الا ان شاء الله شي عادي وماللورم دخل فيه .. اهم شي ماحس بوجع ولا الم ولا شي هذي مشكله وبتروح مع الوقت ان شاء الله .

: مهند يدري

: لا ماقلت له ولا سألني

: غريبة أي احد لازم يلاحظ

: هو دايمما يصحيني ويقول خلي الغفوة هذي اللي تاخذينها بعد ماتصحين يحسبني نايمه .. اخوك عصبي ومتسرع ومتهور ..

: طيب ليه ماتقولين له مو تنتظرين لين يسألك ..؟

: يووه ياريم مو مهم ماعليك بس انتي تغديتي .

: ايوه كلنا تغدينا كنا بننتظرك بس مهند قال ماتقدرين تنزلين ومتى ماصحيتي راح تجين .

: كنت تعبانه بس الحين احسن الحمد لله .. اقولك هذي فيه ولا انقلعت ..؟

: لا راحت امها رجعت .. لا يكون قالت لك شي تراها البارحة تدخل وتطلع ولبسها مرة قليل ادب ومبسوطه .. بس دخلت علي الفجر وشكلها متغير وتبكي .

كلمتك ..؟

: خليك منها وو

سمعت مهند ينادي على ريم وسكت وهي طلعت ودخل علي بعدها كنت قد اكلت شوية خضار وسلطه ماكان لي نفس بس اكلت غصب

: يالله اطلعي جهزي بوديك المستشفى

مارديت عليه

: ديمه تعوذي من الشيطان ويالله

: الله يخليك اطلع من عندي الحين مو في حالك انا ومالي خلقك .

: مالك خلقي هاه .. قومي واقصري الشر لاشيلك الحين قدام الناس . وكلامنا بعدين مو الحين .

قمت وطلعت اخذت عبايتي ولحقتني ريم تساعدني ونزلت رحت عنده وجا
ببمسكني بيدي بس ماضيت قال : امشي الشرهه مو عليك على اللي ببساعدك

ركبت وانا ماتكلمت دخلنا المستشفى وقاسوا لي الحرارة لقتها الممرضه 39
وأعطتني الدكتوراة مسكن وخافض للحرارة ومضاد لالتهاب اللوز

وخرجنا من المستشفى ومهند ساكت وانا كمان ماتكلمت للحين من اول ماخرجنا
الا لمن كلمت الدكتوراة .

رجعت للبيت وماطلعت فوق لأنني اولاً ماابغى اقابله .. ثانياً مافيني اطلع وانزل
جلست عند خالتي واضطريت اجلس عشان عمي كان موجود وظهري احسه
بينكسر انتبهت لي ريم بعدين قالت : ديمة خalina نروح نجلس داخل المجلس
والتفت انا لخالتي

:خالتي تجين عندنا

: وين بتروحين ؟

: بروح انا وريم نجلس بالمجلس ابغى اتمدد هناك

: بجلس مع ابو مهند شوي واذا خرج جيتكم

: خلاص على راحتك .

رحت مع ريم وجلست بالمجلس ونمت بعد ماخذت الدوا وماصحيت الا العشا بس
الحمد لله احسني احسن بكثير خرجت عند خالتي وريم ماشفت مهند وسألت ريم
عنه عشان مايقولون ماتهم فيه قالت : خرج بعد مامر عليك وشافك نايمه

: ماتدرين فين راح

: لا ماضى يقول لي يقول مشوار .. اتصلي فيه اسأليه

: ها.. لا خليه براحته اخاف عند من اصحابه يقولون بدت تزعجه ..

مر علينا ثلاثة ايام وانا ومهند وضعنا من سيء لأسوأ لاهو راضي يتعدل ويكلمني
باسلوب حلو ولا انا راضيه اعطيه فرصة يكلمني بهدوء .. او افتح معاه أي حوار .

حياته مملّة وأنا اكثر منه ..

نزلت من الجناح وهو نائم بالغرفة لوحده لأنني صرت انام بغرفة المكتب ..
وجلست مع خالتي وريم .. قامت خالتي قالت بروح اصلي بعدين تكلمت ريم وهي
شكلها مرة طفشانه .

ديمه اش رايك اسجل من الاسبوع هذا بمعهد حاسب

: حلو بس ليه ماتكملين جامعه

: يوه لاتذکريني هلکت وانا احوال اجيب واسطات ادخل ومحد رضی يقبني .. کلیه مابغاها والجامعه نسبتی 77 مایقبلونی

: لیه ماتسجلین انتساب

: لا ما بغى دوام العصر .. اذا سجلت بالجامعه يامنظمه يابلاش ..

: اوكي جهزي اوراڻڪ واڌا بدا التسجيل ڏكريني

طالعتني وقالت : ليه حضرتك بتسجليني ولا عندك واسطه ولا لاتكونين العميده
ماحنا ماندرى اقولك ابوي جاب لي واسطات ناس كبار محد قدر يدخلني

[illegible]

"وش اوراقه" سمعنا صوت مهند اللى كان واقف قريب منا .

التفتت عليه وهو كان يناظرني بس صديت عنه قالت ريم : عليكم السلام

: السلام عليكم

ردينا كلنا : عليكم السلام ورحمة الله

طالع مهند في ريم وانا قعدت اصب لي قهوة وآخذ قطعة من الكيكة اللي على الطاولة احاول اشغل نفسي حتى مانتتبه ريم علينا بعدين قالها : أي اوراق اللي بتجهزينها

:زوجتك تقول جهزي اوراقك وتسجيلك في الجامعه على

التفت مهند على قال : صدق ياديمه ..؟

: ایوہ صدق .. وکملت وانا اشرب قهوة من دون ما طالعہ : انا اعرف مسؤولات کبار بالجامعہ واذا ریم بتسجل ما علیہا الا تجهز اوراقہا واذا بتقدم عن طریق

النت مافيه امل يقبلونها.. بس انا راح آخذ اوراقها للعمادة ووحدة القبول والتسجيل وأسجلها هناك ..

طالعني وهو يبتسم قال : واثقة من كلامك

مارديت عليه وأخذت جوالي قعدت ادور على الأرقام الين لقيت الرقم اللي ابغاه واتصلت قدامهم

: الو السلام عليكم

: اهلين ديمه ؟.

: ايوه معاك ديمه يادكتورة .. كيف حالك ؟.

: الحمد لله بألف خير .. انتي كيفك طمنيني عنك .. كذا ياديمه تقطعيني بهذا الشكل ؟

: والله يادكتورة مشاغل تعرفين الماستر والبحث والاختبارات

: والإجازة ماتكلميني ولا تنسين فيها اهلك اللي بالجامعة تعرفين ياديمه قد ايش اعزك واعتبرك مثل جيهان بالضبط

: الله يخليك يادكتوره مو انا عزمك على زواجي وماجيتي

: اووووه والله ياديمه دوبني تذكرت .. اصلاً البطاقة ضيعتها من هذاك اليوم وكنت ابغى اتصل فيك بس نسيت الله يلعنك يا شيطان ... عن جد ياديمه آسفه والـف مبروك حبيبتي .. لا لا اذا كلمتيني وانتي بشهر العسل معناتها انا اللي مقصرة مو انتي

: لا يادكتورة ماتقصرين والحق لك انتي .. انتي بمكان امي ولازم اطمن عليها ..

: الله يسعدك يابنتي ويخليك

: كيف جيهان ودينا من زمان عنهم والله

: طيبين ودايماً يسألوني عنك .. راح اقولهم انك تزوجتي اكيد حيفرحوا لك ...

: سلمي لي عليهم يادكتورة .. ويالله حبيت بس اسلم واطمن عليك ..

: الله يسلمك حبيبتي والـف مبروك مرة ثانية .

: الله يبارك فيك .. وماطول عليك يالله مع السلامه

: الله معك يا بنتي

ققلت وهم يناظروني قال مهند : من هذي

: مديرة وحدة القبول و التسجيل

: اوف مرة وحده

شربت من فنجالی وقت بخبت : مشكلتك انك تستهين فيني ...

ناظرني باهتمام بس صديت بعدين التفت عليه وقلت : تبغى قهوة ؟

هاتی فنجال ..

صببت له قهوة وحطيت له من الكيكة ونزلتها قدامه من دون ما اطالع بوجهه .

قالت ريم : ديوماً يا عمري وربى لو ادخل الجامعه على يدك انى لأكون مديونة لك
الين اموت ..

: ههههههههههههه بتدخليها ان شاء الله ولا تصيرين مديونة لي ولا شي
لاتنسرين اناك ريم الغالية وما عندي اغلى منك اخدمه ..

ضحكت ريم وقالت : تسلمين يازوجة اخي المصون .. صحيح اني انا السبب في زواجكم واني كذا مرة ارسلي مهند لك اقولك كلام بس ماقلته لأن مالي وجه منك واخوي خبل ماعنده اسلوب .. وووو

تحنح مهند وقاطعها قال : ريم ممكن تجيبين لي كاس ماء وتتركين الهبال هذا عنك...؟

عرفت انه بيصرف ريم قلت : اجلسي ريم خليني اتحرك انا من امس وانا نايمه بسرعة خرجت وجبت له كاس ماء ونزلته قدامه ..

دخلت خالتي علينا قالت : ديمه يمه كلي لك شي ترى غداك اليوم مو غدا

قال مهند : بنطلع تعشا انا وياها .

تدخلت انا قلت : لا ااا خلنا نتعشا هنا مالي نفس اخرج في البيت احسن .. بلغت ريقى خفت من خالتي تنتبه وكملت بسرعه : الا اذا خالتي وعمي وريم بيروحون معانا ما عندى مشكلة ..

: اها ومتی راح اشوفها ؟

: بقول لابوي نروح لها الاسبوع هذا تعالي انتي ومهند معانا حرام تقضون
الاجازة في البيت كذا ترى محد سوا زيكم العالم تروح تتمشى وانتم محبوسين في
البيت

: انا مبسوطه هنا وهذا اهم شي

كان مهند يناظر فيني وهو ماقد طلع بعدين قال : تعالي معاي انا اوديك خلي ريم
عنك ..

ابتسمت وانا مقهورة ضغط علي قدام امه وماحبيت اقول لا وارفض ويلاحظون
علينا شي .. واضطريت اخرج معاه بعد مامسك يدي وسحبني ...

طلعنا للحديقة كانت صغيرة فعلاً بس فيها كرسي ارجوحه كبير ومسبح وأشجار
زينه وزاوية فيها ورود الوانها حلوة ذكرتني ببيت جدتي بس حديقة جدتي مرة
كبيرة وأحلى .. وأشجارها اكبر وأكثر كأنها مزرعه كاملة ..

اخذني مهند عند المسبح و بعده رحنا للأرجوحه جلست فيها وجا وراي يدفني

ثبت الأرجوحه وقرب مني وقال بهمس : ديومتي زعلانه مني ؟

: لا .. وليه ازعل ..؟

: الا زعلانه .. وغيورة ..

وجا قدامي على ركبته قال : والله العظيم انها بهذلتني ... تنفس ثم كمل وانا احس
انه مايبغى الكلام في الموضوع هذا : دخلتي تنامين وانا ما فيني نوم وطفشان ..
نزلت ابي شي أكله لقيتها بوجهي ورجعت .. بعد ساعه قلت اطلع مرة ثانية
ولقيتها عند الدرج كأنها تنتظرني .. قلت لها وانا مقهور : ارجعي وتستري ولا
روحي لبيت اهلك .. بس قعدت تبكي وتقول مهند ابي اكلمك عطني دقيقتين
اسمعي فيها .. وقالت لي خرابيط عنها ما عنت لي أي شي .. وانا قلت لها انها
مثل اختي واني خلاص مو لها والله يرزقها بواحد احسن مني .. آخر شي
ترجعتني انها تسوي لي قهوة وحلا من يدينها .. صدقيني ياديمه تعاطفت معاها
لأنها بس تبكي حسيت انها مسكينه .. وقلت اجل انا في بيتي اذا خلصتها دقي
الباب وتستري ..

ديمه والله ماكنت اقصد ازعلك .. كنت ابي الموضوع هذا يعدي بدون مشاكل .

دخل عمي البيت واحنا وراه كان مهند حاضني بيده على جسمه وانا كل ماحاول
ابعد يقربني منه اكثر اخيراً دقيته بكتفي والتفت وأشرت على عمي وضحك و
تركني ومسك يدي ..

(♥) * ♪ * (♥)

دخلنا كلنا البيت وراح عمي يسلم على خالتي ويمسيها بالخير بعدها دخل غرفته
يبدل عشان يجي يتعشا

دق التلفون اول مادخلنا الصلاة عند خالتي وردت على طول سمعت خالتي : هلا
مرحباالحمد لله بخير انتم كيفكم ايوه مهند هنا
..... ماتبين ارسل لك السواق خلي مهند يرتاح اللي
تشوفينه انا بقوله وهو مابقصر معك ان شاء اللهمع السلامة
طالعت خالتي بمهند قالت : هذي عمك نورة تقول خليه يجيني يوصلني لزواج
مغزومه عليه

رد مهند وهو باين انه طفشان : ارسلني لها السواق وفكيني منها .

: تقول انها ماترتاح لسواقنا رغم ان سواقنا مطوع واكثر وقته بالمسجد

**: اجل خليها مادام ماترتاح للسواق تجلس في البيت مو لازم كل اسبوع وهي
ساحبة بنتها وحاضرة لها عرس .**

: يمه روح ودها تقول القاعه قريه من هنا

التفت على قال : تروحين معاي نوصلها وباخذك مشوار

هزيت اكتافي وقت : مالي نفس احتك فيهم واجيب لراسي الوجد بس اذا تبغى
اروح ...

خالتي تدخلت : يمه مهذ اترك ديمه تعرف عمك وبنتها وأشرت له بعينها ..

**: يالله اجل بروح اوصلها والله يعيني .. يمه تكفين دقي عليها قولي لها لانتظر
خلها تخلص وتطلع لي برا .**

: هي قالت انها جاهزة وخلصها تطلع له

قام مهند والتفت على احسه مايبغي يخرج قال : الله يكفينا شرهم

بصراحه دايما اخاف من كلمة مهند هذي اذا قالها عن عمته احسه يخاف منها
تسوي له شي

راح مهند لعمته ودخل علينا عمي وجلس بجانب خالتي وصبت له قهوة بعد ماكنت
انا بقهويه بس خالتي اخذت مني القهوة وراحت تقهوية وهي تتودد له
الله يرحم ابوي صادق بكلامه عنها باهتمامها بزوجها وحنيتها وحبها للناس
بعد شوي جات ريم جلست معانا بعد ماكلت سميرة اختها بالجوال وسلمت على
ابوها ثم قالت : يمه يبه ترى زوجة اخوي الفاضلة تبي تتوسط لي بالجامعة
وادرس منتظمه

: التفت عمي علي قال : صحيح ياديمه تقدرين ؟

: ان شاء الله ياعمي لاتشيل هم .. وريوم بتدرس باذن الله لأن علاقتي بمديرة
القبول قوية تعتبرني زي بنتها ومراح ترد لي طلب وهي دايمتا تقول لي اطلبني
مني أي شي نفسي اخدمك .

: الله يبيض وجهك يابنتي انا اشهد انك تدخلين قلب كل من عرفك

تدخلت خالتي : والله ياديمه لو ريم تدخل الجامعة انك تسوين فيها معروف
مانسأه لك .

: خالتي اش هالكلام ريم اختي وانتم اهلي مابين معروف وجميل ..

دخل مهند وهو يقول: الا عمتي نوره وبنتها .. يبه شوف لك صرفة مع اختك ولا
تراني بتصرف معاها بطريقتي .

تكلمت امه : بسم الله يمه مسرع تجي

: ماوديتها الله حسبي على ابليس بس

فتحت عيونها امه من شكله وهو معصب قالت : وش فيك يامهند ؟

: يمه عمتي لاتبينني اوديتها ولا شي دخلت بنتها علي بعد ماغصبتني ادخل
المجلس وهي طاقة مكياج ولابسة نص فستان ويوم طردت بنتها .. جات وتكلمت
كلام لايرضي الله ولا خلقه ... كان يطالع فيني على آخر جملة .. وفهمت انها
تكلمت علي الله يكفيني شرها .

رد عمي قال : ولد عيب مهما كان هذي عمتك ومايجوز تتكلم عليها .

تكلم مهند : يبه عمتي مالقت من يوقفها عند حدها بس الظاهر ان سنعها هي
وبنتها على يدي !!

قال عمي بصوت عالي :مهند وش هالكلام ؟.

:الله يعين بس اعذرني يبه والله اختك وبنتها بيطلعون في راسي قرون من
سواياهم .

قالت خالتي : انت علمنا وش هي قايله .

: خل كلامها الحين كلهن يسعن وقف مهند وناظر فيني وكمل بعد
ماتنهد : حسبي الله ونعم الوكيل والله يكفيننا شرهن

قالت ريم تهدي الوضع :هد بالك مهند احنا تعودنا على كلامهن وسخافتهن ..
وياالله قوموا تعشوا اتركوهم عنكم . الله يهديهن ويشفيهن .

رحنا تعشيننا انا جلست بجانب مهند وعمي وخالتي متقابلين وريم جالسه مقابلة لي
..

كنت اشوف ريم تناظر مهند بعدين أشرت لي وانا بدوري التفت على مهند لقيته
مأكل بالمرّة حتى امه لاحظت قالت له تعشى ولا تفكر بنورة وبنتها راح تتعب من
كثرة التفكير ...بس هو اعتذر وقال انه ماله نفس .

قام والتفت علي قال بصوت محد سمعه غيري : اذا خلصتي تعالي للصالة ..

قمت على طول حاسة انه بيقول لي مصيبة .. واعتذرت من خالتي وعمي وريم
اللي ناظروني باستغراب قلت : الحمد لله .. عن اذنكم بشوف مهند اش فيه شكله
متضايق .. وابتسموا كلهم قال عمي : روي يبه شوفي زوجك وحاولي تهدينه ..
تري الأمور هذي توافه ماتستاهل العصبية والنرفزة .

رديت على عمي وانا ابتسم وانا من جوا خايفه من حالة مهند اش وراها الله
يستر: ان شاء الله عمي .

لحقته بالصالة وجلست بجانبه قلت بصوت واطي وباين اني مهتمه : هلا .. خير
فيه شي ..؟ ليه ماتعشيت وليه شكلك كذا .. صاير شي ..؟

كان مكشر واسنانه على بعض وهو يتكلم عشان يمस्क اعصابه احس انه بينفجر

...

: ليلة العشاء كلمتي هدى وعمتي عندكم ..!

: مميم ايوه طول الليل اسولف مع هدى وعمتك كانت موجودة بالمجلس بس ليه
تسأل ..؟

بسرعه لف يدي وهو يلتفت لغرفة الأكل خايف احد من اهله يشوفنا قال : تعرفين
وحده بالجامعه اسمها سارة عبدالعزيز

: ايوه كانت من صاحباتي .. بعدين سيب يدي ولاتكلمني بهذي الطريقة .. وسارة
اش فيها ..؟

: وليه كانت ومو مازالت .. ؟.... كنت احس يدي بتتكسر وهو يلفها اكثر ...

: انت اش فيك البنت لا يكون فيها شي بعدين يدي انكسرت سيبها .

: تعرفين اخوها سلطان

فتحت فمي وعيوني ونسيت وجع يدي .. : شو اعرفه وضح كلامك !!

: تعرفينه ولا لا ..؟

: سارة دايمًا تكلمنا عنه

: قصدك تكلمك عنه

: انت شفيك .. ؟

سحبني بيدي ووقف قال : اطلعي قدامي وانا اعرف اتفاهم معاك .

طلعت قبله للجناح وانا على اعصابي .. دخل بعدي ولحقني ومسك يدي بقوة بس
انا قلت له بسرعة تفادياً لأي نقاشات تفاهه وسخيفه حتى ما اتعب نفسيًا ويطيح
من عيني : الله يخليك اذا أي احد بيجيك ويقول لك كلمتين لاتجيني تناقشني
خاصة بهذي التفاهات ..

واذا بتعرف ليه سارة كانت ومو مازالت لأني زرتها ببيتها وحاولت تخلي اخوها
يشوفنا وماكنت لوحدي عندها كانوا معاي ثلاث من صاحباتي وكلنا عصنا عليها
ورجعنا لبيوتنا على طول وقاطعنا سارة لليوم وقلت لخالي بساعتها وخالي
تفاهم معاه بطريقته وكسر له راسه هو ورامي ولد خالي محمد .. واسأل خالي اذا
تحب ... ورجاءً اذا تلمح لشك بيت خالي قريب ودني اياه ومننت ملزم تعيش مع
وحده تشك فيها او تصدق فيها كلام ناس زي اللي رحلت لهم

كانت الصفعة القوية على وجهي هي رد مهند وانا فتحت عيوني مو مصدقه لااااا

..

كنت حاطه يدي على خدي واناظر فيه وعيني احسها مليانه دموع بالرغم اني مابكيت .

رجعت ورا بس هو لحقتي بسرعه ولفني عليه وضمني على صدره حاولت افتك منه بس مهند قوي وانا ضعيفه .. تكلمت : بعد عني .. !

: ديمه

: لوسمحت بعد عني .. اكره اسلوبك !..

فك يدينه ورحت مابكيت ولا عاتبتة ولا شي دخلت الغرفه الثانيه وسكرت علي وجلست بحاول استوعب اللي صار لي ..

انا عروس لي شهر وكم يوم متزوجه اكلت منه ضرب وبدون ادنى سبب والله لو اني مسوية مصيبة ماضربني كذا ..

انا ديمه اللي من يوم فارقت جميله من 18 سنه للحين محد جرحني او تكلم علي مو يضربني .. آخر شي يجي هذا اللي داريت على كسره ليدي وضربه واسلوبه وتجريحه لي عشان اخوالي مايدبحونه يسمع فيني ويشك !..

اروح اكلم خالي .. لا لا والله لو اكلمه لتصير سالفه بصبر كمان شويه على مهند

اصلاً حتى لو رحت عند خالي ماراح يسوي لي شي ويحاول خالي انه يصلحني عليه .. لأنه ماراح يرضى اتطلق او احد يتكلم علي وأكد انه بيتصرف مع مهند ويتمشكل معاه .. وانا مو مستعده اعيش بمشاكل كبيرة وادخل خالي فيها ..

ياربي صبرني وألهمني وأعني على مهند وعلى العيشة معاه

حاولت انام بس موقادة وفكرت ماروح لابها بس المشكله فيه حفلة وفيه ناس ينتظرونا ومتشوقين يشوفوني لأن ريم قالت لي ان كل قرايبهم هناك متحمسين لزوجة مهند خاصة انه كان رافض الزواج بالمره وفجأه وافق وخطب .. وانه كان مصر علي وقالهم انه اذا ماتزوج ديمه ماراح يتزوج قبل ست سنوات ..

نمت بعد ماتقلبت ساعتين وانا افكر بس اهم شي مابكيت وحاولت اتناسى الشك والاهانه اللي صفعني بها مهند قبل مايصفعني بالكف ..

اخيراً نمت حتى ما بدلت ونمت بملابسي ..دائماً النوم يمثل لي طريق للهروب من المشكلة لأنني اتعب كثير من التفكير ومن الحزن ومن البكا فأحسن طريقة واريح حل اني اهرب للنوم اعرف ان هذا هو حل للمشكلة بس مجرد راحة مؤقتة وخاصة اني وحيدة ما عندي احد يساعدني بمشكلتي وماقدر اشكي على احد لأنهم مايقدرن يحلون مشكلتي لا هدى ولا خالتي فادية ولا حتى أي احد من اخوالي بالعكس راح يزيدون المشكله ..

ولمى .. آآه يالمنى نفسي اكلمها هي الوحيده اللي تريحني اذا كلمتها بس انا مقررة
مادخل أي احد فى مشاكلي الا اذا عجزت عن حلها ولمى مافى يدها حل

نمت وطول ليلي احلام مزعجه .. وكل شوي اصحى وارجع انام غضب .. صحيت الساعة 9 الصباح لأنى نايمه تقريباً الساعة وحدة احسنى خلاص اكتفيت ..

رحت للحمام اوف .. كان خدي الأيسر فيه علامة زرقا وعيني كانت حمرا

دخلت الغرفة ابغى آخذ لبس شفت مهند نايم على السرير بالعرض وبثوبه ومو متعطى باين انه تعبان .. والطفاية بجنبه ومليناه زقاير ..

ياالله شوف كيف تعب نفسه بنفسه هو اللي جاب الحالة هذي لنفسه .. بس ابغى اعرف كيف عرف سارة واخوها .. هو محد خلاه يعصب الا عمته وبنتها ولمن جا قال انها قالت له كلام مايرضى الله ..

ياربي من فين عمته تعرف ساره ولا حتى فاطمه .. سارة مخلصه جامعه من سنتين تقريبا وقالت لي ندى بنت عمها انها تزوجت وعندها ولد كمان .. اش يجيبها لفاطمه وامها خاصة انهم مو من قبيلتنا ولا من معارفهم حتى ...

ياخبر بفلوس اليوم بكره اكيد بعرفه ... رحت للدولاب وأخذت لي بيجامه قطنية ناعمه لونها بيج وفيها رسوم على الصدر بلون احمر كم طويل وبنطلون طويل ..

لبست بعد ما استحميت .. حطيت مكياج فونديشن وبودرة وكثرت ابغى اخفي
العلامه الزرقا اللي بخدي .. ومشطت شعري وفرقته من اليمين جبته على جهة
وجهي اليسار عشان يغطي الندبة

يااالله الحين اش اسوي اقعد ماقابل اهله لين يروحون ولا اخرج لهم واقولهم ولدكم جاني مجنون وضربني لأن عمته حشت راسه بكلام فاضي .. ولا ادور لي عذر واقوله عشان ماافضحه ولا اخلي اهله يزعلون منه .

توكلت على الله ونزلت بعد ماحطيت روج لحمي وبلاشر

ماحصلت احد تحت وسألت الشغالة قالت : ماما وريم يروح سوق .

احد يروح السوق في الحر هذا ..؟

حضرت لي الشغالة فطور وجلست افطر بالمطبخ .. بعد ماخلصت فطوري رحت عند التلفزيون وأخذت لي مجله قعدت اقرا فيها .. دخلت علي ريم شايلة معاها اكياس وخالتي كانت وراها

سلموا كلهم علي وبعد ماردت عليهم قالت ريم : ديومه صاحيه بدري ماشاء الله عليك لو دريت كان خليتك تروحين مع امي للسوق وتشتريين لي اغراض واکمل انا نوم .

قلت لها : كان قلتي لي عادي اروح عنك بس اش عندكم بالسوق مع الصباح
: يا عروس اليوم مسوية لك عمتي سارة حفلة ولازم نروح نشترى فستان وتبعاته
من اكسسوار لجزمه لشنطة ..عشان حفلة اخوي وزوجته .

: اها يعنى الحفلة كبيرة ولا عشى عادي

تكلت خالتي قالت : لايمة حفلة كبيرة ولازم تسوين مكياج سهرة والبسي فستان سهرة واذا تبين نصيحتي البسي فستان ملكتك مرة يناسب الليلة .

: عندي فساتين احلى منه بس اذا تبينى البسه لبسته عادي

: لا لايمة البسي اللي تبينه ويعجبك اذا عندك احلى منه حلو .. ابي الناس تعرف ان زوجة ولدي مافيه اشيك منها ولا الجمال عارفين مافيه اجمل منك .

[illegible]

قمت ريم قالت : بروح اجهاز الحين .. ابوي يقول الاقيكم جاهزين الساعة 11 بالضبط عشان نروح للمطار .. وفتحت عيونها بقوة وهي تقول .. ديمه شو هذا ؟..

شو..؟

: عينك ليه كذا حمرا ؟

: ها .. ؟ مادري يمكن من العدسات

: عاد مالقت تحمر عينك الا اليوم ... ياشيخه روعي اكشفي من جديد وسوي
تشطيب وارتاحي

: بروح مرة ثانية لمستشفى ثاني ولو ان مغربي مافيه احسن منه بس نتأكد

طلعت ريم وخالتي ساكته بعدين قربت مني قالت بهدوء : ديمه يمه مابي اتدخل
بس وجهك فيه شي وانا ملاحظته من اول مادخلت اذا مهند يمد يده عليك وانت
عروس ماني ساكته ابد .

: يمه ماصار شي ولاتشيلين هم

: لا صار ومهند مو من حقه يمد يده عليك مهما كان ..

سكت شوية بعدين قلت : خلاص يمه هو اعتذر مني وانا سامحته .

: اخ بس .. لولا اني مابي اتدخل كان كلمته وحاسبته

: لايمة الله يخليك .. يكفيه اللي فيه ولا يدري انك منتبهه الله يجازي اللي كان
السبب . وحسبي الله ونعم الوكيل .

: اها ... عرفت انها فهمت اقصد مين كانت بتتكلم الا دخل مهند بسرعه علينا كان
شكله يفجع عيونه حمرا وأزارير ثوبه مفتوحه وشعره مبهذل اول ماشافني حط
يده على راسه قال : انتي هنا حسبت وسكت ..

التفت على خالتي وهو كان واقف قلت : يمه تبغيني اساعدك بشي عشان تجهزين

: ذكرتيني والله لو يجي ابو مهند وانا ماجهزت بيزعل .. قامت خالتي بعد
ماناظرت بمهند قالت : شكك ليه مبهذل كذا . ؟

: نمت البارحه وانا مصدع مانتبعت الا الحين ماشفت ديمه

: تظمن ديمه عاقله بس الباقي والشرهه على المتهورين

خرجت خالتي وانا بصراحة تمنيت انها ماتكلمت لأنه حالته تكسر خاطر وهي
تزيده ...

طالع فيني قال : ديمه

وقفت وقلت : بدل ملابسك وخذ لك شور بحضر لك الفطور ..

وقفلت المجله اللي كانت بيدي وقمت رحت للمطبخ قلت للشغالة تحضر له فطور ..
وانا رحت للصالة الثانية

لحقني ومسكني بيدي قال : طيحتي قلبي حسبك مو هنا ..!

سحبت نفسي منه وصديت عنه مارديت عليه ... بعدين مسكني مرة ثانية
وسحبني ناحيته شفته يناظر بوجهي ورفع شعري كله وري كان يبخلق فيني بقوة

..

بس تركني وانا وخرت عنه ورجعت شعري . شفته يضرب على جبينه بقوة وقال
كلام مافهمته شكله يوبخ نفسه لمن شاف عيني ووجهي ...

طلع فوق وبعد شوي رجع كان لابس بنطلون جينز وتي شيرت بيج وأزرق
ومرجع شعره ورا وهو لسه مبلل مانشف زين .. وحاط عطر ريحته واصلتني
قبله ..قرب مني وانا صديت عنه وقمت طلعت فوق

رحت ارتب اغراضي عشان اروح للمشغل قررت اسوي مكياجى بجده قبل نروح ..
المصيبة لو اروح عند ليليان بتفضح فيني عند هدى وبتقعد تسألني كيف عروس
وتنضربين وماادري ايش ..

رجعت لغرفتي نمت فيها ساعتين وصحيت حصلت مهند قاعد بالصالة ويتفرج
على مباراة اوروبيه عدت من عنده واتصلت على ريم لقيت جوالها مقفل وعرفت
انهم راحوا ..

وقفت عند مهند قلت : ترى ابغى اروح للمشغل من بدري بتوديني ولا اروح مع
السواق

وقف وجا عندي قال : السواق هذا ماتركبين معاه الا اذا كنتي مضطرة فاهمه ..

رحت من عنده ودخلت لبست عبايتي ولفيت طرحتي على شعري وخرجت للصالة
وأول ماشافني قام وأخذ جواله ومفاتيحه والتفت يناظر بوجهي تنهد بقوة ومشى
قبلي وانا لحقته ..

في السيارة دقيت على لمى اللي عاتبتني لأنى مالدق عليها واطمنها عني قلت لها
ان عندي ظروف وراح ازورها قريب بإذن الله .. سألتها عن مشغل حلو غير

المشغل اللي اروح له وشي واثقة فيه لأنني بصراحه تعودت على المشغل حقي
وباقى المشاغل ماثق بشغلهم

دلتنى على مشغل تروح له زوجة اخوها وقالت ان شغلهم مرة روعه .. اخذت منها
العنوان ومهند يسمعني ... قفلت من لمى قلت : فهمت الوصف

: لا

قلت له على الوصف بدون نفس وصديت عنه ،، بصراحه قاهرني وطفشانه منه
ولولا اني مالبغى اضايق اهله ولا خالي كان تركته وافتكيت من همه ورجعت
لجنتي بيت خالي الله يخليه لي .

كان جو السيارة كئيب وممل .. قمت دقيت على خالي ناصر مارد علي ودقيت على
هدى واشوا ردت قلت لها انا اليوم بنروح لأبها ومادري كم يوم بنجلس وراح
اتصل فيها .. وقفلت مع هدى بعد ماقلت لها تسلم لي على خالي وعيالها ..

كنت اموت باللحظة عشر اذا كلمت هدى وعيالها .. اذا تذكرت بيت خالي وحياتي
فيه ياناس الأيام فيه تمر علي مااحس فيها من الوناسه وقلة الهم مو هنا اعد
الساعات والايام .

نزلت دموعي غصب عني ورجعت راسي وري .. مالدري يمكن مهند انتبه لي
بس اللي متأكده منه انه ندمان ومقهور من نفسه ومستحقها

: ديمه

.....:

: ردي علي بقولك ليه البارحه انا منفعل

:

: ديمه انا ..

قاطعته بسرعه : اسكت لو سمحت مالبغى اسمع منك شي .. من يوم عرفتك وانت
تعتذر وتبرر ..

: تدرين انك تذبحيني بالدقيقه مية مرة

: هه

صديت قعدت اطالع بالطريق .. وصلنا للمشغل وقبل انزل اخذت منديل امسح
دموعي خفت يشوفوني بشكلي هذا اكيد الحين باين اني بكيت ...

مد علي مويه واخذتها شربت شوية بعدين نزلت قال : انا موجود هنا ماني رايح
بنتظرك

: بتأخر لاتنتظر ... روح اتغدى لأن الشغالات راحوا مع اهلك ومافيه احد يسوي
لك غدى ..

: لا ماني رايح بنتظرك متى ماخلصتي بتلاقيني هنا ..

ساعة ونص قضيتها بالمشغل بعد ماحاولت الكوفيرة تغطي الكدمه الزرقا اللي
بخدي ..

اضطريت البس عدسات ملونه لونها اخضر عشان انسب احمرار عيني لها لأنني
لولبست عدساتي العادية ماراح يلاحظونها الناس لأنها شفافه بس هذي
بيشوفونها ويصدقوني اذا قلت انها هي اللي حمرت عيني ...!

ركبت السيارة مع مهند لقيته مرجع المرتبه وري ومشغل المسجل ونايم .. انتبه
لي لمن سكرت الباب وحرك ..

مرينا بارنيز وطلب لنا قهوة

ماشربت قهوتي ولا تكلمت معاه .. وصلنا للبيت وطلعت فوق وهو جلس ينتظرني
تحت

دقيت على خالتي ام مهند وسألتها كم يوم بنجلس ؟ وألبس الحين ولا اذا وصلت
احسن ؟ قالت بكيحكم متى مابغيتموا تمشون امشوا .. والبسي الحين لأنك بتجين
عند بيت سارة على طول ..!

لبست فستاني كان لونه زيتي موديله بسيط مرة .. قصير من قدام وكان فيه كم
واحد علاقي جاي على شكل سلاسل سودا ممتده من الصدر الين الكتف .. وصدره
فيه اكسسوار اسود وكريستال زيتي .. كان ناعم ومنساب على جسمي ومبين
تفاصيل جسمي سواء صدري ولا وسطي وخصري .. وجاي من اسفل على شكل
كلوش طالع شكله روعه .. وهذا من اختيار روان صاحبتني ..

لبست جزمه لونها زيتي فيها اكسسوار ماشي مع الفستان .. ولبست اكسسواراتي
طالعت بشكلي الحمد لله راضيه بس عيني فيها احمرار حتى الندبة مو باينه الا
للي راح يدقق وبقووة ..

لمن سمعت صوته جاي مع الدرج لبست عبايتي ولفيت الطرحه على شعري
بشويش وعطيته ظهري ما بغاه يشوفني بالمكياج هذا وبسرعه قفلتها ورحت
اجهز اغراضي

قال :جهزتي شنطتي ..؟

: لا

نزلت تحت شنطة المكياج حقتي وشنطتي الصغيرة من دون ما التفت عليه ورحت
للمطبخ اشرب لي عصير قبل اروح للمطار ...

نزل مهند وهو يكلم السواق يقول له يجي عند باب الفيلا عشان ياخذ الشنط منه
شفته وانا بالمطبخ وهو كان يتلفت يدور علي ..كان لابس ثوب سكري وشماع
ابيض وشعره كان باين من تحت الشماع ومعطيه طله تسحر وتجذب وتربك ...
بصراحة شكله بالشماع الأبيض يدوخ ..

ياربي ليه يربكني ... ليه اذا شفته اتخربط .. ياترى هل هو شعور طبيعي اني
اتخربط اذا شفت واحد عاجبني والمسافة اللي بيني وبينه اقل من متر ولا مهند
فيه شي يخربطني انا ويربكني

ناداني وبسرعه غطيت وجهي وخرجت معاه .

خرجنا واعطى السواق شنطتي يحطها بالسيارة وهو اخذ شنطته الطبية في يده
وحطها في السيارة من ورا .. قلت : فين شنطة ملاسك ..؟

: ماخذت لي شنطة شنطتك تكفي ...!

بجد قهرني ليه يحط اغراضه بشنطتي ...! بيخرجني الحين معاه خاصة انه كل
شوي يفتح الشنطة ويقعد يطالع بملاسي وأغراضي الخاصة ...

بالطريق قال : بناخذ شي ناكله اش رايك

: خذ لك شي انت .. انا مالي نفس ...!

سكت ومشى ماوقف ولا اخذ شي ..

في الطيارة كنت ساكته طول الوقت .. معاي كتاب يتكلم عن الشخصية وكيف ممكن
نعدل من سلوكياتنا الخطأ ..

ماكلمته وهو احسه تعبان حظ راسه ونام شكله يئس اني اكلمه..!

وصلنا واستقبلنا عمي لأن مهند مارضى احد يجينا من عيال عمته وكلم ابوه قال
له يجي يستقبله ولا ياخذ ليموزين .. بس عمي حلف اني ماركب ليموزين ويجي
هو بنفسه ياخذنا

دخلنا بيت الخاله سارة انا وعمي ومهند كان داخله اربع سيارات وفيه جهه مليانه
اشجار كبيرة ونخل وأرضيته مفروشة بزرع اخضر مغريه ... دخل مهند وعمي
قسم الرجال عشان مهند يسلم على عمته ... وانا رحلت لقسم الحريم واستقبلتني
ريم .. اول مادخلت تذكرت بيت خالي ناصر من كبر البيت من داخل .. شفت
الخاله سارة وسلمت عليها بالصالة ... مسكت يدي كانت بتوديني لمجلس الحريم
قلت لها ابغى ادخل الحمام اشيك على شكلي .. وبسرعه دخلت عند المرايا والحمد
لله مكياجى زي ماهو ماتغير .. بس حطيت عطر وخرجت مازلت عبايتي خفت
يكون فيه احد باين وانا ادخل المجلس دخلت عند الحريم وسلمت عليهم وحده
وحده الين شفت اللي ماكنت اتوقعه .

نورة كانت قاعده وفاطمة بنتها بجنبها .. سلمت عليهن ببرود وشفت خالتي ام
منهد وسلمت عليها ونزلت عبايتي اخذتها وحدها عرفتني عليها خالتي انها
ساميه بنت سارة .. لمن شافتني خالتي ابتسمت لي حسيت برضا في وجهها قالت :
ها يام فايز وش رايك بزوجة ولدي .. هذي هي وشفتيها ؟

ردت الحرمة اللي عمرها تقريبا في الأربعين : بسم الله عليها الله يستر عليها
عزة الله عرف ينقي مهند عسى الله يوفقه

ابتسمت لها وما تلمكت بالمرّة لأنى اغلي من نورة وبنتها حتى هنا لاحقينا .. الله
يستر منهن

قامت نورة بعد ما قالت : بروح اسلم على اخوي وولده

طالعت بخالتي وشفتها تتصل من جوالها وتقوم تروح في الزاوية بحيث محد
يسمعا حتى انا ماسمعت ولاكلمه

رجعت بجنبي وهي تبتسم قالت : لاتهتمين لاحد وانا معك

كانت الحفلة من اروع مايكون كل الناس احسها مبسوبة وجوا جيران خالتي
سارة .. وتعرفوا علي وعزموني بس انا اعتذرت وقلت الايام جاية ويمكن نرجع
جده ماراح نطول

جلسنا في جو ماقدر اوصفه حتى الإضاءة كانت خيالية .. ماعمري شفت زي
هذي الحفلات الا في الأفلام .. ماناقصني الا هدى ولمى وخالتي فادية ياليتهم
كانوا هنا ..

على الساعة 12 فتحوا البوفيه ونادتنا خالتي كلنا رحنا تعشينا وأكلت بشهيه
مفتوحة احسني من زمان ماأكلت زي الليلة ..

رجعت جلست على الكنبه المخصصة لي وجوا البنات معاي كانت دانه تذكرني
برغد صاحبة مايا في سوريا دمها خفيف وطول الوقت نضحك منها ومن حركاتها
واسلوبها ..

بعد ماراحوا الناس قاموا البنات يرقصن مع بعض على صوت الدي جي اللي مالي
المكان .. قالت لهم دلال قوموا كلكم ارقصوا وأولهم انتي ياديمه بس رفضت اولاً
مستحيه .. ثانياً ماأعرف ومو متعوده وماأبغى اغامر والناس كلهم مركزين علي ..
أخذتهم دلال كلهم وماأبقي الا انا جالس له وحدي

شفت فاطمة ومعها فوزية جوا عندي ووقفت تناظر فيني وأخذت لها كوب ورقي
وهي تناظر فيني وتبتسم وصبت لها شاهي من الترمس اللي على الطاولة اللي
قدامي ... شافتهم خالتي ام مهند وجات تجري على طول ..

وانا صديت عنهم للبنات وأشرت لساميه وانا ابتسم لأنني كنت حاسة انها بتسوي
شي من نظرتها فيني جات ساميه بناء على رغبتي بس فاطمه سبقت ساميه
وكبت الشاهي اللي بيدها علي وانا بعدت بسرعه اول ماتوت تكبه وجا على يدي
من فوق وكتفي وصرخت من قلب بصوت عالي كان الشاهي حار ودوبها صوته

على طول .. سمعت خالتي تسب وهي واقفه وراها .. اما فاطمة انفجعت من خالتي
وشردت وهي خايقة ومصدومه انها انكشفت وشافوها الناس .. وجات ساميه اللي
شافتها يوم تكبه .. قالت : عاد لهننا وخلاص .. صبرنا كثير عليهن وعلى كلامهن
وأكاذيبهن بس توصل لهننا لاوالله .

مسكتني خالتي بيدي بتشوف كنت ماقدر اتحمل احس جسمي احترق ونادت
ساميه تجيب ثلج بسرعه وهي دقت على مهند سمعتها تقول : خذ سيارة ابوك
وتعال ديمه تعبانة عجل علينا الو الو مهند

: مممممممممم اقولك انا اضمده لك اجل اوديك دكتور وانا دكتور

: بس هذي مو شغلة دكتور شغلة ممرضات .. قلته وانا ابتسم ..

قرب مني وابتسم قال : عادي اصير لك ممرضة مو كله طب وكله دارسه ..

طلع مهند ضمادات من الصيدليه وشاش وقطن وبلستر قال : الحين بلف كتفك كله ويدك كلها من فوق

: ياالله شغله !!

: لاعادي بس راح تقيدك شوي ..

لف يدي بالضمادة والشاش وحط على كتفي ضمادة بعد مازاد الكريم عليه وحط قطن ولف عليه بطريقة ماهرة وحط عليه بلستر عشان يمسك الشاش

سمعنا صوت عمي عند الباب ودخل علينا وجوال مهند في يده يقول خير وش فيه وش اللي صار .. التفت على مهند قال : وش فيك فجعتني رحت ماعطيتني خبر باللي صار ورميت جوالك والله اني قلت صاير مصيبه ..

رد مهند عليه : من وين بيجي الخير واختك وبنتها في الأرض

قالت خالتي سارة لعمي السالفة وعمي كشر : حسبي الله ونعم الوكيل وصلت معهن لهالدرجه .. نورة هذي ماترت فضحتنا في بنت الناس .. امسحها بوجهي ياديمه ولاتشيلين بخاطرك . سودت وجهينا معك ..

ردت انا : وجهك ابيض ياعمي عسى الله يخليك لنا وانتم مالكم دخل في اللي صار .. فاطمة تعاني من شي كبير وكل هذا ينعكس على تصرفاتها . الله يهديها بس .

ضحك مهند وقال : تحدث علم الاجتماع الحين وطرق التحليل للتصرفات .

ضحكوا كلهم حتى عمي ضحك وقال : والله ياديمه ماياخذ لك حقك منها غيري وانا ابو مهند !!

: الله يخليك ياعمي ويطول لنا بعمرك ... ماابي انتقم ولا ابيك تتمشكل مع اختك بسببي . جزاهم بيلاقونه عند رب العباد وانا الحمد لله ماصار فيني شي مجرد حرق بسيط ماله أي اثر باذن الله .

كانوا البنات ساكتات يسمعونني وانا اكلم عمي قالت دانه : ديووووم

: ها..؟ ليه قلت شي ..؟

: لا ماقلت شي بس تتقلبين كثير على بالي انك صاحيه ومو نايمه ..

ابتسمت لأنه مايدري عن طبعي : انا دايمًا اتقلب في نومي هذا طبعي ..!

: اجل آسف اني صحتك كملي نوم

: كم الساعه الحين

: احنا الساعه 12 الظهر باقي مااذن ومحد صاحي بهالوقت بس نامي ..!

حاولت انام والمشكله ماقدر انام الا على جنبي الايمن ولا انقلب على بطني بس
مستحيه من مهند وماقدر آخذ راحتي ابدأ ..

قرب مني مهند حسيت بأنفاسه قريبه مني .. حظ يده على راسي قال : ازعجتيني
وازعجتك ..!

: آسفه

: بتكملين نوم ..!

مارديت عليه وقرب مني قال : ديمه زعلانه مني ؟

قلت له من دون ماالتفت عليه : لاتكلمني

: لمتي ؟

: لين انسى .

: طيب سامحيني !

: هه قديمه وسمعتها كثير خلاص صارت سامجه .

: ديمه

: ترى اذا بتطول الكلام بطلع انام بغرفة ساميه ولا عند وحده من البنات

: لا لا فكينا من الفضايح نسكت احسن .

: للأسف ماتفكر الا بالناس وكيف تصير علاقتنا قدامهم .

: ديمه

: الله يخليك نام .. ولا اقولك خلاص بقوم احسن . وقمت جلست وجلس هو كمان
ومد يده لفها من تحت صدري وسحبني عنده صار ظهري قريب من صدره جمع
شعري اللي كان مغطي ظهري وحطه قدام على جهتي اليمين

قال :وريني حرق الكلبه ..؟

التفت عليه وشفته قريب مني كثير بلعت ريقى وقلت : أي حرق قصدك ..؟

: ها ..؟ كيف أي حرق فيه غير هذا ..؟

: قصدك حرقها لي البارحه واللي قبل البارحه ..؟

طالع وجهي ودقق فيه شاف العلامة اللي الزرقا قال : اليوم اخف بكثير عن امس
..وبسرعه باسني عليه .. قمت على طول من حضنه بس سحب يدي قال : تعالي
ياخوافه بشوف الحرق .

مارديت عليه وفتح البلاستر وشافه قال : لا خلاص ماله داعي الشاش الحين
اصلاً انا حظيته عشان مايبضايقك وانتي نايمه لأن المسكن مفعوله قصير وخفت
يرجع لك الألم بس الحمد لله الحين كويس .. وفتح الشاش عني ولمسه على طول
حسيت بالحراره قلت : لا لاتحط يدك يألمني

جاب الكريم اللي طلعتة معاي لمن جيت انام وحط عليه منه ..

قلت : طيب كيف استحم الحين

:ممممممم مو لازم

: شو مولاظم ..؟ الا ضروري

: اوكي ..وابتسم بلوّم بعدين قال استحمي واطلعي لهم عشان يعذورني بعد بحلقتي
فيك البارحه .

طالعت فيه وبعد شويه فهمت قصده رميته بالمخدة الصغيرة وقمت وهو قد
يضحك بصوت عالي .. قلت له : لاتروح مكان عشان اذا استحميت تحط لي كمان
مرة ثانية من الكريم

: مصممه تتحممين

: ايوه ماقدر انزل كذا !!

طالع فيني وابتسم قال : اش رايك ننام شوية وبعدين تتحممين براحتك واذا تبيني
اساعدك ترى ما عندي مانع !!

مارديت عليه ودخلت الحمام وانا معصبه منه .. الحين انا زعلانه وهو مسوي
الموضوع عادي .. صدق ثقيل دم . وما عنده احساس .

استحميت بحذر وطفش بس احلى شي ان الموية كانت بارده شوي لأن جو ابها
بارد ويجنن مو جدة الحر والرطوبة والقرف .

خرجت من الحمام وانا لابسة الروب حقه حصلته متكي بظهره على السرير
ويناظر فيني .

قلت : ممكن تروح تتوضا عشان تروح تصلي

ابتسم قال : ما اذن لسه ولا بتخرجيني من البيت بحجة الصلاة ماتبين وجهي

: طيب ابغى البس ممكن تخرج

: البسي هنا

: يوووه اخرج ولا روح للحمام غسل !! فرش اسنانك !! اتوضا واستنى الصلاة ..
اعمل أي حاجة بس اخرج !!

ضحك بخبث قال : والله اذا انتي مستحيه البسي بالحمام .

: شو البس بالحمام من كبره الحمام حتى مرايته صغيره وفوق كيف اشوف لبسي

: لحوووول الله يعني على دلحك وتحكمك فيني ياديمه ..

قام بيروح للحمام وقرب مني قال : الحين معصبة عشان قلت البسي عندي .. وش
بتسوين طيب لو البسك انا ..؟

: عادي اصرخ وأقولهم يحاول يقرب مني ويعرفون ب.لعت ريقى وقلت وتفضح
نفسك ممكن تروح للحمام ..؟

: ما يهمني افهم الدوافع ولا الاسباب ولا حتى مشاعرك .. انا من يوم جيتك وانت مرجع لي ذكرى زوجة ابوي جميلة والضرب اللي كنت آكله منها من الصباح الين الليل .. تجمعت الدموع في عيوني وكملت .. من بعد ماشفت عندها اقسى ايام حياتي عشت عندي خالي رفاهية ونعيم عارف اش معنى نعيم حتى بالكلام محد جرحني ولا تكلم علي .. عشت عند جدتي عايشه الله يرحمها البنت المدله والعاقلة كنت بالنسبة لاخوالي بنتهم واختهم وحبيبتهم كنت قلب خالي ناصر ونبضه وعيونه .. عمرك شفت احد يسوي لعيونه شي ولا يسمح لحد يتعرض لها ويخليها تألمه .. انا كنت عيون خالي .. كنت اهلكه زي ماهو هو اهلي وجنتي .. جيت انت ونغصت حياتي قلبت النعيم الى جحيم .. نكدت علي باسلوبك وخطبتك لي وبعدها كل ماتطلع لي تسبني وتتكلم علي وتضربني ماعندك اسلوب ورهبتني منك .. وخوفتني وبدل ماتقربني منك صرت ابعد الناس عنك .. انا عشت سنه كامله بحزن ماتخيله .. ابوي وامي وجدتي كنت ابكيهم بس اني اتذكر ايامي الحلوة معاهم وأبكي عليها .. اما انت بكاي منك كان خايف .. وكره للعيشه معاك لدرجة اني فكرت كذا مرة انتقم منك .. وصدقني لولا اهلك وطيبتهم معاي اللي خففوا عني مواجعتك وعذابك لي كان ماكلتكم وكان خلّيت حياتك جحيم ..

جلست ابكي احسني منهارة وهو كان واقف وحاط المنشفه على شعره وجا عندي قال : يامجنونه انا اعذب نفسي ولا اعذبك ..

: يتيهأ لك .. انهزت وقلت : ماراح تفهمني يا آدمي .. قلت لك مليون مرة الغصب عمره ماجابني .. والقسوة عمرها مالينت قلبي .. ليه ماتستوعب الدرس وتفهمه . جلست على الأرض بجانب السرير ابكي قلت : والله حرام عليك ابغى احس اني عايشة بأمان معاك اذا ماتبي تخلي سبيلي انا عمري ماضريتك ولا سببت لك اذيه ليه انت تأذيني ..

قال بأسى وحنان وصوت هادي : ديومتي ماصارت خلاص ماتبين قربى ابشري باللي تبغين بس هدي نفسك ..

سكتت وقمت غسلت عيوني وحاولت اهدي نفسي وزبطت مكياجي مرة ثانيه وهو راح ولبس ورجع لي وقف بجنبي .. مهند بحر وتيار قوي يجرفني ناحيته .. ايوه يجرفني غصب عني .. مهند رغم عمايله معاي وقسوته قدر يسيطر علي ويربطني فيه ويتمكن مني وبجداارة .. طالعتة بالمراية قربة على قد ماكان يربكني ويخربطني على قد مايرخني الآن ويحسسنني بشعور مختلف صعب افهمه بس المهم اني مرتاحه وماتخيل حياتي بدونه .. سحبني ناحيته وحضني على

صدره بقوة اول مرة احسني محتاجه انه يضمني خلتيه يضمني براحتة ومقاومت
ابداً .

دیمہ

ماردیت علیہ :

قال : عطيتني فرصة اخيرة مممممممم ووعد مني ما اقرب منك ولا احاول الا وانتى راضية.. ومسك اذني بشويش بقاومك الله يساعدي ... اذا وثقتي فيني راح اكون اسعد انسان بالدنيا ما وثقتي فيني لك اللي تبين .. وش رايك ؟

■ مهنا :

فكني من يدينه وناظر بوجهي بعدين رجعني لصدرة وضمني بقوة وهو يحاول مايلمس الحرق الي بكتفي وتنفس بقوة قال : عمر مهند وروحه .. تدرين اني اول مرة اسمع اسمي منك .

: خایفه من مشاعری تغلبنی یامهند .

١٠٠ : قصدك خايفه تحبيني .

خايفة :

٢٠ : ماتبغین تحببئی ..

: اخاف احبك وأفضل خاصة انى للحين ماوثقت فيك .

**: تدرين ان كلمة ريم لي لمن قالت ان قلبك مليان ومالي محل فيه للحين بأذني
وهي اللي منغصة على حياتي**

[illegible]

: ليه انتي قلتی لها من ؟

: طبعاً اجل اقولها موضوع زي هذا وماقولها من اللى فيه

: هو اللي امس ضربتك عشانه .

צוויי

: اجل ..؟

بس عموما هو مبسوط الحمد لله وشكل حياتنا راح تستقر وتهذا اكثر من اول ..
والله لا يغير علينا الا للأحسن ..

مر علينا اول اسبوع رايقيين ومهند هادي مايكدر عليه الا اذا شافني ابتعد عنه
وماحاول اتقرب منه بإرادتي ..

الاسبوع الثاني وعلى نهايته رجع مهند لدوامه بالمستشفى كنت اصحى بدري
افطر معاه هو وعمي وخالتي وأصحي ريم لحد ماتصحى معاي اجلس انا وياها
الين الساعه عشرة بالليل وننام بدري ..واحيانا تجينا سميرة وتسهر معانا ..
الخميس والجمعه بس هي اللي نسهر فيها..

جالسين انا وريم وسميرة وخالتي في الصالة عند التلفزيون وولد سميرة نايم في
حضني .. صحيح انه مزعج واذا جانا قلب البيت حركة وازعاج وبكا والحاح على
أي شي يبغاه ..واحنا متعودين على الهدوء في البيت بس احبه وانبسط اذا سميرة
زارتنا ..لعبت معاه الين تعب وحطيته بحضني وشربته حليب ونام .. كانت سميرة
بتاخذه بس رفضت قلت خليه انا مرتاحه وهو معاي ..

دخل علينا مهند وهو تعبان يقول ان كان عنده عملية صعبه واليوم واقف له اكثر
من ثمان ساعات متواصله ..

جا تمدد بجني وحط يده تحت راسه قال : وخري هذا خليني انسح .. (يقصد ولد
سميرة) .

اش يقول هذا ..؟ يبي ينسح فين ان شاء الله .؟ انا مااتحمل قربه واحنا لوحدنا
مو الحين والناس هنا وبينسح على فخذي ..

طالعت بريم وقلت : هاتي لاخوك مخدة ..!

قال : اعطي الولد امه ياديمه .

شفته تعبان وماله خلق يتكلم وانا كمان حنيت عليه واستحيت من اهله كنت بقوم
وجات سميرة اخذت ولدها وهو قرب وحط راسه على فخذي ولف ذراعه على
وجهه ..

وضعه كذا مربكني وكأن فيه كهربا ماسكه فيني .. رفع يده عن وجهه ورفع نظره
فوق يطالعني .. وانا نزلت له راسي بشوف اش يبغى قال بصوت هادي ومحد
سمعه غيري : ماني ماكلك وش فيك كذا ..؟

حطيت يدي على جبينه قلت وانا ابتسم : مافيني شي بس ارتاح .

حط يده على يدي وقعد يحركها على جبينه وشعره باين بجد انه مرهق وتعبان

قلت : مهند اش رايك اجيب لك قهوة وشاهي ولا تروح ترتاح فوق ..

: لا لا خليني هنا مرتاح اكثر من فوق .

جات سميرة بعد مانيمت ولدها اللي قام يبكي بعد ما اخذته من حضني لأنا عكرنا
عليه نومه بالشيل والحط .. قالت : يالله ياديمه شدي حيلك وجيبي لنا مهند
الصغIRON ..!

طالعني قال : شفتي مو انا بس اللي ابي حتى الناس بس راسك يابس وعنيد .

انا احترق ومتفشلة منه ومن اهله اخاف يفهونه قلت بعد ما بلعت ريقى وابتسمت :
الله كريم .. التفت على سميرة وكملت قلت وانا وجهي احسه يشتعل: بدري
ياسميرة ..

قال مهند بعد ماترك يدي ورجع يلف ذراعه على عيونه : اصبري لين اختبارات
ديمه تخلص بعدين تشوف النتائج بعدين تقرر ..

انافهمت قصده على طول اللي هو اختباري له واذا قدرت اتق فيه او لا .. بس
البنات وامه فهموا شي ثاني قالت خالتي : ياملحقتا خير الدراسة مابدت وانتم
تنتظرون الاختبارات .. انتم وكلوا ربكم وسبحانه ماخاب من توكل عليه ..

تكلمت خفت من مهند يفضح فينا قلت : ياخالتي اختباراتي مرة صعبه .. خاصة ان
المواد اللي آخذها الترم هذا محد يقدر يتحمل صعوبتها .. ماتنفهم بسهولة .

رفع راسه وناظرني وابتسم زين انه فهم علي قال : عاد وديمه الدلع ومتعوده
على الرفاهية ماتتحمل شي صعب .. تبني كل شي سهل ويسير .

ريم كانت تقرا رسايل بجوالها ومو معانا وسميرة قعدت تناظر مهند بنظرة غريبه
قالت : مهند ليه تقول كذا عن ديمه

ضحكت انا احاول اهدي الوضع ومهند تعبان وباين انه يدور شي عشان يعصب
قلت : عادي ياسميرة يمزح تعرفين اخوك ومزحه .

كان بيتكلم بس حظيت يدي على فمه قلت : ليه ماتنام انت مو قبل شوي تعبان ..
صحيح كيف العملية ..؟

كشر بوجهه قال : ولد شباب عمره 18 عنده ورم خبيث سويننا اللي علينا والباقي
على الله . لكن فيه امل 80 بالمية تكون العملية ناجحه .. مايبين الا بعد يومين .

: يارب تشفيه وتقومه بالسلامه .

قالت خالتي اللي انشغلت عنا بالتلفون اللي جاها : مهند بكرة بنروح لبیت خالك
فهد وترى ديمه بتروح معانا .

قالت سميرة : وانا يمه مروني خذوني معاكم .

رد مهند : سميرة وريم يكفون ديمه لا ماتروح .

انا ماتكلمت بس خالتي عصبت قالت : انا ماودي اتدخل بس ليه ماتبيها تروح ؟

بيت خالي مليون شباب واذا بتروح ديمه لازم اكون انا معاكم وبكرة صعب ارجع
بدري . خليها بعدين نروح كلنا مع بعض ولا انتظري لبعد بكرة .

ردت خالتي : مهند وش هالكلام ؟ تخاف على ديمه وماخفت على خواتك .. بعدين
انت ادرى بعيال خالك .

: يمه موضوع منتهي لاتجادليني الله يخليك لي ديمه ماتروح أي مكان معاكم الا
بوجودي .

طالعني قال : تبين تروحين انتي ..؟

قلت وانا صادقه : عادي اذا خالتي تبغاني اروح عادي بس اذا مو في خاطرك
بلاش .

قام وجلس قال : خلاص روعي عشان امي بس انتبهي والبسي شي ساتر مو
الملابس الخالعه مثل اللي عليك

طالعت بلبسي تنورة طويلة لونها فوشي ومشجرة بأسود .. وبدي اسود وجاكيت
بكم طويل فوشي سادة قطني خفيف ومفتوح من قدام .. ولافه على رقبتني ربطه
عنق طويلة زي الشال .

يعني مو باين مني الا صدري من فوق حتى البدي ساطر .. !

قلت : خلاص اجلس بعبائتي وطرحتي ولا يهكم ولا اقوك بلاش اروح ..

طالعنا سميرة بنظرة غريبة .. ومهند اخذ حاله ووقف وخرج قال بروح اخذ لي
دش انتشط واذا نمت لاحد يصحيني لا لعشا ولا شي وراي قومه من الصبح .

وقفت معاه وشفت سميرة ناداته وخرجت طلعت فوق ..

دخلت الحمام وفتحت الموية في البانيو تذكرت لمن احي من الجامعة وانا تعبانه
في بيت خالي واذا كانت محاضراتي في مباني متباعده عن بعض ارجع للبيت
متكسرة .. وعلى طول اتحمم في موية عميقه واحط عليها زيوت عطرية وخلاصة
اعشاب خاصة .

حطيت لمهند الزيوت على الموية .. وحطيت له ورود مجففة قلت يمكن يروق مزاجه اذا تحمم فيها ..

بعد شويه طلع لي ودخل الحمام وخرج قال : وش هذا اللي حطيتيه .

جيت امشي عنده قلت وانا احرك اصبعي جبينه واسوي علامه اكس : بلاش تسوي مشاكل ادخل وتحمم بترتاح فيها ويمكن تطلع وانت مروق ومزاجك عال .

ابتسم بخبث .. لاااااااااااااااا هذا وش فهم ؟ قلت بعد ماتتحت : احسن شي تتحم وتنزل تتقهوى لأنى متأكده انك راح تورق والتعب يطلع من جسمك .

قال : بتنزّلین انتی ؟

: مميم ايوه طبعاً وانت كمان انزل الحقنا سولف معانا وكمان قابل عمى قبل تمام .

حسیتہ ما عجبہ کلامی ودخل الحمام من دون ما یرد علی .

اخذت نفسي ونزلت تحت قبل مايطلع ويجي في راسه شي .. نادتنى ريم توريني رساله غريبة وصلتها تقول مادري من اللي ارسلها .. اول ماشفت الرقم حسيتني قد شفته لأنه مميز .. رحت دقيت عليه من جوالي بسرعه بشوف يطلع عندي اسم ولا لا واقفل قبل يبق عنده ..

لا لا لا مو معقوله .. رقم عمى ياسر معقولة يرسل لريم .. ورسائل غرامية ..

قفلت بسرعه قبل يدق عنده قلت لريم .. مو عندي شكلى مربوطه ماقد شفته ..

ومسحت الرقم حتى ماتتبه له اذا شافت جوالى .

اخذت جوال ريم وارسلت له (عمي وش هالحركات عيب ..!)

ترى ريم بنت ناس واخت صاحبك .. تعال اخطبها من بكرة بدل هالحركات . ترى لو عرفت ريم انه انت بتقول لمهند وانت مايرضيك انه يدري).

ارسلتها ومسحت الرساله بسرعه .. وانا مستغربه جرأتي بس بجد عمي يغلط على مهند قبل مايغلط على ريم ..

بعد شوي دق عمي علي وكلمته عادي قال ابيك بموضوع مهم وتكونين لوحك بشرط . قلت له انا ادق عليك اذا لقيت فرصه .. وبينت له ان محد درا عن الموضوع غيري حتى مهند مايعرف .

(♥)*.....•♪•.....*..... (♥)

نزل مهند بعد نص ساعه استحمام .. وكان شكله رايق واعصابه احسن من اول قال : ديمه وش السحر اللي حطيتيه لي في الموية .

ضحكت منه وخالتي طالعني ماتدري وش السالفه قلت لهم على اللي حطيته له قالت خالتي علميني باسمها ولا عطيني منها بحط لابو مهند لأنه كل يوم يجي تعبنا .

قال مهند وهو يضحك من امه : لاحوووول اشتغلت غيرة امي .. يابنت الحلال خلاص راحت عليكم لاتحاولوون .

رمته خالتي بالخدادية وهي تضحك قالت : راحت عليك انت واستح على وجهك لاتقول عن اموك وابوك راحت عليكم .

قالت سميرة وهي تضحك : يمه من جدك بتحطين لابوي الزيوت في الموية ابوي يادوب ياخذ عشر دقائق في الحمام مابيتحمل يجلس في الما ونص ساعه ولاساعه الاربع .

ردت خالتي : مالكم شغل والشرهه مو عليكم علي اللي تكلمت عندكم

قلت انا واحاول اصير في صف خالتي : ماعليك ياخالتي اصلاً عمي يستاهلها الحين اجيبها لك كلها .

قال مهند : عمك يستاهل وزوجك المسكين اللي يجيك هلكان من التعب كل يوم
ماله خاطر .

قلت : لا ولا يهكم نشترى لك وكل ماجيت تعبان مالك الا اللي يريحك .

قال : صدق ..؟ قد كلامك ..؟ اشهدوا عليها .

ناظرته هذا شكله مو ناوي يجيبها لبر . وقفت سميرة قالت ديمه تعالى شوي بالله
.. لحقتها ومهند تجمدت ضحكته على وجهه وهو يناظر سميرة ولحقتها من دون
مايتكلم .

جلسنا بالصالة الثانية قلت : خير ياسميرة فيك شي ؟

طالعت بالصالة الثانية قالت : ديمه انتم اللي فيكم شي ..؟

: احنا ... احنا مين ..؟

: انتي ومهند

: ملاحظة شي ؟

: ملاحظة اشياء .. صدقيني ياديمه انا ما احب اتدخل في حياتكم بس انتي تحتاجين
اخت اكبر منك وعندها خبرة اكثر منك ...وو

: سميرة وش ملاحظة علينا قولي عادي

: مهند قبل شوي كان يتكلم بالغاز محد فاهمها غيرك بس لمن ناديتيه قبل تطلعين
وكلمته عرفت انه مو مرتاح ولا انتي مرتاحه

: اوف اشتكى لك ..؟

: مممم مو اشتكى بس قال كلام فهمت انه مو مرتاح معاك وانه لو ماتزوجك كان
اريح لك واريح له . واحتمال .. احم احم بصراحة ياديمه انا خايفه عليكم .. مهند
قال كلام يخوف محد يرضاه لا لك انتي ولا له هو .

حسيت بدوخه والأرض تلف فيني .. انتبهت سميرة علي وقالت : ديمه تكفين
لاتزعلين انا كلمتك من باب انك اختي وابيك تنتبهين لحياتك وتشوفين أي باب
يجيكم منه مشاكل تسدينه .. صدقيني ياديمه انا احرص عليك وعلى حياتك زي
ما احرص على مهند وعلى حياته .. ابيكم اسعد الناس .. اذا عندك مشاكل كلميني
عنها قولي لي افتحي قلبك ندور على حل واساعدك للطريق الصح ..

مسكت يدي وانا ساكته ماتكلمت ولا عقلت ولا ركزت بس احس الأرض تلف فيني
وحسيت معدتي تقلب علي ابغى استفرغ ..

سحبت يدي منها وبسرعه رحت للمغاسل القريبة من الصاله واستفرغت .. وانا
ارتجف مادري اش صار لي بالضبط .. انا حساسة كثير .. وماتحمل .. انا
ضعيفه وماقدر على المواجهه .. انا مكسوورة .. مهند يبي يجنني ..

على طول يشتكي لسميرة .. وآآه سميرة صديقة هدى وماتخبي عنها شي ..
وهدى وخالي ... ياربي الا خالي لايشيل همي ولا يفكر اني مو مرتاحه مع مهند .

كنت فاتحه المويه ومتكيه على المغسله .. رفعت راسي وشفت مهند وراي
وسميرة واقفه بعيد شوي .. مد يده علي بيمسكني قال : وش اللي صار لك .. ؟

بعدت يده بقرف وقلت : ماصار شي !

طلعت مع الدرج ولحقتني سميرة قالت : ديمه .. تكفين لاتزعلين .

رديت عليها وانا متماسكه : سميرة مو زعلانه بس اخوك يخلق اشياء من راسه
.. صدقيني الكلام اللي قاله لك عشانه تعبان وروحي اسأليه الحين بيقول لك
بالعكس انا مرتاح .. نزلت دموعي غصب وكملت : اخوك مزاجي .

طلعت بسرعه لجناحي وقفلت علي غرفة المكتب .. بكيت من قلب .. ياربي انا ليه
كذا .. كل مااقول فرجت تنتكس حياتي من جديد ..

شفت اوكرة الباب تتحرك .. وسمعت صوت مهند يقول : ديمه افتحي لاتقلبينها
نكد ديمه افتحي ترى سميرة ماعندها سالفه وانتي على طول تزعلين ..

يأس مني وراح .. وانا جلست في الغرفة الين اليوم الثاني .. مانمت بس افكر
واحيانا ابكي واندب حظي .. انا متأكدة اني لو كنت عند واحد غير مهند ليخليني
على كفوف الراحه .. صحيح ان مهند يحبني .. ومهند رجال بمعنى الكلمة وكل
بنت تتمناه الا انا .. مانفعني حبه ولا فادتني رجولته .. حياتي معاه متقلبه مو
راضية تستقر ..

اذن الفجر وانا جالسة ومثنية ركبي ولافة يديني عليها وراسي مسندته على الكنبه
على وري .. احسني تعبت من التفكير في الطريقه الصحيحه للتعامل مع مهند ..

خلاص قررت اتخذ خط ثاني ومختلف عن اللي قبل .. يعني لو يموت هالمرة
ماهمني .. وقررت اعطيه آخر فرصة اما يتعدل او قلعتة خلها تجي منه ولا مني .

قمت فتحت الباب وخرجت شفته نايم في الغرفة بس عديت مادخلت الغرفة ودخلت الحمام اللي على الصاله .. توضيت ورجعت صليت الفجر وصليت بعدها استخارة لله وطلبت من ربي يلهمني الحل والصواب . .

نمت بعد الصلاه وماصحيت الا بعد الساعه 2 الظهر .. كانت ريم تدق على جوالي ولمن رديت قالت انهم ينتظروني بالغدا قلت لها يتغدون مالي نفس .

خفت ان سميرة قالت كلام مهند لامها وابوها وريم .. احسني متفشلة ومقهورة من ولدهم .

نزلت قبل المغرب بعد مااستحميت وماحصلت احد في البيت ودقيت على هدى ترجيتها تجيني ووافقت بعد جهد ..

جلست انا وهدى تقهونا وسولفنا وقالت لي على اخبار اهلها واخواتها .. ياكثر ماني مشتاقة لهدى وبيتنا واهلها وجمعائنا زمان .

نفسي ارجع ديمه الأولى بدون مهند وهموم مهند .. هدى ماكفت اسئلة عني كل شوي تقول احس ان فيك شي ياديمه وانتي تدارين . . بس انا اضحك واقول انتي مو صاحبة الا بتحطين فيني شي !!

دخل مهند بعد العشا وهدى فيه .. وناداني .. خرجت له غصب قال : من عندك

قلت له : هدى وعيالها . ورجعت عطيته ظهري ودخلت عند هدى .

شفتها لابسه عبايتها وتكلم بالجوال .

: لالالا هدى فين بتروحين

: ديمه خلاص مهند هنا مستحبة منه

: الله يخليك تجلسين .. من كثر زياراتك لي . لسه ماشبعت منك ..

: ديمه وعد ازورك مرة ثانية ومن بدري بس الحين مستحبه والله

حاولت فيها بس مافيه فايذة اصرت انها تمشي . وصلتها عند الباب ورجعت شفت مهند نازل مع الدرج ولايس شماغه وثوبه قال : راحوا اهل خالك

هزيت راسي من دون ماارد عليه . . ورحن ناديت الشغالة تجي تشيل الأغراض من المجلس ورجعت بطلع فوق .. مریت من عنده وهو واقف مكانه ويدخن .. رمى السيجارة ومسك يدي قبل مااطلع قال : كيفك الحين ؟

قلت وانا اسحب يدي منه وهو ماسكني بقوة : ماني بخير وانت بحياتي .

عطاني كف معتبر .. اقوى من أي كف اكلته منه قبل كذا ..

تشجعت وبلعت الألم غصب وطالعتة شوي بعدين قلت باستهزاء : شاطر .. الحين اثبت انك قوي ..

طلعت فوق اجر خييتي معاي .. هذا مو اول كف ولا راح يكون الأخير .. وانا مخلية مهند على كيفه .. ! ياربي اسكت عن حقي ولا انفجر واراد اعتباري ..

عدا شهر كامل لاكلمني ولاحابل اصلاً وانا معتبرته مو موجود .. اذا راح نزلت وجلست مع اهله واذا قرب موعد رجعت من المستشفى ادخل جناحي واقفل علي في غرفتي .. ولا اجلس عند التلفزيون وهو يدخل ياخذ شور ويلبس ويخرج برا الين الساعة عشرة يرجع ينام ..

كنت ازور خالي كل اسبوع واحيانا في الاسبوع مرتين من دون ماقول له بس اخلي عند خالتي او ريم خبر .. مرة اتصلت على خالي يجي يزورني ويشوف الجناح حقي بعد ماطلعت خالتي وريم كانوا معزومين على عشا عند ناس يقربون لخالتيومهند راح مع ابوه يقابل وفد اجنبي عشان الشركة وشغل عمي .. جاني خالي ومرة اعجبه جناحنا وسهر معاي فيه الين الساعة وحده وكان بسام معاه وكثير انبسطت لمن زاروني ..وهدي زارتي ثلاث مرات .. مرة تعشت عندي وسهرت الين الساعة 2 وخالي كان معاه بس في مجلس الرجال مع عمي ومهند

..

ثلاث مرات دق علي عمي ياسر وشرح لي حبه لريم وانه يبني يخطبها بس بيشوف هي تحبه ولا لا .. وقلت له وأكدت عليه ان هذي مو طريقه وانه يخون صاحبه ويغدره واذا يبغى ريم محد بيرفضه ووعدته اني راح اكلم ريم .. بس انشغلت وانا ابغى اكلهما في وقت تكون هي رايقه وانا ماعندي مشاكل لأن مهند لازم يعرف وماحبته يتفاجأ من الناس وانا اول من عرف الموضوع .. واحنا الحين مانكلم بعض .. يعني لازم استنى كمان شوية ..

..

بدأت دراسته وراح ابتدي مشوار جديد مع الجهد والكتابة والجد .. توسطت لريم
زي ما وعدتها والحمد لله انقبلت بسهولة .. بدأت اول ترم بالجامعة وهي مو
مصدقته من الفرحة .. !

كنت نداوم احيانا مع بعض وأحيانا كل وحده لوحدها على حسب محاضراتنا
انا يوم السبت والأثنين والأربعاء اخرج من البيت الساعة 7 بالضبط و ما ارجع الا
الساعة 3 العصر والأحد والثلاثاء اخرج 8 و ارجع الساعة 12 جدولي مرة ضغط
بعد الدراسة صرت ماشوف مهند الا لمحاة .. احسني بعدت عنه حتى بمشاعري ..
مالدري يمكن ماكان يعني لي شي مجرد عشرة ومودة ولمن واجهتنا مشكلة صار
انسان عادي وجوده زي عدمه ..

كنت نايمه بغرفتي على الكنبه تعبانه والجو مرة حر بالجامعة احس جسمي متكسر
من الحر والمشي بالجامعة والرطوبة

صحاني باسلوب مرة جلف : ديمه يالله ذبحك الدلع لاشغله ولا مشغلة ولاكأنك
متزوجه ومسؤولة ..

ديمه كان يرفع صوته وباين انه طفشان ومعصب ويبيغى يتكلم ويخاصم على
ادنى سبب ..

هذا اش فيه اليوم .. ياربي من زمان ماناداني ولا سمعته يكلمني ..

كنت حاطه يدي على عيوني وهو رفع يدي بقوة قال : الدلع هذا اتركه واذا عندك
عادات غبيه بطليها وغيريها لأن فيه اشياء كثيرة لازم تتغير من اللحظة هذي .

ياربي اش ناوي عليه اليوم .. مهقولة طفش مني وخلاص بينهي علاقتنا وكل
واحد يروح في حال سبيله . يالله فكه .. اختلطوا علي شعورين متضادين اولهم
فرحت اني برجع ديمه الأصلية دلوعة خالها وارجع لحياتي الأولى بدون منغصات .

بس الثاني رعبني لمن تذكرت اني راح ارجع مطلقه واني خلاص راح افقد خالتي
ام مهند وعمي وريم وسميرة .. افقد الناس الطيبه اللي عشت معاهم ايام حلوة ..
وراح افقد مهند .. !

معقولة اني بفقده ..؟ ايوه ياديمه راح تفقدينه .. الرجل الأول في حياتي .. اول رجل يحسني بأنوثتي وسحري وجاذبتي .. وأول رجل يسيطر على مشاعري ويشل تفكيري ويتحكم في قلبي ..

مارديت عليه وهو ينادي وانا افكر بسرعه والخيالات والأفكار تاخذني وتجيبيني قدرت افتح عيوني .. وطالعت .. امتلت عيوني دموع لمن شفته .. لحيته طالعه .. اول مرة اشوفها من يوم عرفته .. شكله مو مهند .. ياربي

بجد حنيت عليه .. قلت وانا ابلع ريقى : مهند اشفيك كذا ..؟ ليه مسوي في نفسك كذا . ؟

كان واقف يطالعني بعدين ناظر بالأرض قال : مالك دخل فيني ..!

نفس اسلوبه .. استاهل انا ..! ليه احن ولا اش علي منه .. قمت على طول ورحت للحمام وسمعتة يقول : طيب ياديمه انا اللي راح اغريك اما تصيرين زوجة وتقدرين زوجك والا والله لانسيك دلح اهلك اللي جا على راسي انا ...

دخلت الحمام وانا غير مباليه .. ماعاد يهمني اسلوبه ولا تصرفاته .. نفسي بس اخلص رسالتي على خير وارتاح .

خرجت ماشفته بالجنح كله .. صليت المغرب وجلست بغرفتي بعد ماخرجت كتبتي والبحث حقي اشيك عليه واراجعه لأني خلاص تقريبا ختمته ..!

جالسه على الأرض ومتربعه .. شعري مفتوح ولايسه بيجامه صفرا وبدي سماوي .. قدامي اربعة كتب وملازم والبحث حقي اوراقه بعثرتها ورجعت ارتبها من جديد حسب ارقام الصفحات ..

تفاجأت فيه دخل علي الغرفة وطالعني بعدين رجع .. ثواني الا هو عندي اربكني وخوفني كان يناظر فيني بقلق وكأنه بيقول شي بس مو قادر .. حظ يده على شعري ورجعه على وري ومسح وجهه ورقبته بيده اليمين .. لاااا هذا متوتر وعرفت ان فيه مصيبه بيقولها بس مايقدر ..

حاولت اساعده واخرج الكلام منه : قول اللي عندك لاتتردد

طالعني بنظرة مليانه خوف .. حنان .. ويمكن حب .. الا احب اعرف النظرة هذي وحفظتها خلاص ... قال : ديومتي

فتحت فمي قلت : ديومتك ..؟

جلس على ركبته بجنبى واخذ راسى وحطه على صدره قال : عيونك وش فيها ..؟
: شو ..؟

: ريم قالت لي انك اذا صحيتى ماتشوفين الا بعد دقيقتين او ثلاث

وخرت راسى عنه وصديت .. وبس هذا اللي جاي عشانه صدق ما عنده سالفه
قلت ببرود وانا آخذ الأوراق ارجعها في الملف : طيب عادى.. تعودت لي اكثر من
سنتين وانا على هالحال ...

: من بعد العملية صح ..؟

: من بعد العملية او بعد الغيبوبة ..

: البسي الحين بوديك المستشفى

: لا ماله داعي انا خلاص تعودت .

: ديمه بسرعه البسي لاتعاندين كان يصارخ بصوت عالي ...ودموع ؟ للمرة
الثانية الشموخ ينكسر .. وانا السبب .. .

ارتجفت كلي وقمت مطيعه يمكن انى خفت من مهند او انى رافضة الصورة هذي
اللي قدامى .. او انى خفت ان عندي مصيبة .

دخلت لبست بسرعه وخرجت .. رحنا للمستشفى دخلني هو بنفسه بسرعه للأشعه
المغناطيسيه وسوى لي اشعه مغناطيسية وأخذني سوى لي تحاليل ووداها المختبر
.. واخذني عند طبيب العيون كان مهند يجري كأنه منهبل لدرجة انه خوفني
ورعبنى وتأكدت ان فيني مصيبة ..

دخلني عند الطبيب اللي سلم عليه اول ماشافه وقال : عادل هذي زوجتي كان
عندها ورم في المخ وسوينا لها عملية استئصلناه رجعت هنا كان ابوها متوفي
وصارت لها صدمة عصبية على طول ودخلت في غيبوبة اسبوعين تقريباً
المشكلة يا عادل انها اذا صحت من النوم ماتشوف على طول الا بعد دقيقتين او
ثلاث دقائق شف لي وش المشكله بالضبط بالله هل هي بالنظر ولا الراس ولا
ايش بالضبط ..!

هز الدكتور عادل راسه وكأنه فهم الحاله بعدين قال لمهند : انا تقريباً شخصت
الحالة ويلزمها جراحه عاجلة ..

: هذا اللي انا توقعته بس فين في الراس ولا العيون ..

: 90 بالميه في الراس . . بس خلنا نتأكد .

خرج مهند بعد ماقال انتظريني هنا بجي بسرعه ...

انا كنت ساكته ماتكلمت وتكلمت الممرضة قالت : دكتور تبدا الفحص للمريضة
الحين ولا بعد مايرجع الدكتور مهند !..

: لا خلينا نبدا الحين مهند راح يشوف الأشعة وحيجي حالا .. والتفت لي ممكن
مدام ديمه تجين هنا على الجهاز

رديت عليه بعد تردد وخوف حسيت ان مهند مصدر امان لي بهالحظة .. حسيته
مكان خالي ناصر اذا رحت لأي طبيب لأني ماعمري دخلت على الطبيب لوحدي !..

: سوري دكتور ممكن نستنى مهند ؟..

: على راحتك اختي .

استنيت حوالي عشر دقائق وهو يكتب في الملف بياناتي وماكلمني ولا رفع نظره
لي .

دخل علينا مهند وهو قلقان ولمن شافني قرب مني قال : الحمد لله راسك تمام
ومافيه شي .. بس بنسوي لك عملية بسيطه .. لأن العملية الأولى اثرت على
مركز النظر وماانتبهنا .

قام الدكتور وحطني قدام جهاز النظر وجلس يفحص عيوني بأجهزة اول مرة
اشوفها على كثر مافحصت نظري .. قال زي ماتوقعت لازم جراحه .. وفي اقرب
وقت لو تأخرنا كان ممكن تؤدي لأضرار بالغة .

خرجت مع مهند برا غرفة الكشف والتفت علي وانا خايفة ومرعوبة قال :
لاتخافين العملية سهله وماراح تتعدين عشرة ايام بالمستشفى

: لامهند ماابغى .. خلني كذا عادي انا من زمان بهالحالة ماصار أي تطورات

: ديمه لازم تسوينها .. لاتحاولين مافيه مفر وبأقرب وقت .

: مميمم طيب مو اليوم

: لاياديمه آسف مابتخرجين من المستشفى الا بعد ماتسوينها

: مهند الله يخليك لا مو اليوم

: ديمه حبيبتي والله خايف عليك ماقدر اخليك تطلعين الا بعد ماتسوينها

جلست ابكي احسني مصدومه من اللي يصير لي ومقهورة لأني اكره المستشفى
ومابغي اجلس فيه يوم واحد .. وخايفه ..

قلت وانا ابكي : مهند بكلم خالي

قال بحنان : انا ادق عليه ولو انه ماله داعي يعرف الحين بتقلقينه وبس .

: لا بكلمه انا وابغاه يجي الحين معاي

: ديمه ماتتقين فيني ..؟

: ها ..؟ لا مو عن كذا بس هذا خالي ناصر

: اوكي اتصلي عليه وانا بروح اجهاز اوراقك

اتصلت على خالي وانا ابكي وحسيته انقهر

: ديمه وش فيك

: خالي انا بالمستشفى تعال عندي

: ليه بالمستشفى فيك شي

: لا بس مهند يقول لازم اسوي عملية عشان عيوني

: تشطيب

: لاااا

كنت ابكي بخوف قال : طيب طيب لاتخافين انا جاي عندك وقفل خالي

كنت خايفه اني انعمي ولا يصير فيني شي .. وخايفه

جا مهند ومسك يدي وهو يكلم خالي اسمعه يشرح له حالتي ... قال انا مافهرني
غير من يوم تزوجنا وانا اذا صحبتها تجلس كم دقيقه ويدها على عيونها وياما
خاصمتها اخيراً طلبت مني اذا صحبتها مااستعجل عشان تصحي لأن فيها طبع
ماتفتح بسرعه ولولا ريم اختي اللي نبهتني كان ماعلمتني ديمه ولا قالت لأحد ...

المشكلة ياناصر اقول لها ليه ماتكلمتي قالت مابي احد يشيل همي يكفي اللي
سويته فيهم ومعاناتكم معاي اول بالعملية وثاني بالغيوبة ..!

قفل مهند من خالي بعد ما قال له اذا وصلت اتصل علي ...!

دخلني غرفة خاصة وبعد شوي جات الممرضة وأخذت تفحصني تقيس الحرارة
والضغط وتكتب عندها .. ذكرتني بأيام الورم الله لايعيدها .. شفت الدكتور عادل
اللي نزله مهند من بيته عشاني وهو يدخل قال : مهند زوجتك متى آخر مرة اكلت
.. التفت علي مهند قلت : الصباح بالجامعة

: الصباح يا عادل

: اوكي حلو اجل الحين نبدأ العملية

دخل عندي خالي وانا حضنته وقعد يلومني ويعاتبني : هذا كلام ياديمه تخبين
مشكلة زي هذي عشان ماتقلقيني ماتدرين لو صار لك شي اني راح اموت ولا
يجيني جلطة

: لاتقول اموت ولا تقول الكلام هذا

: طيب اعصابك ديوم مو حلو تسوين العملية وانتي تبكين

: خالي والله خايفه انعمي وانا الحين مافيني شي

تكلم الدكتور عادل اللي قاعد يشوف الملف حقي وماالتفت لي : العملية نتيجتها
مضمونه بإذن الله واذا مانجحت ماراح يضر نظرك شي

حسيته طمني اشوا .. في الليل لبست لبس العملية ودخل علي مهند بالباطو حقه
على اساس بيدخل مع مهند .. شفت وحده دخلت علينا قال مهند : وفاء انتي
روحي وازهمي نادية بدالك

قالت معترضه : بس الدكتور عادل طلبني ومو من حقك تفرض علي شي يادكتور
مهند ..

دخل الدكتور عادل قال له مهند لو سمحت يا عادل ابغى نادية بدال وفاء

: ليه

: طلبتك بس

: اوكي وفاء روحي ونادي نادية

: دكتور عادل الدكتور مهند ماخذ منى موقف ومو من حقه ..

قاطعها : المريضة زوجته رجاءً لاتسببين للدكتور والمريضة ازعاج

شہقت وفاء كأنها مستغربه لمن شافتنی قالت : آسفه وطلعت علی طول

شفت مهند يناظرني ويبتسم .. بجد شكله يسحر .. وأكيد أكثر من كذا ممرضة
معجبة بمهند ومحد بيلومهن ... قرب مني و قال : ديومتي ليته انا اللي هنا ولا
انتي

قلت له وانا منزله راسي : لاتدعي على نفسك

جا خالی عندی بعد ماطلع یکلم قال : حبیبة خالها کیف مزاجها

: اذا انت مرتاح انى اسويها خلاص انا مرتاحه

: اكد مرتاح عساني ماافقدك والعملية بتطمنى عليك اكثر

: اجل توكلنا على الله والله يستر .. خالي اذا صار لي شي سامحني .. ماانتظرت خالي يرد والتفت على مهند قلت بصوت واطى :مهند ..

: هلا ياعمر مهند

: اذا صار لي شي سامحني لاتزعل مني

: حضني مهند قدام خالي قال : صار لك ولا ماصار لك ماعمري زعلت منك لأنك ماتغلطين انتى الى سامحيني عشان اذا صحيتى بعد شوى اكون رايق

: اذا صحيت افكر .. لكنك اذا ماصحيت ترانى مسامحتك ...

..... لا بتصحين وبتفكرين ويتسامحينى قلبك كبير ..

دخل الدكتور عادل قال : ياالله يادكتور مهند بننقل زوجتك لغرفة العمليات ..

مسکت ید مہند قلت : من الی بیسویہا انت ولا هذا ؟

ضحك مهند وانا ادري ومتأكدة انه مرتبك بس يبغاني اهدي قال : هذا اسمه الدكتور عادل بعدين انا اللي راح اسويها لأنه تخصصي بس دخلت عادل معاي عشان ممكن استفيد منه في مسألة العيون والنظر .

هزيت راسي وانا محتارة وخايفه من دون ما ارد .. بعدها نقلوني لغرفة العمليات
وانا مو مستوعبه للحين الى قاعد يصير لي يارب رحمتك بس

سويت العملية .. كنت اعيش جو رعب وخوف ماقدر اوصفه .. دخل علي مهند
وانا قاعده مافيني شي وبعد ساعه الاقيني بالمستشفى وبغرفة العمليات .. الحمد
لله عدت العملية على خير ونجحت !!

مرت عشرة ايام علي وانا بالمستشفى بدايتها كانت خوف وقلق وبعدها دقة في
كل حركاتي راسي احركه بشويش الكلام بشويش المشي حبه حبه كل شيء
بهدوء وممنوعه من الانفعال والبكا والضحك والكلام الكثير يعني حصار ودقة بكل
شي ...

كانت خالتي ام مهند تجلس معاي وأحيانا ريم وغالباً مهند يجلس عندي وخالي
طبعاً يومياً يطلع من المدرسة يجي عندي الين المغرب ويروح .. أحيانا يجيب هدى
وأحيانا يجي لوحده .. وأخوالي ماجد وسامي زاروني كذا مرة وخالتي فادية كمان
جات مرة هي ولمى بيوم واحد ..

طلعت من المستشفى لببت خالي بعد ما طلبت مهند وماوافق الا بعد الحاح مني
صرت انام وافتح عيوني على طول هذا اهم شي .. والحمد لله بدبت اتحسن ..
صار مهند اذا بيغى يزورني اروح عنده للمجلس وكل مرة يجي فيها يقول يالله
امشي للبيت بس ارجع اقول ماقدر وماستغني عن هدى وهناك ريم بالجامعة وانا
مستحيه من خالتي ما بغاها تخدمني لأنها ماراح تعتمد على الشغالة تخدمني
اعرفها !!!

طلبتة كمان اجلس عند اهلي لين اخلص امتحانات يعني بعد اسبوعين في البداية
زعل وعصب قال: ديمه تراك زودتيها !!

: بكيفك كنت ابغى اعيش عروس اذا رجعت ما عندي لاكتب تشغلني ولا اختبارات
ولا شي بس انت حر .. خلني ارجع لغرفتي و24 ساعه اذا كر

ضحك مهند وقال بخبث : مميم افكر بس ترى بشروط

ابتسمت بخجل قلت : خلاص اللي تبغاه بس تخليني الحين .

مسكني بشويش مع اذني قال : بخليك واضغط على قلبي واصبر .. والاربعاء مو
الجاي اللي بعده وانا عندك آخذك نرجع لبيتنا .

: اوكي اتفقتنا

مرت اسبوعين ومابقي شي عن مناقشتي للرسالة خلاص اسبوع وأناقشها
وارتاح من هم الدراسة كلها وأعيش حياتي مع مهند
مهند تسلل لقلبي ومشاعري واستولى عليهم ..وانا استسلمت له لأنه اقوى مني
وانا ضعيفة قدامه !!

..

كانت نتايجي كلها امتياز وفل مارك .. وآخر يوم بالاختبارات كان مهند عندنا من
الساعة 3 العصر قال لي اجهز اغراضي وان اهله مسوين لي عشا الليلة
وعازمين جيرانهم وقرايبهم عشاني ...

رحت جهزت اغراضي وورجت لبيتنا اول مادخلت الجناح حتى مانزلت عبايتي
مسكني مهند وسحبني ناحيته وحضني بقوة وحنان ،، خلاص ماقدر اقاومه

قال بصوت والطي : مشتاق لك ياديمه

رديت عليه تقريبا بنفس الصوت: مهند

: عمر مهند وروحه

: انت ماتحبني

: من قال مالحك ياديمه .. آآآآآآآآه بس انا ياديمه غرقان لين شعر راسي ..

دق الباب علينا ومهند لسه حاضني على صدره احسه كأنه بيدخلي بين اضلاعه
من كثر ماهو لاف يدينه عليّ وحاضني بقوة!

: الباب

: اتركه يعني واحد توه شاف زوجته من شهر ونص وش يبون منه الحين ..

: طيب يمكن امك بتسلم علي

: شوي تنزلين عندهم خليني اشبع منك

دق الباب بقوة وكأن اللي وراه معصب وحيكسر الباب ..

ارتخت یدین مهند ورجع وری جلس علی الکنبه قال : افتحي

فتحت الباب لقيتها تتوقعون من ..؟

نورة عمة مهند .. ما طالعت فيني قالت وين مهند ..!

: هنا وش بغيتي .. كان يتكلم ببرود وهو جالس على الكنبه ..

:مهند ياولدي محد يرضى يشوفك تعيش مع وحده مريضة وتقضي عمرك كله معاها .. ياولدي نبي نفرح بعيالك ونبيك تعيش مع وحده صاحبة مو كل يوم بمستشفى

كنت واقفة أفرج وابتسم لمهند احسني بنفجر من الضحك صدق تفكيرهم سخي

التفت لي مهند وابتسم قال تعالى ديمه وجيت جلست بجنبه قال : هذي ديومتي
ياعمة تسوى بنات الدنيا ليه تفاولين عليها

**: مافاوت عليها بسم الله علينا اول اقول امراضها بالجسد واثرها مريضة بعقل
زود على جسدها**

[illegible][illegible]

رحت بسرعه لخالتي وسلمت عليها سلمت على راسها ويدها وأخذتني عندها
 قالت : قوم يامهند ديمه خلاص باخذها معاي وانت انزل للمجلس تحت

[illegible][illegible]

من :

: ياسر ويبي يشوفك انت وديمه يقول ادق على جواله مايرد على

: اوووه جوالى بالسيارة مانزلته والله

التفتت خالتي على وضحت : اجل احد معه ديمه ويتذكر شى

ناظرتها وانا مفتحه عيوني قلت : اذا فكرتي وقررتي اقولك مو الحين .. بعدين
عيب وغمضت بعيوني وانا اضحك .

: ضربتني ريم على كتفي بشويش وهي تضحك وتقول اوريك ياديمه هذا
المعروف اللي بتردينه لي .

قاطعتني خالتي اللي جاتنا وقالت : ديمه تعالي للحريم العشا لك وانتى قاعده
بالمطبخ .

طنشت نورة اللي ماكفت عن المرض والمرضى والأورام وكيف الناس تهتم في
المريض شفقة ويراعون مشاعره حتى ماينجرح ... كل كلامها موجهته لي وانا
صابني برود مريح لأعصابي بشكل محد يتصوره .. جات منيرة عمة مهند الثانية
وجلست بجنبي قعدت تسولف معاي وتكلمني عن الجو وكيف جو ابها مقارنة بجو
جده هالأيام قالت اذا تخرجتي خلي مهند ياخذ اجازة اسبوع وروحوا لأبها .

: ياليت والله حتى انا اشتقت لخالتي سارة وبناتها وبنات عيالها

: عاد هم يحبونك ومتعلقين فيك

: الله يسعدهم مرة طيبين ويدخلون القلب ...

: ديمه والله مانا وجه من نورة وبنتها بعد اللي سونه معاك في بيت ساره

: لا حبيبتي لاتشيلين هم نسيت الموضوع كله انا

: قلبك كبير ياديمه وربى بيعطيك على قد نيتك ان شاء الله

: تسلمين والله انتى اللي طيبة ونيتك صافيه .

الغريب ان فاطمة مارمت علي ولا كلمه ولا كلمتني .. بس شفتها تكلم ريم واحنا
بالمطبخ وهي برا تقول : ريم المريضة هذي عندك ولا راحت للحريم ابغى اشرب
من المطبخ ومالبي شوفها .

ضحكت لريم وردت عليها ريم : احترمي نفسك يافاطمه ولاتنسين انك في بيت
ديمه واحمدى ربك انها ماطردتك .

سكتت ورجعت وماتكلمت .. الله يستر منها .

دخل مهند وعيونه حمرا وباين انها كثير تعبانه .. قال :بطلع فوق الحقيني

: اوكي بسلم على سميرة واساعدها في اغراضها والحقك ..

: يالله استناك ... قالها وهو ماسك راسه مرة مصدع الله يستر اكره الصداع
وألمه وكل اللي يذكرني فيه

سلمت على سميرة وقلت لخالتي وريم تصبحون على خير كنت بطلع لمهند حرام
اتركه وشكله كذا بس ناداني عمي ورجعت له قال : خذي هديتك مني انا
والجوهرة وتراها ذوق الجوهرة وهي بمناسبة خروجك من المستشفى .. كانت
علبة مغلفه اخذتها منه وسلمت على راسه .

قلت :الله يخليكم لنا .. صدقتي الهدية مولازم اهم شي رضاكم عني وهو اكبر
هدية ..

: راضين عنك يابنتي وعسى الله يرضى عليك ويوفقك ويسعدك

: الله يطول بعمرك اسمح لي بطلع عند مهند تعبان ومصدع بروح اشوفه

: ايه شفته مصدع حتى ماتعشى

: طيب عن اذنك ياعمي

: خذي راحتك يابنتي

طلعت لمهند فوق ولقيته حاط يده على راسه ونايم ماحبيت ازعجه تذكرت لمن
اصدع زمان انسب حل لي اني اروح انام واذا صحيت يكون خف هذا طبعا بدايات
الصداع قبل يتطور الله لايعيد الشر!

دخلت بدلت ملابسي واحترت فين انام عنده ولا بغرفتي ...ممممم لا لا بروح
لغرفتي مستحيه من مهند اش بيقول وانا نايمه عنده .. فتحت هدية خالتي وعمي
كانت خاتم الماس نعوم ويجنن باين انه غالي وقيمته ماتقل عن سته الاف ..!

صحيت الساعة 6 ودخلت الغرفه باخذ شرشف الصلاة حقي ابغى اصلي وماحيبت
اشغل النور على مهند اللي غا ط بنومه خفت ازعجه ويصحى بدري .. مشيت

نزلت لقيت خالتي اللي قابلتني قلت لها : صباح الخير يمه كيفك اليوم

: بخير يمه انتي كيفك وفيين رايحه واليوم خميس

: لمى صاحبتني اتصلت علي وتعبانه شوي بروح عندها

اتصلت بالطريق على لمى اول ماسمعت صوتها بكيت

: همممممم هلا ديمه

: لمى وجلست ابكي واحاول ماخلي السواق يسمعي

: ديمه عمري اش فيك ؟

: الله يخليك انا خرجت من البيت عشان اشوفك الحين زوجك فيه

: مممممم تعالي ماعليك منه بندخل للمجلس وهو الحين نايم

: لمى الله يخليك البسي بمر عليك نروح أي مكان ماقدر اجيك وزوجك فيه

: اوكي البس الحين بس قوليلي اش فيك بالضبط

: لمى تعالي وأقول لك

رحت عندها وعلى طول خرجت لي وانا بحالة مانحسد عليها ماكنت ادري ايش

اقول لها بالضبط اقول كل اللي بقلبي هذي لمى صديقة عمري .. رفيقتي من

صغري لليوم .. افتح لها قلبي ولا ابقى على العهد اللي اخذته على نفسي

ولااقولها عن اللي بيني وبينه ..

... كنت ابكي وهي تحاول تهديني قالت :ديمه ادري ماتبين تقولين اسرارك انتي

ومهند لكن اذا فيه مشكلة لازم تتكلمين .

ماعاد فيني اكبت اكثر من كذا احسني راح انفجر ..

هزيت لها راسي بأيوه ..

حضنتني لمى وانا اطلقت العنان لدموعي وقهري وحزني خليتهم يعبرون

بطريقتهم .

ماكنت اقدر اتكلم والسواق يسمعي قلت خلينا نروح أي مكان.. قالت لمى للسواق

روح للكورنيش.. جلست مع لمى قدام البحر ماني في حال احد .. كانت لمى كل

شوي تتصل على فيصل وتقول له بجلس مع ديمه لأنها تعبانه وطبعاً فيصل يدري

اذا الموضوع فيه ديمه لايمكن يقدر يناقش لى فقال لها خلاص متى مابغيتي
تجين كلميني وانا بروح لاهلي اتغدى عندهم ... وباخذ ديمه معاى ...

قلت للى انى سمعت وحده تكلم مهند وباين انها اول مرة تكلمه بس شكلها تحبه
وهو انبسطت وجاراها بالكلام وآآه يالى قال كلمة جرحتنى بموت من مهند ..
ماسألتنى لى اش قال لانها حست انى مابغى اقول ..

حاولت لى تهدينى وتقول ان الشيطان يسبقه بالتفكير بس اكيد بيفوق ويرجع لك
.. قلت لها انه حاول يلحقنى ويتكلم معاى وماعطيته فرصه .. قالت انه اكيد
يحبنى ومايبغى يزعلنى .. والمشاكل عادى تصير بأى حياة .. و الرجال عادى
يغلطون .. وأنهم مايفهمونا فى البداية عادى .. بس صدقنى ياديمه مع الوقت
نقدر نغير تصرفاتهم ونتأقلم معاها

.. حاولت لى تهدينى وننسى الكلام فى الموضوع هذا ...

جلست معاها الين الساعه اربع العصر بعد مارحنا لمطعم وتغدينا ..

سكت بعد نوبه بكاء وفيضان دموع .. بس الحمد لله ان لى موجوده بحياتى ولا
كان يمدنى انفجرت ولا صارت لى حاله نفسية ..!

(♥)*.....•••.....* (♥)

رجعت للبيت وحصلت خالى قلقله على قالت ليه ماتردى على الجوال

قلت لها انه كان صامت وصدىقتى تعبانة شوي وعندها مشكله .. ماصدقنى
خالى وشافت وجهى باين انى تعبانة وانى بكيت كثير .. بس صديت عنها ورحت
للجناح حقى ..

طلعت ولقيت مهند جالس مابدل لبسه قاعد يستناني

حاول يلحقنى وقفلت الباب فى وجهه واخذت لى شور وبدلت وخرجت لغرفتى
وهو جالس بالصالة حاط راسه بين يدينه بعدىن قام خرج

نمت بغرفتي بعد ما قفلتها صحيت بعد العشا اذاكر ومارحت للغرفة ولا ادري هو موجود ولا لا . دق باب الجناح قمت وفتحت كانت ريم جايبة لي ساندوتشات وفطائر مرسلتها خالتي علي

قلت لها : ريم الله يخليك مرة مو مشتتة وعندي مذكره الين راسي وبكمل البحث

طالعت ريم بوجهي قالت : ديمه وجهك مصفر وباين انك تعبانه لا يكون حامل : شو حامل انهبلتي ؟

: ليه انهبلت

خفت انها تفهم شي قلت : ما قصد ريوم بس لاتقولين كذا ما بغى احمل وانا ادرس

: ديمه والله باين عليك التعب دقي على مهند خليه يجي يوديك مستشفى

: لا يا شيخه ما فيني الا العافية ولا تقولين سيرة الحمل لاحد لأنني ماني حامل

: يابنت ماتدري

: الا ادري وواثقه

: طيب براحتك تبين شي امي مزعجتني تقول مهند يقول ودوها اكل ..

: لا والله اكلت مع لمى بس بجد عندي مذاكرة ريوم وانا بنزل بعد شوي عند خالتي وعمي اسلم عليهم

: او كي يلا سلام

: سلام

رجعت لغرفتي وقفلت علي وقعدت اذاكر الين جات الساعة 12 ومانزلت

طلعت بحثي هذا هو مستقبلي خلني اراجع له لا يضيع مستقبلي مهند ومعكساته .. وتفكيري فيه ..

نمت فجر الجمعة بعد ما قرأت سورة الكهف .. وصحيت الظهر صليت قبل يرجع مهند من المسجد ورجعت لغرفتي وشفته يدخل مع الباب بس قفلت قبل يقرب من الغرفة ..

دق علي مهند وناداني

: ديمه افتحي الله يخليك .. ديمه تراني تعبان افتحي بكلمك وبعدها قرري اللي تبغين ..

طنشته ومارديت عليه ابدأ ... كملت نومي وصحيت وانا ميتة جوع .. دخلت المطبخ وسويت لي ساندوتش جنبه وأخذت لي كاس عصير ودخلت غرفتي مرة ثانية وقفلت على نفسي .. مر الجمعة كله من دون ماخرج والحمد لله ان اهل مهند ناس متفهمه مخليني على راحتني ومحد يجبرني انزل او آكل معاهم دايماً يقولون خذي راحتك واذا ريم قالت لي ليه ماشفناك ولا ليه مأكلتني معانا تخاصمها خالتي تقول خليها براحتها ودايماً خالتي تقول فكري براحتك ولا تفكرين بوجودنا هنا !!

الله يسعدها لو غيرها يمدىها تحسب لي غلطة وزلة ..

يوم السبت الصباح قمت من بدري وشفيت مهند نايم بالسرير .. عدت من عنده ودخلت الحمام اخذت شور سريع وخرجت أخذت ملابسي ورحت لبست بغرفتي حتى زبطت شكلي على مرآة الحمام الثاني ونزلت للسواق بسرعة .. حصلت خالتي بطريقي صبحت عليها بالخير .. كان باين عليها ان وضعي مو عاجبها بس مابينت قالت : يمه تعالي افطري قبل تروحين مأكلتني شي من امس

: تسلمين يمه ماني مشتيه الحين بعد شوي آكل بالجامعه

: اجل الله معاك ويسهل لك امورك

: تسلمين يمه الله يخليك لنا

مر اليوم كله بالجامعه وانا كئيبة .. كل بنت تقابلني تقول سلامات تعبانة ..؟ وانا ارد عليهم اقول شايلة هم الرسالة لأنني قرفت من كلمة مريضة وتعبانة ومابغى اتبلى على نفسي يكفي اللي شفته ..

كان تلفوني يدق علي رقم غريب مو عارفته يمكن ماتصدقون لو اقولكم ان رقم مهند للحين مآخذته لأنني مآحتجت ادق عليه وهو مآدق علي ابدأ من بعد مآغيرت رقمي الأولاني بسببه ...

احسني مرهقه طول اليوم .. رحت انا وزينه صاحبتني للكافتيريا .. مآقدرت آكل وتمنيت ان لمى معاي اليوم بس مآقدر اخليها تجي مستحبة من زوجها ...

عدى الاسبوع كله ورحت لخالي يوم الاربعاء جلست الخميس والجمعه لأن يوم السبت مناقشة الرسالة .. ناقشتها مع الدكتورة ابتهاج القيس واللي مدحتني وقالت لي بنهاية المناقشة: اضمني الامتياز ياديمة وانتى مرتاحه .

الحمد لله كنت ابغى افرح ورجعت عند خالي لمن قلت له كلام الدكتورة انبسط وارتاح كان شايل همى اكثر منى بس لاحظ انى مو مبسوطه ولا فرحانه .. رجعت لبيتي مع سواق خالي .

مر اسبوعين على نفس الحاله ومارحت فيها لبيت خالي يمكن لأنى ما ابغى احد ينتبه انى متغيره ونحفانه كثير .. ويمكن لأنى جلست عندهم ثلاثه ايام الاسبوع اللي راح ... وهالمره مستحيه من اهل مهند لايقولون كل اجازة وهى فى بيت خالها ..

مهند ما كلمته ولا عطيته مجال يفتح فمه معاي .. امه وابوه شكلهم حاسين ان فيه شي بينا خاصة انى اذا شفته دخل قمت بسرعه وطلعت لجناحي ولا اكلمه بالمره ..

مر اسبوع ثالث بعد مناقشتى للرسالة ورابع على اللي صار .. كنت جاية من الجامعة تعبانه وقرفانه الجو مره حر اليوم اربعاء ماجيت الا الساعه ثلاث رحت لغرفتي على طول لقيت الباب متقفل ... اوووووف .

رحت لغرفة النوم لقيته نايم ولاهمه .. اخذت لي ملابس ودخلت الحمام واستحميت ولبست قميص قطني لونه بنفسجي فاتح واسع الين تحت الركبه وبدون اكمام .. لبسته لأنى قرفانه من الحر والجو وهذا مره مره مريح ... رحت فتحت الدرج اللي بجنبه ادور على المفتاح ماحصلته وخرجت من الجناح بعد ما حطيت الفوطه على شعري عشان لسه فيه مويه .. رحت لعند ريم لقيتها بتنام

قلت : قومي سولفي معاي طفشانه !!

: ديمه مافيني اقوم واليوم اربعاء بنام عشان اسهر .. روي لزوجك سولفي معاه وصالحوا بعض اشكالكم كذا مو حلوة ..

رمى عليها المخده الصغيره ... قلت الشرهه مو عليك على اللي بقولك اخبار حلوة عن بعض الناس ... رفعت اللحاف عن وجهها وقمت تركتها وهى تنادينى !!

رجعت للغرفة وثلت المنشفة من شعري .. خليته مفتوح ووقفت بالصالة محتارة
اش اسوي ؟.. شفت مهند واقف عندي ويتأملني !! كانت عيونه تعبانه وفي يده
سيجارة .. شكله مانام

وقف قدامي قال : لا اشوفك لابسك كذا قدامي .. ولا لاتلومين الا نفسك !!
مارديت عليه وجيت ابغى اعدي من عنده بس مسك يدي قال : عطيني فرصة
اكلمك وسوي بعدها اللي تبغين .

.....:

:ديوم رمضان كريم وانتي قلبك كبير
سحبت يدي منه من دون ما ارد عليه :

قال بقهر وتوسل : لمتي بتصيرين كذا ؟
صديت عنه ورحت دخلت الغرفة قلت : الين اوصل لقراري باقتناع
لحقني للغرفة وقال : وشو قرارك ؟
: كلها كم يوم وتعرفه .

وقف قدامي قال : متى يعني ؟

: ما حددتها لسه .. ولو سمحت بعد

خطرت في بالي فكره اني اروح لبیت خالي وافتك من مهند خاصة اني مارحت له
الاسبوع اللي راح وكمان بكرة رمضان لازم اقضي اول يوم عندهم .. لبست
بنطلون جينز وبدي اورنج وأخذت كتبي وشنطة الجامعه واتصلت على السائق
قلت له يستناني برا بروح عند خالي عاد هو وداني كذا مرة يعني يعرف بيت
خالي خرجت مالمقيت مهند ... فين راح هذا وكيف اقول له اني بروح لبیت خالي ..
اووووه هذا وقت خروجه ...؟

اخذت عبايتي وكتبت ورقه ورميتها على الطاولة قلت فيها: انا عند خالي ناصر ..
وبكرة ماني جاية ..

نزلت عند خالتي اللي استغربت اني اروح الحين

قلت لها : اسمحي لي خالتي بروح عند خالي ابغى اقضي اول يوم عنده

: الله معك يمه وسلمي لي على هدى وامها اذا شفتيها

: الله يسلمك .

رحت عند بيت خالي وفتحت الباب بمفتاحي كان البيت خالي مافيه احد كلهم نايمين وطلعت لغرفتي .. اشكر احب غرفتي .. ذكرياتي ،أيامي الحلوة ،ودموعي ،وأفراحي ،وصاحباتي ،وديمه الدلوعه المدله .. حبيبة خالها ناصر .

دق جوالي نفس الرقم اللي كان يدق علي بالجامعه ومارديت خفت يكون مهند وما بغى اكلمه حطيت تلفوني صامت ونمت الحمد لله نمت نوم من زمان مانتة .. بعيد عن الضيق والطفش والكآبة .. ومهند وعنجهيته واهانتة لي وجرحه لكرامتي ولأنوثتي واستحقاره لي ...! بعيد عن كلامه الحلو وضحكته اللي تخربطني وابتسامته اللي تسحرني .. ومن دون ماشوف عيونه اللي تاخذني لعالم غريب يظمن ويخوف بنفس الوقت ..

صحيت المغرب حصلت 22 مكالمه لم يرد عليها لنفس الرقم يوه هذا مليون بالمية هو مهند .

بس من فين جاب رقمي معقوله عنده من زمان ولا دوبه اليوم اخذه من جوال ريم ...!

قفلت جوالي وارتحت ..

نزلت لقيت هدى قاعده على التلفزيون وعيالها على تلفزيونهم وخالي مو موجود صرخت هدى اول ماشافتني وقامت سلمت علي احسها مخنوقه بتبكي لأنني رجعت لها الأيام هذيك وانا عندهم قبل ما تزوج ..!

ناديت بسام وأسامه وياسمين وجوا عندي جري كنت جايبه لهم علبة جواهر جالكسي لأنني معودتهم اجيب لهم شي وانا جايبه واليوم كنت مستعجله وجبت عليه الشكولاته

انبسطت مع هدى وسولفنا بس كل شوي تقول ليه نحفانه وليه وجهك كذا لا يكون حامل وانا احلف لها اني مو حامل .. وكنت بقلبي اقول تراني زي مارحت من عندكم ..

دق مهند على بيت خالي وردت هدى قال انا مهند وابغى ديمه لو سمحتي

دخلت وری خالی وشفت مهند قاعد اوف ... لیه قهرنی خالی یقول مافیه احد .

رجع خالي للمجلس وهو يضحك .. اووه الحمد لله .. كنت خايفه من خالي وردة فعله بس تفهم موقفى عسى الله يخليه لى ..

: اول شی ناصر فرحان لك .. ثانی شی انتی تستاهلین من یتكاف عشاك .

سلمت على خالتي ام صالح ولاحظت ان وزني نزل .. قعدت تخاصمني ليه نحفت
وشكلي متغير .. تعذرت لها بالاختبارات والرسالة كانت متعبتني كثير والحمد لله
هانت ... بس مامشت عليها لأنها قالت : من يوم عرفناك ياديمه وانتي عندك
دراسة واختبارات وشادة حيلك .. بس انك ماتاكلين زين .

سهرنا عندهم وجا خالي تسحر في بيت عمه ابو هدى وبعد الفجر رجعنا لبيت
خالي .

طلعت لغرفتي وقرأت سورة الكهف ونمت ..

قبل المغرب كنت صاحبة وجلست اقرأ قرآن الا دخل علي خالي قال :مهند بالطريق
جاي ياخذك واستحييت ارداه اذا بينكم شي قلتي لي بس اذا مابينكم شي يستاهل
انك تجلسين كم يوم روعي معاه وبلاش تردينه مرة ثانية .

قلت وانا مقهورة وماحاولت ابين لخالي : اوكي ياخالي اللي تبغاه يصير ..بجهز
اغراضي واروح معاه .

ياربي كنت مرة مبسوطه في بيت خالي جا هذا بينغص علي لو ماكنت زعلانه منه
بس كان ارتحت هناك لأن عمي وخالتي وريم ناس تنحط على الجرح يبرى ..
قمت لبست نفس لبسي اللي جيت فيه من بيتي .. ومهند برا مادخل قال خالي
اطلعي له يقول مستعجل

خرجت بسرعه وركبت السيارة قلت : السلام عليكم

: عليكم السلام

شفته يلف بطريق مو طريق بيت اهله

: فين رايعين

: بنفطر برا

: مايحتاج نروح البيت احسن

: مو بكيفك

: مهند اذا سمحت بنروح للبيت او رجعني لبيت خالي

خلاص خلاص نروح للبيت ولو انك بتخرجيني مع اهلي لأنني قلت لهم ماراح نجني
على الفطور

تكلم عمي : والله ياديمه انتي خيرنا وبركتنا تعالي يابنتي اجلسي خليهن يحضرن
الفطور

كان مهند ساكت وماعلق باين انه تعبان يمكن مني ويمكن عشان مادخن .. نادى
ريم :ريم هاتي التمر الحين مو اذا اذن نقعد ننتظر حضرتك

قال عمي : انت لو تترك هالعلة عنك كان تعافيت وهدت اعصابك وانتظرت على
مهلك مو تاخذ لك فنجال وتمررة وقمت تجري كأن فيه احد يطردك

: بتركه ان شاء الله بس دعواتك يبه

: الله يهديك وانا ابوك ويفكك من شر هالعلة ويستتر عليك

: الله يخليك لي ويجعلك ذخر

جلسنا كلنا خالتي مقابله لعمي ومهند جلس بجنبي وريم قابلت لنا

سألني عمي عن اختباراتي قلت اني قدرت اقدمها في رمضان لأن علاقتي
بالدكتورات كويسه وقلت لهم ان عندي ظروف وابغى اقدمها

التفت مهند علي وهو يوخر الكرسي بيقوم عشان يطلع يدخن

: وانتي شو ظروفك حتى تقدمين امتحاناتك وماتختبرين مع الناس

التفت له وانا ابتسم : طفشت من الدراسه وهمها خلاص ابغى ارتاح وماعاد فيني
استنى لبعد رمضان لأنني اساساً مذاكرة ومختمه كل المواد قلت اختبرها قبل
الاجازة وارتاح

تكلم عمي : متى اول امتحان عندك

: بكره ويوم الاثنين والسبت الجاي والاحد ..

: ماشا الله تبارك الله اربع مواد بس

: ايوه دعواتكم بس لي .

خالتي وهي تبتسم : الله يوفقك يمه ويسعد قلبك

: ويخليك لنا يمه ويطول بعمرك

رحنا صلينا المغرب ورجعنا نكمل فطورنا .

رمضان عند بيت عمي غير حالتي النفسية وطقوسه كأنها فتحت شهيتي للأكل
وصرت اكلم مهند عندهم لأنني ما بغى اضيق عليهم او اخليهم يشيلون همنا
جانا مهند وجلس بجنبي وريحته كلها دخان .. قال بصوت واطي اذا افطرتي
اطلعي فوق ابغاك .

الله يستر منه اش يبغى هذا مني اكيد بيفتح معاي مواضيع مالي خلق اسمعها
جلسنا لحد ماذن العشا وطلع عمي للمسجد ومهند قال باخذ لي شور واروح
للمسجد اشر لي وانا قمت معاه على طول ..

دخلنا الجناح حقنا ..

: ديمه

: مهند روح تحمم والحق ابوك للمسجد بقعد اذاكر الله يخليك لاتكلمني بأي شي
الين اخلص امتحاناتي

: وبعد الاختبارات

: بعد ما اخلص يصير خير

: او كي بس لي شرط

: شو

: تتركين المحراب اللي تنامين فيه وتجين تنامين بغرفتك ..

: شو ..؟ لا لوسمحت بنام في المكان اللي ارتاح فيه .

: وقربي مايرحك ؟

تنفست بعمق ما بغى اتكلم معاه ولا اجادله بس لازم اتحمل واسايره لحد ما اخلص
اختباراتي من دون ما ينكد علي ..

قلت : ما قلت كذا بس خلني على راحتني

رجعت للمغاسل اللي برا على الصلاة وجلست اغسل يديني عشان اهرب منه بس .

سمعت الحمام حق غرفتنا انقفل ارتحت شوية ورجعت للصالة .. احسني مرتبكه
وافكر كيف افتك منه .. هذا الحين اكيد يقول لي خمسه شهور وبديت بالسادس
ماكاني متزوج ..!

قلعته يحسن اسلوبه معاي وتصرفاته بعدين يبشر باللي يبغى .

خرج من الحمام لابس شماغه وثوبه وقرب مني كان عطره يخترقتني كلي قال
:شوفي بعطيك فرصة بس والله وورب البيت لو ماصرتي حرمة سنعه لتشوفين
شي عمرك ماشفتيه تراني دلعتك وخليتك على كيفك بما فيه الكفاية .

بصراحه خفت منه وقعدت ارتجف قلت وانا معقدة حواجبي : طيب طيب اللي تبغاه
بس روح صل الحين .

مر اسبوع وانا وياه مانكلم بعض الا عند اهله حتى هو ماصار يكلمني زين
ولايلتفت فيني اذا كنت بالجناح .. بصراحه انقهرت منه وهو يدخل يسوي نفسه
ماشافني ويتجاهلني كثير وانا اصلاً صرت اتعمد مالبس الا اشياء عادية تنانير
جينز طويل ولا جلابيات اذا نزلت عن اهله .. واذا صرت بجناحي البس بيجامات
طويلة بكم طويل قطنية وعادية ..!

وشعري دايم ارفعه شنيون فوضوي ومالحط ميك اب ابدأ .. كل هذا عشان
مالفت نظره هذي الأيام ويشغلني عن مذاكرتي ...

صليت التراويح وجلست بفتح لي كتاب اذاكر فيه بس مالي خلق مذاكرة والحمد
لله انا مختمة وحافظتها كلها يبغا لي مراجعه اخيرة قبل الامتحان على طول
وخلص .. اخذت لي كراسة جديدة اشتريتها قبل فترة من المكتبة بس مارسمت
فيها شي لسه وأخذت قلم رصاص مشتهية ارسم

مافي راسي شي معين ارسمه .. بس رسمت اطار ولقيتني ابدأ رسم كأنه شي
يملى علي وانا لاشعورياً ارسم ... !

خططت العيون ، الرموش ، الحواجب ، الجبين ، وخط الشعر من الجبين ، الأنف ..
الشنب .. لو بحلف لكم اني ارسم بسرعه مجنونة وياتقان رائع محد راح يصدقني
.. طلع لي وجه مهند .. وكأنه يناظرني .. كان وجهه اسرع لوحة رسمتها بحياتي
.. وبالقلم الرصاص .. حتى تفوق على خالي ناصر اللي كنت ارسم صورته بكل
مكان حتى بدفاتري زمان بالمدرسه اذا كنت طفشانه في الحصة ولا ماعندنا

استاذة... لدرجة اني صرت متعودة ارسمه لاشعورياً وبسرعه . بس مهند اليوم
تفوق على خالي ناصر رسمت وجهه كامل ورسمت يده وفيها زقارة ودخان خارج
من فمه .. هذي هي صورة مهند في الغالب .. اهلكه الدخان الله يفكه منه قريب
ومن غير شر ومكروه ...!

كنت مرة طفشانه ورسمت بصفحة ثانية شمعة تذوب .. كتبت تحتها

حين يقتل الخوف الأمان

وتنتهك القسوة الفرح

لتحيلها الى شروخ من خوف

هذه انا بيده

ديمه

مادري ليه كتبت كذا يمكن لأنني حبيت اعبر عن نفسي ويمكن لأنني واثقة ان مهند
مراح يشوف الكراسه لأنها بدرج المكتب اللي صار لي ..

الصفحة الثالثة رسمت بحر ورسمت وحده تشبهني بشعرها وجسمها تمشي فيه
بسرعه ظللت الصورة ورميت الكراسية لأنني مالحب ارسم من الواقع اطفش لكن
الخيال اذا رسمته اطول واستمتع فيه ..

يوم السبت في الليل بعد ماجا مهند من المسجد دخل عندي وانا على سجادي
اصلي التراويح في الصاله .. وجلس على الكنبه وقمت نزلت شرشفي لأنني
خلصت صلاتي وطبقته مع السجادة .. وجلست على الكنبه الثانية ..

ناظر فيني بتمعن وانا لابسه بيجامه بيضا قطنية بكم طويل وواسعه وفيها رسوم
بالأوسد على الصدر .. ادري اني كثير متغيره عن اول بدءاً بوجهي وشعري
وعيونني وانتهاً بجسمي اللي نحل كثير .. وهذا بشهادة اهلي واهل مهند
وزميلاتي بالجامعه وام هدى واخواتها وكل من شافني .

قال بهدوء اتوقع انه مصطنع : سبحان الله اللي غير شكلك وحالك ، الحين انتي ديمه ماغيرها ؟

ابتسمت بسخرية قلت : الزمن مايخلي احد مثل ماهو . ووقفت على طول اخذت السجاده وحطيتها بمكانها بجانب المكتبه .. ابغى اهرب منه وادور شي يشغلني عنه ..

وقف مهند ومسك ذراعي بيده قال : يعني بتقولين ان التغير اللي صار فجأة من الزمن ولا من الحياة هنا .

: والله انت ذكي وتقدر تفهم شو اقصد بالضبط ..

نفضت يدي منه بقرف ووخرت عنه رحت للغرفة .. وجود مهند معاي وبمكان واحد ولوحدنا صار يخنقني ..

سمعته يقول : اها ... مكبوتة وبصوت واطي .. حتى شكله مافتح فمه .

رحت اشوف شكلي بالمرايه كان لوني اصفر لأنني مآكل كثير كلها لقمتين على الفطور والعشاء يادوب ملعقتين شوربه والسحور آكل فاكهه ولا سلطه والدوخه عاملة معاي العمائل باين ان عندي فقر دم .. خلاص بكرة آخر اختبار لي بالجامعه وافتك من هم المذاكرة ولازم انتبه لنفسي اول شي بروح ازبط شعري عند الكوافيرة .. ثانياً : بنزل السوق بشتري ملابس يمكن تغير من حالي .

يوم الأحد بالليل لساتني مانمت من امس .. كنت مواصلة ورجعت من الجامعه الساعه خمسة لأن الدكتور تآخرت ماجات الا بعد الظهر وماختبرت الا الساعه 3 وعلى بال ماخلصت ومشوار البيت وصلت الساعه خمس على طول دخلت المطبخ مع خالتي وريم وسلمت عليهم وانا فرحانه اليوم آخر يوم لي في مرحلة الماجستير بفضل الله .

اتصلت على اخوالي كلهم وبشرتهم اني خلصت امتحان يعني تخرجت بس باقي لي النتائج والوثيقه وانا الحمد لله ضامنه اني راح اجيب امتياز مع مرتبة الشرف وان شاء الله تكون الأولى ... باركوا لي اخوالي ووعدوني بالحفلة بعد العيد على طول ...

دقت عليّ سميرة وهي تعاتبني وزعلانه مني كثير تقول ليه ماجيتي زرتيني وانتي قد وعدتيني .. عاد انا نسيتها مع المشاكل اللي صارت واختباراتي .. قلت خلاص

بكرة او بعده بالكثير بجي انا وخالتي وريم نسهر عندك وراح اعطيك قبلها خبر
اذا اخذت راي مهند وحسيتها رضت .. سميرة اعزها كثير وماقدر على زعلها ..
افطرنا مع بعض كلنا كان مهند اكثر شخص مهموم في الجلسة وكل شوي يقرب
مني يقول اكلي . وانا اسوي نفسي ماسمعتة ولا اقول بشويش : شوفني آكل ..
تكلمت خالتي قالت : مهند خذ لك يومين اجازة وروح انت وديمه للحرم خذوا لكم
عمرة ..

ارتبكت من خالتي اكيد ملاحظة علينا انا مو متفقين وتبغانا نروح للحرم نهدي
اوضاعنا .. ونريح انفسنا بالجو الروحاني وذكر الله وطاعته في الحرم ..
ابتسمت لها وطالعت بمهند وهو بدوره ناظرني حسيته تفاجأ اني ابتسم .. شفت
في عيونه لمعة غريبة من زماان عنها ,, آه يامهند انت السبب في الحالة اللي
دهورت حالنا .. قال : اذا تقدرين الحين يالله نمشي .

سبقتني ريم وقالت : لا حرام مهند ديمه لسه مواصلة مانامت من امس

طالعني قال : اجل نامي الحين والفجر نروح وانتي شبعانه نوم

قلت : خلها بكرة احسن نروح واحنا مرتاحين

حط يده على يدي قال : اوكي اتفقنا

عورني قلبي ياناس .. صحيح ان مهند قاهرني ويغلط في حقي بس لمن شفته
الحين وهو يدور على أي خيط يدلّه على طريقه جديدة يراضيني فيها حسيتني
اشفقت عليه وعرفت انه حريص على استمرار حياتنا مع بعض ومايبهيا تسوء
اكتر من كذا .. بس لو يعدل اسلوبه وتصرفاته ..!

قام عمي من عندنا عشان يروح للمسجد بعدين رجع قال : تذكرت صح ...! مهند
اجل العمرة كم يومين .. بكرة ابيك تروح لأبها ..!

طالع مهند بعمي قال : ليه ؟

: روح جيب رانيا بنت اخوك .

التفت انا لريم قلت : مين رانيا ؟

: رانيا بنت فواز اخوي .. عاد ما قدرت تقابلك لأن بيت امها بعيد مرة عن بيت عمتي سارة لمن رحتي لها ... حتى انا ما قدرت اشوفها . ولا قدرت تجي .. بس امي وابوي مروها قبل نرجع لجده ..

: اوووه صحيح قال لي ابوي الله يرحمه عنها . .. ماقد جبتوا لي سيرتها .. !
سمعت خالتي تتكلم ودموعها في عيونها : يابعد قلبي يارنو اكيد طفشانه متعودة علينا والله ما بغيت اتركها بس وش نسوي بالظروف

رجعت اسأل ريم : عند امها ؟

قالت : هي من صغرها عندنا بس جينا لجده وامها بغت تتجنن تقول مالبها تروح لجده بعيد عني .. عاد رانيا قالت بجلس عند امي فترة الدراسة واذا جات الاجازات اجي عندكم .

قلت : اها ... طيب الاجازة لسه مابدت ..

قالت : تقول عادي ماباقي الا كم يوم والبنات بيعطلون من بدري .. طالعت بمهند وكملت : وتقول ان زوج امها يطفشها ويسمعها كلام

قال مهند : ليه ما قتلوا لي من زمان عشان اجيبها

تكلمت خالتي اللي باين انها مرة متأثرة : تبي مدرستها تقول ما قدر افارق مدرساتي وزميلاتي ..

قلت انا : يا قلبي عليها ياليتكم تجيبونها هنا وبدال المدرسة الف مصيرها تتعود على المدرسة اللي هنا وتحبها ..

ردت ريم علي : صا دقه والله بس امي وابوي مايحبون يرفضون لها طلب ابدأ

: الله يخليهم لها ويستتر عليها

: آمين

قام مهند زعلان ومقهور انه بيروح لأبها خاصة بتوقيت زي هذا .. وأخذ شماغه قال لأبوه بتوضا والحقك ..

لحقته وهو عند الباب بعد ماتوضا وناديته بصوت واطي لأنني قررت اتغير واغير الحياة مع مهند .. خلاص آخر اسلوب راح اتخذه ويمكن هو الاسلوب الوحيد اللي يخلي مهند انسان مختلف ..

قلت له : مهند

ماطالعني وقال وهو يرجع كم ثوبه على يده : هلا .. تبغين شي ؟

تنهدت وانا اتمنى انه يكون رايق عشان ماتكدر ..واتراجع عن قراري اللي
اتخذته قبل شوي ..

قال وهو يحط شماغه على راسه بعد مالبس طاقيته : بسرعه تبغين شي ولا اروح
وشوي اجي نتفاهم على كيفك الصلاة راحت علي ..

: لا بس بقولك اني بروح للسوق انا وريم مع السواق .

: مالمقى يطلع السوق الا اليوم .. هذا وانتى تعباناه وماتقدرين تروحين للحرم
وتبين تنامين ..؟

: عاد ناقصني اغراض وبروح للمشغل وبما انك بتروح بكرة لابها بنروح لسميرة
لأني وعدتها ازورها قريب .

: طيب طيب بكيفك لو بتروحين للنجوم روعي الله معك ... كم تبين فلوس ..؟

: مالبغى شي معاي فلوس تكفيني ..

فتح محفظته ورمى علي الف ريال قال : هذا اللي في محفظتي واذا رجعت بسحب
لك الف ثانيه ..

: لا خلاص هذي تكفي

شكله عصب علي عشان قلت مالبغى فلوس منك ..راح للباب ومارد علي .. وانا
وانا بدوري شردت لايتكلم علي وطلعت فوق صليت العشا والتراويح وجيت ريم
قلت لها تروح معاي قالت : تكفين ديمه اكره السوق خاصة برمضان .

: ريم الله يخليك ماعندي غير الله ثم انتي قلت لاخوك انك بتروحين معاي

: خذي امي معاك

: بروح للمشغل وخالتي ماتحب تتأخر على عمي ومستحيه اسحبها معاي بالسوق
وأخرها .

: اذا فيها مشغل خلاص موافقه بس بشرط

: شو ..؟

رجعنا للبيت وانا احسني منهكه ومرة تعبانه استنيت مهند مارجع ونزلت عند خالتي سألتها فين راح قالت راح للمستشفى عنده حالة طارئة وهو اصلاً معصب وزعلان من مشوار ابها .. وقالت انه عصب لأنني تأخرت !..

تمددت عند خالتي بمجلس الحريم وانا مواصله عدت اربع وعشرين ساعة مانمت ..

: ديمه يمه روعي جناحكم نامي

: لا ياخالتي تبغين ولدك يموت ولا يموتني مو يكفي اني تأخرت برا .. خليني هنا متى ماجا اصحى ..

: يابنتي كملت يوميين مانمتي وبتنتظرينه ؟

: بنام هنا ساعة واذا جا تكفين خالتي لاتنسين صحيني .

: ابشري يابنتي

نمت بسرعه من كثرة التعب ماصحيت الا مهند على راسي يقول :قومي يالله ولا تعودتي على نومة الكنب

فتحت عيوني بصعوبة : هممم مهند متى جيت ؟

: لاوالله ؟.. اصلاً انتي تدرين اني رحت ؟ ولاتدرين عني ولا حاسة بشي ؟

قمت تعدلت وجلست وقعدت الف شعري وامسكه بالشباصة قلت له : الحين انت فيه معصب كذا ؟

: ماقلت لك ماتدرين عن ولا انتي حاسة بشي

: لاتكلمني بالاسلوب هذا لو سمحت مو راضي بالعيشه معاي فيه حلول تريحك واذا ماتعرفها قول لي وانا اعطيك ..

تنهد وقال : قومي قومي تسحري بس بلا دلع

قمت مارديت عليه ورحت عند خالتي لقيتها بالمطبخ قلت : صباح الخير ياخاله فيه ماصحيتيني لمن جا مهند مو موصيتك ؟

: هه تقربين .. تقربين بمشوارك للسوق ولا للمشغل وجلستك لآخر الليل وترجعين تحطين راسك وتنامين .

**: تدري ليه رحى للسوق ... روح اسأل ريم ليه رحى للسوق وايش اشتريت
عشانك .. والمشغل مو عاجبتك روحتي له ..؟؟ بعدين نومتي لأنى رجعت
وماحصلتك ونمت تحت عشان اصحى اول ماتجى ووصيت خالتي وأكدت عليها اذا
رجعت تصحيني حرام عليك يامهند فكر بعقلك ولا تنهز نفسك بنفسيك .**

... قالها من قلبه وبقوة ...

قمت وطلعت فوق وانا ابكي ومقهورة وقابلت خالتي

بعد ربع ساعه دق باب غرفتي وماردیت علیه سمعت صوته من وری الباب :
 دیمه قومی تسحري

: ما بغي اتسحر ولا ابغي اشوفك او حتى اسمعك .. مهند انت اقرفتني خلاص اتركني

: ديمه افتحى الباب لاكسره

١٠٠ : اکسره واکسر راسي ماعاد يهمني شي

سمعتَه باب الجناح انقفل ورحت جبت لي كم بيجامه وملابس داخلية عندي
بغرفتي قررت ما اعطيه أي فرصة يشوفني او حتى يكلمني .. وقفلت علي وقررت
انام وماني متسحرة خلاص عادي لو اموت ما يهمني مهند زودها وطفشني ..

دقت علی ریم قالت: دیمه قومی تسحری معانا امی تقول اذا ماكلت مراح تاكل

: ريم روعي الله يخليك ما بغى اكله احد وماني ماكله شي انا تعبانه وقرفانه من كل شي

: افتح لي الله يخليك

: ريم ما ابغى از علك خلىنى بحالى

خرجت ريم وانا بكيت بدال الدمع دم .. كانت هموم الدنيا على راسي .. مهند
متقلب كل يوم حال .. انا للحين زعلانه من حكاية الممرضة ..وهو مافكر

يراضيني .. والحين جاني يتكلم علي اذا يكرهني ليه مايخلني ارجع لجنتي في بيت خالي ويفكني من جحيمة

سمعت صوت خالتي عند الباب عاد خالتي ماقدر اطنشها فتحت لها الباب وانا ميتة بكا وعلى طول حضنتني بعد ماخرجت لها ماابغاها تشوف غرفتي وملابسي وبطانيتي وكتبي

قالت لي بحنان : لاتبكين ياديمه .. حتى هو ندمان وزعلان ويلوم نفسه

: خالتي ماقدر اتحملة خلاص طفح الكيل ولدك متهور ويبي الدنيا على كيفه .

: صدقيني ياديمه .. مهند ولدي واعرفه زين يمكن يكون متضايق من شي بس اللي انا واثقة منه انه يحبك يمكن انه مايحب يبين

: مابي حبه اذا مايبينه لي ويحترمني ياخالتي . مابيه . خلاص انا تعبانه والله تعبانه وصابرة وساكتة عشائك وعشان عمي وخالي .. بس ماعاد فيني .

: طيب الحين كلي لك شي عشائي لاتصومين على جوعك

: ماابغى شي وتكفين خالتي لاتجبريني اعرف نفسي لو اكلت غصب راح ارجعه

: لاحول ولاقوة الا بالله الله يهديك يامهند

حطيت يدي على راسي وجلست قلت : خلاص اتركيني الحين وروحي لعمي تلاقينه يستناك والفجر بيأذن ماتسحرتوا ..

: الحين بخليك بس بتجين على الفطور زين ..؟

: يصير خير

نمت بعد ماصليت وقرأت قرآن وانا منهكة وتعبانه وجيعانه وصحيت على اذان الظهر على طول قمت صليت وجيت باخذ لي شور اوف حصلت الغرفة متقفله .. شو فيه هذا مقفل الغرفة مو صاحي ..

خرجت من غرفتي عند ريم كانت نايمه صحيتها اسألها عن مهند : ريم قومي شوفي اخوك فين ؟

: يووه اليوم متخاصمين مسرع تتصالحون ..

: قومي من قال تصالحنا

: اجل اش تبغين فيه

هو فين تدريين ؟

11 : مادري بس سمعت ابوي يقول رحلتك الساعة

: يوووه قومي طيب اعطيني روب .. اخوك قفل الغرفة وراح .. ابغى اتحمم

فتحت عيونها بعد مارفعت اللحاف عن وجهها وقالت : من جد قفلها ؟

: ایوه بس لاتقولین لاحد حتی له هو

: طيب وسميرة وعزيمتها لنا

: بقول لها مهند ماضی خلیه یستاهل

: بتكلمه وبيقول لها خليها تروح

لا ... لاتدري اني موجايه لين تروحون لها

: يا حلو عيب سميرة مسوية العشا عشانك

: اوکی اکلما انا

دقيت على سميرة الي رحبت فيني وقالت انها تستانى الليلة

: سموورة بجد آسفه ماقدر اجيك اليوم

: ليه ان شاء الله

: ممممم بصراحه مهند قال لاتروحين لين ارجع

: عادي اكلمه

: ههههههههههههههههه لا الله يخليك اصلاً هو قال اذا قتلى لسميرة بتتصل فينى

دیری لها عذر

: بِسْمِ اللّٰهِ عَلَيْنَا اَشْفِيهِ مَهْد

: مmmmm خلاص بعدين انا اقوك ليه قال كذا .. بس الله يخليك لايدري انى

قلت لك انه هو اللي مارضى

دخلت الجناح حقي ورحت باخذ لي ملابس كلها بالغسيل ما حصلت الا شورت قصير وبدي قصير مبين بطني من تحت ما دري كيف جا مع البيجامات هنا شكلي من السرعة لقطته بالغلط بس يالله مهند مو هنا وانا محد يدخل عندي ..

الحين الساعة 1 وريم وخالتي راحوا معزومين عند ناس يعرفهم عمي بيتسحرون عندهم وانا مارضيت اروح تحجبت اني تعبانه ابغى انام والحقيقه كيف اروح بدون ملابس او حتى عباية ...

كنت مرة طفشانه .. التلفزيون مسلسلاته كثيرة وكلها مشاكل وانا مو ناقصه ... فكرت انزل للحديقه بس اخرج كذا وبلبسي هذا مرة صعب حتى روب ماعندي .. مافيه الا اني ارسم وأعبر عن طفشي وأكيد راح ارتاح اذا رسمت .

اخذت اللوحة حقتي ووقفت عند المغاسل حقت الحمام لأن المكان واسع وقريب من الحمام يتغسل كله اذا عدتمه بالألوان

قعدت ارسم عليها خططت الخطوط الأساسية رسمت خطوط عشوائية .. وقعدت ألونها احيانا اذا كنت محتارة ايش ارسم ماتجي في راسي الفكرة لحد ما ابدا تلوين بعدين ابدع في دمج الألوان وفكرة الرسمه وتطلع مبهرة

بعد مالونت البدايات جات في راسي فكرة صراع البر والبحر طبعاً تقدرين تتخيلون ألوان البحر وهدوءها وجمالها مع أمواجه الهائجه وقوة البحر وغدره .. وألوان البر وفتنتها سواء صحراء او اشجار .. البحر يعطي احساس بالقوة والجبروت والعمق والبر يعطي احساس بالاتساع والراحة النفسية .. فكرت ادخل عليها شكل مهند من بعيد كأنه وري ضباب .. بس تراجع ..

كنت مرة مندمجة بالرسم اتوقع لو ينفجر البيت ما انبعت له

التفت على الصوت كانت الأرض تلف فيني وانا اناظر في اللي قدامي فجعني متى دخل وكيف دخل ماسمعت الباب لمن انفتح .. ولا اوف من وقفته قدامي وهو يطالعني كذا ..

كان متكي على الكنبه وهو يبتسم لي ويناظر فيني من راسي لرجولي

لا ياربي .. تذكرت لبسي .. لفيت ابغى شي البسه .. ياربي والله رجولي احسها ترتعش بطيح خلاص .. الشورت مرة قصير .. والبدي قصير بطني باين شافني متخربطه وقرب مني بس كنت اسرع منه ودخلت الحمام

غسلت يديني عن الألوان وغسلت وجهي عن الصدمة ولو بيدي غسلت مشاعري وأفكاري من مهند .. وقفت شوي بعدين خرجت لازم اخرج بروح لغرفتي آخذ لي لبس غير هذا .

اول ماخرجت كان واقف يتأمل اللوحة بعدين التفت لي قال : ليه انتي هنا مارحتي مع اهلي ؟

: لوسمحت افتح لي الغرفة باخذ ملابسي

: أي غرفه ؟

: أي غرفه بعد غرفتك باخذ لي ملابس منها لأني لي اربعة ايام مقيده بكم لبس وماقدرت اخرج

ضرب على راسه بقوة ورمى نفسه على الكنب بعدين حط راسه بين يديه

رفع راسه قال : ليه ماكلمتيني ؟

: يعني بترجع لو اكلمك ؟

قام وهو يبتسم وقرب مني قال : ولا ماتبعين تكلميني ها ...؟

قربه يربكني وأنفاسه تحرقني وانا تخربطت كثير : ه ه ا ا ت المف المفت ا ا ا ا ح

: وتدخلين معاي ؟

: لا ا ا ا .. ومستحيييييل .. ولو سمحت هات المفتاح ابغى ابدل وأنزل اتسحر .

مسكني من عند اكتافي بقوة قرب فمه من اذني وقال بهدوء : حقي باخذه الليلة واذا تقدرين تسوين شي سويه .

: خلاص خذ اللي تبنيه بس راح تكلفك كثير خصوصاً انها بتكون آخر ليلة لي عندك .

: اوف تهددين ؟

: لا هذي آخر فرصة لك مني اذا ضيعتها فأنت الخسران ... وهالمره يامهند كلامي جد تفضل خذ اللي تبني بس صدقتي انها بتكون المرة الأولى والأخيرة ..!

لفني عليه وحط وجهه في وجهي قال : ديمه اش قاعده تقولين انتي

: اقول لك قرارى اذا اخذت شى غضب عني ماراح اجلس معاك ليلة وحده ولو
قلت لخالى عن ايامى معاك كسر يدى ولا ضربك لى فى فرنسا وانا عروس .. ولا
الكم كف اللى اكلتها منك بدون سبب .. ولا حركاتك مع ممرضاتك .. هذا غير
التجريح والتلطيش بالكلام .. صدقتى لايمكن يخلينى اعيش معاك يوم واحد وانت
تعرف خالى ناصر كويس وتعرف خالى ماجد وخالى سامى ...

: طيب واذا اعتذرت منك ؟

: ماابغى اسمع منك شى .. بتعتذر عشان مصلحتك مو عشانى .. انت واحد انانى
ماتفكر الا بنفسك وصورتنا قدام اهلك واهلى والناس ..

: طيب ديمه هدى نفسك وانا شاريك انتى لو تبين اصبر سنه صبرت بس اهم شى
لاتتهورين

: ممكن تفتح الغرفة لاني مقهورة منك لى اربعة ايام وانا مستحيه انزل للناس
بالبيجامات

راح وفتح الغرفة بعدين رجع لى قال : ديمه والله ماكنت اقصد

طنشته ودخلت الغرفة اخذت الروب حقى بعدين خرجت اتصلت على المطبخ قلت
للسغالة جهزي قهوة وشاهي حطيتها بالصالة مستر مهند يجي الحين

جا مهند قبل اروح لغرفتي ووقف قدامى شويه يتأملني وانا صادة عنه ومكشرة ..
ورافضه وقوفه قدامى .. بعدين وخر عن طريقى من دون مايتكلم ..!

اخذت شور ولبست جلابيه ناعمه لونها موف وماسكه على جسمى وفتحت شعري
اللى انسدل على ظهري بشكل روعه حطيت قلوب موف وتعطرت ونزلت تحت
لقيته جالس يدخن وشكله على قد مايخوف على قد مايكسر خاطر .. لقيت القهوة
بالجلسة الثانيه اللى دايمنا نجلس فيها اذا ماعندنا احد .. جبته عنده وصبيت له
قهوة قلت : تسحرت ولا لسه ؟

نفض السيجارة فى الطفاية قال : تسحرت بس روحى شوفى رانيا فوق بغرفة ريم

: نايمه ؟

: لا مااعتقد تقول بتتظر اهلى

طلعت فوق ودقيت باب غرفة ريم ..

لأن هذي وحده وقحه دايمًا تحاول تلفت نظري ماكنت ابيك تشوفينها عشان ماتقهرك وماكنت ابيها تاخذ فرصة تدخل معاي غرفة العمليات .. طردتها ببساطه ياديمه لأنني احتقرها ولمن اتصلت هي علي كنت منفعل منك ومن نومك بعيد عني وانا قد قلت لك الحقيني كنا بنبتدي حياة جديدة .. ياديمه انتي ماتدرين ان الشي الوحيد اللي منغص علي حياتنا هو انك بعيدة عني ،، انك ماوثقتي فيني .. الممرضة ارسلها الشيطان علي وانا بحالة سيئة منك قلت اجاريها اشوفها اش تبغى لكن والله والله والله في هالشهر الفضيل ياديمه ماكنت ناوي اخونك او حتى افكر مجرد تفكير .. ياديمه انتي مالكة عقلي وقلبي وتفكيري وانتي حياتي ومستقبلي وام عيالي اللي انا اخترتها بقناعه وحب واعجاب وكل شي ..

كان يتكلم وانا دموعي كانت تنزل .. مسك يدي وباسها .. ومسح دموعي قال : ديمه احبك بجنون والله اني مجنون فيك .. لازم تسامحيني غلطتي مجرد كلام : كنت بطلع بعدك على طول بس عمي ناداني واعطاني هدية بمناسبة خروجي من المستشفى .. وطلعت عندك حصلتك نايم .. استحييت اجي انام بجنبك مو متعوده .. سكت ابكي وهو ماسك يدي ويبوسها : خلاص ياعمري لاتبكين عشانني لاتبكين

: قهرتني يامهند خاصة آخر مرة

: آآآه قالها من قلبه ديمه احبك والله احبك المشكلة من كثر حبي لك اجي اعصب عليك ابغى لمن ادخل احضنك براحتي واعبر لك براحتي مو من يوم اخذتك وانا قدامي الف عقبة

: انت اللي حطيت العقبات يامهند ...!

: انتي بس اصبري علي وراح اسعدك وانسيك كل الأيام اللي مرينا فيها . اعطيني فرصة بس

: مهند انا ماعاد فيني اصبر لايجرك اني اسامحك على طول واحاول انسى ترى انت تهدمني من داخلي احاول اصير قوية واقول ان هذي مشاكل عادية بس انا انهدم من داخلي ... انا كمان يامهند ابغى اعيش معاك بحب ابغى احس بالأمان معاك .. لأنك .. لأنك .. لأنك قاعد تتسلل وتدخل حياتي غصب واخاف تسرق مشاعري مني مهند انا قدمت اختباراتي لأنني عايشة حالات متقلبة مو قادرة احدد مشاعري ولا اقدر اقرر مصيري معاك .. المشكله احس انك تربطني كثير .. يمكن تأقلمت عليك وتعودت .. ويمكن سكت مادري كيف اقول اخاف اندم لو اقله انه بدا يستولي على مشاعري واني بديت اتعلق فيه غصب

اكلت انا شوية وقمت بروح اصلي .. رن جوالي اللي كنت حاطته على مكتبة التلفزيون بالصالة .. كان رقم غريب طنشته ودق مرة ثانية قلت ارد اذا احد يزج بعطيه مهند ..

فتحت الخط وسكت

: الو .. ديوم

: اووو هلا حبيبي كان عناد اخوي

: هلا والله ديوم وينك ماتتصلين

: زعلانة منك لاتكلمني .. اجل شهرين ماتتصل علي .

: والله عمتي دايماً تقول انك تتصلين تدوريني وماكون بالبيت .. اعذريني ديمة انا من المدرسة للشركة ثم المصنع ثم ارجع للبيت اذاكر وانام

: حبيب قلبي اهم شي اذا انت بخير خلاص

: يعني سماح

: سماح ياروح ديمه .. اسمع حبيبي بروح اصلي وبرجع ادق عليك باخذ كل اخبارك اوكي . لأنني مشتاقة لك كثير .

: اوكي يالله استناك وترى هذا رقمي

بعد ماقلت من عناد لقيت فاطمة وراي وحاطة يدينها على خصرها وتبتسم ابتسامه غريبة كأنها مسوية شي وفرحانه فيه .. بس طنشتها ورحت من عندها بسرعه مالبغي احتك معاها وتصير مشكله اخاف بيدها موية نار ولا مشرط ولا شي تشوهني فيه .. وانا بصراحة صرت اخاف منها ..

شميت ريحة دخان عند باب قسم الحريم وتأكدت ان هذا مهند .. رحت اخذت كاس العصير ورحت عنده .. كان جالس على السيارة من قدام ويدخن وهو مرة مسرح اول ماشافني ابتسم لي ..

قلت وانا ابتسم : مهند هذا عصير سبيشل للناس السبيشل ,, احم احم ترى هذا تخصصي ..

: بزورك اليوم ولا بكرة

: انت هنا بجده

: ايوه جيت مع خالك ماجد افطرننا عند خالك ناصر وخرجنا خالك يبي له اغراض
وابوي عبدالوهاب موصينا بأشياء للمصنع بنحملها بدري ونرسلها عليه

: الله يوفقكم ياعمري .. اش رايك تمر علي الليلة

: والله مستحي من مهند واهله

: حبيبي والله عادي بعدين مهند يخرج احيانا لاصحابه انت تعال عندي وعادي
تدخل الجناح حقي .. ولا المجلس ..

ما كملت كلمتي الا فيه صراخ وراي ويدين قويه شالتني من الأرض .. اعرف
الصوت وصاحبه بس اشكالهم كانت غريبة .. كنت بين يدين مهند وعيونه حمرا
كأن فيها دم .. وهو يرتعش وجبينه كله عرق وشعره نازل على وجهه .. كان
يصارخ بكلام مافهمت منه الا هذا حبيب القلب .. هذا اللي مكاني وبتجيبينه لبيتي
ياديمه .. وقال كلام كثير مافهمت منه شي .. صفعني بكف وثاني وثالث فيه
وجه يناظرني وهو يضحك وراه وكأنها اخيراً حققت انتصار ونجحت بتفوق
..كانت فاطمه متكئة ببيدنها وضحكتها تبين انها هي اللي جابت مهند
.....ماكان فيه وقت اتكلم ولاكنت اقدر ارد كنت ابغى احد ينجدني يساعدي مهند
فاقد اعصابه ويضربني بقوة وقسوة مسك شعري بيده اليسار وقعد يضرب فيني
ورماني على الجدار وحسيت ان جبيني انفجر من قوة الضربه.. اخذ الجوال اللي
طاح من يدي و دق على آخر رقم قال : يابن الكلب كيف تتجراً ووووو
..... سكت مهند وجلست متهاوي على الأرض .. ها...؟ مين ...؟ عنااااا
..؟؟ آآآآآآه ... عناد .. عناد .. عنااااا .. هذا انت ..الله يلعن ابليس ..

شفته زي الحلم وهو يجلس على الأرض ويرمي الجوال من يده .. التفت لي وانا
احسني اتهاوى .. جرى بسرعه عندي وكأته يمثل مشهد تمثيلي مؤثر فيه دم
ودموووع وتهمة وبراعة .. اخذني بين يدينه وحطني على صدره .. وهو يلعن
ابليس وفاطمة وساعتها ...

سمعت صراخ قوي جاي من وري .. وانا في حضن مهند احس ان راسي بينفجر
.. ورائيا وري مهند تصرخ وتلعن وتسب وتتكلم على فاطمه ومهند .. بعدها
سمعت صوت فاطمة تصرخ مادري شو اللي صار بالضبط ..

كنت اسمع الأصوات وكأني في حلم .. عيوني تسكر غصب والصوت يختفي
ماعدت قدرة اسمع بس سمعت صوت من بعييد يصرخ ديمه ديمه ديمه ..

آخر لحظاتي قبل قبل ما اغيب عن الدنيا دعيت ربي اني الحق ابوي .. اشوف امي
واصير في الجنه مع جدتي عايشة ..

يارب مارجع هالمرة .. ياارب ابغى الحق اهلي .. يارب ما بغى اتعب خالي اكثر
من كذا ولا اواجه مهند مرة ثانية

صحيت وانا بالمستشفى وكان عناد عندي وخالي ماجد اللي كان متلثم بشماغه
ومايتكلم .. اول ماشافني صحيت جا بسرعه عندي وفك شماغه قال : الحمد لله
على سلامتك .. كيفك الحين ؟ تحسين بشي ..؟

انا وين .. اش جابني لهننا ..؟ برضو مستشفى ..؟ تذكرت مهند ،، هيجانه ..
صراخه .. فجعني وضربني وانقطع الحبل اللي وثقناه امس خلاااص

ياربي ليه انا موجودة بالدنيا للحين .. ليه ماني عند ابوي وامي وجدتي .. ليه
رجعت لمهند من جديد وانا حسبتني ودعته للأبد لمن كنت في حضنه .

طالعت بخالي بس ماتكلمت .. ما عندي شي اقله له ..

قال خالي ماجد: ديمه عناد قال لي على كل شي ويوم دقيت على مهند قال لي انك
هنا وجيت وقلت له لاشوفه هنا .. بغيت اتهاوش انا وياه بس مسكت اعصابي في
آخر لحظة لأن حاله مايسر . . .

طالعه وعيوني كلها دموع قلت : خالي ناصر لا يدري عن شي الله يخليك

تكلم عناد : الا بيدري وحقك ما يضيع وراسي يشم الهوا

: اتركوني لوحدي

: ديمه ماراح نتركك واللي تبينه يصير ما عليك من عناااد ..

سمعنا صوت عند الباب كان مهند وامه وسميرة وريم اللي منهارة واسمع صوتها
تبكي تقول بشوفها والله لادخل محد همني .. ورانيا اللي تبكي زي ريم وأكثر .

تكلم خالي ماجد وهو جالس قريب مني : تقدرين تشوفينهم

: ما بغى اشوفه ..!

: ابشري ديوم بس هدي نفسك ولاتنفعلين

خرج خالي ماجد بعدين دخلت علي خالتي هي تبكي وسميرة نفس حالتها بس ريم
كانت منهارة .. ورانيا ماقدرت تدخل عندي ..

تكلمت خالتي : سلامات يمه حسبي الله ونعم الوكيل

التفت على الجبهة الثانية قلت : الله يسلمك

كنت اصد عنهم خلاص ماابغى شي يذكرني باللي صار ولا بمهند

سميرة جات عند راسي قالت : ديمه صدقيني اللي صار قهرنا كلنا وفاطمة هي
السبب قالت لمهند كلام وسحبته بيده تقول اسمعها

كانت دموعي تنزل وانا مااتكلم ولا اناظر فيهم تكلمت خالتي : مهند طرد عمته
وبنتها وحلف ان شافهم في البيت ليذبحهم

قالت ريم وهي تبكي : ديمه تكفين سامحي مهند .. مهند بيموت من القهر لأنه
ظلمك ..

ماابغى سيرته ياربي خلاص ..

: ممكن تتركوني لوحدي

قامت خالتي وسلمت على راسي قالت : ارتاحي يمه جيت بس ابي اتظمن عليك
من البارحة محد نام فينا وعمك كان بيجي بس قال بروح لها لوحدي

راحوا من عندي وانا تركت العنان لهمي ودموعي وقهري ..رجع عندي خالي
ماجد وعناد

خالي كان ماسك عناد بيده ويتكلم معاه بجديه وكأنه معصب

عناد : كان خليتني اذبحه هذي ديمه فاهمين وش معنى ديمه

خالي : كلنا منقهرين وكلنا زعلانين منه بس هو معذور .. يا عناد الرجال اذا حس
انه زوجته تخونه شي مو سهل زين انه مااذبحها

: بس يعرف اخلاق ديمه ليه يسمح لنفسه انه يشك فيها

: كلنا ندري ان مهند يحب ديمه ويغار عليها بس ماقدر يتروى ويضبط اعصابه
لين يتأكد بعدين ديمه الله يهديها ماجابت اسمك وكله حبيبي وعمري هذا اللي
جننه

: اسكت بالله يا ابو ريان اللي قاهرني اني انا السبب .. واني خذلت ابوي الله
يرحمه كان يوصيني على ديمه اكثر من عادل وسديم

: اول شي مو انت السبب ثانياً انت رجال وابوك لوشافك بهالنخوة والشهامة كان
فرح وافتخريك ثالث شي تعال نشوف ديمه واترك عنك الكلام الفاضي

كنت اسمع كل كلامهم وجا خالي عند راسي قال : ناصر ازعجني يقول تعال افطر

: شو تفطر احنا الساعة كم الحين

: احنا الساعة خمسہ العصر

: طيب انا بأي مستشفى

: مستشفى فقيه

: الحمد لله

: ماعليك اذا ماتبين شوفه ماراح يجي ولا راح تشوفينه

: خالي اطلب منك طلب

: تامرين موتطلبين

: تسلم ياخالي .. بطلع من المستشفى على سوريا تكفى خالي طلبتك .. !وانهرت
ابكي احسني ابغى اهرب لأبعد مكان لأن مهند خلاص بشطبه من حياتي وذكرياتي

: ابشري بس خليني ادور لك حجز قريب

: خالي نناصر

: ماعليك لاتشيلين همه ولايدري الا اذا وصلتني عند جدتك

: بيزعل

: لا لا بقول انك خايفه تزعليه وانك ماتبينه يفرض عليك شي او يطلب منك شي
يخص مهند وانت ماتبين ترفضين له طلب وتزعليه ..!

: متى بطلع من المستشفى ..؟

مسح على راسي قال : ديمه انتي عندك انهيار عصبي ولازم تجلسين ثلاثه ايام على الأقل .

: مافيني شي الحين .. تكفى خالي اليوم ولا بكرة احجز لي مالبغى اجلس هنا كثير ... انا تعبانه ومحتاجه ارتاح ..

:الحين ادق على فيصل اخليه يدور لك على حجز بأقرب وقت

اتصل خالي على فيصل زوج لمى هو اللي غالباً يدبر لنا رحلات بسرعه ويوفر لنا مقاعد .

طالعت في عناد اللي كان ساكت ومتترفز قلت : عناد .

: هلا ديمه

ابتسمت له قلت : لاتزعل انت مالك دخل باللي صار لاتلوم نفسك .. ومهند دخل بيني وبينه الشيطان خلاص .. لاتتدخل ياعمري ولا تكلمه بالموضوع ولا تفكر تناقشه لأنني مخليتك لأمر اكبر من التفاهات هذي .. انت اخوي وسندي وعزي وريحة ابوي وأقرب الناس لي والحين انت رجال وقد الصعاب ...

سكتت شوي بعدين كملت ... صدقتي ياعناد اذا احتجت احد انت اول واحد راح اكلمه وبعد كلامك قبل شوي وعد مني اي شي يصير لي بقولك عليه اول بأول حتى لو ماقلت لأخوالي ... تدري ليه ياعناد ..؟

: ليه

: لأنني كأني اكلم ابوي وانا اكلمك .. لأنك اخوي والأخو ماينتعوض ومصيري اذا صار لي شي بلجأ لك انت اول الناس .

فز عناد وسلم على راسي قال: ديمه انا احاول اصير رجال واضغط على نفسي واترك كل الأشياء اللي احبها اذا بتنقص من رجولتي كله عشان اثبت لك انتي اول شي اني رجال

: ياعمر اخته وربني اني افتخر فيك واشوفك رجال ونعم فيك ..ضحكت ابغى اغير الجو لأنه طفشان ومعصب كتييير وقلت : ترى سديم وعادل يحتاجونك كمان مو بس انا .

: روعي جهزي جميع اغراضي حطيمهم بشنطتين

: ديمه

: ريم اذا مراح تجهزينها لي بقول لهدى تجي وانتي مايرضيك هدى تصوير
بموقف زي هذا

: اوكي حاضر ولا يهمك بس اقول لمهند ..

: لا الله يخليك ريم يمكن هذي آخر خدمة اطلبها منك لاترديني

: ابشري ديوم ولا يهمك

: ابيها بعد ساعه او ساعتين بالكثير اوكي

: بتطلعين من المستشفى

: اول ماتجيبين اغراضي راح اخرج على طول تراني استناك .

: اوكي الحين اقوم احضرها

: سامحيني ريم تعبتك معاي بس ماعندي غيرك

: لا لاتقولين كذا احنا مهما كان اخوات .. وانتي مغلوطة عليك .. وو

قاطعتها مابي أي كلام في الموضوع هذا : تسلمين ريوم

: الله يسلمك

قفلت منها وقمت باخذ لي شور واغير جو ..اشوا اني هالمره كاصار فيني
كسووور .. دخلت الحمام وعناد وخالي راحوا يجيبون لي فطور وقالوا انهم
بيجون يفطرون عندي واعتذروا من خالي ناصر وتحججوا انهم بعيد يجيبون
بضاعة عبدالوهاب ..

شفت وجهي بالمرايه كان الوان وكدمات حتى جبيني فيه جرح وخياطة ..

ياربي كيف ارواح لجدتي وشكلي كذا .. اول مرة تشوفني من بعد زواجي ويكون
هذا شكلي ..!

ياربي تعينني وتساعدني

استحميت ولبست الجلابيه اللي جيت فيها للمستشفى

جا عندي عناد بالفطور ورجع قال بنجيك بعد ساعه نوديك للمطار قلت اوكي
افطرت ودخلت علي الممرضة قلت لها اني راح اخرج وجلست تخاصم تقول اني
تعبانه وعندي انهيار عصبي مش اي كلام ..

قلت لها اني بخرج على مسئوليتي لأنني مسافره بعد ساعه بعدها جا عندي
الدكتور قال : خلاص تخرجين بس توقعين ويكون على مسئوليتك .. وانا راح
اتصل على زوجك يجي ياخذك

: لا لا يادكتور لا تتصل على زوجي .. خالي يجي الحين ويخرجني من هنا
: اوكي اذا جا خليه يجي يوقع .

: اوكي .

خرج من عندي الدكتور ودخلت علي ريم وعمي وراها ومعاهم رانيا اللي ماشفتها
هناك اليوم ما قدرت تدخل وتشوفني ..

سلمت على عمي وريم ورانيا حضنتني كثير وهي تبكي .. قالت : والله ما عاج
تدخل بيتنا خلاص ياديمه .. انا طردتها وضربتها على راسها وخلاص ابوي بدر
وعندي ماتدخل البيت .. مسحت دموعها قالت : صح يبه .. قول لديمه ان فاطمه
ماراح تقرب منهم خلاص

هز راسه عني وقال : ابشري باللي تبينه انتي وديمه ما عندنا اعلی منكم

شفت عمي مقهور وباين عليه انه متضايق من شكلي .. قرب مني وسلم على
راسي قال : امسحها بوجهي يابنتي .. مهند مجنون والخيلة قالت له كلام ما ينقال
وانتي تعرفين من زمان وهي وامها ناويات يفرقن بينكم .. والله يابنتي ما قد شفت
مهند عصبي من يوم عرفته الا الايام هذي .. الظاهر ان عنده مشاكل في دوامه
وهو ما يتحمل عليك وو.. سكت عمي شوي بعدين قال : لوتشوفين حاله الحين
مايسر لا عدو ولا صديق ..

قلت بوجع وقهر : عمي جيتك على عيني وراسي بس انا ما اقدر اشوف مهند ولا
اكلمه ولا حتى اسمع سيرته .. صدقتي ياعمي انا ومهند مانصلح نعيش مع بعض
.. لا انا اقدر اتحمل اسلوبه وتعامله ولا هو يقدر يرتاح وهو بدا يشك فيني

قاطعني عمي

: يابنتي مهند ماشك فيك بس الشيطان وفاطمه هم اللي وزوه عليك .

: اذا صدق فيني احد ماعاد للثقة مكان ياعمي بحياتنا خلني ابعد عنه فترة لين
اوصل لقرار بقناعه ..

نزل راسه وقال : تراه اليوم بغى يدخل عندك بس ماجد رده وستر الله
لايتهاوشون .

تكلمت ريم : خلاص ديمه انتي اجلسي عند اهلك فترة لين تهدين صدقيني مهند
يحبك ولو مايحبك ماغار بهذا الشكل

: ريم الله يخليك خلاص اذا تعزوني لاتفتحون سيرة مهند عندي

رانيا هي اللي ماقدرت تتكلم ولمن قلت لاتفتحون سيرته انهارت من البكا قالت :
حرام عمي مهند يموت فيك سامحيه .. لاتخلين فاطمه تحقق امنيتها وتفرق
بينكم .

مادري ليه كلمة رانيا هزتني بقوووة .. بس هربت منها بعييد وماحاولت اوقف
عندها عشان مااضعف ..

وقف عمي وسلم علي قال : المعذرة ياديمه مارضيت اللي صار والله ويشهد الله
اني مستحي منك ومن اهلك .. وعلى كثر زعلي على اللي صار لك الا ان حال
ولدي كاسر قلبي .. بس سامحينا يابنتي مارضيناه ولا بغيناه اللي سواه مهند .

قاطعته لأنني شففته منكسر قدامي ومنحرج قلت : عمي انت بمكانة ابوي ومهما
صار بتظل مكانتك محفوظة واذا فيه لوم وعتاب مابيلحقك منها شي

: الله يوفقك يابنتي ويستر عليك

: تسلم ياعمي ومشكور على الزيارة

: حق وواجب يابنتي

قامت ريم قالت : فين نخط اغراضك ياديمه

سمعنا صوت خالي ماجد برا : وطلع له عمي سلم عليه سمعت خالي يرحب بعمي
اشوا مايبين انه زعلان منه وسمعته يقول خلنا ننزل اغراض ديمه بسيارتي
وراحوا مع بعض

طالعتني رانيا قالت : لاتخسرين مهند محد يحبك قده وغطت وجهها وطلعت من
دون ماررد عليها .. لحقتها ريم بعد ماسلمت علي .. ودخل عندي عناد

قال : ديمه يالله امشي بنوديك المطار

: عناد لا يكون كلمتوا خالي ناصر

جانا صوت خالي ماجد : افا ياديوم ماتثقين بكلامي

: والله اثق فيك بس خايفه خالي ناصر يدري ويردني

: يالله قومي البسي بنلحق نوصلك ونكمل اشغالنا

: يالله انا جاهزة ..

قمت ولبست عبايتي وخالي راح يوقع على خروجي وطلعت معاهم

كأني لمحت سيارة مهند واحنا خارجين بس ماتكلمت ولا احد قال لي شي .. واذا فعلاً هو مهند فمتأكده انه ماانتبه لنا .

الساعه اربع الفجر كنت في بيت جدتي .. طبعاً اول ماشافنتني سألتني عن اللي صار لي قلت اني طحت مع الدرج بس ماصدقتني لأنني جيتهم بظروف غريبة في رمضان لأول مرة وبدون ماقولهم وشكلي كذا ..

بكت جدتي عندي وكانت بتدعي على مهند لأنها شاكة انه هو اللي ضربني بس انا سكتها لأنني بصراحة مااحب ان احد يدعي على احد ولا احب السب والشتم .. وبعدين خلاص شي صار بيني وبين مهند مابغي احد يتدخل فيه حتى لو كانت جدتي اميرة اللي هي ام امي ..

عدت ثلثه ايام كأن نفسي ارتاحت والندبات اللي بوجهي صارت اخف بكثير الوحيد اللي يتصل علي كان خالي ماجد وانا دقيت على عناد مرتين ووصيته محد يدري اني بسوريا ووعدني مايقول لاحد ..

جالسه على التلفزيون داخل البيت لأن الجو برد وماقدر اخرج للحديقه او حتى للبرحة ... دق التلفون وردت الشغاله ام خليل وردت سمعتها تقول : اي هون .. سواني ..

جابت لي التلفون قالت : السيد ناصر بدواياك عالتلفون

اخذت السماعه وانا مرتبكه اكيد عرف اني هنا : هلا خالي

: هلا والله بديمه

: خالي لاتزعل

: ليه ياديمه ..؟ هذا آخر شي توقعته

: خالي الله يخليك

قاطعني قال : ليه انا آخر من يدري

بكيت من صوت خالي وعتابه وخوفه علي

عرفت ان قصده عشان ماقلت له قلت : خالي والله مابغي ازعجك واخليك تزعل
من مهند وخفت تقول لاتروحين عند جدتك وانك تحاول ترجعني لمهند او تصالح
بيننا

: مهند حسابه معاي اوريه انا

: خالي اتركه بحاله الله يخليك اللي فيه يكفيه ..

: ديمه انا ادري ان حياتك معاه من البداية ماهي مزبوطه وانك تمثلين انك
مبسوطه معاه .. لاتحسبيني اهل ولاني داري عنك وعن حياتك .

ومع كذا خلتيك على راحتك وجاريتك وحسستك اني مصدق تمثيلك علي بس الى
هنا وخلص اما ان مهند يصير رجال ويقدر ديمه ولا الله معه

: خالي لاتعصب ولاتنفعل انت من قال لك ؟

: هو اتصل علي يقول انا جاي بشوف ديمه .. قلت له ديمه ايش ومن قالك انها
عندنا قال ان ماجد اخذها من المستشفى ويوم شافني اسأل عنك واقول اش فيها
عرف اني مادري عن شي قال اسأل ماجد هي عنده بالطايف ولا وين وداها ؟
دقيت على ماجد قال لي السالفه وقال انك ماتبيني ادري عشان ماتزعليني ... افا
ياديمه انا تخليني آخر الناس وتبدين عناد وماجد علي ..

: خالي والله ماقلت لخالي ماجد صحيت وانا في المستشفى لقيته عندي هو وعناده

اتذكر ان مهند اتصل على طول برقم عناد وشكلهم عرفوا منه ..

: حسبني الله ونعم الوكيل .. انا اللي اللوم كله علي ولا ماكان اخليك مع واحد زي
هذا

: لا ياخالي لاتلوم نفسك بعدين مهند كويس بس مشكلته يحبني كثير ويغار علي
بجنون .. خالي اعرفك ماتتهور وتقيس الأمور بثبات دائماً تكفى خالي لاتكلم مهند
ولاتقول له شي المشكله الحين بيني وبينه .. انا جيت هنا عشان ارتاح وأقرر
حياتي بدون ضغوط من احد .

: هذا خبري فيك عاقلة وفاهمه وصدقيني ياديمه ان مهند رجال واقدره بس اذا
وصلت انه يمد يده عليك قلعتة وقلعة الساعة اللي عرفته فيها

: لاياخالي الله يخليك مو انت اللي تقول هالكلام مهند صاحبك وراح يصير
صاحبك واذا قابلته لاتحطني بينكم طلبتك ياخالي الله يخليك .

: خلاص يصير خير

: لا اول شي توعدني انك اذا شفت مهند تحترمه هذا للحين زوجي مهما كان

: انتي زعلانه منه ؟

: زعلانه .

: اللي يشوفك تدافعين عنه يقول مافي خاطرها شي عليه

: اللي بخاطري ربي يدري فيه بس اهم شي ياخالي لاكون سبب اي مشكله بينك
وبين صاحبك

: طيب ديوم انا بجيك بأقرب وقت

: بس ماتقول ترجعين معاي

: لا على كيفك بس ابي افهم كل شي منك اقل شي اصير بالصورة

: صدقتي ياخالي مو لازم انا هنا جاية ارتاح مو لازم تجي تفتح جروح ابغى
اقفلها وانساها

: اوكي بينا اتصال اجل

: اوكي يالغالي

: يالله اهتمي بنفسك وصحتك واكلي زين ارجعي ديمه الأولانية لاتخلين شي يآثر
على صحتك

: ابشر ولايهكم

: يالله مع السلامه وسلمي لي على جدتك .

: يوصل .. الله معاك

شفت جدتي تصلي التراويح وانا طفشانه .. قمت واتصلت على خالتي سمر جات وسهرنا مع بعض وقالت ان خالي ايمن بيحي بعد يومين يعيد هنا.. طبعاً خالتي سمر هي المتنفس لي في اغلب المشاكل اللي تواجهني ..! زمان ..

حكيت لها اللي صار وهي بطبعها تهون الأمور وتسهلها خرجتني خالتي من حالتي وهمومي خلال اسبوع ..

مر الشهر الكريم عليّ وانا في دوامه مو قادرة انسى ولا اتعايش مع وضعي واني انا ومهند بنفترق قريب

ارسلت لي رانيا من جوالها رساله تقول فيها : (اذا صار لعمي مهند شي مراح اسامحك .. لأنه يموت بالبطيء قدام عيوننا .. اذا ماتحبينه اشفقي عليه وخلي في قلبك رحمه وكلميه .. بس اذا تحبينه تنازلي وسامحيه لأنه ندمان وكاره نفسه والدنيا كلها .. ديمه تكفين ارحميه وارحمينا) .

تذكرت كلامها لي في المستشفى .. معقولة بنت صغيرة واصغر مني بكم سنه تعلق كلامها بذهني للحين وانا الكبيرة الفاهمه احاول اهرب منه لأنه هو الصح وهو الحقيقه .. والحين تطلبني اسوي الصح .. انا احب مهند ليه مااتنازل ..

انا احب مهند وادري انه يحبني ليه اخلي فاطمة تقضي علينا .. ليه مااعطيه بدل الفرصة عشر المهم نرجع لبعض واعيش لو كم لحظة في حضنه ..

الليلة العيد ..

وهذا اول عيد لي وانا زوجة لمهند .. وأول عيد لي اعيشه برا مو عند خالي ناصر واهلي .. وأول عيد اكون فيه مشتته بالشكل هذا . وأول عيد تكون مشاعري مو ملكي ..

لو كنت الليلة عند مهند .. ياترى كيف بيكون العيد معاه .. هل راح اكون زعلانه منه زي اغلب ايامنا مع بعض .. ولا بصير مبسوطه واعيش كل الطقوس والفصول لمن يضحك او يكون مبسوط او يقول احبك او يحضني ويضمني ..

متمدده على الكنبه في الصالة اللي تحت فيني حزن قد الدنيا كلها .. مو قادرة
اخرج من اطاره .. احاول اكبت وأبين اني مبسوطه في بيت جدتي بس مهند مو
مهنيني .. اخذت الخداية وحطيتها على عيوني وانا شارد من الدنيا كلها
ومنحصرة بتفكيري وأفكاري وذكرياتي بعالم مهند ... صورته مو راضيه تفارقتي
.. انتبهت على نعمة جوالي تدل ان وصلني مسج ..

مديت يدي على جوالي وفتحت المسج قلت يمكن احد يهنيني بالعيد من صاحباتي
ولا اخوالي .. بس لمن شفت الرقم فزيت وجلست قرئت الرسالة ودموعي تنزل
غصب .. مو تهنة هذي ..! لا هذي رسالة عذاب .. رساله مأساوية على الرغم
ان أي احد يقرأها بيقول رومنسيه ورسالة حب وعشق .. بكيت من اعماقي ..
على حالي وعلى حال مهند .. ليه يصير لنا كذا .. ليه انا والقدر مختلفين .. كل
ماحاولت اصير مبسوطه ينغص علي .. ليه حظي في الحياة كذا ولا يبخل علي
بالسعادة .. ليه كل اللي حولي يحققون السعادة بأسهل شي وانا انحرم منها بأبسط
شي وأسهل شي .. استغفر الله العظيم بس والحمد لله على فضله وعطاءه
وقسمته لي ... راضيه بقسمتك ياربي بس وش اسوي بنفسي الضعيفه اللي
تأمرني بالسوء والاعتراض على قدرك ونصيبك لي ...

ضميت الجوال على صدري ياربي احبه مو بيدي .. ياربي مشتاقة له .. ياربي
ابغى ارجع له ويرجع لي بس صعب وماقدر ..
خلاص ماعاد فيني اكبت اكثر من كذا ولا اسكت .

على نار الصبر قلبي يذوب لشوفة عيونك..
يعذبني الصبر لكن أمني عيوني بالشوفه ...
كثير قلوب عشاقه .. ولكن قلبي مجنونك
يصيح وتحضنه روي تقول القاسيه ظروفه
تعبني الزمن والله سقاني المر من دونك
تخيل وش بقى فيني وانا اللي حيل مفتونك
وربي لاسمعت(أسمك) تطير الروح ملهوفه..

عسى واحد يجيب اسمك عساهم لا مايطرونه.

إلا وهلة الدمعه وقلبي تصفق كفوفه.

وجفني للوله صفحه واسمك دمعي حروفه

تمنيك تجي وتشوف عيون مايشوفونك

مشتااق لك ياديمه . .

.. ..

يمكن تشوفون الكلمات عادية وماتأثر لدرجة اني انهار وأبكي وأحس في كل حرف فيها .. قريتها مرة ثانيه .. انا اصلاً تعبانه من قبل ويمكن شفت الرسالة وجات على الجرح وبوقتها وكانت سبب اني اسحب اول دمعه من دمووع كثير مخزنتها من زمان .. وكأني انتظر شي ينزلها عشان ارتاح من الهم اللي شايسته على قلبي .

قمت بروح لغرفتي فوق .. وانا طالعه مع الدرج قابلت جدتي .. اول ماشفتها رميت نفسي في حضنها وبكيت اكثر وأكثر .. محتاجه حضن غير حضن مهند لازم انساه حتى لو كنت احبه واشتاق له اكثر وأحس فيه وأحن عليه ..

حاولت جدتي تهديني قالت : اتصلي عليه يابنتي وحاكيه .. هيك مايبصير .

هزيت راسي يعني لا وماحببتها تتكلم اكثر مافيني اعيش بواقع مهند .. ابغى انساه يا عالم .. كيف اقدر امسحه من ذاكرتي .. كيف اطمسه من عالمي ومن واقعي ومن حياتي .. ياربي لو بيدي كان شلته من ذاكرتي ومن قلبي .. آآآآآه ياقلبي ..

ياليتك ماعرفته .. ولا ضعفت له .. ياليتني للحين اكرهه . . وياليتني ماجبت ريم معاي هذيك الليلة لغرفتي وسمعت كلام مهند من تلفونها . .

فكيت نفسي من جدتي اللي تأثرت كثير وقعدت تبكي معاي .. وطلعت بسرعه لغرفتي اكمل مناحتي وأحاول اطلع اكبر قدر ممكن من الدموع المكبوتة من يوم جيت لليوم ..

نمت الساعه اربعه الفجر .. الساعه عشرة صحيت على الربكه في البيت والأصوات .. شفت ام خليل عندي في الغرفه وتناديني قلت لها : كم الساعه

: هلا الساعه عشرة وبعدك نايمه واليوم عيد ياديومه .. يالله حبيبتي اصحي كل عام وانتي بخير ..

: وانتي بخير يام خليل الحين اصحي وراح انزل تحت بس روحي واقفلي وراك الباب .

لبست بنطلون شموا لونه بيج طويل وواسع شويه .. ولبست بدي بني وجاكت بيج وفيه دوائر متداخله لونها بني وهو طويل الين نص الفخذ وثقيل شويه عشان البرد .. . ماحطيت مكياج ولا تكحلت لأن عدنان زوج خالتي سمر بيجي وبخرج بعد شوي انا وخالتي وجدتي نتغدى برا ونشوف الاحتفالات حقهم ..

طبعاً ماقدر اوصف لكم العيد بسوريا الشي الوحيد اللي قيدني بحفلاتهم هو الاختلاط بس تأقلمت بحجابي وعدم احتكاكي المباشر بالرجال .. اليوم الثاني رحت سريان مع جدتي وجاراتها وأهل سهى زوجة خالي ايمن .. بصراحة اجواء خيالية حتى البرد عندهم لهم طعم! حاولت قدر الإمكان اتناسى همي وأعيش وقتي واكون مبسوطه ..

رجعت آخر الليل للبيت ونمت على طول .. حاولت اطرده مهند من راسي اذا تذكرته .. حتى ام خليل وصيتها ان اي احد يتصل فيني تقول له اني مو هنا حتى لو كنت هنا ولا تقول نايمه ..!

صرت اتهرب من اي شيء يذكرني بمهند .. حتى اليوم الأول لمن اتصلت على خالتي ام مهند وعمي عيدات عليهم بسرعه وعرفوا اني اتهرب من اي سؤال يسألوني اياه سواءً ويني ؟ ولا ليه رحت ؟ ولا متى برجع ؟ اعتذرت بالمكالمة انها دولية واني اتصل من بيت جدتي وقفلت بسرعه ...

اخوالي ولمى اتصل عليهم من تلفون جدتي وخالتي فادية اتصلت فيها مرة وحدة لمن عيدات عليها وكانت مرة زعلانة مني تقول ليه ماتردين على اتصالاتي ولا تكلميني ولية تروحين وتتركين زوجك واعتذرت ان جدتي مشتاقة لي واني محتاجه اغير جو بعد الاختبارات والضغط النفسي بالرسالة ...محد قال لها على اللي صار اشوا ولا كان سوت مشاكل وقومت اخوالي ياخذون حقي من مهند .. خالتي فادية بالرغم انها طيبة الا انها متهورة ودايماً تندم على تسرعها وتقرر ماتتهور بس مافيه فايده خالتي مراح تتغير ابداً ...عشان كذا ماحب اقول لها على مشاكلني بالرغم اني واثقة انها تحبني وماترضى احد يدوس لي على طرف ... بس افكارها وقراراتها ماتقتعني .



قفلت السماعه لأنني خفت انه يأتري علي .. وما أبغى اسمعه او ارجع له من باب
العاطفة ..

زعلانه منه ..؟

ايوه زعلانه .. ليه مهند خلا فاطمة تنتقم مني بيده هو .. مهند اللي كل ماصار
بيني وبينه خطوه بعدها الف خطوة .. وأخيراً بعد ماتلاشت كل المسافات وجيته
انا بقلبي وعقلي ومشاعري يسمح لفاطمة تبعدني عنه اميال

ارجع له ..؟

ماراح ارجع لك يامهند النصيب مايبغانا لبعض .. مورااضي نقرب من بعض ..
ورافض نكمل .. صح ان مهند حاول يتحداه بإجباري على الزواج منه مو برضاي
.. وصح انه قدر يتمكن مني غصباً عني مو بكيفي .. وصح اني صرت احتاجه
وان فراقه صعب بس القدر والنصيب اقوى مني ومنه ومن تخطيطه وأفكاره ..!
ومن مشاعري واحتياجي له .

دق مرة ثانيه وثالثة وعاشرة انا هربت من البيت كله وطلعت للحديقة لايمكن
اسمح له يعتذر ومستحيل اعطيه فرصة يتمكن مني اكثر ..
انا اضيع بحبه وهو يلاحقني مافيه حل الا اني اهرب منه عشان اقدر اتخلص منه

..

قعدت ارسم بألوان باردة وباهته وقاتمته في نفس الوقت سبحان الله اكثر شي
يعبر عن حالتي النفسيه هو الرسم والألوان

حياتي هنا فيها برود وملل وكآبة .. بالرغم من الأجواء الحلوة البرد والمطر ..
الشتاء حلو رغم انه مؤلم .. البرودة مقيده ، واللبس الثقيل يطفش ، ، والمطر مع
البرد حلو بس مانقدر نخرج فيه ..

اجمل شي في الشتاء هو الدفا اذا كان الجو برى بارد ودخلنا داخل البيت وشغلنا
المدفئة .. احلى شعور انك تحس بالدفع وحوالك جليد .

يذكرني بمهند ... رغم قسوته وكلامه الجارح الا انه اذا اعتذر مني نساني كل
الزعل .. وغالباً كانت حياتنا فيها برود وجفاء الا ان فيه لحظات اعتبرها عن كل

ايامنا .. لحظات قضيتها بحضنه لايمكن انساها كانت عن عشرة عمر،، كانت كأنها سنين اخترقني فيها مهند للعظم ،، قدر يوصل لمشاعري غصباً عني ، ادري انه لمن انفل وضربني لأنه يغار ويغار لأنه يحبني .. ويحبني لأنه مجنووون فيني ،، من داخلي اعذره واحب غيرته بس لايمكن اتمادى في سماح مهند كل ماغلط عليّ . بس لو تونى وسألني من يكلمني .. بس لو استنى دقيقه وحده .. !
آه بس من لو .. صدق انها ماتحل ولا تربط ولا تفيد الآن ..

طلعت لغرفتي بعد مادخلت لوحتي داخل البيت مااعجبتي ولااخذتها معاي لغرفتي ،، خليتها بمدخل البيت تحت ..!

ورحت البس ورحت لبيت عم ابو سليم اخذت آلاء ووديتها السوق اشترت لها ألعاب وملابس كثيرة .. وأي شي تقول ابغاه اشتريه لها .. الحمد لله ربي معطيني خير وهي بنت يتيمه وفقيرة .. عشان كذا شكرت ربي وانا ارسم البسمه على وجهها الطفولي وادخل الفرحة لقلبها البريء .

رجعت لبيتنا مع خالي ايمن اللي اخذني من السوق بعد ماكملته يجي ياخذنا ..

وبعد اسبوع طلعت لي رقم جديد اكلم فيه اخوالي ولمى وهدى .

مهند مااتصل الاسبوع هذا على بيت جدتي .. غريبة ..!

يمكن مل مني ..!

بيخني على راحتى ويشوف آخرتها معاي

ولا خلاص عرف ان مافيه امل ارد عليه ..!

تمنيت انه يدق علي صرت اتلذذ وهو يهتم فيني ويحاول يراضيني ويتكلم معاي

وانا اصده واتغلى صحيح اني غيرت رقمي عشان مايلاحقني مهند واتعلق فيه اكثر بس لقيتني انا اللي ابويه يلاحقني واني مبسوطه بتعلقني فيه ..

فكرت اتصل على خالتي ولا على عمي بعدين قلت أأجلها كمان كم يوم بشوف مهند فيه شي .. الله يستر لا يكون صار له شي .. ولامل مني وراح يخطب

من حقه يخطب لأنه من يوم ماتزوجني وهو ماتهنى زي باقي الناس

دقيت على خالي ماجد وسولفت معاه شوي كنت ابغاه يجيب لي سيرة مهند بس ماجاب اسمه وسكرت منه بعدين دقيت على خالي ناصر

: ماقلت اني بجل مشكلتي بالهروب بس انا هنا ابغى ارتاح نفسياً وانسى اللي صار ..

: صار لك شهر تقولين برتاح وانسى لمتى طيب ..؟

: الين انسى واتخذ القرار الصح

: انا شايف ان الرجال يحبك وماراح تحصلين احد يحبك كثره واذا على اللي صار بينكم فهذا بدافع الحب وبسبب التحريض وانا واثق انك عاذرتك لأنك طيبه وقلبك كبير ولأنك بنت واضحة وتفهمين الأمور بوضوح .

: خلاص خالي اوعدك افكر بس هذا الاسبوع اتركني هنا ولا تقول لي ارجعي .

قفلت مع خالي وانا احس باحساس غريب فرحانه ان مهند يحبني ومهموم عشاني وزعلانه عشانه ما احب يصير له شي او يتعب .. احسن خله يحس عشان يتوب مايغلط علي ..!

مر اسبوع ثاني ماكلمني مهند وبصراحة مو عارفه هل انا مشتاقة له ..؟ ولا تعودت عليه ..؟ ، ولاقلقانه عليه ..؟ ، ولا ايش بالضبط ..؟ احاسيس غريبة ما اقدر احدها لكن اللي عرفته اني مهتمه بمهند واحبه .

حاولت انام بعد جهد وتفكير وتملك من مهند لواقعي وخيالي وذكرياتي وحتى مستقبلي اتخيله معاه .. معاه هو لوحده ..!

رحت الصباح لخالتي سمر في العمل حقها .. وكانت مفاجأة حلوة لها .. اخذتني عرفتني على المديرية حققتها وهذيك مرة انبسطت وزبطت علاقتي معاه عشان خالتي .. طبعاً بنت سعوديه وباين ان عندها خير اكيد لازم تهتم فيني وتزبط علاقتها فيني عشان يمكن تحتاجني هذا كان تفكير مديرتها لأن المصلحه عندها فوق كل شي ..

رحت مع خالتي بعد ماسمحت لها المديرية انها تخرج بدري عشان نتغدى برا بمطعم عربي قد رحنا له مع جدتي ... جلست افكر اذا مهند دق على البيت يدورني ولا لا .. ياربي حتى هنا مشغلني ..!

: شو ديمه لوين وصلتني ؟

: ها ..؟ مارحت مكان موجوده معك

: كز اااااااااا .. و عيونك فيها حكي كثير .. ومانك هون و ماسمعتي ولا كلمه التها ابل شوي .

: خالتي تدرين ان مهند ما اتصل من اسبوعين

: وليه ماعم تطلبية انتي ؟

: لا مستحيل

: او كي كلمي خالك ناصر اسئليه

: كمان مستحيل

: خلاص انا هلاّ بدء على هدى وبسألها .

: لا خالتي لاتدقين على احد .. خليه اذا مابق بكيفه

: سدنييني ياديمه الرجال بيمل من الست اللي عم تتجاهله ومابتهم بمشاعره .!

: واذا مل .. ؟ واذا تركني ؟؟ خلاص هذي القسمة والنصيب ما بيدي شي وانا صبرت على مصايب اكبر من فراق مهند .. او اني ارجع لبيت خالي متطلقه .

كنت اقول لها هالكلام وانا اقول في نفسي كذابه ياديمه كذااااااااااا . ماتقدرين تصبرين على بعده اكثر من كذا .. الا مهند ياديمه ..

وصل الأكل ماكان لي نفس أكل ياربي مهند وراي وراي وين مااروح..

اكلت شي بسيط عشان خالتي زعلت مني لمن قلت مالي نفس .. بعدها قمنا رجعنا انا رجعت لبيت جدتي وهي راحت لبيتها

احس صحتي تحسنت من يوم جيت عند جدتي لأنها تأكلني اكثر من خمس وجبات باليوم عشان ارجع وزني زي اول .. رغم اني مهمومه الا اني اقدر أكل بسبب اصرار جدتي وطبخ ام خليل اللي يفتح النفس .

طلعت لغرفتي وجلست شوية .. شفت فوق دولابي لوحه قديمه رسمتها ... اخذت الكرسي وعديت عليه عشان انزل اللوحه اول مافتحتها... اوووه تذكرتها هذي رسمتها بأجمل ايام مرت علي ..!بعد ماتخرجت من الجامعه ..! قبل وفاة ابوي الله يرحمه .

: ريم هو قالك هالكلام ؟

: لاسمته يكلم ساميه لأنها تتصل فيه مقفل جواله بعدين دقت علي قالت ودي الجوال عنده ووديته الجوال بس ماطلعت من الجناح وسمعت كلامه لها

: اش معنى ساميه ؟

: ساميه اقرب الناس لمهند مايخبي عنها شي وفهمت انها تبي تكلمك بس هو رفض قال لايمكن احد يتدخل بيني وبين ديمه .. ديمه الله يخليك لاتتركين مهند ولاتعذبينه اكثر من كذا صدقيني نال جزاه بما فيه الكفاية .. ديمه اقسم بالله انا في العيد معيدين بس حزن مهند عليك منغص علينا حتى ابوي مقهور عشانه وووو

: وأيش ؟

: ابوي كذا مرة فكر يخطب لمهند يقول اذا تزوج مرة ثانيه بينسى ديمه ويرجع مهند الأول .

حسيت الدنيا تلف فيني واحسني ابغى استفرغ قلت لها بصوت مخفي ويادوب طلع : طيب ريم ماعليه بخليك الحين واكلمك مرة ثانيه .

: انا آسفه ديمه كدرت عليك بس لازم تعرفين باللي قاعد يصير .

: لا حبيبتي ريوم ماكدرتي علي ولا شي انا بدق عليه الحين بس بتأكد هذا رقمه ولا لا

ريم بفرحه صرخت : صدق ..!

: صدق بس الله يخليك لاتقولين لأي احد اني بكلمه .. لامهند ولا اهلك ولا ساميه ولا احد طيب ريم ؟

: وربي مااقول لاحد اهم شي مهند ترجع له حياته وضحكته اذا سمع صوتك

ملتني رقمه وطلع نفسه اللي بجوالي وارسل رسالة ليلة العيد .. تصدقون ماقد فكرت اخزنه لأنه مايدق علي الا وانا زعلانه منه ..!

حفظت الاسم باسم المهند وارسلت له اغنية لمحمد عبده

كنت اضغط ارسال ويديني ترتجف بس عارفه انه ماراح يرد ولا راح يدق الآن لأن زي ماتقول ريم مقفل جواله باستمرار ..!

كل ماقفيت ناداني تعال
وكل مااقبلت عزم بالرحيل

الحقيقة غدت مثل الخيال
هو عدو لي وهو أوفى خليل

شفت أنا الظلم في بعض الدلال
يجرح القلب لو كانه جميل

يوم أنا أجنبت واعدني شمال
ياهل الود ضيعت الدليل

أشهد أن الهوى مابه عدال
هو خليل وأنا قلبي عليل

كل ماقتله يابن الحلال
المحبة ... عظه وانت بخيل

التفت يمي وهو عجل وقال
لذة الحب في الشي القليل

كل ماقفيت ناداني تعال

وكل ماقبلت عزم بالرحيل

الحقيقة غدت مثل الخيال

هو عدولي وهو أوفى خليل

حطيت جوالي صامت ونمت ... ماصحيت الا بعد العشا تقريبا .. حصلت رسالتين
وحدة وسائط من مهند والثانية من ريم على طول فتحت رسالة مهند لقيتها اغنية
لمحمد عبده برضو

لا والذي صورك ملاق للعين

غيرك ولاسوي بي احد سواتك

انت الذي حطيت بالجوف رمحين

رمح العيون ورمح وردي شفاتك

وانت الذي زينت ياغاية الزين

حياتي ياللي نورها من حياتك

احب فيك العطف واللف واللين

واحب فيك ارضاك عقب ازعلاتك

واحب فيك الحب ياجامع اثنين

الزين واطبوع تكمل حالاتك

واحب هاك الجيد بين الجدولين

واحب ماتخفيه طريقة غطائك

ياجارح المجروح لاتودع البين

يقضي علي بغيبتك واسفراكك

سمعت الأغنية حرف حرف .. كلمة كلمة كأني اسمع مهند هو اللي يقولها كنت
اتلذذ فيها اتذكر ابتسامته ضحكته واسلوبه اذا جا يراضيني ولا يتغزل فيني ..
حضنه وضمته لي ..

بجد اشتقت له معقول اني احبه لهذي الدرجة ..؟

ليه اهرب من الإجابة فعلاً انا احب مهند ..! ماتخيل اني اعيش مع انسان غيره ..!
اصلاً مافيه احد يناسبني بالدنيا غيره ..حتى هو قال ان محد يناسبه في الدنيا غير
ديمه وانا اقول نفس الكلام ..

فتحت رسالة ريم .. كانت تقول : (ديمه اش سويتي باخوي تغيرت حالته 180
درجة نزل اكل وخرج طائر من الفرحة اهلي مايدرون ايش السر بس شاكين ان
لك يد بالموضوع اما انا واثقة انك حنيتي على اخوي .. يالله ديومه ارجعي لنا
بسرعه مشتاقين)

رحت ارد على التلفون وجيت ركض .. صحيح التلفون في الحديقه بس بعيد شوي
عن مكاني .

: الو

: اخيراً

.....:

: ديمه حبيبة قلبي

:

كنت ارتجف ومرتبكه احسني بيغمى علي اللي يشوفني يقول عمرها ماكملته ولا
تعرفه . وانه بيجي يخطبها اليوم ..

: طيب لاتتكلمين بس ابي اقولك شي

تكلمت بصوت واطي ومخنوق : اذا على هذاك الموضوع لاتفتحه الله يخليك
وسكت شويه ... بعدين قلت : ترى ماصدقت انسى

: طيب ديمه لمتى بتظلين زعلانه .. بطلي زعل ترى اخذتي حقك مني وزياده ..

: مهند اسكت ماحب يصير حالك كذا .

: ديمه انا الحين بالمستشفى بكلمك مرة ثانية على جوالك اوكي..؟

: اوكي .

: انتظريني بكرة اوكي ..؟

: اوكي استنى منك اتصال بكرة

: مع السلامه ياعمري

: الله معاك

اول ماقلت حسيتني وحده ثانيه احبه ياناس .. اهانني .. جرحني .. عصب علي ..
ضربني وكسر راسي .. بس يرجع وينسيني كل شي ... ببساطه لأنني واثقة من

حبه لي ..والكل يشهد بحبه .. وبأين انه تغير وغيايبي عنه اعطاء درس مراح ينساه للأبد ..

(♥) * ● 🎵 * (♥)

اليوم الثاني اتصلت علينا خالتي سمر قالت انها بتجي لأن خالي ايمن بيجي زيارة
ثلاثه ايام وبيرجع.. وعدنان مو معاها .. ارتحت بصراحه اذا جا عدنان مآخذ
راحتي ولا هو ولا خالتي .. صار ينزلها عدنا ويسلم على جدتي ويروح ..

لبست تنورة جينز قصيرة لحد الركبة .. وبلوزة واسعة وطويله لحد الخصر
وبدون اكمام .. لونها زهري وحلقها دائري واسع .. لبست معها عقد ثلاث لفات
طويل وحلق كبير وأساور كثيرة لونها زهري .. وكمان لبست ساعه الماس هدية
خالي علي بزواجي ...

**فتحت شعري وسويت مكياج حلو مناسب للبسي .. القيت نظرة اخيرة على شكلي
.. وحمدت الله ان صحتي رجعت لي وزن زاد وصرت احلى مني اول ماجيت ...!
ونفسي عاال وأهم شي حببي بيكلمني اليوم ويقول له اني مشتاقة له واني احبه
وماقدر اعيش بدونه .**

وصل خالي ايمن وسلمت عليه وجبت له القهوة وجات خالتي سمر وجدتي كانت كثير مبسوطه .. احلى لحظات عمرها لمن نتجمع احنا الثلاثة عندها انا نيابة عن امي اللي فقدتها وعيالها اللي راحوا وتركوها لوحدها في بيت طويل عريض ..

جلسنا داخل البيت لأنه مرة صعب نخرج في الليل في البرد هذا ..! وداخل البيت مرة دافئ .. بفضل المدفئة الكبيرة التي بوسط الصالة .

دق جوالي طالعت الرقم كان مهند . ورديت على طول وانا امشي لغرفة الجلوس القريبة من الصالة الى جالسين فيها ..

■ هلا

: هلا والله بحبيبة قلبي

قفلت من مهند وجيت بجلس عند خالي وجدتي وخالتي ..بس دق الجرس وقمت
دخلت خفت يكون رجال ويدخل على طول .. بعد شويه ناداني خالي ايمن ورجعت

..

وقفت مو مصدقه نفسي انا بحلم ولا علم .. ياربي احسني ادوخ وموفي وعيي ..
لا لا مكالمه مهند اثرت فيني .. وصرت اتخيل ويتهيا لي .. شكل المشاكل اللي
مرت فيها والمصايب اللي جاتني اثرت على نفسيتي وصرت مختله ..

كان واقف يناظرني بجانب خالي ايمن بعد ماسلم على جدتي وخالتي .. لابس
بنطلون اسود وقميص ابيض وعليه جاكيت اسود طويل من الجلد .. ولاف على
رقبته شال من الصوف لونه اسود ..

والعطر نفسه اللي كان يجتاحني ويدمرني وينهكني ...متجمده بمكاني ماعدت اهتم
لأحد يكون موجود ولا اكون لوحدي .. ! المهم اصدق اللي اشوفه واتأمل عشان
استوعب ...!

قلت وانا فاتحه عيوني ومذهولة وفرحانه ومفجوعة بنفس الوقت : م ه ن د ؟
قرب مني وسلم على خدودي وباس جبيني .. وضمني على صدره بسرعه ..
احسه غصباً عنه ضمنني وانا ماقدر اقاومه ولاابغى اصلاً ..
همس بأذني :مشتاق لك .. كنت ميت والحين حييت ..

متجمدة بمكاني .. ماتحركت ولا تكلمت آخر شي ابتسمت وقلت : مهند الناس
هنا ..!

اخذني بيدي ولف يده حول اكتافي وجلسني بجانبه كان قربه يحرقني ويحييني
بنفس الوقت . ياربي احسني بحلم للحين .. ياناس احد يصحيني اللي بجانبني هو
مهند ولا اتخيل من كثر مافكرت فيه واشتقت له . ياربي السعاده اللي انا فيها
الحين حقيقه ولا وهم ..

التفت لي قال بصوت هادي يحاول مايخلي احد يسمعه ونبرة صوته هي نفسها
اللي تأسرني وتخرسني اذا سمعتها : كيفك يا عمري .

ابتسمت بربكه وخجل قلت : ها ..؟ بخير .. كيفك انت ؟

: ان شاء الله

طالع ساعته بعدين قال : انا ابغى اصلي اذا سمحتوا

قمت انا بوريه دورات المياه والغرفه اللي كان يجلس فيها ابوي الله يرحمه او خالي ناصر اذا جا لوحده عندنا .

وديته للحمام وهو اعطاني الجاكيت حقه مسكته وشميته على طول .. كله ريحة عطر ودخان !!

ريحة مهند المعروفة .

خرج مهند متوضي وانا واقفه عند الغرفه قلت له وانا ابتسم : ترى اليوم بتنام هنا تعال شوف غرفتك !!

: ايش ..؟ عجلي بس جهزي اغراضك بنروح أي فندق من زيني جالس عند الناس .

: اشبك ترى هذا بيتي لاتحس نفسك غريب .

: لا ديوم باخذك اروح انا وانتي لوحدا تكفين لاتقعدين تتشرطين

: طيب الحين ادخل صل بعدين نتفاهم واللي تبغاه يصير .

: فيه سجاده هنا ؟

: ايوه فتحت الدولاب وخرجت منه سجاده وفرشتها ناحية القبلة قلت : بروح اخليك تصلي .

: دقائق وارجعي لي ابيك

: حاضر

صلى مهند وانا خرجت عند جدتي وخالتي سمر ماشفت خالي ايمن

قلت : فين خالي

: راح يجيب شوية اغراض

: جدتي لاتتكلفون ترى مهند مايحب يحس نفسه ضيف ثقيل

: لا يابنتي مهما كان هو ضيف بعدين بدك زوجك ينول عنا بخلا..؟

: ممممممممممم لا بس كمان ما بغى اخلي زوجي يجي هنا ويكلف عليكم

: ما بيكلف يا بنتي .. ولك الله يرحم اللي خيره لهما مغرنا كانت تقصد ابوي
الله يرحمه لأنه مسوي لها عمارة بدمشق مأجرها شقق مفروشة والحمد لله
مبسوطة مادياً حتى خالي ايمن مبسوط الحمد لله .. وخالتي سمر متوظفه بشركة
كبيرة .. واتفقت انا وياها نفتح شركة متخصصة بتصميم الديكور انا شريكة
بالاسم والمال فقط وخالتي تديرها من الى .. ولسه تحاول في عدنان يساعدها بس
مو راضي يتدخل بشغلها او يترك وظيفته ويتوظف عند زوجته .. عدنان نفسه
عزيزة وكرامته عنده بالدنيا كلها بالرغم انه يموت بخالتي الله لا يفرق بينهم ..
رجعت لمهند لقيته يمشط شعره على المرايه ويزبط قميصه اخذ جاكيتيه ولبسه
وما انتبه لي .. تنحنحت والتفت لي وبسرعه جا يمشي ناحيتي ..

قرب مني وهو يبتسم واخذ يدي قال تعالى اجلسي هنا مشتاق لك ..

جيت امشي معاه وجلست بجانبه على السرير اللي بالغرفة ومارديت بس قعدت
اطالع فيه مهند نحفان بشكل فظيع وجهه متغير عيونه ذبلانه .. صحيح انه اصلاً
نحيف وأكتافه عريضه لكن اليوم انحف بكثير عن اول بس اكتافه زي ماهي
عريضه .. وطوله زي ماهو وشياكته وعطره ورجووولته ياناس للحين تسحرني
زي ماهي .. قلت : ليه كذا ..؟ وأنا أأشر على جسمه

طالع في صدره بعدين طالعي قال: شو قصدك ..؟

لويت شفافي وعقدت حواجبي قلت : مرة نحفت

: انتي عارفه ليه ... اذا تبيني اكلمك بالموضوع

قاطعه : لا لا لا بس المسألة مو مستاهلة انك تسوي بنفسك كذا ..

: شايفتها مو مستاهله ..؟ ديمه انتي حياتي اذا فقدتك ماني عايش افهمي

ابتسمت لأنني ما بغى جو كنيب مليت يا عالم لي ثلاثة اشهر هنا كنيبة وقبلها وقبلها
وقبلها ياكتر الأيام الكنيبة اللي مرت علي بحياتي

خالتي سمر تقول اذا تبغين تعيشين سعيدة استغلي كل لحظة فرح بحياتك وافرحي
لاتنغصين عليك بأي شي ولا تتذكرين الأشياء السيئة بحياتك .

قلت : حتى ماكنت مرتاحه ولا مبسوطة وانت بعيد .. ابتسمت وكملت بدلع : بس
الحين خلاص نسيت كل شي . ما فكر الا بوجودك معاي هذا الأهم .

**ما تكلّم بس نظراته تخترقتني وانا ما قدر عليها قلت احاول اتجنب نظراته لي :
كيف اهلك ؟**

: بخير ويسلمون عليك يتمنون انك ترجعين

ما اعتقد

قربني مني وباس راسي قال وهو يمسح باصبعه على جبيني ويرجع خصله من شعري وری اذني : شو ماعتقدين لا بترجعين لأن مهند مايهون عليك .. ولا لا ؟

**: مايهون علي صح ... وأخذت المخذه الصغيره رميتها عليه وانا اوقف وكملت :
مخايني على كيفه يتحكم فيني زي مايبغى .**

: مهند خلنا نروح داخل لايقولون طنشونا

: لا بروح اتمشى في بيتكم هذا تحفه من اول مادخلت بهرني تصميمه حتى الحديقہ ومدخل الفيلا

قاطعته قلت : تصميم ابوي الله يرحمه

: الله يرحمه آسف يا عمري .. يالله قومي خلىنا نطلع نتمشى

**: مريت جدتي وخالتي قلت لهم بنخرج في الحديقة وأخذت الباطو الصوف حقي
كان طويل مرة .. وأخذت القبعة والشال وخرجت مع مهند**

: شو هالجمال ..؟ والأناقه .. يابنت خفي على وارحميني ..

استحييت من كلامه وحمز وجهي قلت بدلع : كأنك أول مرة تشوفه .

: دائماً اشوفه بس اليوم زايد يمكن لأن وزنك زاد عن اول .

رحنا للحديقة شفنا الورود ألوانها حتى بالشتاء تاخذ العقل صحيح انها ذبلانه شوي من البرد .. بس شكلها وألوانها يجذب ويغري ،، اشجار الزيتون الرمان والليمون والعنب والخوخ .. كل انواع الفواكه موجوده ... قرب مهند من الورد

وأخذ لي وردة حمرا كانت احلى وحده وشمها ومدھا لي .. اخذتها منه .. اول مرة
احد يعطيني ورده حمرا ..

قال بحنان : ديمه زعلانه مني قولي أي شي تكفين

صديت وقلت : مهند خلاص لاتفتح الموضوع وتذكرني

لفني عليه وحط وجهه بوجهي قال : مو معقول منتي زعلانه

نزلت راسي بالأرض وقلت : زعلت بس مانفع قلت انسى احسن

حط يدينه على راسه ودخل اصابعه مع شعره يرجعه ورا قال بصوت واطي يادوب
سمعتة : آآه ياديمه تذبحيني اكثر بقلبك وطيبتك .

رجعنا نمشي مع بعض قلت له : مهند تدري ايش المشكله ؟

بسرعه قال : انا صح ؟

: لا لا المشكله ان تخصصي علم اجتماع وأفهم نفسيات الناس ومن خلال دراستي
عرفت كيف احكم على الانسان من ذاته مو من تصرفاته

: وكيف حكمتي على مهند باللحظة هذيك

: انه يحبني بجنون .. صدقتي مهند الشي الوحيد اللي خلاني اغفر لك انك تحبني
غير كذا مالك عذر ..!

لف يده على اكتافي وقربني منه قال : ديمه انا شفتك اول مرة وانتي ببيت اهلك
وماكان يخطر في بالي شي اسمه حب او ارتباط بأي بنت في الدنيا على كثر
البنات اللي عندي في امريكا اشكال والوان .. بس من هذيك الليلة وانا حالي مو
حال كنت افكر فيك بكل دقيقه تمر علي رفضتيني وتعلقت فيك اكثر بالرغم اني
مصدوم ومقهور ليه ترفضيني بدون سبب خاصة اني مو سيء واعتقد ان أي بنت
اخطبها راح تفرح ... مع كذا صار عندي امل انك لي انا واني راح اخطبك مرتين
وثلاث وعشر لين توافقين .. لمن جيتي عندي بأمریکا فرحت عشاني بشوفك
بنفس الوقت حزنت لأنني يمكن اخسرك للأبد وانك مريضة وتعانين .. اهتميت
بتقاريرك ووصلتها لأكبر استشاري اورام واستشاري مخ واعصاب .. دخلت معاك
العملية لأن حبيبتي ديمه مالبى اخليها بين ناس غرب حتى لو كانوا اطباء .. ديمه
مرة عزمتمك انتي وخالك على الغدا ابي اشوفك وانتي متعافيه ابي استمتع
وحبيبتي قريبه مني بس سمعتك تقولين اكرهه .. انقهرت وحزنت وعصبت لأنني

جريت وري نفسي وقلبي ونسيت كرامتي بس مافي يدي حيلة وماقدر اقاوم حبك .. شفت خوفك على ابوك شفت حزنك بعيونك كنت ابي اخذك واضمك واربت عليك واطمن قلبك بس بيني وبينك الف حاجز .. قررت انك تكونين لي مهما صار ومهما كان وانا اللي راح اسعدك وانسيك احزانك .. قلت لناصر بنت اختك لي انا ياناصر رضىتوا ولا مارضىتوا رضىت هي ولا رفضت والله محد ياخذها غيري !! .. انخطبتي وكلمني ناصر يومها قلت له اذا زوجت ديمه حكمت علي اني مالتزوج لين اموت .. اضطر ناصر يقول لك ان خطيبك اللي جا مااعجبه وما هو كفو ياخذك .. لأن ناصر مقتنع ان مايناسب ديمه غير مهند وقد قال لي هالكلام مية مرة .. ناصر يعزني وخايف اني انفذ اللي براسي ..

ديمه انا مااهنتك لمن خطبتك انا طلبتك قدام الرجال وقلت اني شاري بنتكم للمرة الثانية واذا ماوافقت بخطبها لين توافق .. بس اتصلت عليك ابي اضغط عليك وتوافقين .. ابيك توافقين غصب .. وماابي اهين نفسي قدامك انتي بالذات اكثر من كذا .. صحيح سامي وماجد انقهروا ماييون يحطون ناصر بالموقف هذا لأنه كلمك عني ورفضتي وخايفين يزعلك مرة ثانية بس مافيه حل الا اني اخطبك مرتين وثلاث وعشر .

كنت فاتحه فمي وانا اناظره ماقاطعته مهند خطبني زي الناس بس كذب علي وقف قدامي قال : كذبت عليك وكانت العواقب وخيمه .. ماحبيتيني ، واحتقريني واعتبرتي اني اهنتك وغصبتك على الزواج مني .. المشكلة ماجات فرصة اقولك وقتنا كله زعل ونقاش حاد ومشاكل وعوائق .

... آآه ياديمه عذبتك معاي كثير بس وش اسوي اللي هنا - كان يضرب علي صدره بيده - مايبي غيرك وكنت مستعد اسوي أي شي عشان آخذك ..

تكلمت بهدوء رغم انفعاله ورغم جديته ووضوحه وصراحته بالشكل هذا لأول مرة معاي قلت : خلاص انسى يامهند .. انا واثقة من حبك لي وممكن اني انا سببت لك التعب اكثر مما سببته انت لي .

حطيت يدي الصغيرة بيده القوية قلت : حبيبي خلنا نبدا صفحة جديدة ..

بسرعه وفجأة شالني بين يدينه ولف فيني قال : حبيبك ياديوم حبيبك من قلب ولا كلمه عاديه .. كان يضحك ويدور فيني

جلس مهند يناظر باللوحة والتفت علي وباسني بقوه على خدودي وعلى جبيني
وعلى فمي وتركني ورجع لف اللوحة قال : هذي بعلقها في بيتنا

خلاص احسني بموت اخرجني بحركته كان الجو جليد برا بس انا صرت اغلي من
الحيا احسني حرانه ووجهي حار وماقدرت اطلع كلمه وحده

رجعنا للبيت وتعشنا مع خالي وجدتي وخالتي كان باين ان مهند مبسوط وأعجبه
الأكل قال لجدتي : الحين عرفت اللي زايد وزن ديمه اثريه اكلك الطيب يام ايمن
شكلي بجلس هنا لين وزني يرجع .. ترى نازل مني فوق عشرة كيلو .

: لك اهلا وسهلا ياابني هادا بيتك وبدياك تعتبرني مثل امك

: الله يطول بعمرك اكيد بمقام امي

قلت لمهند وانا اضحك : العشرة كيلو برجعهم انا لك لاتشيل هم بس خليك مطيع
وماتعاند ..

ضحك مهند وغمز لي قدامهم قال : الحين انا اللي اعاند حرام عليك لاتظلميني .

اوف اخرجني مرة اكتفيت بالابتسامه وانا احس وجهي احترق من قصده .

رحنا بعد العشا جلسنا بالصالة ومهند ناداني بجنبه وكل شوي يحط يده من وراي
ويسحبني ناحيته مرة اخرجني قدامهم بس هم عادي ملاحظوا والله لو كنت عند
اهلي لاتفشل بجد يمكن لأن السعوديين عيب يطلعون مشاعرهم لزوجاتهم قدام
الناس مهما كانوا بس هنا عادي خالي ايمن كان يحضن سهى قدامنا وعدنان اذا
اخذ ثلاثه ايام عن خالتي يجي يحضنها ويبوسها ساعه قدامنا ..

جابت لنا خالتي الشاهي .. ومهند كل شوي يأشر لي يقول بنمشي وماكنت اعرف
ايش ارد عليه آخر شي قمت رحت لغرفتي فوق ودقيت على خالي ناصر قلت له
ان مهند جا عندنا واني راح ارجع معاه .. حسيت خالي انبسط وفرح لي قال الله
يوفقكم وهذا خبري في ديمه عاقلة وماتتهور وقراراتها دايمه حكيمة ماعليها
خوف ..

جهزت لي شنطة صغيره اخذت فيها قمصان نوم وبناطيل وكم بلوزة .. اخذت لي
شور سريع وجففت شعري وسويت مكياج من جديد ..

فزيت على صوت مهند وانا خايفه وهو ضامني على صدره : ديمه اصحي حياتي .. ديمه قومي انتي تتحلمين ياعمري شوفيني معاك ..والله مالخليك ولا اضرك لين اموت ..

عرفت انه كابوس فظيع .. كنت ارتجف وخايفه ... ضمنى مهند على صدره وانا ابكي قلت : اوعدني ماتروح مني .

: ماني رايح وانا معك طول العمر خذي اشربي حبيبتي

شربت موية واحسني هديت شوية .. نفثت ثلاث مرات على جهتي اليسار وتعوذت من الشيطان وانقلبت على جنبي الأيسر لأنني كنت نايمة على الأيمن.. وصار وجهي ناحية مهند وانا للحين في حضنه ..

رجعت نمت وهو حاط يده اليمين تحت راسي واليسار لافها على خصري

جلسنا في سوريا اسبوع زياده كان عند مهند اجازة شهر مالدري كيف اخذها ولاسألته المهم انه بيجلس معاي وبس .. وبعدها رجعنا للسعودية ولبيت عمي وكانت فرحتهم فيني كبيرة سووا لي عشا وماعزموا لانورة ولابنتها .

ورحنا عند خالي جلست عندهم ليلتين وكان مهند يكلمني باستمرار وكنت اكلمه بالساعات ..

(♥)*.....*.....*.....*..... (♥)

نزلت عند هدى تحت وانا لابسة عبايتي لأن مهند ينتظرني برا ومارضى يدخل يقول صعب ادخل وناصر مو هنا ..

قالت هدى : خلاص ماشية ياديمه ؟

: ايوه مهند برا .. يالله هدى اشوفك على خير

ابتسمت هدى قالت : ماشاء الله ياديمه باين انك مبسوطه .. وغمزت لي بعينها قالت : شكل روحتك عند جدتك حننت قلبك على مهند .

ابتسمت لها قلت : كنت اتدلع زمان بس لمن حسيت بعده عرفت قيمته .

رجعت لجناحي ولبست بنطلون جينز سماوي وبلوزة بألوان تفاحي وليموني حرير
وواسعه بدون اكمام وجايه تتربط على الرقبه واكتافي عريانه .. ومعاها ربطة
عنق عريضة شوي وطويله قررت اخذها معاي واخليها شال اذا لقيت عند سميرة
احد من النوع اللي ينتقد ..

كملت مكياجى الهادي وكحلت عيوني من داخل ... وحطيت مسكرا كثفت لي
رموشي اكثر .. وختمت بقلوس لحمي لامع .. خلّيت شعري منسدل وجبته على
جهتي اليسار بطريقه حلوة .. وتعطرت ورحت بصحي مهند عشان يوديني
لسميرة لأن خالتي قالت بستنى عمك لين يجي بعدين اجيكم مع السواق وسميرة
كل شويه تتصل تقول تأخرتوا .

جلست بجنبه على السرير قلت بهمس وانا امسح جبينه بأطراف اصابعي : حبيبي
بلا كسل .. يالله قوم .. مهندي .. حبيب ديمه ..

فتح عيونه لمن قلت حبيب ديمه قال : ياروح حبيب ديمه . كم الساعه ؟

قلت بنفس الهدوء والهمس وانا امسح على شعره وجبينه : خلاص المغرب بيأذن
وسميرة ازعجتني تقول اني مرة تأخرت .

طالعني قال : ديمه لاتروحين باللبس هذا ..! ترى مرة عاري .. وانتي بسم الله
عليك ياعمري تفتنيتين وانا بصراحه اغار واخاف عليك .

: مميم اذا ماتبغاني ارواح فيه ابدله الحين ولايهمك . بس اذا عشان عاري ترى
معاي شال في شنطتي اذا لقيت احد عند سميرة راح احطه .

قام جلس قال : لاياديمه مااقدر اخليك تروحين بالملابس هذي .

: طيب قوم البس عشان توصلني وتلحق الصلاة بالمسجد .. ترى يادوب تلحق .
وانا ببذل لبسي بسرعه .

قمت بسرعه ورحت بدلت لبست بنطلون ابيض وبلوزة استر وأطول لونها تركواز
وهي حرير وناعمه كثير .. اضطريت اغير شويه من الشادو وحطيت الوان تناسب
لبسي وشفّت مهند لابس شماغه وثوبه وتعطر قال : يالله ياديمه مافيه وقت ..

التفت عليه قلت : خلاص البس عبايتي وجاية .

قرب مني قال : ديمه وش اللي مسويته ؟

: شو ؟ ماسويت شي بدلت لبسي عشانك .

على بنطلوني مابيروح الا اذا انغسل بصابون .. وهنا مرة صعب اغسله الله يعيني
اتحمل لحد ماارجع ..

سمعت خالتي تقول لها بعد ماالتفتت علي وصدت لها : لا مهند مرتاح مع زوجته
ولا فكر فيها ولا يخلينا نجيب الطاري مقفل على السالفة ومنهي الموضوع مع ابوه
.. وهي الله يرزقها ويعوضها باللي يستاهلها .

طبعا انا عرفت انها تقصد فاطمه لأن حلمها تتزوج مهند وكل الناس يعرفون من
كثر كلام امها عنها وعن حبها لمهند . ياربي متى اخلص من سيرة هالفاطمة اللي
تجيب لي المرض .

قالت لها ام مصعب بصوت اعلى : مايجوز يابنت الحلال

قطع علي صوت جوالي ماعدت اسمعهم .. ورديت كان مهند يسأل اذا خلصنا ولا
لا قلت له استنى شوية باقي ماتعشنا واذا خلصنا احنا ندق عليك .

اخيراً تعشنا وجاني الفرج لمن دق مهند علي قال : جهزوا وبجي آخذكم ومابغي
استنى عند الباب .

قلت لخالتي كلام مهند وقمنا نلبس عباياتنا . عزمنا عمة سميرة وقتلنا اذا حصلنا
فرصة راح نزورهم . وخرجنا انا وريم وخالتي مع مهند ورجعنا لبيتنا .

اول مادخلنا كانت رانيا مستقبلتنا وفي يدها علبة بيبسي قالت : ديمه تعالي شوفي
عمي شو سوا .. جابت لي اللوحة اللي رسمتها في سوريا مبروزة وأطارها من
النوع الغالي قالت : عمي يقول بنحطها في المكتب حق ابوي اللي تحت .

واعطتني لوحة صغيره مبروزة تذكرتها .. اووه كيف شافها .. هذي رسمتها
بالقلم الرصاص في كراسه عاديه .. لمن كنت زعلانه منه وبالعرفة اللي كنت انام
فيها .. متى شافها وكيف اخذها حتى ماقال لي .. اهم شي انه ماخذ الا صورته
هو .. الباقيه ماعد لها لازم الحين ولو شفتها شققته ..

لحقت مهند لجناحنا وأول مانزلت عبايتي سألني عن اللي على بنطلوني قلت انكب
عليه شاهي وضحك علي قال : كم عمرك تكبين الشاهي على ملابسك .

قلت وانا احاول اسوي نفسي زعلانه : كبيتة عشان ارتبكت لمن جات سيرة
حبيبي .

طالعني قال : اووه اجل الحريم يسولفون فيني .. ضحك وحاول انه يغضني لمن
قال : بالله وش قالوا ..

: ماقالوا شي بس ام مصعب سمعتها تقول لخالتي مهند بيتزوجها ولا هون .؟

طالعني بجديه قال : عرفتني منه اللي بتزوجها ولاهونت ..؟

قلت وانا اهز اكتافي : اكيد تقصد فطووم .

قال بجديه وتوتر : ايوه امي وش كان ردها

ابتسمت لمن تذكرت كلام خالتي قلت : قالت انه مبسوط مع زوجته ومايبي يفتح
السيرة هذيك وهي الله يرزقها .. كشرت وقلت ياربي فاطمه تتزوج اليوم قبل
بكرة وتحل عني .

شفت مهند يحضني قال : لايكدر خاطرك شي ياديمه وانا معك وانتي معاي ..

بعدي عنه قال : حتى لو سمعتي شي مهما كان لاتفكرين اني راح اقهرك ولا
اضيق خلقك .. وربى انك عندي في كفه وكل هالناس والدنيا في كفه .

ابتسمت له مالدري بغباء ولا عشان مو فاهمه قصده ولا مبسوطه من كلامه
ومصدقته قلت : الله يخليك لي بس .

: آمين ويخليك لي انتي .

اليوم الثاني نزلنا السوق انا وريم وخالتي واخذت ريم لبوتيك ناريمان اللي جهزت
منه ايام زواجي .. اول ماشافته ريم قررت وبسرعة تشتري فستان الملكة منه ..
اخذت لها فستان ناعم وفخم في نفس الوقت لونه زهر على ليموني بألوان
متناسقه واكسسوارات فضيه معطيه للفستان اناقة اكثر .. اخذنا معاه اكسسورات
وجزمه مناسبة .. ورحنا لمحلات اخذنا منها ملابس عادية اعجبتها عشان تختار
منها واحد وتلبسها ليلة خطبتها اذا فيه نظرة ..

مرت علينا الأيام بسرعة وجا الخميس المرتقب صحيت قبل المغرب على صوت
مهند وهو يكلم امه ويقول انه بينزل الحين ..

: مهند شو فيه ..؟

: عمك الخبل هذا جاي من الحين مايقدر يصير لليل ..

ابتسمت وقمت جلست قلت : تلاقيه يحب اختك

: حتى لو يحبها يصبر لين موعد الزيارة مو من صلاة العصر يجي يخطب .

: عمي سالم معاه ولا هو لوحده

: امي تقول كلهم جايين .

: اووه يعني البس بسرعه وانزل الحين خالتي تلاقىها مرتبكه مابين ريم والضيوف .

: والله امي كأنها هي اللي بتتزوج من كثر ماتفكر ومقلقة نفسها .

: الله يعينها اكيد بنتها وبتشل همها .. حبيبي اصحى بسرعه اذا عمي مو هنا مو حلوة يجلسون لوحدهم .

وقف مهند وراح للحمام اخذ له شور بسرعه وخرج لبس ونزل للرجال .

وانا بسرعه لبست تنورة جينز ازرق مطرز طويلة وبلوزة اورنج حرير وحطيت مكياج خفيف وقلوس اورنج ونزلت .

سلمت على زوجة عمي وبناتها اللي اكبرهم نوف عمرها 13 وهند عمرها 10 وقهويتهم وجلست اسولف معاهم .. جاتنا سميرة اللي من بدري موجودة عندنا ماتبغى تفوتها مناسبة زي هذي .. وجات رانيا سلمت ورجعت .. وأخيراً نزلت ريم لابسة تنورة لونها عودي و بلوزة بدون اكمام ساتان ذهبي وفيه شريط دانتييل من تحت الصدر وحاطة شال تل على اكتافها ويدينها لأن خالتي مارضت تخليها تنزل للناس الا بالشال الذهبي ... معطيها شكل غير خاصة ان شعرها اسود ومسشورته ومسوية مكياج هادي ومناسب عليها مطلعها مرة مرة حلوة ..

بعد العشا ناداني مهند يقول خلي ريم تجي للمجلس ياسر بيشوفها .

ولمن قلت لريم رفضت .. ضحكت منها ومن شكلها كثير محرجه ماتبغاه يشوفها وهي اصلاً تموت عليه ومسويه مكياجها ولابسه هذا اللبس عشان عمي .. بس لمن جات اللحظة الحاسمه خافت ومارضت تروح ..

ارسل لها مهند تطلع له في الصاله ولمن شافته قالت : مهند الله يخليك لاتجبرني

بصراحه كلنا ضحكنا عليها حتى رانيا قعدت تعلق عليها ومهند يقول تراه ماياكل وهادي بيشوفك ومجد بيدخل معاك بخليك براحتك بس روعي ..

ومقهورة وسميرة تمسح دموعها وتقول ظلم وربي ظلم يايمه .. ابوي من متى
قلبه قاسي ويظلم بالشكل هذا .

قالت خالتي : ابوك مو بيده تورط ياسميرة ماتوقع ان حياة مهند بـ
قاطعتهم عشان ينتبهون اني موجوده خفت ان فيه شي مايبغوني اسمعه خاصة ان
الموضوع فيه ظلم وصورة عمي قدام سميرة تتشوه وهي تبكي وخالتي مو
راضيه ومهند في الموضوع خفت مابغى اسمع شي مو حلو عن هالعائلة بالذات .

قلت : السلام عليكم

فزت سميرة قالت : ديمه انتي هنا من متى

: ماسمعت شي ياسميرة بس وش فيكم وجيهكم مو عاجبتني

ضحكت سميرة قالت : ماني مصدقه ان ريم بتتزوج

وجارتها خالتي في الكذبه قالت : هذا اليوم اللي انتظره من زمان ويشهد الله اني
ياما تمنيت ياسر ياخذها لأنه تقريباً متربياً في بيتنا مع مهند وماانقطع عنا الا لمن
يسافر مهند .

سويت نفسي مصدقتهم وجاريتهم قلت : الله يسعدهم ترى عمي طائر في ريم
ومبسوط كثير .

قالوا كلهم الله يسعدهم ويوفقهم .

قمت سحبت نفسي قلت : الناس جالسين لوحدهم بتجون عندهم ولا لا ؟

قامت خالتي قالت : يالله جايين وراك

ورحت انا وهي للمجلس جلسنا مع زوجة عمي وبناتها اللي متضايقات لأن مافيه
احد في سنهم حتى رانيا رفضت تجلس معاهم تقول مو في سني وصغار علي .

بعد العشا دخل مهند وانا جالس على الكنبه ومتربعه وتمدد على الكنبه وحط
راسه على فخذي . جلس يكلمنا عن عمي وكلامه لمن شاف ريم وتهديده له اذا
دخل عليهم واحنا نضحك .

دخلت علينا ريم قال : هلا هلا بالعروس تعالي قولي لي وش قالك ياسر

: بس انت مو رايق وتعبان ووو

: ديمه قفلي هالسالفه قلت لك مافيه شي ليه ماتثقين فيني .؟

عرفت ان مهند مراح يقول لي شي فاضطريت اتصنع اني خلاص نسيت عشان
اخليه يروق قلت : واثقة فيك يا عمري خلاص .. صحيح حبيبي قررتوا نقضي
العيد في ابها .؟

: شو رايك انتي اذا ماتبين ابها نجلس هنا انا وانتي

: لا شو نجلس اذا بتروح انت اكيد بروح مو حلوة نجلس واهلك كلهم هناك .

: انتي ماعليك مني ولا من اهلي نفسك تروحين هناك ولا ماتحبين .

: مهند والله عادي اذا جلست هنا راح اعيد عند خالي والناس اللي احبهم هنا
واذا رحت راح اقضيه مع عمك وبناتها واهلك ومرة حلو يعني مافيه مضايقات
الا من شي واحد .

: لاتخافين منهم هذولا لأنني سمعت ان فاطمة بتتزوج قريب .

: سمعت من مين ؟

: قابلت فهد اخوها قال تبوها ولا نزوجها قلت زوجها انا رجال متزوج . وقال لي
ان اللي خطبها واحد متزوج وعنده خمسة عيال .. وهو ماعليه مبسوط مادياً راح
يعيشها زين .

: الله يكفيننا شرها ويفكنا منها المهم تروح بعيد عنا .. تتزوج اللي تتزوج بس
افتك منها .

: ماعليك يا قلبي من احد ولاتتذكرين شي يكدر علينا .

ابتسمت له بحب وقلت : بنسى الدنيا كلها واتذكر اني مع مهندي وأكيد راح اسعد
بنت في هالكون .

حط راسي على صدره قال : الله لايفرق بينا ويخليك لي بس .

(♡)*.....♫.....*..... (♡)

بعد ماخرجنا من بيت ام رانيا رحنا لبيت سارة عمة مهند وهناك جونا حريم عيدو علينا وانا طلعت فوق بعد ماتعبت.. كنت مع ساميه بغرفة مهند اللي عندهم اللي صارت لمهند وديمه مولمهند لوحده ..

سمعت صوت غريب يوووو ياكرهي له هالصوت .. كان صوت فاطمة وهي تسأل عني طالعت بسامية قلت لو سمحتي سامية مابغى اشوفها برجع لبيت عمي الحين حتى لاتصير لي مصيبة جديدة بسببها ..

طلعت ساميه من عندي سمعتها تقول لها : وش تبغين من ديمه :
بتحمد لها على السلامة وبارك لها على خطتها اللي نجحت لما قدرت تضحك على مهند وتخليه يرجعها .

انا دقيت على مهند قلت تعال خذني فاطمه هنا وتسال عني وبصراحه قلبي مو مطمئن لها .

حتى مهند لمن سمع صوتي عرف اني خايفه قال الحين اجيك
طلع مهند فوق سمعته ينادي عشان اذا فيه احد غريب يدخل .. انا كنت لابسه عبايتي وطرحتي وشنطتي بيدي وانتظره على جمر وخوفي من فاطمه ماله حدود الله يستر هالمرة ناويه على ايش بالضبط .

سمعت مهند برا يقول : وش جابك انتي هنا ومن سمح لك تقربين من غرفتي يالله يالله انقلعي تحت ولا برا البيت كله يالله ؟

دخل غرفتي وجا عندي قال : لاتخافين ويالله بنطلع من هنا .

خرجت معاه الا سمعتها تقول : ماتبين تسلمين ياديمه ..

طنشتها ومارديت لأنني عارفه ماراح اسلم منها قلت اقصر الشر واروح نزلنا ولقينا امها قدامنا .. اول ماشافتنا قالت : هذي وش مدخلها بيوتنا ماكفي عميلها

مهند : لا اله الا الله امشي ياديمه امشي الله يصبرني

: سلم على عمك

: سلمت عليها قبل شوي امشي بس

خرجت حتى ماسلمت عليها هي لأنها صدت عني قلت مابي انزل نفسي

رحنا تمشيننا ودق علينا عمي ياسر كلم مهند وقعد يترجاه انه يجي لأنه بمجلس
سعد زوج عمته ساره

استحي مهند من عمي ياسر وقال يالله باخذك ارجعك هناك اذا ماراحوا بقول
لسامية ماتخليهن يقربن منك

انا بصراحه ماحبيت اقهر مهند واخليه يجلس عشاني ولا اقدر اجلس في بيت
عمي الكبير لوحدي .. رغم اني عارفه انها بتنغص علي .

رجعت لبيت خاله سارة ومريت على خالتي سارة واعتذرت منها اني ماقدر اجلس
مع الحريم وهي عارفه ليه

عذرتني خالة سارة قالت اهم شي راحتك ياديمه وطلعت فوق مع ساميه والبنات
قفلنا الباب علينا حتى البنات مايبعون فاطمة وجلستها لأنها انسانه غيورة
وحقودة

قامت دانه بتجيب لنا قهوة وحلا قبل العشاء وجاتنا بسرعه قالت: عمه سامية قفلي
الباب فاطمة لاتدخل تراها برا وقريبة من هنا .

قامت سامية معاها وقفلت الباب ورجعت لي قالت : ماعليك ياديمه لاتخافين منها
وربي لولا مهند موصيني ماتقرب منك لاخلوها تدخل واعلى مافي خيلها تركبه ..
دق تلفوني كان مهند قال : انزلي تحت وبسرعه ابغاك .

: ليه صاير شي ..؟

: ديوم تعالي واقولك وش صاير .. بس لاتخافين مافيه شي .

: اوكي حبيبي الحين اجي .

قلت لساميه تخرج معاي فاطمة مسببة لي رعب ياناس . نزلت وهي واقفه على
البلكونه اللي في الصالة وتطل على الجبل .. واشوا عديت بسلام ونزلت بسرعه
تحت ..

قابلتني امها قالت : ساميه هذي تدري ان بدر خطب هنادي بنت سعود الـ ..
لزوجها وملكته بعد اسبوع ولا للحين تمشي على عماها ماتدري عن شي .

وقفت بمكاني متجمدة بعدين ابتسمت لسامية اللي مطيرة عيونها فيها قالت : خالة
الله يهديك انتي ماتعرفين تجلسين مثل المسلمين .. طبعك طبع يهود .

قالت بخبث : انا ماقلت الا الحقيقه . بغيت انبهها يوم اني اشوفها بنية يتيمه
ومريضه والناس تغدر بها وتبي تزوج رجالها .

قلت لساميه وانا مكشرة : هذي اش قاعده تقول ؟

دق جوالي شفته مهند بس ماقدرت ارد عليه .. قلت : ساميه ردي علي .

طالعتني ساميه قالت : ديمه موضوع طويل هذا اسألي مهند عنه وهو يقول لك .

: يعني كلام هذي صدق

تدخلت نورة بضحكه قالت : ايه ياديمه صدق وبدر الح على مهند قال تخطبها ولا
منت ولدي ولا اعرفك دوب امه علمتني .

طالعت فيها قلت : حسبي الله عليك انتي وبنتك ونعم الوكيل .

قلتها من قلبي ياناس .. حسيتني مظلومه هنا .. حتى لو كانت كذابه بس نغصت
علي .. واذا هي صادقه معاناتها قضوا علي .

مسكنتني ساميه بيدي ونفضت يدي منها بقوة ماادري ليه ساميه مالها ذنب بس انا
كمان تايهه وضايعه وحياتي قدام عيني تنهار .. الحلم اللي كنت عايشته الأيام
اللي راحت في لحظة تحول لكابوس ..

سمعت آخر قنبلة اطلقتها نورة لمن قالت : علميها ياسامية ان بدر خاطب لمهند
من يوم كانت في عند جدتها وجابها وهي ماتدري عن شي ..

خرجت بسرعه .. هربت منها ومن صوتها وخبثها ودنائتها شفت مهند يدخن عند
الباب .. وريم تجري وراي قالت ديمه : لاتصدقين عمتي تراها كذابه وووو

مهند عمتي كلمت ديمه ماقدرنا نلحق عليها .

طالعت المتهم الأول وعيوني فيها دموع وماتكلمت . قال وهو في فمه سيجارة :
اركبي الحين وما عليك من كلامهم .

ركبت السيارة بعد ماغطيت وجهي ودموعي نزلت بهدوء وقلبي يعتصر ياناس ..

ركب بجنبي وسكتنا ماتكلما اكثر من عشر دقائق .. دموعي تنزل وانا اشهق
وامسح دموعي بعيوني .. دخن مهند اكثر من خمس سجائر آخر شي تكلم وليته
ماتكلم : كنت حاس انها هي اللي بتكلمك .. وامي دقت علي قبل شوي قالت عمك
قامت من عندنا وشكلها ناوية تقول لديمه على الموضوع لأنها سألتني وعلمتها
بالتفاصيل .

انهرت وقلت : ليه تخذعني يامهند ؟

قال بهدوء فظيع : ماخذعتك ولاكذبت عليك ..

: لاوالله وكلام عمك

: كلام عمتي صحيح ولو اني مادري شو هو بالضبط لكن بقولك المختصر المفيد

ديمه لمن كنتي في سوريا حالي صعب على ابوي وخطب لي من راسه كلم واحد
من الناس اللي يتعاملون معاه عن بنته يقول اني اذا تزوجت يمكن انساك وارجع
مثل اول .

انا رفضت الموضوع جملة وتفصيل وماناقتشه مع احد لليوم .. قبل كم يوم
تتذكرين لمن ناداني ابوي وكلمني وجيتك طفشان .. كان يقول انه تورط وخطب
بنت الرجال ومستحي يقول له ماعاد نبي بنتك .. ويقول اخطبها مافيه شي اذا
اخذت ثنتين وانا قلت لابوي الكلام اللي مراح اكرره غير لك انتي .. انا لايمكن
اتزوج في هالدنيا غير ديمه بنت عبدالله . فالااهمه ولا لا . مانبي نخلي عمتي
تلعب في حياتنا على كيفها ..

طالعه وانا اشهق بقوة قلت : وابوك طيب ؟

: ابوي يزعل يومين ويرضى . لكن انا لو زعلت مراح ارضى ولا راح اكون
سعيد بحياتي لين اموت الا معك انتي وبس .

: طيب والحل ؟

: مافيه مشكله حتى ندور لها حل .. ديومي حبيبي لاتفكرين بهالموضوع تكفين ..
انا لك ليوم الدين وانت لي لأبد الأبدين .. ولاتفكرين ان يجي يوم اني افرط فيك
مهما كان حتى لوحطيت اهلي بكفه وانت بكفه .

: لايامهند الا اهلك .. انا تقدر تجيب بدالي حتى لو ماحبيتها زي ماتحبني بس
اهلك ماتقدر تعوضهم .. وصدقني لو الدعوة فيها رضى اهلك انا اللي راح ا

حاولت اهدي خالتي بس انا كمان محتاجة من يهديني .. لأن ريم قالت الله يستر
من ابوي لمن سأل عمتي سارة عن مهند وش فيه قالت له : مافيه شي كدرت
عليه حياته وظلمته ومايدري وش يسوي يتبع قلبه وضميره وسعادته ولا يسمع
كلامك ويرضيك ويجني على نفسه . وابوي زعل بالمرة من كلام عمتي قال
الموضوع منتهي ومهند بيروح معاي بعد يومين غصب عنه كلمتي ماغيرها ولا
اثنيا قدام الرجال .

..

جالس بجنبي على السرير ويدخن وانا ساكته مادري اهدي مهند واطلعه من جو
الكآبه اللي هو فيه ولا اخليه كذا وانتظره هو يجي يساعدي ويطلعني من حزني .
قلت : حبيبي هذا اللي هلكك مراح ينفعك ولا راح يحل شي .

: جيت هنا ابي انسى واغير جو مادريت ان امي سارة بتزيد الطين بله .. خلت
ابوي يعصب ويدق علي يقول فهم ديمه على كل شي وانا راح احدد موعد الملكة
مع سعود بعد يومين ..

التفت علي وكمل وهو يقول : واللي رفع سبع وبسط سبع ياديمه ان مالي زوجة
في الدنيا غيرك . لو فيها غضب ابوي واهلي كلهم .. كانت دموعي تنزل بغزارة
ورمي سيجارته وقرب مني حط راسي على صدره وانا انهزت اكثر قال : حتى
لو خسرت وظيفتي هنا حتى لو خسرت وجودي كله هنا .. انا ماقدر اعيش بدونك
ياديمه . راح احارب الدنيا عشانك وعشان حياتي معاك .

مارديت عليه ولا تكلمت كانت دموعي هي اللي ترد وتقول له ماقدر على بعدك
مااتخيل ان تجي وحده وتصير بحياتك وانا اطالع . وماقدر اخليك تعصى ابوك
وتغضبه عشاني ..

مالبي ازيد هم مهند واتكلم باللي في قلبي .. اخيراً قلت : مهند خلنا نطلع في
البلكونه احسني مخنوقه هنا .

اخذني بيدي وخرجنا في البلكونه حققت غرفتنا اللي تطل على جبل فيه عصافير
كثيرة وحمام وطيور اشكال وانواع واللوان .

قلت : حبيبي اذا الجو هنا برد عليك خلاص ندخل ترى انا عادي اهم شي عندي صحتك وهذا .. أشرت على راسه باصبعي وانا ابتسم

: مممم يالله خلينا ندخل احسن .

نمنا بعد ماحاولت اهدي اعصاب مهند وتظاهرت اني ماني خايفه وهو معاي واني واثقه بكلامه لمن قال انه ماراح يضرني ولاراح يخليني احزن .

صحيت الظهر على صوت عمي برا وهو ينادي على مهند .. صحيت مهند كان مبين على وجهه انه تعبان .. قال : اطلعي قولي له بنزل عنده بعد شوي . وتغطي باللحاف وكمل نوم .

لبست الروب حقي وخرجت لعمي فتحت الباب وشفته قدامي .. حسيت عمي انصدم لمن شافني قال : هلا والله ببنتي ديمه وشلونك يبه .

هزيت راسي قلت : انت كيفك يا عمي ؟.

: انا بخير اذا انتم بخير وطيبين .

: عمي مهند يقول بينزل لك بعد شوي .

عصب عمي من جديد قال : قولي له الحين ينزل تحت .. الموضوع اللي ابيه فيه مايتأجل .

: حاضر اقوله .

عورني قلبي كثير ورجعت لمهند كأني اقول قوم روح لابوك عشان يقتلني .

حركته بيدي ودموعي تنزل قلت : مهننند قوووم ابوك معصب يبغاك تحت .

رفع اللحاف عن وجهه لأن صوتي مو عاجبه وطالغني قال : خليه اذا مواضيعه مامننا فايده لايتعب نفسه ويتعبني .

: ابوك معصب والله .

اخذ مخدتي وحطها على راسه وكمل نوم كأنه عارف ابوه اش يبغى ومايبغى يروح له . دخلت الحمام وتحممت وخرجت لبست ومهند لسه على نومه .

هالمره جات خالتي دقت علينا وفتحت لها قالت : مهند ماصحى

: لاياخالتي مارضى لي ساعه احاول فيه . البارحه كان مرة تعبان .

جات خالتي عنده صحته وفتح عيونه قال : يمه روعي بقوم اتحمم والحقك .

خرجت خالتي وشفت مهند يكح وخط ديه على راسه بسرعه جيت عنده حطيت
يدي على راسه كان راسه مسخن .

قمت بسرعه جبت له حبتين بندول قلت : حبيبي حرارتك مرتفعه قوم خذ لك شور
عشان تنزل بعدين روح للمستشفى .. اخذت جوالي قلت : ولا انا اقول لعمي ياسر
يجي يوديك .

مسك يدي قال : لا لا مايحتاج مستشفى . بقوم اتحمم وتنزل ان شاء الله .

(♡)*.....•♪•.....*..... (♡)

نزلنا تحت ومهند يكح وباين انه كثير تعبان .. قال : انا بروح لابوي وانتي
حضري لي انا وياك غدا .

رحت للمطبخ وحضرت الغدا وفي قلبي مليون وجع .. وفي راسي مليون سؤال ..
وقدامي دهاليز وخوف وظلمه ومتاهات ماقدر اخطي فيها خطوة لحد ماانتضح
الأمور .

شفت رانيا اللي دوبها وصلت مع زوج امها وهي تبكي ومنهارة وتقول : ديمه
لاترضين لاتوافقين ابوي يقول ديمه طيبه وبنت اصول وبتوافق .

لفت فيني الأرض قلت : رانيا اش قاعده تقولين انتي وليه تبكين كذا وو

قاطعتني قالت : ديمه ابوي بيغصب مهند يتزوج بنت سعود ويبويه يملك اليوم لأن
سعود واهله في ابها ..

كنت احس الدنيا تلف فيني وطاحت الكاسة من يدي قبل مااحطها في الصينيه قلت
بصوت يرتجف : رانيا عمي ليه يسوي فيني كذا .

: ابوي يقول انه خطب لعمي لمن كنتي في سوريا وماعاد يقدر يتفشل مع الرجال .

شفت مهند واقف عند الباب ويطالعني بقلق شكلي يكسر خاطر .. انا منهارة من الداخل والخارج والدنيا صارت في عيني اضيق من ثقب ابرة . رحمتك يارب آخر كلمة قلتها قبل ما اسمع الكلام اللي كان مهند بيقله لي وهو جاي يمشي ناحيتي .. صحيت وانا بسريري فوق شفت مهند عندي .. مسك يدي وضمها بين يديه قال : ديمه

صدت عنه ما قدر اطالع فيه وهو مكسور ومهزوم ومغلوب على امره قلت بياس : مهند برجع لجده .

:الحين نرجع بالسيارة يالله قومي

وقف مهند وقمت قرفانه احسني برجع . ورحت للحمام على طول .

لحقتي مهند للحمام وانا استفرغ وجاب لي كاس مويه .. شربت وانا احسني داخلة ومو قادرة اركز بشي ... اعطيته الكاس قلت بضعف : الحين بروح لجده يالله مهند ما قدر استنى هنا .

: يالله ياعمري رتبي شنطتك

: مهند تعبان مو قادرة امشي ناد على الشغالة ترتبها لي

: خلاص عمري البسي عبايتك حتى لاتبدلين روعي بالبيجامه عادي وانا ارتب لك الشنطه . تبين مستشفى ؟

: لا بسسس اا اتصل على خالي سامي ولا ماجد واحد منهم يجي ياخذني .

: ليه ..؟ ديمه اش قصدك

: ما ابغاك تسافر وانت تعبان وكمان عشان ابووك ..

انهرت ابكي عند مهند وهو حضني على صدره ورفع راسي

: ديمه ابغاك تثقين بمهند فاهمه ..؟ بعدين محد موديك غيري وانا مافيني الا العافية وانتى عند اهم من ابوي واهلي كلهم .

: ابوك بيزعل منك .. لا يامهند

وبسرعه رحت للحمام وحاولت استفرغ مرة ثانيه ما قدرت لأن معدتي فارغه

مسكني مهند قال : اوديك للطبيب يمكن جاك برد

: لا... بس بس اللي صار موترني .. طالعت بعيونه و عيوني كلها دموع وقلت
:ومتعبي يامهند .

: لا تتعبين نفسك ديمه خلاص خليك مرتاحه وطمني بالك والخرابط هذي لايمكن
اسكت عليها

: خايفه من زعل اهلك عليك بسببي .

: ماراح يزعلون ولا راح يصير شي .

: مهند اهون علي تاخذها ولا يصير بينك وبين اهلك شي

: الحين لاتفكرين بالموضوع هذا يالله البسي عبايتك .

دخلت الحمام غسلت ولبست عبايتي ونزلت بمساعدة مهند وخرجت من دون
ماكلم احد ولا حتى هو

في الطريق كان اغلب وقت مهند ساكت وانا احسني بس ابغى ارجع ..

اشترينا اكل ،فطائر وعصير وجاب لي مهند بسكوت يقول كويس للغثيان
والاستفراغ .

وصلنا جده بعد حوالي خمس ساعات اغلبها قضيتها بالنوم بس ماكنت مرتاحه
ابداً

دخلت البيت حقنا وشالني مهند لحد مادخلنا جناحنا لأنني ماقدر امشي احس
مافيني قوة .

اخذت شور بسرعه خفت ادوخ ولا يغمى علي

انا كثير مكتئبة .. كلام عمي شكله سبب لي صدمة نفسيه او عصبية .. مهند
بموقف لايحسد عليه وانا اكثر منه .

لبست تنورة سكري حرير كلوش وقصيرة .. ولبست بلوزة بنية كمان حرير ..
طويله وبدون اكمام .. ولبست صندل ناعم بخيوط تتربط على الساق .. بسرعه
لبست وانا منهكه ولفيت شعري ومكسته بشباصة وحطيت قلوس بني وبودرة
خفيفه وبلاشر وشادو بني .. وحطيت كحل من داخل ومسكرة لأنني عيوني تعبانه
وماابغى احد ينتبه لي

: من قال الا بحتاجها اش دراك

: شو قصدك يابنت ؟ الله لايقلوله وعساك ماتحتاجين تجين الا زيارة وترجعين ؟

: طيب انا اقصد انو يمكن اجيكم زيارة واطول عندكم .

: اوف ليه لايكون صاير بينك وبين زوجك شي

: لاوالله مهند شايلني على كفوف الراحة بس ... تنححت لأنني حسيتني متورطة
قلت : احم احم بس الزمن محد يضمه .

: ديوم شو هالكلام لاتقولين كذا ..

: هذي الدنيا مانضمها ياستي.. وغرفتي اتركها لي

: بنت صدقتي اني بقرب من غرفتك امزح والله .. بعدين اكثر لاكثر الله في بيتتنا
الغرف .. وغرفتك موجودة لك بأي وقت .

: هدى والله اعصابي تعبانه

: ديمه قولي صاير شي

: استني ياهدى كلها اسبوع واقولك على كل شي بس هدى الله يخليك خالي
لاتتكلمين معاه بشي عني

: ولا يهمك بس او عديني أي شي يصير معاك تقولين لي .. ديمه احنا اهلك
لاتسكتين على الظلم فاهمه

: ماني ساكته ياهدى وتأكدي اذا صار لي شي بقولك على طول بس خالي

قاطعتني : هذا بيني وبينك خالك اذا ماتبينه يعرف ماراح يعرف

سمعت خالي ينادي : ديمه

وقفت بكسل وبملل ورحت عنده : هلا خالي

: كلمي زوجك

رحت عند مهند قال : تحسين بشي الحين ؟

: لا الحمد لله احسن .. انت اللي كيفك تكح ؟ حرارتك ارتفعت ..

: انا بخير يا عمري بس يالله بنمشي وترى بنمر على المستشفى عشان نشوف
اش فيك .

: لا مستشفى لا الله يخليك مافيني شي .. استنى اجيب عبايتي وشنطتي واجي

رجعت عند هدى وانا احسني دايله وتعبانه واخذت عبايتي وشنطتي

: ديمه والله بدري بعدين انتي تعبانه قولي له يخليك هنا الليلة

: مهند ما عنده احد في البيت اهله لسه في ابها .. مستحيه منه اتركه لوحده

: طيب كلمينا وياليت تمرين مستشفى تشوفين شوفيك انتي ما اكلتي وطول الوقت
باين انك تعبانه

: صدقيني من السفر ومن القرف اللي شفته في ابها

: ياربي احس فيك شي .. ديوم ضروري تكلميني

: او كي يالله اشوفك على خير

سلمت على هدى وخرجت لخالي في الحديقة وسلمت عليه وخرجت مع مهند

اخذني مهند للبيت وجلسنا بجناحنا بعد مابدلت ولبست بيجامه شورت قصير وبدي
لونها زهري

كان مهند جالس على الكنبة الطويلة وانا ممدة بنجنبه وراسي على افخاذه

هو بعالمه وهمه وانا مو بعيدة عنه بس كل واحد يفكر بطريقته رفعت راسي
وطالعت بوجهه كان مسرح وهو يمسح بيده على راسي : مهند ابوك ما اكلتك

: الا دق علي وانا عند ناصر قلت له اني بجده

: زعل منك

.....:

: ما ابغاه يزعل منك

: فكري بنفسك لا تفكرين بالناس

: بس هذولا اهلك

قمت بشوئش ماحبيت اقلقهم علي ودخلت الحمام ورجعت كل اللي اكلته الله يعزكم
ورجعت جلست معاهم

قال مهند :تعالى كملى اكل

: لا الحمد لله خلاص شبع

قال بصوت واطي محد يسمعه غيري : وش فيك انتي وجهك ليه اصفر . ترى
اليوم باخذك عند الدكتور .

: مهند والله مافيني شي بس تعرف وسكت

سكت مهند على طول عرف اني متضايقه من الموضوع اللي صاير حديث الساعه
في البيت واني اداري واسوي نفسي عادي .

دق جوال مهند كان ابوه : هلا والله يبه الحمد لله على سلامة
الوصول انا في بيتي والوالده عندي والبنات
..... الله يحييك ننتظرك

اشر لي مهند وقمت لبست جاكيت على البدى حقي وناديت الشغالات يجهزن
القهوة والشاهي وقمنا كلنا دخلنا المجلس حق الحريم اللي بجناحي

دخل عمي علينا وسلمنا عليه انا ومهند وجلس بصدر المجلس وقمت صببت له
القهوة وانا احسنى تعبانه وادوخ .. حسيت وجهي يتعرق والدنيا تسود بوجهي ..
جلست قبل اصب لمهند ولا لاحد ومسكت راسي قلت لريم بشوئش : ريومه صبي
القهوة عني مصدعه مافيني اوقف

قامت ريم صببت القهوة وشفت مهند التفت علي مستغرب وحسيته عرف اني
خافه من عمي وكلامه اللي راح يقوله .

قال عمي : ديمه انتي فهمتي الموضوع يبه وهذا مو بيدنا يعني مانبيك تزعلين
وتأكدي انك بنتي مثل ريم وسميرة ورانيا والبيت هذا بيتك واحنا لوبيدنا ماخلينا
هالشى يصير بس انا شفت ان مهند تعب وتغير حاله وانتى الله يهديك طولتي عند
جدتك قلت اكيد مامننا رجا وخطبت لمهند من واحد معروف في السوق والله
يابنتى لو غيره لاعتذر منه بس المشكله هذا مستحين منه ووو ..

كنت ساكته مالدري اضحك من النكته اللي قاعدين يقولونها ولا ابكي من القهر
وان محد حاس فيني ولا اتكلم واقول رأيي واعبر عن قهري ..

تكلم مهند : بيه بعد اذنك انا من قبل قلت لكم محد له علاقة فيني ولحد يتدخل انت
قمت بتكحلها عميتها يايبه .. اعتقد مايرضيك اني اعيش تعيش طول عمري وانت
بيدك تعذبني وتحرمني السعادة .

: افا يامهند هذا كلامك عني

: انت تدري اني اذا فكرت اخطب البلوة هذي معاناتها تدمير حياتي

: مهند البنت بنروح نخطبها الليلة ابيك تعطيتها حقوقها وديمة بنت اصول ماتخلي
زوجها وبيتها عشان حرمة .. وهي تدري انها غلطة غلطتها يوم جزمت انها
ماراح ترجع لك ..

: لو سمحت بيه الكلام هذا منتهي زواج ماني متزوج والموضوع حله بطريقتك
اعتذر من الرجال وقول الله يرزق بنتك

: هذا سعود ال.... مو أي واحد اعتذر منه وتدري اني اذا اعتذرت منه وقلت ما عا
نبي بنتكم انه بيسكت ولا يخلينا في حالنا .. بعدين ديمه عاقلة وحكيمة وتعرف
الاصول والواجب وتقدر خوفي عليكم وعلى حلالكم من بطش سعود .

وقفت قلت وانا ارتعش : بكيفك ياعمي انا ماراح اعترض على شي انت وولدك
احرار في اللي تسوونه .

خرجت وانا مو قادرة اسند طولي الأرض تلف فيني وقرفانه ابغى اخرج من هنا
بروح لاي مكان بعيد عن هنا .

لحقتني خالتي بعد ماتمددت بسريري قالت : ديمه يمه فيك شي ؟

: لا ياخالتي مافيني غير القهر والحسرة .

: والله ماني راضيه وادري ان مهند يتعذب مثلك واكثر بس والله ماياخذها مهند
عليك وراسي يشم الهوا

: خالتي علاقة ولدك في ابوه عندي بالدنيا كلها حتى لو ضحيت بحياتي معاه
والحرمة بدالها حرمة بس الأهل محد يعوضهم مثل ماقلت لولدك ..

شفت خالتي انهارت وبكت .. قمت جلست عندها قلت : مو قصدي انكد عليك
ياخالتي بس هذا النصيب والقدر والقسمه ليه نعترض

:انتي اللي محد يعوضك ياديمه بس الله يوفقك ولايقهرك ويرزقك وسامحيني
ياديمه

قطع علينا مهند لمن دخل وقال : يمه روعي شوفي ابوي وفكيني من شره

قامت خالتي وانا رجعت تمددت على السرير وقرب مهند مني قال : ديمه
لاتعتقدين اني بسوي اللي بيبه ابوي.

: اذا ماسويته راح تقهر ابوك ويغضب عليك .

: لاتفكرين بالموضوع هذا راح ينتهي باذن الله قريب .

: لا يامهند لازم افكر وهالمرة بواقعيه اكثر .

: ديمه انتي تعبانه اوديك مستشفى

: لا مافيني شي وروح لابوك لاتتركه لوحده

: ديمه عمري لاتكبتين بقلبك تكلمي قلبي شي .

: مهند خلني لوحدي لوسمحت !!

خرج مهند من عندي وسمعت صوت ابوه ارتفع يقول الحين ادخل البس و الحقني
و انا تحت انتظرك

دخل مهند ولبس قلت : فين

ناظر فيني قال بسكت ابوي كم يوم لاتخافين مراح اتزوجها لو اشنق نفسي ..
لبس ثوبه واخذ شماغه وخرج

خرجت لريم اللي كانت منهارة تبكي ورانيا مو هنا قلت : شو فيه ..؟

: مهند غصبه ابوي يروحون يخطبون الحين

: ها ..؟ الحين ..؟ طيب ومهند ..؟

دق جوالي شفت الرقم كان مهند : هلا

: ديمه لاتخافين انا على وعدي اقسم بالله مااملك عليها لو تنطبق السما على
الأرض بس ابي اهجد ابوي كم يوم وعشان نرتاح شويه .

: لاتزعل مني يامهند

: شو تقولين انتي ؟

: مع السلامه حبيبي .

قفلت قبل يرد ووقفت بس دخت ورجعت جلست على الكنبه وقامت ريم عندي قلت
وديني غرفتي الله يخليك

: ياويلي كل ماشفناكم مبسوطين يجي شي ينكد عليكم

: حسبي الله ونعم الوكيل

رحت لغرفتي وكانت ريم تبغاني اتمد بس قلت تعالي ساعديني بروح لببت خالي
ماقدر اشوف مهند وهو جاي من عندهم .. طالعتها قلت : يمكن يشوفها .

: شوفيك مستحيل يطلب يشوفها ومهند اكيد بيسكت ابوي بعدين يبطل منها .

حتى ولو انا اصلاً مااتحمل اجلس دقيقه وحده وخلص ياريم انا واخوك شكل
نصيبنا مو لبعض كل المشاكل اللي صارت بينا تقول ان فيه خلل ومو لازم نستمر
مع بعض عشان نرتاح كلنا .

فتحت شنطتي وحطيت اغلب اغراضي المهمه فيها قلت لريم : امانه اذا زوجة
مهند بتسكن هنا لاتخلين لها شي بغرفتي اخاف يمكن بكرة تتبلاني بشي وتخلي
اغراضي دليل ضدي .. لأنني قد سمعت عن هنادي بلاوي . ب مابي اتكلم عليها .

: تخسي ماتدخل بيتك وانتي مصيرك بترجعين وهذي والله والله ياديمه ماتدخل
بيتنا بعد اليوم ولا نخلي مهند ياخذها حتى لو سكت وملك . انا شفتها لمن عزمهم
ابوي جوالين كلها تدق بشكل خيالي حتى مااستحت منا .. وغير كذا حرمة كبيرة
اكبر من مهند . وماتحترم امي تناظرها بنص عين .. تحسب احنا اللي ميتين
عليها .

طالعت ريم قلت : مالمى ابوك من بيم خلق الله الا هنادي سعود ..

يووه فشيلة لو يعرفون الناس انه ماخذها . حرام ورب حرام ياريم . كان دور له
وحده احسن من هذي .

شفت دموع ريم تنزل وماردت علي شكلها مفجوعه من كلامي وخوفي على مهند
واني مارضى انه ياخذ وحده سمعتها كذا .

اتصلت على سواق خالي وقال انه بيجي بعد ساعه بعدين اتصلت على هدى قلت لها ترتب غرفتي واني بجي اجلس عندهم كم يوم .. ماردت هدى لأنها فهمت اني زعلانه وبجلس عندهم .

خرجت بعد ما اخذوا الشغالات شنطتي الكبيرة وخالتي كانت مقفلة عليها بغرفتها تقول ريم انها منهاره وتبكي على مهند وحياته اللي خربها ابوه بيده .

اما رانيا مقفلة عليها من قبل ما اخرج ما ادري كيف وضعها الحين .

جلست بالحديقه استنى السواق ودق جوالي كان مهند رديت على طول كنت ابغاه يقول خلاص رفضت ، خلاص تفاهمنا ، بطلوا ، ابوي كلمهم ، ابغى حل للموضوع من مهند ما ابغى اتركه كأني بخلي قلبي هنا ، ، بخلي روحي وأروح لبيت خالي بدون روح بدون حياة ، بدون قلب لأنني علقتة مع مهند ومشيت ...

: الو

: هلا عمري كيفك الحين ؟

:

: ديمه بجيك اشرح لك كل شي .. ادري اني خذلتك وجاريت ابوي بس والله انه عشان افتك من وجع الراس وافكك . بعدين اهم شي انه مو ارتباط رسمي

: مهند انت اللي سامحني

: شو قصدك ..؟

: مع السلامه مهند .

: الو ... الو

قفلت ودق مرة ثانيه مارديت .. قفلت جوالي وجا السواق على طول ودخل شنطتي السيارة وركبت معاه رحت لبيت خالي

دخلت البيت وخليت الشغالات يجيبن لي شنطتي فوق لأنها مرة كبيرة ولازم ثنتين يشيلنها

سلمت على هدى وعيالها وانا دايله ما اشوف قالت هدى : ديمه تعالي اجلسي وقولي لي اش صار وليه شنطتك هالكبر

: خلاص يا هدى بجلس هنا

: شو صار ؟

: مهند خطب اليوم .

: شوووووووو ؟.

: اللي سمعته ابوه خطب لمن كنت في سوريا يحسبني مراح ارجع له وحن على ولده .. ويقول الحين متورط مع الرجال اللي خطب بنته ومستحي يقول مانبي بنتكم .

: وببساطه يهدم حياتك وحياة ولده عشان مستحي .

: بعدين هدى انا الحين كثير تعبانه بروح ارتاح .

لحقتني لغرفتي ونزلت عبايتي ورميت نفسي على سريري

بكيت هالمرة براحتي بكيت بكيت بكيت الين احسني ماعدت قادرة اتنفس

اتذكر ان هدى كانت عندي وتحاول تهديني بس انتبهت بعد كذا اني لوحدي بغرفتي

صحيت ورحت اغسل وجسمي كله يرجف وانا حاسة اني تعبانه الأرض تلف فيني واحسني دايله عشان مااكلت وكل مايدخل معدتي شي ارجعه

(♥)*.....*..... (♥)

تعوذت من ابليس وتوضيت وصليت .. وكنت بنزل عند هدى بس انا تعبانه مو قادرة اوقف فتحت جوالي لقيت اربع رسائل من مهند كلها يترجاني اكلمه ولا ارد عليه

دقيت على هدى قلت لها تطلع عندي وبسرعه جات هدى عندي : هلا ديمه كيفك الحين

: تعبانه يا هدى

: تحسين بشي

: خليه يجيبون لي شي آكلة

: شو مشتھية

: مميمم ماادري مالي نفس بس احسني جيعانه

: طيب بنزل اسوي لك شي بنفسي

طلعت لي هدى بعد شوي بكاس حليب وشابورة وساندوتشات جبنة ومربي
وشكولاته

شربت حليب وأكلت حبة شابورة احسني خلاص اکتفیت

سألتي هدى عن اللي صار وحكيت لها الموضوع كله بالتفصيل كانت بتتجنن:..
معقوله هذا آدمي اللي يسوي في ولده كذا عشان مستحي ولا هالخرابط .

: تعرفين هنادي اللي شفناها في زواج يارا سلمان

:ايوه اللي قاصه شعرها بوي

: ايووووه ..

: شو فيها ؟

: هذي اللي خطبها عمي لمهند .

: لا لا ياديمه هذيك اكبر من مهند

: عمرها في الثلاثين تقريبا يعني اكبر منه بسنتين .

ضحكت هدى قالت : صدق شر البلية مايضحك . طيب ومهند اش ردة فعله ؟

: مهند تعبان ومهموم ورافض الموضوع بس راح يجاري ابوه يقول بسكتة عني
كم يوم اذا خطبنا بس ماراح املك ولا اتزوجها لين يملون هم ويفكونا من شرهم .

: حسبنا الله ونعم الوكيل .

: خالي فينه ؟

: دقيت عليه قال ان مهند كلمه وجاي بالطريق .

: تكفين يا هدى لا يناقشني بالرجعه لمهند ما اقدر والله يا هدى مافيني انا تعبانة
وما تحمل أي نقاش .

: ديمه هدي نفسك خالك مستحيل يضرك او يتعبك

دق خالي باب غرفتي ودخل .. قمت سلمت عليه وجلس على سريري بجنبني قال :
ماعليك والله ياديمه ماترجعين لهم ولا تعيشين مع ضرة وانا حي لك وموجود
بكيت من ردة فعل خالي وارتحت كثير قلت : الله يخليك لي ياخالي بس لاتقسي
على مهند ترى ماله ذنب

: عارف مهند مهموم اكثر منك بس ابوه المتخلف هذا جنى عليكم حسبي الله
ونعم الوكيل فيه .

قاطعته : حتى ابوه مغلوب على امره صدقني .. يقول ان سعود بطشه قوي
وخايف انه يدمر شركته .

: ليه وين حنا عايشين خلاص اشتغل بعيد عنه وافتك من شره واعتذر منه
بطريقه حلوة خل اللوم عليك وعلى ولدك قدامه وان بنته مافيها عيب او انها
تنعاف وانتهى الموضوع .

: خلاص خالي طلبتك انا تعبانة برتاح هنا ماابغي سيرة مهند ولا اهله الين افتح
انا الموضوع هذا بنفسني .

: خلاص ولايهكم بس ارتاحي .. ديمه وجهك اصفر وشكلك تعبانة قومي خليني
اوديك المستشفى

: لا خالي بس الموضوع هذا ارهقني كثير ... لي اسبوع مااقدر آكل ولا يدخل
نعدتي شي الا ارجعه عشان كذا ماابغي سيرته ولاحد يكلمني عنهم .. حتى لويجي
مهند هنا لحد يقول لي طلبتك خالي .

: اوعدك ماجيب طاريه لين تفتحين سيرته بس ترى مهند ماله ذنب .

: حتى انا مالي ذنب .. الله يخليك ياخالي قفلوا على الموضوع .

: يالله انزلي تحت معانا ماراح اتركك لوحداك

: لا خالي مااقدر احسني دايله وتعبانة

: طيب بنسهر فوق وتعالى معانا

قمت عشان خالي وانا بجد تعبانة جلست بالصالة اللي فوق .. فتح خالي التلفزيون
وقعدنا نسولف كان التلفون يدق قال خالي لهدى : قومي ردي اذا مهند يبني يديمه
قولي ماتقدر تكلم احد .

قامت هدى وفعلاً كان مهند لأنني سمعتها تقول ماعليه ماقدر اعطيك اياها تعبانة
ماقدر تكلم احد لا ماراحت هي متضايقه شوي
خلاص اذا شفتها كويسة بقولها على اتصالك الحين اعذرني ماقدر اقول لها شي
..... هلا والله مع السلامة .

جات هدى وانا مخنوقة ادري انه بيموت علي وادري انه مو بيده بس انا خلاص
لازم اطلع من حياة مهند .. واذا قعدت اهديه ولا اكلمه بيصير عنده امل انا نرجع
لبعض وانا لايمكن اسمح لأي مخلوق يعيش طرف ثالث في حياتي انا ومهند
جابت هدى العشا لخالي فوق كانت ريحته تقرفني وماقدرت اتحملها قلت بروح
لغرفتي ..

بس خالي قال : والله اذا ماتعشيتي معاي ماذوقه ولا اتعشى الليلة
: خالي والله ماقدر أكل قبل شوي اكلت بعدين معدتي تعبانة من اسبوع شكل
جايني برد في ابها احسني برجع .

:طيب تعالي اشربي شوربة دافيه تريح معدتك عاد انا حلفت
رجعت جلست وانا قرفانه احسني يستفرغ بس عشان خالي شربت ملعقتين بعدها
خلاص ماقدرت اكمل قمت بسرعه ورحت للحمام استفرغت كل اللي في معدتي ..
بجد انقهرت وزعلت اني رجعت كل اللي بمعدتي .. ماصدقت اني أكل قبل شوي
لحقني خالي وانا كنت واقفة عند المغسلة دايله وتعبانة احسني بطيح ... بس
مسكني خالي وتساندت عليه الين وصلت غرفتي : قومي ديومتي بوديك
للمستشفى عشان خاطري

: خالي والله مافيني بنام الحين و ان شاء الله اذا صحيت اكون احسن
: طيب نامي وانا بمر عليك اذا صحيتي .. وانت امانه عليك اذا احتجتني شي
تدقين علي .

: حاضر .

خرج خالي من عندي وانا دايله واحس برعشة في جسمي .. نمت بعد ماطلع
خالي بدقايق .

صحيت على هدى تصحيني الساعه تسعه الصباح تقول قومي افطري ..
نزلت معاها بعد ماحاولت استفرغ بس موقادرة معدتي فارغه .. لقيت خالي تحت
وجلست معاها افطر بعد شوي صحى بسام وأسامه وياسمين وديمه وجو عندي
فرحانين فيني

: ديمه خلاص ماابغاك تروحين اجلسي وارجعي لغرفتك

: ممممممم طيب حبيبي بسام خلاص بجلس عندكم كثير لأنني احبك واحب
اسامه وياسمين وديمه و عشان العب معاكم كثير

فز بسرعه اسامه اللي حياته كلها لعب

: ديمه قومي العبي معاي الحين في الحقيقه

: حبيبي انا تعبانه الحين استنوا عليّ شويه بعدين اخرج معاكم

دخلت علينا الشغالة بشيبس وعصير لعيال خالي بعد ما افطروا لأن امهم وعدتهم
تعطيهم اذا هم افطروا كويس .. !

اول ماشفت الشيبس حسيتني اشتهيته قلت لها تجيب لي شيبس بالخل والملح

ناظرتني هدى قالت : ديمه لاتكونين حامل

: شو حامل اعود بالله لاتفاولين عليّ

: كل اللي فيك يشير على انك حامل

: لا لا ما اعتقد .

انا قلت في نفسي من اقتناع انو مو معقول بشهر واحد احمل وتبين علامات الوحم
.. الله يستر

بجد حسيت هدى ذكرتني بشي غايب عني .. قمت بروح لغرفتي كأني بهرب بس
وقفت ودخت وحسيت اني ابغى ارجع ورحت اجري للمغسله رجعت فطوري كله ..
جا خالي عندي وانا احسني اضعف واحس برعشه .. بس طحت على الأرض
واغمي علي .

صحيت وانا بالمستشفى كان خالي عندي قال : ديمه

: خالي اش صار

: ماصار شي بس دختي وجبتك للمستشفى

: اوف شو هذا ..؟

: محلول مغذي لأنك تعبانه وتحتاجين مغذي

: شو فيني ياخالي ؟

: مافيك الا العافية بس الدكتور يقول انك حامل

: ياويلي اذا صدق والله لاموت

قال خالي : ليه تموتين ؟ وش هالكلام ياديمه ؟ هذا بدال ماتفرحين تقولين كذا ؟ .

بكيث وانا اكلم خالي : خالي انا مافكر ارجع لمهند ابدأ بعد ماخطب .. واذا كنت حامل بيصير فيها كلام .. وبتجبروني ارجع له عشان البيبي ..

: ماعليك من احد واذا ماتبين ترجعين لمهند محد بيغصبك لو عندك عشرة عيال منه وولدك ولدي انا اربييه ويصير عندي بغلاتك .

: الله يخليك لي ياخالي بس بطلب منك طلب .

: آمري

: مالبغي احد يعرف بحملي الله يخليك ياخالي .

: ماتبيننا نقول لمهند بيفرح ياديمه .. مهند محتاج يفرح .

: خالي صدقني بيتعذب اكثر

: خليني اقول له وتشوفين انه راح يفرح

بكيث بقهر : خالي طلبتك الله يخليك لو بيدرون راح يبهذلوني انا الحين تعبانه نفسيتي مرة سيئة مو متحملة شي ..

: خلاص ابشري بس مصيره بيعرف مايصير نخبي على الناس ولدهم .

: طيب بس مو الحين .

: ولايهمك ديمه اللي تبينه يصير بس هدي اعصابك الانفعال مو زين عشانك

خرجت من المستشفى وقلت لهدى اللي كانت متوقعة اني حامل ..

: ياقلبي عليك ياديمه يعني الحين تعرفين انك حامل والله موقتة خاصة ان ...

سكتت هدى ماتبغى تجيب سيرة مهند

تكلم خالي : هدى تراها ماتبغى احد يعرف يعني محد يعرف انها حامل الا الله ثم انا وانتى وهى فاهمه .

: لاتخاف ياناصر من متى اعلم باسرار ديمه

: طيب ابغاك تهتمين فيها ترى عندها نقص تغذية ومحتاجه تهتمين فيها

تكلمت انا : خالي اقدر اسافر

: ديمه مو كل مشكلة تهربين منها لجدتك .. واجهي مشاكلك بعيدين وانتى فى بيتى ياديمه محد يقدر يتعرض لك فاهمه .

: الله يخليك لى بس .

جلست بالصالة عند هدى وهى راحت تجيب لى شي آكله وخالى راح لشغله برا

اتصلت على خالى فادية قالت انها جاية فى الطريق مع اخوالى ماجد وسامى لمن عرفت انهم جايين لجدته قررت تجي معاهم وبتجيني فى بيتى .. قلت لها انى فى بيت خالى ناصر بجلس عنده يومين .. يوه الحين كيف افتك من خالى وتحققها بدءاً بملابسى واغراضى وانتهاءً بشكلى وحالى !!

طلعت فوق ولبست مالبغى التعب يبين على ونزلت للصالة استناهم ... دخلت خالى عندنا انا وهدى وسلمت علينا وانا بسرعه رحت اسلم على خالى ماجد وخالى سامى بالمجلس .. جلست معاهم لأنى من رمضان ماشفتهم اول ماشافنى خالى ماجد : شو ديمه ليه كذا تعبانه ..؟

: مافيني شي ولانى تعبانه !!

: الا وجهك تعبان وش فيك ..؟

: هههههههههههههههه الحمد لله ياخالى بس يمكن لأنك ماشفتني من فترة

: مهند كيفه ؟

: ها ..؟ بخير

: ديمه بتتكلمين وش فيك ولا تراني بزعل منك .

كان خالي ناصر ساكت ويحرك فنجال القهوة بيده وباين انه مسرح مو معانا .

تكلم خالي سامي : مهند وين ومتى جيتي هنا انتي ؟

: جيت البارحه .

: ومطوله ولا بتمشين بسرعه ؟

حسيتهم يحققون معاي واني لازم اقول لهم على اللي صار مهما كان هذولا
اخوالي ولازم يعرفون مني قبل مايعرفون من الناس : بصراحه انا خلاص تركت
مهند لأن ابوه اجبره يخطب له .. والله يخليكم لحد يتكلم معاي بالموضوع هذا
عندكم خالي ناصر اسألوه عن كل شي وفكوني من خالتي فادية لأنها ماتعرف
تتفاهم معاي ولا تتكلم بهدوء وانا موناقصه !!

قمت من عندهم ودموعي اسبق مني رحت لغرفتي على طول حتى ماجيت خالتي
ولا جلست معاها .

كنت جالسه بغرفتي ابغى ابكي ، ابغى اخلص الدموع الين مايبقى دموع .. ابغى
اخلص حزني على مهند الين ماعاد احزن عليه بعد كذا .

مهند وايامه الحلوة انتهت .. مهند زوجي وحبيبي انهاه عمي من حياتي بمنتهى
البشاعه .. مهند الرجل الوحيد اللي قدر يستحوذ على مشاعري غصباً عني ..

مهند اللي حسبته اهانني وهو خطبني بكل حب قال ابي ببتكم وبخطبها مرتين
وثلاث وعشر ..

مهند اللي صبر علي وعلى تمنعي عنه .. صبر لأنه ببساطة يبغى ديمه بحب مو
بأنانية ..يبغاني طول الأوقات مو وقت معين .. مهند اللي ضحكته تفتني بكرة
بتصير ملك هنادي .. عطره مراح اشمه بعد كذا ... بيصير لهنادي العطر وراعي
العطر ... ابوه اجبره على الخطبه بكره بيجبره على الملكة وبعده الزواج .

راح حبيبي مني زي مراح ابويه وزى مراح جدتي وزى مراح امي قبلهم ..
ورجعت ديمه وحده ثانيه شايله هم الدنيا على قلبها وولد مهند في بطنها .

كنت ابكي بصوت عالي بعد ما قفلت باب المدخل حق غرفتي وكمان الباب حق
الغرفة ابغى اصرخ .. ابغى ابكي براحتي .. ابغى اطلع كل اللي جواتي من دون
محد يقول هدي نفسك وخلص ياديمه ،، ابغى اخلص كل شي في اللحظات هذي

دق جوالي .. مرة مرتين عشر خمسطعش .. مديت يدي على الجوال لأنه قطع
علي حزني وهمي وبكاي .. شفت الشاشة .. مهندي يتصل بك

آآآآ ماعاد صار مهندي هذا مهند هنادي الحين

فتحت الخط لارادياً غصباً عني يا عالم بسمع صوته يمكن هذي المرة الأخيرة
اسمعه فيها .

بعدين بتسمعه هنادي وتتهنى بقربه .. راح يدوخها ويربكها ويخربطها زي ما كان
يسوي فيني .

: الو ديمه حبيبتي ردي علي الله يخليك

.....:

: كيفك يا عمري ..؟.

انهرت من البكا لمن سمعته كانت شهقاتي هي الاجابة لمهند

سمعت صوته حزين وفيه رجفه كأنه يمنع نفسه لا يبكي : عمري ليه تسوين
بنفسك وتسوين فيني كذا.. لاتحسبيني راضي ابوي حلف علي بس والله اللي
خلقتني ماملكت عليها ولا راح املك ورفضت اخليهم يسوون حتى العشا .. ولا
شفتها ولا طلبت حتى اعرف اسمها .

كان صوت مهند تعبان ... كان يبكي لا لا مهند مايبكي بسهولة .. حتى اخواته
كانن يقولن لي بحياتنا ماشفناه يبكي حتى وهو صغير كان يتماسك مايحب يبين
ضعفه

: م - م - ه - ن - د

: لبيه يا قلب مهند

: ابوووك راح يجبرك ..

: ماراح يجبرني خليك بس واثقة في مهند . وخليني اشوفك الليلة .

انهرت وبكيت كثير على التلفون وهو ينتظرني واحياناً يقول ديمه خلاص قطعتي قلبي اسكتي . اخيراً نطقت باللي قتلت به مهند : حبيبي خلاص انسى ديمه .

: ديمه شقاعده تقولين انتي زوجتي وحبيبتى وانسى اهلي ولا انساك ولا عاد تدبحيني بهالكلام .

: خلاص يامهند مع السلامه .

قفلت الخط وقفلت الجوال وانهرت مرة ثانية بكيت حظي ونصبي وقدرى .. تمنيت الوقت يرجع ثلاث سنوات .. لمن خطبني المرة الأولى ، لمن رحت لامريكا .. اول ماملكننا ثم بداية زواجنا .. آآآه ليت الوقت يرجع كان اعيد حساباتي واشبع من حبه واقول له اني احبك بكل لحظة .. وافتح له يديني كل ما قرب مني .. ومااصده .

ماشبعت منه للحين .. بدري والله العظيم بدري ان القدر ياخذني .. .

صحيت الصباح على دق الباب .. قمت وانا تعبانه وفتحت كانت خالتي فادية اللي حضنتني على طول وبكت مني لمن شافت شكلي قالت : ديمه حبيبتى لاتهتمين لاحد كلنا معك واللي صار مو هين .. وحاولي تعيشين حياتك بدون ماتفكرين فيه وتتعودين على كذا ..وهم كلهم قلعتهم بيجيك اللي احسن منه اذا اخذ العله هذي .

:خلاص خالتي نسيني انتي لاتجيبين سيرتهم لي .

اخذتني خالتي بيدي قالت تعالى تحممي واخرجي معانا بنفطر مع بعض وماجد وسامي ماراحوا ناموا هنا عشائك .

: حاضر نص ساعه وألحقك .

خرجت خالتي من عندي ورجعت دخلت الحمام وأخذت لي شور والغثيان والدوخه هالكييني .. بسرعه لبست ونزلت تحت كان مبين من وجهي اني البارحه بكيت

جلست مع خالي ماجد بالحديقة كان الجو جنان في الصباح خاصة انه وقت برد وجده وقت البرد يصير الجو ربيعي مو مرة برد ولا حر ..! قال : تعالى بنروح نسقي الأشجار . رحت معاه وجلس يسولف لي عن مزرعة ابوي اللي بمنطقة بعيدة شوي عن الطايف قال ترى عناد وعبدالوهاب عازمين عليها يوم الخميس .. وعناد كان بيجي معاي بس قلت له ان فادية بتجي معانا وهون ..

تذكرت عناد اللي انا واعدته اذا صار لي شي راح اقول له اول الناس .. ناديت
الشغالة تجيب لي جوالي .

وجابته لي وانا بالحديقه برا .. فتحته بدق على عناد .. حصلت ثلاث رسائل وحده
من مهند وحده من رانيا والثالثة من ريم

مهند (ديمه اقسم بجلال الله لو اخسر اهلي ووظيفتي وحياتي كلها ما فكر
ولا احاول اخسر ك لاتعبين نفسك وتحاولين تنسيني لأنني ماراح اسمح لك
احبك بجنون)

رانيا (ديوم انا تعبانه اذا مابترجعين بموت كلميني الله يخليك)

ريم (دقي علي ومهند لك وامي حلفت بالله مايدخل بها مهند لو على حساب
حياتها هي وابوي بعدين مابتحضرين ملكتي تراها بعد يومين اذا ماحضرتي بزعل
منك)

ياويلي شو هالمصايب .. الاخالتي وعمي اللي علاقتهم ببعض مضرب مثل ..
خاصة خالتي كان رضا عمي عندها بالدنيا كلها .. الله يستر . وحسبي الله ونعم
الوكيل على الشيطان .

كلمت عناد وقلت له على خطبة مهند وحملتي وقلت له ان محد يعرف اني حامل
غيره يعني لو احد عرف فهو عن طريقه وماراح اسامحه ولا اثق فيه بعد كذا ..
وعناد رجال الله يستر عليه ومكمن سر اثق فيه ..!وانا قلت له لأنني ابغاه يحس
بالمسؤولية وانه رجال واحسب له الف حساب . الله يستر عليه بس ويهديه
ويصلحه .

يوم ملكة عمي ياسر وريم اتصلت على عمي ابارك له واعتذر اني ماحضرت قال :
ليه ياديمه كل شوي تاركه بيتك وزوجك ومسوية زعلانه .

: ماتركت بيتي وزوجي بكيفي الظروف اقوى مني ياعمي .

: لاوالله ياديمه لاظروف ولاشي وافرضي صار بينك وبين زوجك سوء فهم تروحين وتخليه كم شهر .. ولا افرضي انه تزوج انتي تدرين ان مهند يحبك انتي والحرمة الثانيه مراح تاخذه منك وهو ماله ذنب مجبور .

: ماعليه ياعمي مالي نفس اتكلم في الموضوع هذا اعذرني .

قفلت من عمي وتذكرت اخوالي اللي يخافون علي حتى من الهوا الطاير ويفكرون بمشاعري ونفسياتي مو عمي .. الله يهنيه بس ..!

الحمد لله يارب والله لو اشكر ربي من هنا لين الف سنه مالحق فضل ربي علي لمن اعطاني اخوالي .

اعتذرت من ريم وقلت ماقدر اشوف اهلك ولا مهند اقل شي الفترة هذي لأن نفسياتي تعبانه وعذرتني بعد ماترجيتها ماترعل مني ..

اللي قهرني لمن رانيا اتصلت قالت ان هنادي وامها حضروا ملكة ريم .. وانها راحت تتفرج على صورة مهند اللي معلقة في المكتب قلت لها ان ديمه هي اللي رسمتها تقول كشرت وسوت انها غيرانه منك وراحت من عندها .

تذكرت طلب مهند لي ووعدني له لمن قال ارسمي صورتني وصورتك مع بعض .

ترددت كثير ارسمها بس بجد مشتهية ارسمها يمكن لأنني خايفه نفترق وابغى اثبت حبنا بالرسم والصور .. دخلت مرسمي وطلعت الفرش بس شكلها قديمه والألوان نشفت .. خرجت من المرسم بعد ماقررت اني ارسم بكرة بعد مااشتري ألوان ..

بعد ماطفيت النور وقفلت الباب .. شفت خالي ناصر جاي يمشي بالحديقة ويكلم بالجوال سمعته يقول تعال اسهر عندي لاياين الحلال ماتقدر تشوف احد ونفسياتها تعبانه شوي شوف يامهند انا اعرف ديمه اكثر من الناس كلهم ادري ومتأكد انها تحبك وتتعب في الدقيقه الف مرة بس عزة نفسها وكرامتها فوق كل شي صدقني مراح تكلمك الا اذا الموضوع هذا انتهى بالمرة طيب اول ماتنهيه وابوك يقطع السيرة تعال كلمنيو لك علي انا اللي اقنعها تكلمك . بس انك تجي الحين والموضوع مثل ما هو لا والله

اعذرني بنتي تعبانه مابيك تزيدها زين اجل اشوفك مرة ثانية .
مع السلامة .

رجعت وري مابغي خالي ينتبه لي اني برا .. وانتظرت لحد مادخل البيت وانا
لفيت ودخلت من باب المطبخ .. رحت اشرب عصير وشفيت خالي جاي للمطبخ قال :
انتي هنا وانا ادور عليك داخل .

: ليه فيه شي ياخالي ؟

: مافيه جديد بس حببت اتطمئن عليك ..

: وانا عندك ياخالي مافيني الا العافية عسى الله لا يحرمني منك .

: انتي الله يخليك لي عقبال ماشوف ولدك بحضنك وانت في بيت زوجك .

: الله كريم ياخالي .

رحت للمكتبه اليوم الثاني ورسمت ثلاث لوحات في الرسم لي انا ومهند ..
اضطريت آخذ لي صورة من غرفتي وارسم منها لأنني صعب ارسم شكلي بدون
ماشوف صورة او اكون قدام المراية ومهند حافظه ملامحه .. وبرضو استغنت
بصورة مهند ليلة ملكتنا عشان اتقن الصورة واكون دقيقه لمن ارسم ملامحه ..
تركنت الرسم يمكن اسبوع مادخلته بعد مارسمت لأنني تعبت من الوقفه وانا تعبانه
من الوحم كثير .

اللية خالي ومهند طالعين يتعشون برا ومعاهم اصحابهم .. على الساعه ثلاثه دخل
مهند مع خالي ذكرني بأيام ملكتنا لمن كان يجي باستمرار عند خالي والحين صار
يرجع عشاني ..

طبعاً مافكر خالي يقول قابليه ولا ادري هو طلب منه ولا لا .

تمنيت اني اشوفه واشبع من عيونه .. اشتقت لكلامه ولهمسه وريحته وصوته ..
كذا مرة فكرت ارواح واروي عطشي منه وكذا مرة تخيلت خالي يجي يقول مهند

يقول تجي وتخلت اني اروح اجري ماعاد يهمني الا هو .. نفسي اشوفه وارمي نفسي في حضنه .. بس شجعت نفسي وصرت قوية وعندي قدرة غير طبيعية على مقاومة مهند .. باختصار صرت قاسية .. عليه وعلى نفسي وتجاهلت وجوده

□ □

رحمت نمت بعد ماصليت وشفت خالي لمن دخل ينام تأكدت ان مهند مو هنا وانه رجع ..

كنت جالسه في الأرجوحه اللي في الحديقة وانا صايرة اكره داخل البيت اطفش وامل واحسني اختنق وصاير اغلب وقتي في الليل برا لدرجة اني صرت اترجى هدى وخالي نطلع نتعشى برا ويطلعون عشانى .

قامت هدى دخلت داخل البيت لأن فيه ناموس وطفشها وجلست انا لوحدي وفكرت اروح اشوف لوحاتي اللي رسمتها آخر مرة .. تمنيت ان مهند يشوفها ويدري اني نفذت طلبه لي .. تمنيت اهديها عليه بس صعب مرة صعب ان مهند يشوفها او اني اهديها عليه ..

**دخلت مرسمي بشوف صورته وصورتني مع بعض هنا بس محد يقدر يفرقنا ..
لاااا فين الصور .. مافيه الا وحده .. ياربي فين راحت من يتجراً ويدخل المرسم
غيرى انا وخالى ..**

ياويلي بجد انقهرت بس شفت الصورة الثالثه الموجوده وعليها كلام مآكتبته انا
قربت منه ابغى اقراه وعرفت ويب باقى اللوحات الثانيه ..

فدوك الناس

يا أجمل من رسم فيني

بلاد احساس

یافنامه

یا صوتِ لو سکت

فینی تمام وتصحی ألحانه

ياشعر.. ما أنكتب (لستہ)

لمی باستمرار تجي عندي طبعاً قلت لها على كل شي وكانت مقهورة اكثر مني ..
دائماً لمی تشيل همی اكثر من كل الناس .. وروان صارت علاقتی فیها تلفون بس

كنت جالسه اقرا بكتاب عن الحمل والأمومة .. ودق التلفون شفت الرقم يبدأ بسته
اثنين عرفت انه رقم ثابت من جده بس مو عارفته .. رفعت السماعه

دیمہ :

: من حقاك تنسين صوتی اربعه شهور ياديمه .

مہند :؟

: مهند اللى تركته ديمته يموت بالبطنى ء .

: لاتقول كذا ..؟ متى ملكتك .؟

: مـــــــــــــــــــــم لحظة خـليني اذكــر تاريخها ..؟

لا لا .. حسيتني ابغى استفرغ والدنيا تلف فيني .. شفت زواجه وعروسه ونفس الطقوس اللى عشتها معاه راح تتكرر مع هنادى بس هالمرة هي تحبه وتبادلله ..

قلت : م م م متنتی ؟

: كانت ياستي بشهر ثلاثه السنه الي راحت تبين التاريخ بالضبط اطلع لك عقد النكاح .

[illegible]

: لا افجعك ولا شي الموضوع قريب وبينتهي وبجيك آخذك لبيتنا وانا اشيلك بيدني زي ماحب واتذكر .

رجعني مهند لعالمه وذكرياتنا وقلت وانا متخرطه : احم احم شو ؟ شو احم شو
تقصّد ..؟

كثر ما خانني هذا الزمن واكثر وحشتيني
احبك حب اكبر حيل من كلمة احبك واسألي عيني
يا اقرب من نظر عيني لعيني
يا ابعد من حنانك عن حنيني
امانه كيف تنسيني
وانا من ليلة التوديع الين الحين
احس ايديك بايديني

آه يامهند تقتلني بكلامك .. سبحان الله اللي غير حالي زمان كنت ابيه يقول لي
كلام حلو واتمناه تصير اطباعه زي الحين .. والحين العكس تماماً ليته يرجع زي
اول عشان اقدر اكرهه وما تعلق فيه ...

ارسلت له بسرعه وبدون تفكير غصباً عني هالكلمات ..

احس اني وسط ليل طويل ناسي فجره
اعيش بظلمته واسرح بافكاري الى المجهول
افكر وانتظر صبحي الجميل الباسم وعطره
وتصدمني هواجيسي ولا القى لهماي حلول

انا مليت واحساسني معاك ارفف من الشعره
والوم القلب لكنه يعاند وانت المسؤول
اريد ابكي على قلبي وتحرقتني انا العبره
واحس بدمعتي الحاره على محجر عيوني تجول

تبي تنزل واعاتبها تقول شفيك مغتره
واقول الصبر يادمعه انا وانتى نخل وخيول

انا ياليل وش ذنبى تصبرنى على القمره
وتجبرنى على همومك اعيشها بعرض وطول
اهوجس واحسب نجومك وقلبي يلتهب جمره
واضيع حسبتى وفكرى على باب الوصل مشغول

انا ياصبح اترقب طلوعك والامل بكره
اريد تكحل بنورك وليلى ينجلي ويزول

حقيقه او سراب انتا انا مدري وش الفكره
انا صبرى بدأ ينفذ واخاف انك امل مقتول
اريد تعيد لى وقتى قديم وشمسه وفجره
اريد اعرف انا منهو اريد تفسر المجهول

وتركت جوالى ماقلته .. صار عندي برود من كل شي حتى لو مهند دق راح
اطنشه .. بس مادق على لانه شكله يأس منى ومايتوقع انه راح يلاقى جوالى
مفتوح ... الحمل مضايقتى وبطنى يكبر والإجازة بدت يعنى خالتى فادية بتجي اول
ماتعطل .. وأخوالى بييجون يشوفون انى حامل يعنى راح ينتشر الخبر
جلست مع خالى قلت له : خالى اش رايك ارواح عند جدتى بجلس عندها لحد
ماولد .

: بتهربين من جديد ياديمه ؟

: مو هروب ياخالي بس بروح ارتاح .

: طيب كيف تروحين ان شاء الله بالسيارة ولا بالطيارة

: شو بالسيارة .. اكيد طيارة .

: السفر خطر عليك مايصير تسافرين بعدين ماقدر اخليك تروحين وانتي كذا
تولدين هنا وأول شخص يشوف ولدك انا

: ممممم خلاص اللي تشوفه بس بيجون الناس هنا والخبر بيوصل اهل مهند
اني حامل .

: واذا وصلهم مسوية جريمه ولا منتي معلمتهم انك حامل

: لا مو قصدي بس مابغي اقولهم الا بعد زواج مهند اكيد بيكون في الصيف

: لا مهند مقرر يفصل في الموضوع خلال اليومين هذي .. وهو تعبان نفسياً انا لو
منك ارجع له واكون واقفه معاه مو اتخلي عنه وهو محتاجني .

: ها ..؟ وانا من يوقف معاي ؟

: انتي ماعليك ضغط الرجال يقول ديمه مسوية منها سالفه وهي ماراح يضرها
شي . وهو الضغط عليه من ابوه وابو البنت اللي كل شوي يتصل ويقول اذا ولدكم
عنده ظروف ولا شي يعلمني بس ابوه الله يهديه يقول لا مانبي نتفشل في الرجال .

مسك يدي وكمل : ديمه مهند كل يوم يسهر معاي وحالته ماتسر لاعدو ولا صديق
.. ساكت وعصبي واهلكه الدخان .

قلت لاشعورياً وبسرعه : ياويلي عليه .. حسبي الله على ابليس ليه يسوي بنفسه
كذا . بعدين هو وعدني يبطل تدخين .

كمل خالي : تراه يسألني عنك واقول انك بخير ومافيك الا العافية بس اللي قاهرني
اني مافرحت قلبه وهو بهالحاله انك حامل .

: خالي انا اعرف مهند صدقني بيتعذب اكثر على قد مايفرح على قد مايتعذب
وهو مو ناقص .

: طيب طالما انك تحبينه هالكثير ليه ماتردين عليه الرجال متعذب ياديمه واكثر
شي قاهره انك مطمئنته وماتردين عليه

: ابغاه ينساني ياخالي وانا كمان ابغى انساه

: من جدك انتي ..؟ الرجال متعلق فيك والله لو تقاطعينه اربعين سنه ماينساك الا تعذبينه اكثر .

:خالي لاتزيدني هم والله مو ناقصه

سكت خالي وبعد شوي اخذ شماغه وخرج باين ان خالي مقهور عشان صاحبه وعشاني بس مافي يده حل لأن عمي عنيد وقراراته صعبه .

كان ظهري يألمني بشكل فظيع ماقدر اوقف ولا اجلس دايماً اكون نايمه على جنبى هذا احسن وضع يناسبني .. والدكتورة نصحتني فيه .

::

اليوم هدى عند امها لأن خالتها اخت امها اللي بالمدينه مريضة عندها الخبيث في الدم ومرضها متطور وامها خالتي ام صالح توها عرفت عن اختها .. وحالتها حالة .. راحت هدى عندها تهديها وتجلس عندهم ..

كنت جالساه لوحدي في لصاله .. وجا خالي على الساعه تسعه قال قولي للشغالة تسوي قهوة وشاهي وتزبط العشا معاي رجال بالمجلس .

مريت على الشغالة قلت لها تسوي اللي قال عليه خالي .. وانا من الملل قلت اروح اشيك على المرسم حقي .

كنت لابسه قميص حوامل قصير لتحت الركبه لونه ابيض وفيه ورود وأزهارصغيرة لونها احمر وزهري .. وبدون اكمام وصندل خفيف ونعوم واهم شي انه مريح ... وكنت رافعه شعري شنيون فوضوي وماحطيت مكياج .. الحمل معطيني شكل طفولي سبحان الله الحريم يحملون وتبين ملامحهم اكبر وانا ابيين اني اصغر بس التعب باين علي ..

دخلت المرسم وانا احسني ثقيله قعدت اتفرج على اللوحات اللي لسه ماحطيت لها برواز . ورجعت قرئت كلام مهند اللي مكتوب على آخر لوحة رسمتها من جديد .

حضني مهند بلهفة وشوق ... كأنه عطشان ولقا قدماه موية .. باسني على راسي وجبيني وعيوني وخدودي وفمي ورقبتي وهو يقول : ام عيالي وزوجتي وحببتي لايمكن احد يفرق بينا .. تعالى معاى ولا اقولك خلىنا هنا .. مميمم خالك مايدري

[illegible]

رجع يضمنى بقوة : ديمه انا بحلم ولا علم قولى شى اثبتى انى مو احلم الحين

قلت بهمس وانا الى احسنى احلم مو هو : مهند حبيبي عورتى فى بطنى .

: اوووه نسيت .. ليه ياديمه تحرمينى الفرح هذا طول الشهور اللي راحت

: ماقصدی احرمك خفت تتعذب اكثر .

١٠ : اتعذب وولادى فى بطنك انتى ؟

: حبیبی خلاص بنخرج من هنا .

: ديمه انتی تحبيني وانا احبك ليه نفترق

: حكم القوي يامهند .

: لا حبنا وقوتنا انا وانتى هى اللى تحكم

١٠٠ : كيف خالتي وعمي

: امي زعلانه من ابوي وابوي راسه والف سيف و..... اش عليك فيهم انتي

خليك معای انا وپس ..

كان يكلمني بطريقة غريبه احياناً احس ان فيه شى واحيانا اقول بس لأنه مبسوط

.. وأحيانا اقول من الهم اللي فيه يتكلم بالطريقه هذي ..

: ديوم عمري مستغربه حالتي .. انا فوق الحين ، انا بعالم ثاني .. انا اسعد

مخلوق بالدنيا ،

: مهند لاتسوی کذا خایفه

: لا تخافين افرحي معاى خلىنى اضمك ابغى انسى الأيام اللي راحت بدونك

: مهند بروح انا ما قدر اوقف كثير

: تعبانہ یا عمری

: شويه وکمان مایصیر نوقف هنا وخالی جوا اش بیقول عنا

:ههههههههههههههههههههه الله لايفرق بينكم

: اٰمِيْن... دِيْمَه قَوْلِي اٰمِيْن

.....

خالي وهو يبتسم : ادخلوا ادخلوا انتم اغرب اثنين شفتهم بحياتي .

دخلتا وحلف مهند الا اجي اتعشى معاهم طالما البيت مافيه احد او مارح يجلس
دقيقه وحده .

جيت عندهم وكنت مستحيه من مهند من زمان ماشفته بس بداخلي كنت اسعد منه
كنت احسني اظير .. شعور لايمكن اقدر اوصفه .. اذا مهند موجود ويحبني كل
هالحب ماعاد يهمني بالدنيا أي شي .. بس يكون لي وحدي .. وخاللااااص ماابغى
شي ثاني ..

حضرت الشغالة العشا بقسم الرجال ورحنا للمقط اخذني بيدي حتى مافكر بخالي
ولا فكر فيني مستحيه ولا لا .. قال تعالى هنا ..

يووه ياقلب مهند علي كثر ماطنشته وعلی كثر ماقهرته لمن كان يتصل وماارد عليه او اقل جوالی مافكر الا كيف يجلس معاي ويشوفنی ..

: دیمہ ہنا

٢٠: ھا ..؟ لا بچلس ھنا احسن

: والله لتجلسين بجنبي

ضحك خالي : والله شكلي غلط بينكم ... اخلي لكم الجو .؟؟

: والله ياليت ياناصر ... ترى مالك داعي !!

[illegible]

ناظر فینی مهند قال : دیمه بجلس معاها بعد العشا

انا كنت ساكته بس مقررة ما اجلس ثانيه وحده بعد العشا لأن مهند ماعنده جديد
واخاف يضغط على ارجع معاه

تعشنا وأكل مهند كانه له عشر شهور مأكل وأصلاً باين عليه نحيف مرة ومسمر
بس جاذيبته ماراحت .. احسنى اذوب لمن اشوفه ..

تعشيت انا بس شويه قال مهند : اكلي ليه ماتاكلين ..؟

: خلاص الحمد لله

: ديمه لازم تاكлин و تغذین هذا مو اكل

خالي تكلم وهو ياكل : قول لها تراني تعبت من كثر ما اقول اكلي اكلي .. وهذا اكلها لقمتين قالت اكتفيت .

: وش رايك آخذها عندي واخليها تاكل ليل نهار

[illegible]

التفت مهند قال : سته شهور صح

قلت بصوت واطي : ايوه

: مmmmmم كيف الوحm عسى ماتعتي

**تکلم خالي : الا والله تعبت كثير كل يومين بالمستشفى وتأخذ مغذي رحمك ربي
يوم هي مو عندك ولا كان تبهذلت .. هذا طبعا غير عن الحالة النفسيه اللي كانت
تمر فيها .**

: اووووووف حسبي الله ونعم الوكيل

قمت انا على طول لمن حسيت ان الجو بدا يتغير بس فرز مهند ووقف قال تعالى
ابغاك في المجلس

دق جوال خالی ناصر وخرج برا یکلم وهو اصلاً بیخلینا براحتنا .

مسكني مهذب بيده اليسار لأننا ماغسلنا بعد العشاء لسه : ابيك لاتروحين ولاقولك
تعالى نغسل مع بعض .. وابتسم ثم كمل .. والله ياديمه من كثر خوفي تروحين
وماعاد اقدر الاقيك صرت ابيك تلزقين فينى

[illegible]

تعالیٰ غسل

رحنا عند المغسلة وغسل يدينه واخذ يديني وغسلها وانا اضحك منه اقول : ترى انا اقدر اغسل .

: الا في صالحك وفي صالحه روجي معاه اذا انتي ودك تطلعين اما اذا يضغط عليك وغصب عنك لا .

أشّر لنا بيده وخرجنا أول ماركبت مع مهند قال : شو رايك نروح لفندق اذا
السيارة بتتعبك

٢٠ : ها ..؟ لا من قال انها تعني

: انا ادري ان الحامل ماتتحمل الجلوس في السيارة كثير

: طيب مو حنجلس في كوفي مهند لاتقعد تدور اعدار .

[illegible]

: مو مسألة بخلانه بس

: بس شو ..؟ ديمه انتي تحبيني وانا احبك وكلنا مشتاقين لبعض لاختلين الشيطان يلعب عليك ويبعدك اكثر عني

: والله انت اللي قاعد تلعب علي

: هه ها شو قررتي

: مو انا على كيفك من زمان .. الى تشوفه يادكتور مهند

[illegible]

كان مهند يضحك واحسه مبسوط .. هذا هو مهند نفترق انا وياه ويدخل علي يضحك ويكلمني باسلوب ما اقدر عليه ويدوخي ويذووني ويخليني على كيفه ..

(♥) * ● 🎵 ● * (♥)

رحنا للهيلتون وحجزنا جناح كامل موصاحي مهند بس بجد احسه يتصرف
لاشعورياً يمكن من الفرحة ويمكن من القهر اللي عاشه طوال الفترة اللي راحت
اول مادخلت الجناح معاه شالني بسرعه بين يدينه وجلست اصرخ : بشويش
يامجنون بطنى يألمنى .

نزلني بشوئش: اووووه آسف عمري بس ماقدر اقاوم بجد آسف الليلة اعذريني
انا واحد مجنون

: مهند لایکون هذا صدق كله حب

: لا من قالك انه حب انا ياديمه واحد اعشقتك فاهمه ؟

: مmmmmم فاهمه حتى انا

قرب مني وحط وجهه قريب من وجهي قال : حتى انتي شو ؟

: احبك اكثر مما تحبني

: اوووووو والله احلامك كبيرة احلمي ياديوم والله لتطولين السما ماوصلتي حبي لك .

: طيب قول الله لايفرقنا .

: مراح يفرقنا باذن الله والفرج قريب

خفت يفتح الموضوع ماابغى اتكد معاه .. بسرعه رحت لغرفة النوم ونزلت عبايتي ورحت للمرايه ازبط شعري وهو وقف وتجمد بمكانه وقعد يطالعني ... طالعتة في المرايه وانا منخرجه منه قلت بحيا ودلع : اووه مهند لساتك ماتغيرت انت ونظراتك هذي . شوي شوي علي ماتحملها .

: بس انتي تغيرتي وشكلك تغير وبكل حالاتك تفقديني عقلي .. ديمه انتي ساحرة . وانتي اللي شوي شوي علي . وانا اللي ماتحملك . وربى احيانا من جد احس انك مسوية لي سحر .

انخرجت منه وقلت وانا اضحك : بسم الله علي شو هالكلام . هههههههههههه

: ساحرة وساحرتني ومجننتني .. حتى الحمل عليك فتنه

: ايوه بكش بكش علي وارفع من معنوياتي عشان الكرش وجسمي الخربان .

: وربى انك تهبلين وهبلتي فيني واعذريني اذا تهورت .

قرب مني وحضني على صدره وانا اذوب في حضنه مشتاقة له واحبه وماابغى افارقه يارب استر علينا ولا تفرقنا ...

نسيت نفسي مع مهند ماانتبهت الا على جوالي يدق الساعة 5 الفجر رديت عليه كان خالي ناصر يبغى يطمن .. قلت له يطمن وانا في فندق وبنرجع بعد شوي قال الله يهنيكم ولايغير عليكم اجلسوا مع بعض انتم محتاجين تفكرون بهدوء وتقررون بعقلانيه .

مهند كان تعبان .. قال لي انه كان ميت ولمن شافني رجعت له روحه وقلت له اني تركت روحي ببيتهم لمن مشيت هناك اليوم .. قلت له انه اول رجل بحياتي وآخر رجل .. وحلف لي بالله اني اول عشق وجنون بعمره كله ..! وماراح يدخل بحياته احد غير ديمه ..

ہم سب کو ملے ہوئے ہیں مہند علی کذا ماراح نمشی

■ مهنا ■

■ **ليه**

: لا تقولين هالكلام وان شاء الله الجنين وام الجنين بألف خير

: وابو الجنين يكون دائماً معانا متعافى ومبسوط

: ديوم خلىنا نجلس اليوم كله هنا انا عن نفسي مابغى انام بجد ديمه خلىني اشبع منك .

: حبيبي مو على كيفنا مستحيه والله من خالي بعدين عندك دوام لازم تروح تنام لك لو ساعتين .

: إذا على الدوام استاذن لعيونك

: لاجيبي وفر الاستئذان بعدين ولا شو يامهند

كنت ابغاه وأكد لي انه اكيد بيفكنا من هم الموضوع اللي منغص علينا ونرجع انا وياه لبعض .

: لاتحسبين اني قضيت معاك ليلة حلوة راح اغير رأيي لا ياديمه تدرين ان كل اللي صار مو بيدي واني مجبور

حطيت يدي على فمه قلت : اسكت ادري وعاذرتك واحبك وانت زوجي وحببي وابو عيالي .. تتذكر لمن كنت تقول لي من قلبك زوجتي وحببتي وام عيالي انا الحين اقولك من قلبي نفس الكلام وصادقه يامهند باللي اقله

اخذ يدي وباسها ورجع يضمني قال :حياتي بيدك ياديمه تبيني اعيش خليك معاي ، تبيني اموت اتركيني

: لاتجيب سيرة الموت بعدين ازعل بجد ... نزلت دموعي غصب ما احب سيرة الموت

: آسف ياعمري خلاص توبه بس لاتبكين

: ما بغى ابكي خلنا ننسب ما باقي وقت

الساعة 8 دخل يستحم وبعدها خرج وطلب لنا فطور

ودخلت بعده وبسرعه استحميت بس ظهري كان بينكسر من الألم .. مادري شو صار لي اول مرة احس بكذا ..

خرجت وانا باين علي التعب وجلست افطر معاه بس موقادرة اجلس من الألم قلت بتمدد الين يكمل فطوره ..!

: شوفيك ديمه تتألمين صح ..؟

: ظهري شوية يألمني

: لاااااا .. ماكنت ابي اضرك ..

: لاحبيبي اساساً ظهري يألمني من اول بس اليوم زاد يمكن لأنني طولت بالسهر ومانمت .

: طيب حببتي خلينا نروح للمستشفى

تدخل خالي : والله ياديمه لولا حالتها هذي وخفت انها تزيد على امها كان خليتها عندها

: لا هدى حبيبتي قومي يالله البسي روعي عند امك والله حرام تتركينها بس
تروحين تحاولين تهدين الوضع هناك انتي الكبيرة والواعيه مو تنكدين عليهم

حسيت ان هدى اشوا بعد ماتذكرت امها كأنها هدت شوي وقامت تدق على
اخواتها قلت لها ايمان انهم الحين بطريق المدينه رايعين يعزون وياخذون عزاها
هناك .

قال خالي : يالله اصلاً لازم نروح نعزي خليني اوديك عندهم تخففين عنهم
ويخففون عنك .

قامت هدى تلبس وانا قعدت اساعدها بشنطتها وخبيت الم ظهري اللي زاد علي ..
صحت هدى عيالها ولبستهم وأخذت وحده من الشغالات وتركت الثانيه عندي ..

قال خالي : ديمه ماقدر اتركك لوحداك بدق على سامي ولا ماجد يجي عندك ولا
ياخذك للطيف اش رايك ؟

: لاخالي اذا صار لي شي اكيد راح ادق عليك والسواق هنا والشغالة معاي
لاتخاف علي ولاتشيل همي .

: طيب لاتقفلين جوالك

: اوكي ولا يهمك

سلمت عليهم وراحوا على الساعه 11 تقريباً وانا رجعت لغرفتي على طول تمددت
ونمت

وظهري احسه بينكسر من اسفل .. بس قلت اكيد من التعب وقلة النوم واذا
صحيت بكون تمام

صحيت الساعه 2 وانا بعالم ثاني ظهري مجنني وأسفل بطني احس فيه سكاكين
تشققه

كان جوالي يدق رديت من دون ماشوف الرقم : الوو

: هلا ديمه

: مهند

: هلا ديمه فيك شي ياعمري

: بموت يامهند الألم يموتني

: طيب طيب انا جايك الحين لاتتحركين

: لاتسرع مهند فيني اتحمل بس لاتسرع الله يخليك

: طيب عمري بس انتي هدي نفسك وحاولي تاخذين نفس عميق عشان الألم يخف
عك

: حاضر

: مع السلامه

قف بسرعه وانا دقيت على الشغالة تحت قلت لها تجي عندي ابغاها تجيب لي شي
البسه بدال القميص القصير اللي علي

دخلت علي الشغالة وطلعت لي قميص طويل قطني بدون اكمام جيت ابغى البس
ماقدرت من الألم وانفجعت لمن حسيت اني انزف .. لا ماابغى اولد الحين ياربي
شو صار لي انا لسه بالسادس

(♡)*.....•♪•.....*..... (♡)

الجزء الأخير

دق مهند الجرس وهو كان يدق جوالي وماكنت بحاله ولا بحال شي خلاص
احسني بديت اتلاشى النزيف يزيد والألم فظيع .. فتحت له الشغاله وجا لغرفتي
على طول وأول ماشافني نيمني على ظهري واعطاني ابرة في فخذي توقف
النزيف بعدين جاب قميصي لبسني اياه وشانني بعد مالف عبايتي علي وطرحتي
على راسي ..!

صحيت بالمستشفى وانا تعباناه فتحت عيوني شفت شكل مو غريب علي بس من
زمان عنه

٢٠ : خالتي ؟

كان صوت خالتي تبكي : هلا يمه الحمد لله على سلامتك

: راح ما قدرت احافظ على ولد مهند

: لا تبكين يايمه وعسى ان تكرهوا شيئاً وهو خير لكم .

: خالتي تكفون لاتقولون مات الجنين .

سکت خالتي وقعدت تبكي وتمسح على راسي بيدها وتسمح دموعي بمنديل .

دخل علينا مهند وهو يبتسم ولا كأن شي صار .. بس لمن شافني ابكي جا عندي بسرعة قال : لا ياديمه لاتبكين يا عمري ...

قاطعته وقلت : مهند ما قدرت احافظ على ولدك .

: موبيدك يا عمري بعدين ماتدرين يمكن ربي كاتب لنا خير .. جلس بجنبى على السرير وكمل : عمري انتي تعرضتي لصدمات عصبيه فى بداية حملك انا توني شايف ملفك عندك اكتاب حاد ... وكان المفروض ماتعرضين نفسك لأي صدمة او زعل او حزن وانتي زي ماقلتى لي كنتي تبكين بشكل فظيع اكيد بيصير نتيجة عكسية على الجنين ..!ويمكن ربي فكنا منه اذا فيه شى .

مسك يدي وباسها قال : بنجيب عشرة لاتحزنين على هذا ..

: مهند هو مات اکيد .

١٠ : ايه والله مات ؟يا عمري بس لا يضيق خلقك .

: آسفہ حبیبی ما کنت ابغی یصیر کذا بس غصباً عنی ..

: ياعمري انا اللي آسف اذا فيه احد مسؤول عن اللي صار لك فهو انا .. لو دريت ان هذا بيصير لك كل هالتعب ماخذتك معاى .

تکلمت خالتي : مهند وش تقول انت .

: يمه البارحة ديمه معاي طول الليل ومارجعتها الا الصباح قبل اداوم .

[illegible]

ابتسمت اجامل خالتي وانا بداخلي مكسورة ولدي مات والله مقهورة كنت مرة متحمسة يجي لي ولد ولا بنت واسميه واربيه ابي فيه من خالي ناصر كثير ومن ابوه كثير ومن عناد اخوي كثير ومن ابوي الله يرحمه اشياء كتييرة .. وابي بنت تصوير زي خالتي سمر ذكيه وعاقلة ولبقه وجميلة بربيه بطريقتي ..

انتبه لی مهند ودموعی تنزل .. جلس بجنبی ولف یده من وری ظهري

: حبيبة مهدي له دموعها تنزل ؟ انا ماقلت لك لاشوف الدموع هذي .

: مقهورة ان صار لولدنا كذا

يا عمری لاتنقهرین وعسى ان تکرهوا شیئاً وهو خیر لکم

: مهند كنت فرحانه فيه شو يضمن لي الحين اني راح اجيب منك عيال

[illegible]

■

تكلمت خالتي : ديمه لاتخافين انتي لمهند ومهند لك ماني كارهة ولدي ارميه لنار بنت سعود وامها .. وعلى قولة مهند انتي جنته يتركك ويروح لنار غيرك .

: خالتي اذا فيه احد بيشاركني بمهند ما اقدر اعيش معه .. اذا بيصير لي لوحدي جيته الحين قبل شوي .

تحرك مهند من عندنا على طول وخرج من الغرفة قلت : خالتي

: هلا و غلا

مهند ترى مانام راح للمستشفى مواصل

**: لا ماعليك راح مالمقى مرضى وماعنده الا موعدين ماجوا المرضى ورجع للبيت
يرقص ويغنى وجايب لنا فطور الساعه عشرة ونام لين دق عليك**

: الحمد لله انه نام كنت شايلة همه انه مواصل وانا تعبته معاي

مدت علي خالتي كاسة حليب قالت : لاتقولين هالكلام يمه .. بس انا عاتبه عليك
يوم خبيتي علينا حملك .

نزلت الكاسة على الطاولة اللي بجنبي قلت : صدقيني ياخالتي عشان مهند حتى اسألي خالي انا ماكنت ابغى مهند يتعذب اكثر يكفي فراقي تبغينه يشيل هم فراق ولده .

: لا يمه لو علمتية كان صار له حجة عند ابوه وافتكينا من وجع الراس والصدمات اللي تجيك بس كل شي مقدر ومكتوب

: خلاص انا رضيت بالقدر وحكم القدر علي وفوضت امري لله بكل اموري دخلت علينا ريم وسلمت علي وهي تبكي .

: الحمد لله على السلامه ... اجل يوم نفرح انك حامل على طول يموت

: كل شي مقدر ومكتوب يارיום .. والله يسلم قلبك .. فين رانيا ليه ماجات

: رانيا زعلانه على البيبي وبتجي تزورك مرة ثانية

: ياليتها جات مرة مشتاقة لها .

قالت خالتي : كلنا والله مشتاقين لك .. ويشهد الله اني بغيت ازورك كم مرة بس مهند يردني يقول ان خالك يقول مايبها تتعب اكثر اذا شافتكم .

: صدقيني ياخالتي وانا بعيدة عنكم ماكنت عايشة مع الناس .. صحيح ان خالي وهدى مدلليني ومخليني على كفوف الراحة وماينقصني شي .. بس كل مااتذكر اني بعيدة عنكم وعن مهند واتذكر حال مهند وحزنه اموت من القهر .

: الله لا يقهرك يايمة .. ياديمه احنا ظلمناك ومن يوم طلعتي من بيتنا وحالنا مو حال اوادم .. مشاكل والبنات زعلانات من ابوهم مايكلمنه وهو طول الوقت معصب حاس بظلمك وقهر لولده .. ومهند عنده يسوى الدنيا ومافيها بس وش تقولين براسه اليابس .

قطع علي قبل ماارد عليها جوالي اللي دق .. كان خالي ناصر تحمد لي على السلامه بعدين قعد يلوم نفسه كيف راح وتركني بالشكل هذا ولية يخليني اروح مع مهند ,, بصراحة اخرجني ماكان عندي كلام اقوله .

بس غيرت الموضوع وقلت : متى بترجعون ؟

: بشوف زوجك وارد لك خبر

: طيب خالى لاتشيل همى ترى خالتى عندي

: لا لا بنرجع ماتدخلين بيتهم ومهند هذا حاله

: خالي مراح اخرج من المستشفى قبل اربعة ايام يعنى لاتجى الحين وخالتى

معاي بالمستشفى واذا خرجت بروح بيتك

: اخاف الخيل هذا يضغط عليك تروحين معاه

: هههههههههههه خبل هاہ ..؟ لا لاتخاف ما اروح مع خبل انا

[illegible]

خالی:

خلاص خلاص :

: لاتقول الكلام هذا لاحد

: مانی قابله بس اذا جا خليه يدق على .. ادق عليه من اليوم مايرد .

: حاضر بعدین لاتلوم نفسک .. ولا تعصب ولا ترعل علی شی ربی اختاره لنا .

: يا الله الله يعوضك بأفضل منه .

: خالی انا كنت امر بصدمات عصبية ممكن انها اثرت على الجنين .

: والله ..؟

: يقوله مهند ..

١٠: حسبى الله على من كان السبب

: الله يعوضنا خير

: اللهم آمين .. واهتمى بنفسك ياديمه عشان خاطري

: ابشر يا غالى بس انت لاتشيل همى انا بخير وخالتى بجنبى حتى تأكلنى بنفسها .

: جزاها الله خير .. ويالله مع السلامه .

: مع السلامه . بحفظ الله .

جلست مع خالتي وريم وخالتي كل شوي تعطيني شي آكله وانا احسني شعبانه
آخر شي ترجيتها تستنى شوية ماعدت اقدر آكل احس معدتي مليانه .

دخل علينا مهند بعد ثلاث ساعات تقريباً على الساعه عشرة بالليل وكان مبسوط
..سلم على امه بعدين قرب مني وباس جبيني قال ابشرك فرجت وبتطلعين من
المستشفى على بيتي .

: صدق مهند

: ورېی صدق یاعمر مهند

■ : یارب

تكلت خالتي : مهند كل هذي فرحة يمه اللى يشوفك مايقول ان ولده ميت

: یمہ بیجینی ولد ثانی وثالث ورابع ن شاء اللہ .

تکلمت انا : صحيح مهند شو نوع الجنين

ولد :

: الحمد لله على كل حال

خالتي : ياالله يارب العباد عسى مثل الايام هذي من السنه الجيه ازورك هنا وولدك فى حضنك

: آمین یارب

تکلم مهند : یمه خلونی انبسط شویه والتفت لی : دیمه بهالسرعه حملتی کان
استنیتی شویه

[illegible]

قالت خالتي : أي سرعه حرام عليك ترى لك سنه متزوجها

[illegible]

كنت بين فترة وفترة احس بمغص في بطني بس آخذ حبتين مسكنة وبعد شوي يهدى عنى .

جاب لنا مهند عشا من البيت مسويته سميرة بطلب من خالتي .. انا ما قدرت ادخل في معدتي شي لأنني شبعانه بس عشان خالتي اللي تحلف علي كل شوي اكل كمان لو لقمه .. طفش مهند من كثر ماتحلف علي خالتي وانا اترجاها تكون آخر لقمه ومسك الملاعة وجلس يأكلني بنفسه .

افتحي فمك هذي بس

: مهند والله مو قادرة ترى برجه

: بس هذي ياعمري

اكلتها وانا احس ماعاد فيه مكان للأكل

كمان هذي ديوم

: مهند والله مافيه مكان

٥٠ : لاعمرى باقى الحليب

شو..؟ فين احطه هذا كمان لا مهند الله يخليك ماقدر

[illegible]

تدخلت خالتي بكلمة تمنيت انها ماقالتها لأنني مبسوطه وما بغى مهند يروح من عندي .

: مهند يمه ماتبي تروح ولا خايف ان ديمه تخرج من المستشفى وماعد تشوفها .. قوم يمه روح نام بكرة وراك دوام ..

التفت لخالتي ورجعت اطالع بمهند اللي ناظر في امه بلوم

قال : يمه عندي ثلاثه ايام اجازة .. وانا الحمد لله ماعندي ضغط في المواعيد ..
خليني اجلس مع القمر هذا لأنه خلاص ماراح يفارقني .

قلت وانا ابتسم له : مهند شوف ريم فينها ترى من اليوم برا .

مهند وهو يبتسم : اش عليك في ريم تلاقينها تكلم ياسر .. ماتبوني اقولكم على الخير الحلو ؟

: خبر شو ؟ قول تری انا محتاجه افرح .

: من اليوم ورايح بتفرحين لايهك شي

: مmmmmmmmmmm قول حمستني

خالتي وهي على اعصابها : قول يمه عساه خير

: اليوم رحت لسعود ... التفت عليّ وانا احس بطني قلب علي والمغص زاد بس
تماسكت عشان اعرف شو نهاية كلامه يمكن خير ..

كمل مهند .. قابلته بعد ماسلمت عليه يحسب اني جاب بحدد موعد الملكة ولا
الزواج . قال : هلا بالدكتورمهند مابغيت تزورنا .طولت ماجيت تحدد معانا الملكة .

قلت له : اعذرني ياابو عادل انا جايك من دون علم الوالد وابي اقول لك اللي
عندي وعساك تكون متفهم وماتأخذ على خاطرك ولايجي براسك شك انا عايفينك
.. شفت لونه تغير وكشر قلت له : اصبر الله يطول بعمرك بقول لك كل اللي
عندي وانت احكم في الأخير . مارد علي وكملت له : ابوي خطب منك وانا
وزوجتي بينا سوء تفاهم وحن علي ابوي قال بزوجه من دون ماياخذ رأيي ولا
يشاورني بالعكس كان بيفاجئني يحسبني بفرح اناو الله تكدرت من فكرة الزواج
الثاني كله لأنني احب زوجتي واغليها .. زوجتي رجعتها وانا والله ياابو عادل
ماودي آخذ بنتك واظلمها مارضاها على بنتك مثل ماني مارضاها على وحده من
اخواتي ولا انا مستعد ياابو عادل آخذها اليوم قبل بكرة عشان مااحرجك واحرج
ابوي معاك .. لكن النفس وماتهوى وانا مارضى الظلم على بنتك .. سكت ابو
عادل مارد علي ثم تكلم وقال : الله يوفقك والوجه من الوجه ابيض لو ابوك قال
لي هالكلام مازعلت والغصيبة مارضاها عليك ولا على بنتي ..

سلمت على راسه واستأذنت وجيتكم وانا احس ان هم الدنيا كلها طاح من على
قلبي ..

التفت مهند عليّ وابتسم : هاديوم حبيبتي ماعاد فيه شي يمنع ترجعين لي .. لو
اني داري ان الأمور هينه كذا كان من زمان خطيت هالخطوة ولا انتظرت كل
هالشهور بعيد عنك .

تكلمت خالتي قبلي : يمه روح الحين نام وبكرة من الفجر كلم ابوك لأن يمديه نام
الحين . غيرت خالتي لهجتها وشدت على مهند قالت : وكلمه باسلوب حلو مهند
تفاهم مع ابوك باحترام وبدون ماترفع صوتك .

وقف مهند وسلم على راس امه قال : الله يخليك لي بس .. انا من متى رفعت صوتي على ابوي ولا كلمته بدون احترام .. واذا بينت له ان كلامه مو عاجبني معناتها اسلوبى مو محترم ؟ .

: يامهند يايمه الموضوع هذا بالذات بيزعل ابوك انتبه انا بس انبهك وابيك تاخذ ابوك بالسياسة وانت شاطر تقدر تأثر عليه بكلامك ولا تنسى انه يحبك ويغليك .

: الله يخليكم لي بس . لاتشيلين هم مالك الا من يرضيه

(♥)*.....•♪•.....*..... (♥)

خرج مهند من عندي .. ونمت بعد نص ساعه تقريباً لأني تعبانه من الصباح فتحت عيني على الفجر شفت خالتي بجنبي على سرير ثاني ونايمه .. .

قمت للحمام واخذت لي شور وبدلت ملابس وخرجت جلست وانا مغطيه راسي بمنشفة كبيرة .. لأن خالتي منبهه عليّ ما اتحمم الا اذا بحافظ على نفسي من البرودة لأنها مو كويسة للي في حالتي .

دق الباب وشففت عمي دخل .. قامت خالتي على صوته وصبحته بالخير ودخلت دورة المياه تغسل .

قال عمي : وشلونك ياديمه الله يعوضك خير يابنتي .

: الله يسلمك يا عمي ويعافيك .

: والله ياديمه ما ذقت النوم مثل خلق ربي من يوم ما طلعتي من البيت .. خوفي على مهند نساني حتى نفسي . انا تورطت يابنتي بكلمتي مع الناس ولو دريت انكم بتتصالحون وترضين عليه ماسويت اللي سويته .. جيت ابي اكلها واهني مهند وانسيه حبك ولقيتني اعميها وادخله الحزن بيدي . لكن

كان وجه عمي متغير مبين انه فعلاً ندمان وانا قاطعته خفت من منظره ماحب اشوفه منكسر ولا مستحي مني او منخرج قلت : لاتقول شي يا عمي انا مالمتك وعمرى ماحملتك الذنب من حقك تخاف على ولدك وتحرص على سعادته . واللى صار امتحان من ربي لي انا ومهند اكثر شي والحمد لله على كل شي .

: الله يستر عليك يابنتي انا اشهد انك بنت اصول .

تكلمت خالتي : ابو مهند مهند كلمك .

قاطعها قال : ما يحتاج يكلمني اللي كلمني سعود بنفسه وقال ان مهند جاه واعتذر منه وقال لي انه مافي خاطره علينا شي وما يحتاج ننحرج منه ... انا غلطت بحق ولدي وحق ديمه قبل .. التفت عمي علي وقال : انا ناوي اراضي ديمه ومهند على الله يرضون علي . سكت وكمل : اللي صار لك ياديمه كله باسبابي .. لكن الله يقدرني واعوضك وانا ابوك .

: الله يخليك لنا ياعمي وانا اذا عرفت قلب الانسان تصرفاته ما اقيس عليها شي وانت قلبك كبير وطيب ياعمي وتأكد ان قلبي مافيه لك الا كل خير .

: يالله اسمحوا لي وراي شغل ..

: خذ راحتك ياعمي وتسلم على الزيارة .

خرجت خالتي مع عمي برا بتكلمه بعد مالبست عبايتها ..

رجعت لي بعد شوي قالت : عمك ندمان اكثر من مهند ياديمه بس يقول انه متورط ومافي يده حيله واليوم احس انه ارتاح .. سامحيه ياديمه

: خالتي تكفين لاتقولين هالكلام انا مسامحته ومافي قلبي شي على احد بس لاعاد تفتحون المواضيع هذي معاي الحمد لله ان ربي ستر .

افطرت مع خالتي من الفطور اللي ارسلته علينا سميرة مع عمي وصبت لي خالتي كاسة شاهي .. وأخذت كاستها وجلست على الكرسي اللي قدام سرير ي .

سمعت صوت عناد اخوي برا .. وسمعت مهند يسلم عليه وهو يرحب ويهلي فيه ... وقامت خالتي لبست عبايتها وتغطت ودخل عناد عندي وسلم علي ودخلت عمتي صالحه عندي سلمت علي وكانت جايبة لي اكل بس ما قدرت آكل لأنني شبعانه ... وقالت لخالتي ام مهند تروح تراتح في بيتها لأنها بتجلس معاي في المستشفى وبعدين بتأخذني لبيتها بالطايف .

كان مهند وعناد واقفين برا يسولفون وشكلهم يسمعونا لأن مهند تنحج ودخل .. قال : اسمحي لي ياام عناد ديمه بتطلع معانا لبيتها

تكلم عناد اللي دخل وراه : المعذرة يا ابو بدر .. ديمه ماتدخل بيتك بعد ما اهنيتها
وراسي يشم الهوا .

: تمهل يا ابو عبدالله ترى الأمور تصلحت

: وشلون تصلحت ؟

: الموضوع هذاك انتهينا منه واعتذرت من الرجال اللي ابوي ورطني معاه .

: اعذرني يا ابو بدر اللي سويتوه باختي مو سهل وماقدر اخليها تروح معاك لين
تثبت لي انك بتصون اختي وتحافظ عليها .

: ابشر مالك الا اللي يسرك .. وديمة تسوى الدنيا وما فيها عندي

تكلمت عمتي صالحه تهدي الوضع قالت : الليلة انا بجلس مع ديمه وبكرة تعالى
يام مهند ان كان ديمه بتطلع عندكم برجع للطايف بدري .. عيالي هناك تاركتهم
مع عبدالوهاب والشغالات .. والا اخذتها معاي .

ردت عليها خالتي ام مهند : الله يسلمك يام عناد ديمه بنتي وانا امها لاتخافين
عليها وبتطلع لبيتها باذن الله .

: هذا العشم يام مهند بس ودي اجلس معاها عاد يوم جيت من بعيد

نادى مهند امه قال : خلينا نروح ونخلي ديمه تاخذ راحتها مع عمتها .

ونادى عناد يروح معاه لأن خالي ناصر مو في بيته وما عنده مكان يروح فيه
.وحلف ان غدا عناد اليوم عنده .

جلست مع عمتي صالحه وقعدت تسولف لي عن عناد اللي صاروا الناس ينادونها
بامه وعادل وحبها له وسديم ودلعها لها .. وحب عبدالوهاب لاخواني عسى الله
يجازيهم الجنة

نمنا انا وعمتي لأنني اصلاً تعبانة مانمت زين اليوم وعمتي جاية من الطايف
مشوار طويل ..!

فتحت عيني العصر ماشفت عمتي ولا خالتي ام مهند بس شفت وجه اتوه فيه
اعشق كل ملامحه عيونه ، حواجبه ، خشمه ، وفمه وشنبه الخفيف والمنسق

: اجل ضحكك عليك بهالكلمتين وقال لك مقدر ومكتوب ؟

[illegible]

طالع خالی فيه وقال بجديه : من قال انها بترجع معاك ؟

**: اوووه ياناصر انحلت المسأله ورحت كلمت سعود والحمد لله تفهم وضعي ..
طالعني مهند وكمل : عرف حبي لديومتي .. وعرف اني ماقدر اخلي احد يدخل
حياتي غيرها .**

: اها اجل الله يبارك لكم بس احذر يامهند تأذي ديمه بعد كذا . ترى ما عا د بنسمح لك .

: اقول فكني منك انت ونصايحك .. بعدين وش تبني انت ومخلي العزا وقاطع كل هالمشوار .

: والله عاد هذى ديمه مو أى احد اترك الدنيا كلها واجيها .

قلت انا : الله يخليك لي يا خالي وعساني ما انحرمت منك .

ضحك مهذ وقال وهو عند الباب بيطلع : اجل كل هذي دعوة لناصر وانا ولا حتى نص دعوة . قطع كلامه وقال : هلا والله بعناد ادخل مافيه الا ناصر .

دخل عناد علي وسلم على خالي وجلسوا يسولفون .. بعدين قام خالي وقال لعناد يروح معاه للبيت .. عشان عمتي صالحه وخالتي ام مهند هنا ومستحي يطول عندي ويحرجهم اكثر لأنه شافهم جالسات برا قبل مايدخل .

اول ماطلع خالي دخلوا عندي عمتي وخالتي وكملوا سوايف مع بعض وانا رحت ابدل والبس وجلست آكل من الأكل اللي جابه مهند لى من البيت .

سمعنا صوت خالي ماجد عند الباب وتغطوا عمتي وخالتي ودخل علي معاه باقة ورد كبيرة وهو يضحك واقف على راسي . قال : السلام عليكم .

[illegible]

كيف ديمتنا الغالية

: الحمد لله بخير كيفك انت وكيف صحتك

: بخير اذا انتي بخير .. الحمد لله على سلامتك . والي راح ياديوم لاتتحسفين عليه الجاي افضل وأحسن ان شاء الله .

: الله يسلمك يا خالي والحمد لله على كل شي .

مسك اذني بشویش قال : تعرفین تخبین هاه ؟

: هههههههههههه غصب ياخالي نتقي المشاكل .

دخلوا خالي سامي وخالتي فادية بعد خالي ماجد بربع ساعة كانوا جايين على سيارة لوحدهم لأن خالي ماجد بيرجع عناد وعمتي معاه مايبيغاهم يرجعون مع السواق ..

اخوالي عادي ماكانوا زعلانين مني عشان سالفة الحمل اللي ماقلتها لاحد بس خالتي فادية زعلانة وكل شوي تقول طيب ياديمه اجل هدى اقرب مني وانا اللي حسبتني اقرب الناس لك ومثل امك .. اعتذرت منها ان نفسيتي كانت تعبانه وماكنت ابغى الموضوع ينتشر . وجلست اشرح لها لو كنت قلت لها وعرف احد كيف بيتصرفون الناس وبيلحون اني ارجع غصب وووووو الين اقنعتها ..

خرجت لبیت خالی ناصر مع خالتي فادية بعد ماترجيت مهند اروح لبیت خالي وراح ارجع لبיתי وانا مو تعبانہ احسن .. وقعدت احمسه اني راح ارجع له وشكلي ونفسي احسن وكل شوي اقول له ارجع لك ونعيش شهر غسل من جديد . آخر شى وافق وقال انى ضحكت عليه بكلمتين وصدقنى بس ماله الا الصبر .

جاءت هدى مع خالي اللي رجع لهم في المدينه بعد يومين من طلعت من المستشفى
ورجعت خالتي فادية لبيتها وأخوالى وعمتى وعناد رجعوا للطايف .

مہند یزورنی شبہ یومی .. وانا اخذت لی غرفة تحت عشان ماقدر انزل واطلع
وڪمان عشان مہند اذا جا مايطلع علی فوق خاصة ان ھدی موجوده .

خالتی ام مہند با استمرار تزورنی والبنات یجون احياناً معاها واحياناً تجی لوحدها

خالتی فادیه واخوالی کل ماحصلوا فرصه یجون یسهرن معانا .. !

بصراحة قضيت ايام في بيت خالي من اجمل الأيام .. ويارب تكون الأيام الجاية
احلى ..

اكثر شي يسعدني قربي من خالي ناصر وشوفة مهند وحبه لي .. عسى الله
لايحرمني منهم ..

اليوم كملت اربعين يوم من بعد ولادتي .. دخل علي خالي وشنطتي جاهزة قال
:زوجك برا ينتظر مايبي يدخل يقول خلها تطلع لي

: حاضر يالله خارجه

ناديت الشغالات يشيلون الشنط حقتي لأنني نزلت السوق قبل ايام وعلى قولة هدى
كأني مجهزة لزواجي من جديد ... من حقي اجهز مرة ثانية لأن ايامي الحلوة اللي
قضيتها بالسنة اللي مرت بزواجي ماعرفت فيها طعم السعادة الا كم يوم وتنعد
على الأصابع ...

كنت مغطيه وجهي وركبت مع مهند بالسيارة .. عاد هو مو مصدق اني برجع
معاه للبيت . ومن فرحته اللي باينه عليه قال : نروح للبيت ولا نسافر لنا كم يوم
بعيد عن الناس والازعاج ..

قلت له : استنى كم يوم بعدين نقرر برواق خاصة ان ماعندك اجازات هذي الفترة .

اول مادخلت لقيت سميرة بوجهي وريم ورانيا اللي جات على طول وحضنتني
جلست معاهم بالصالة وقمت انزل عبايتي .. امس كنت مغيرة شكلي بالمرة من
زمان ماصبغت شعري .. ولا رتبته وقصيته ومهند كان يشوفني وانا ببيت خالي
ايام نفاسي بالجلابية ولا قمصان عادية وبيجامات ساترة ماكنت اتزين بس امشط
شعري والقه وامسكه بشبابصه .. اهم شي عندي اني اكون مرتبه وشياكه لمن
اقابله .

البارحه لمن عرفت من مهند انه بيجي ياخذني رحت للمشغل وصبغت شعري بني
ودخلت عليه احمر بورغندي وأطرافه لونتها ببنفسجي وموف طالع جنان
بصراحه ...طبعا ألوان هادية مو مخبضة وصارخه .. وقصيته قصة روعة
مناسبة لشكلي .

كنت حاطه مكياج ومثقلته شوي ولايسه تنورة قصيرة لونها اسود وبلوزة حرير
لونها تركواز وفيها فصوص كريستاليه وبدون اكمام وحلقها واسع ...

ولايسه عليها بوت طويل وكمان اكسسوارات اسود وتركواز

(♡)*.....*.....*.....*..... (♡)

دخل مهند بعد منازل الشنط وأعطاهما الشغالات يودونها على فوق ويرتبونها . اول
ماشافني حسيته تنح .. وقف يطالعني بصراحه مرة استحييت من اهله خفت البنات
ينتبهون له .. بلع ريقه بعدين قال : بتجلسين هنا ؟

انا ارتبكت اكثر منه وقلبي صار يدق اكثر قلت : ها ..؟ ايوه تعال اجلس معنا ...
ابتسمت له وهو متجمد .. بعدين اخذ جواله ودق على رانيا اللي طلعت فوق قال :
هاتي الكميرا حقتك بسرعه وتعالى بنتصور بمناسبة رجوع ديمه للبيت .

قرب مني وجلس بجنبي قال : تعبان انا بتقهوى واطلع فوق

: مميمم بتنام

: ايوه

: مهند شو تنام احنا العصر

: ها..؟

تكلت خالتي اللي دخلت علينا والشغالة وراها بالقهوة والحلا والمعمول وهي
تضحك : يمه تقهوا بعدين خذوا راحتكم

سمعنا صوت عمي قال مهند : غطي صدرك ويدينك لاشوفك كذا قدام ابوي

: حاضر معاه شال جايبته عشان اذا عمي جا احطه علي

خرجت الشال ولفيته على اكتافي وصدري وسلم علي عمي وجلس يتقهوى معنا

وحلف عمي الا يسوي لي عشا ويجمع اخواته وخالات مهند .. فتحت فمي وانا
اطالع بمهند

: لا يابنتي محد بمأذيك تطمني

٢٠: بتجي ..؟

: ايه لازم اعزمها مهما كان هذي اختي وتطمني مراح يغلطون عليك وهالمرة انا
اللي بوقف في وجيهم .

مارديت على عمي بس خفت من نورة وقلقت لأنها ماتستحي من احد ولا تخاف من شي .

جابت رانيا الكميرة وصورتنا على طول بعد ما قام عمي .. ناداها مهند قال :
 صورينا كذا .. حظ يده من وراي وهو جالس بجنبي وسحبني ناحيته وانا اضحك
 ومنحرجه من رانيا وريم وخالتي وسميرة اللي كانت تعلق علينا وهو يسكتها .

بعد المغرب جلست انا والبنات ومهند ارسله عمي لمشوار عشان العشا .. كنت خايفه ومن جد افكر ارواح لغرفتي اتخبي لحد ماتروح نورة وبناتها

اذن العشا وكانت نورة اول الحاضرين بس كانت لوحدها فاطمة مو معاها ..وجات مزون خالة مهند وعمته منيرة وكل وحده جابت لي هدية واشوا نورة ماكلمتني ووالغريب انها سلمت علي بس انا مااحتكيت فيها ابدأ .. رحت عند البنات مستغربة من نورة وحالها قالت رانيا : زوجها حلف ليطلقها ان جاء عمي مهند يشتكي انها تكلمت عليك ودق على عمي مهند وقال له اذا نورة ولا بنتها تكلموا لزوجتك دق علي .. وعمي مهند ماصدق قعد يقوله جزاك الله خير والله يعطيك العافيه ..

خبطتني ريم على كتفي قالت : كل هذا يحبك وخايف عليك .

[illegible]

: ماشاء الله تبارك الله لا يغير عليكم ويستر عليكم ترى طفشنا من دلعكم على بعض استقروا خلونا نستقر احنا كمان .

: هههههههههههه لا خلاص ان شاء الله ما عاد فيه مشاكل

: يا ارباااااااااا .. قالته رانيا وهى ترفع يدينها تدعى

سألت رانيا : كيف عرف زوج عمتم عن عميلها معاى .

: يقول سمعتها تكلم بنتها وبغيت اذبحن فسلني فيكم .

: سبحان الله يمهل ولا يهمل .. كشفهم قدام الانسان اللي يخافون منه .

قالت ريم : عاد زوج عمتي نورة شديد وياما ضرب عمتي ومشاهها على كيفه ومايعرف يتعامل مع عياله الا بالضرب والقسوة يعني يخررع وربي ارسله على عمتي نورة عشان يأديها.

: ياربى لك الحمد نورة وفاطمة وافتكينا منهم والزفت الثانية انقلعت سيرتها وارتحنا ياربى استر لاينغص علينا شي .

قالت رانيا بحماس : آمين يارب نبغى نشوف ديمه ومهند مبسوطين ومايفرق بينهم شي .

ضحكت انا وقلت لهم خلاص فكونا من السيرة هذي ما بغى اتكدر اليوم .

تعشينا وبعد العشا على طول كان مهند يدق على جوالي : بطلع بعد عشر دقائق الاقيك فوق

[illegible]

: لا والله ؟.. ديوم عجلي بلا دلع .

مسکت ضحکتي وقت بدلع : مmmmmmm رجعنا يامهند خلاص زعلت

: لا والي يخليك الا زعلك ماقدر عليه .. بس جد ديومتي دقيق وجاي وراك

: اوکي حبيبي

طلعت فوق لجناحنا .. شفت المكان غريب علي .. كأنه مو بيتي ولا المكان اللي تركته قبل سته شهور .. الأرض كلها شموع حمرا وريحتها تجنن من الباب الين غرفتي والسرير .. الورود الطبيعيه منتثرة على الأرض وريحتها معبية المكان . وفيه بوكيه ورد حمرا كبيرة وعلمه هدية مغلفة .. كان جو جناحي رومنسي كثير .. وشاعري وخيالي .. ماقدر اوصف لكم روعته .. تمنيت اني انا اللي اسوي لمهند هذي الحركات بس هو دائماً يغلبني .. طالعت الجدران كانت كلها صورنا .. لوحة كبيرة في الواجهه وهذي وحدة من اللي رسمتهم لي انا وياه . . والباقي صورنا لمن كنا في ابها .. ومكبر صورة زواجنا وحاطها في الغرفة . ياعمري يامهند

اثريه يجهز لي المكان ومتحمس لرجعتي بأكثر مما توقعت ... بسرعة لبست
قميص نوم احمر قصير لنص الفخذ حرير وأطرافه دانتيل . فتحت شعري وعدلت
مكياجتي وحطيت روج احمر ورشيت علي من عطري اللي يحبه مهند بعد ماحطيت
على جسمي بدي لوشن ينعم البشرة ويخلي العطر يمسك في الجسم اكثر ..
وشغلت أغنية اليسا مليون احبك

دخل مهند علي ولمن شافني ووقف شوية وابتسم لي بعدين قرب مني وضمني
لصدره ..كنت احس اني مو بالدنيا .. كنت بعالم حبيبي الخاص

الجو رومانسي بشكل رهيب ..

مليون احبك حبيبي يا روعي وعمرى انا

عايشا بحبك ليالى بحبك يا كل المنى

مليون احبك حبيبي يا روعي وعمرى انا

عايشا بحبك ليالى بحبك يا كل المنى

انا حبيت في عينيك الدنيا

شوفت ليالى جميله معاك

واتمنى ما تفوت ولا سانيا

غير يا حبيبي ماكون واياك

مليون احبك حبيبي يا روعي وعمرى انا

عايشا بحبك ليالى بحبك يا كل المنى

ولاقيتني بدوب من نظرة شوء

بعيونك ليه يا غالى

خليتني احب بالحب أوعد

نجوم لياليه ليالي .

من أول يوم أبلتني عينيك
شاغلوني وشغلوا عينيّه
دورت عليك في عيون الناس
ولاقيتك ساكن فيّه
مليون احبك حبيبي ..

[illegible]

قلت له وانه اغمض بعيوني وارفع حاجبي : اغار طبعاً مو زوجي وحبيبي . يالله
مهند امش والله احسهم يغضوني اللي يطالعونك .

ضحك مهند مني وضم على يدي بقوة قال : يالله نروح مكان ثاني لعيون ديوم .
اضطرينا نرجع بدري عشان زواج عمي ياسر وريم .

رحت انا وريم للسوق اكثر من عشرين مرة وأحياناً ننزل في اليوم مرتين .. الله
يرحم خالتي فادية وتسوقها مع ريم .. خالتي صحيح تاخذ اشياء كثيرة وبأسعار
غالية لكن ريم مع انها تاخذ اشياء كثيرة والسعر مايهمها الا انها من النوع اللي
مايعجبها شي بسهولة . وديتها اكبر مراكز وأسواق في جدة . آخر شي اشتريت
لي فستان من تصاميم زهير مراد ناعم مرة لونه ذهبي وموديله ناعم وهادي
واشتريت له اكسسوارات وجزمة وشنطة صغيرة ورجعنا للبيت وانا كل مرة اقول
لريم هذي آخر مرة انزل معاك واليوم الثاني تكسر خاطري وانزل معاها .

ليلة الزواج في القاعة وبعد مازفينا عمي وريم دقيت على مهند يجي يرجعنا قال
امي ورانيا وسميرة والشغالات بيجي ياخذهم السواق وانت اطلعي لي بترجعين
معاي .

خرجت له بعد ماقلت لخالتي على كلام مهند لأن خالتي تقول تعباناه وبترجع بدري
ومهند بيتأخر شويه .. راحوا كلهم ماباقي الا انا وبعض الناس من اهل عمي
وقرايبنا اللي جاينين من ابها ..

شفت نورة وبنتها وبسرعه رحت لبست عبايتي وسلمت على اهل عماني وعمتي
صالحه .. جات نورة عندي قالت : ديمه تعالى ابي اكلمك .

طالعت بعمتي وانا فيني خوف الدنيا قلت : لوسمحتي مشاكل معاك مابغى

شفتها غير هالمرة قالت : يابنت الحلال ماجيت اسوي مشاكل ابي اعتذر منك .
وشفت فاطمة اللي طول الليل لوحدها وماقربت منا الا لمن سلمت على البنات وانا
طنشتها . حتى ساميه طول الليل تسب فيها وانا اسكتها . قلت : خلاص يام فهد
ماصار شي وقلبي مافيه عليكم شي بس تأكدي انه لو صار منكم شي مراح اسكت
هالمرة .

قالت فاطمة : سامحينا ياديمه ربي عاقبني على عمايلي فيك وعطاني زوج عنده
حرمة ماخلتني اتهنى بحياتي من يوم ماتزوجته ..

حسيت بغصة في حلقي لأن فاطمة فعلاً حزينه وندمانه قلت لها : الله يسامحك وترى قلبي مافيه شي عليكم .. سكت ثم كملت حاولي يا فاطمة تكسبين زوجك بأسلوب حلو وبعدي عن زوجته لاتحتكين فيها لأن محد يلومها ماخذها زوجها انتي

□ □

: هزت راسها وجات سلمت علي ورجعت ودموعها على خدها . ولحقها امها بدون ماتكلم .

رجعت لعمتي وحاولت فيها تزورني بكرة بس مارضت قالت ان عبدالوهاب معاها وييرجعون بكرة للطيف من بدرى .

دق مهند عليّ قال اخرجني لي برا انتظرك .. وخرجت بسرعه .. رحنا اخذنا كوفي
وسولف لي عن عمي كيف كان مرتبك ويطالع الساعة ووكل شوي يقول يالله
باخذ زوجتي وامشى وشو له انا جالس هنا ..

طالعني وهو يضحك بخبث قال : وش رايك از عج ياسر الحين ؟

: لا مهند حرام عليك ترى بيزعل منك .

: لا مراح يزعل اعرفه .. بس بخرج ريم المشكله .

تخيلات ريم منمرجه من مهند وضحت قال : دقي عليها بالله بشوف ردة فعلها
واحنا نزعجهم .

[illegible]

دق على عمي وانا دقيت على ريم وعلى طول سمعت مهند يضحك يقول وش اخبارك وكيفك ووشلون اختي عسى مازعلتها بشي .. وضحك مهند بصوت عالي

أخيراً ردت على ريم قلت لها : كيفك اليوم مرة وحشتيني

قالت بصوت مايطلع يادوب اسمعه : بخير حتى انا بس ماقدر اكلّمك مرة مستحيه .

: حیاتی ریومه تری جاینکم بنسهر معاکم انا ومهندي .

**: شو ؟ ديمه من جد ؟ سكتت بعدين قالت : ديمه بقفل في وجهك ولا اقولك خذي
عمك كلميه .**

[illegible]

: اقول يالله بلا هبل

قفل في وجهي وانا ميتة ضحك ومهند يضحك بصوت عالي قال : عصب وتكلم علي وانا استفريته ثم قفل في وجهي .

[illegible]

طالعي قال : الله يسعدهم ويهنيهم .. عاد حرام نزعهم احنا محد از عجا هذيك الليلة .

! : لاتذکرنی ..!

حسيت مهند هالمره جدي ووقف ضحك قال : على قد ماقهرتك قهرتيني بس الأهم اللى وصلنا له الحين .

: اوووه مهند خلاص حببي فكنا من أي شي ينكد علينا .. انا اعترف كنت وحده غبيه مافهمتك وعاندتك وتحديثك زي ماتحديثني بس .. غيرت لهجتي لدلع وكملت .. لوعرفت انك تحبني هالقد كان استسلمت وحببتك من اول مرة شفتك فيها .

: وه يأنس على اللى بتذبحنى بكلامها ودلعها .

[illegible]

: راجعين للبيت بس مغير الطريق .

: اها عشان كذا مخربطه ماعرفت فين رايعين .

: خلاص دقایق ونوصل بیتنا ان شاء الله .

فعلاً وصلنا بعد دقائق وطلعنا فوق لجناحنا اول مادخلت نزلت عبايتي وصفر مهند لمن شافني .. ضحكك على حركته قلت : شو ؟ مهند ههههههههههههههههههههه

: میہووو وور یانا اس .

[illegible][illegible]

**رفعت نظري فوق مسوية مختارة قلت : مين لاتقول باريس هيلتون ولا نيكول
كيڤمن ولا جنيفر لوبز ..**

[illegible]

جيتہ امشي بدلج وانا اتمايل بمشيتي وفتحت ازارير ثوبه قلت : اجل اشبه مين حبيبي ؟

: تشبهين خالتك سمر نسخه منها بس انتي افتح شوية وانحف منها و مميم شعرك اطول اما الباقي نسخه

فتحت عيوني بقوة وضربته على صدره بشويعش قلت : اترك قاعد معاها وتدقق فيها وتطلع الفروق بيني وبينها طيب يامهند اوريك اذا خلتيك تجلس معاها
 ماكون ديمه .

[illegible][illegible][illegible]

: هههههههههههه انت اللى بتتعب ترى انا كذا مرتاحه ..

رمانی علی السریر وهو یضحک ورمى نفسه بجنبی وحضنی علی صدره ..

: احبك يا ديمه احبك ومجنون فيك .

: وانا اعشقتك يا عمر ديمه عسى الله يخليك لى بس .

:آمین یارب .

رجعنا للبيت وهو اول ما دخل قعد يصارخ .

■ يمه يمه يمه

وقفت خالتي على الدرج فوق قالت : هلايمه فيه شي ؟

[illegible]

جات خالتي من فوق تجري واستغربت اني بعبايتي ومهند ماسكني

خیر یمہ وش فیکم تصارخون ؟ دیمہ فیہا شی ؟

: خير يام مهند تعال اجلسي .. الا وين رانيا ..؟

: بسم الله عليك رانيا في المدرسة .. مهند وش فيك يمه ؟

: اوووه نسیت واللہ

[illegible]

تکلمت خالتي : مهند ديمه وش صاير ؟

: يمه ديمه حاااااامل وفي الشهر الثاني ..

[illegible]

ويرزقكم بالضا الصالح ؟ ويستر عليه عاد هالمرة اهتمي فيه ومالك منا الا

نراعیك ونداریك .

رَدِيتْ عَلَيْهَا : اللَّهُ يَخْلُقُ لِي يَأْخَاظُنِي وَلَا يَحْرِمُنِي مِنْكُمْ

ضحك مهند وقال : نفسي تعدى هالثمانية شهور بسرعه ابى اشيل ولدنا واشوفه

يملا علينا البيت .. بس والله خايف على ديمه من الحمل وتعبه

قلت وانا ابتسم : مهند شوفيك مو اول مرة احمل .

: لا ياعمرى هذاك ما اعترف فيه يكفى انى دريت عنه اليوم وبكره مات .

: الله يستر على هذا

: بیستر علیہ ربی اذا فکنا من المشاكل .. والمشاكل والقلق خلاص انتھوا

قالت خالتي : الله يعينك على الوحم ياديمه

اليوم اكمل شهري السادس ومهند رافض اني اسأل عن نوع الجنين يقول نبغاه مفاجأة . عدت مرحلة الوحم ولله الحمد بعد عذاب ..والحين ثقيلة بشكل يضحك .. من كثر اهتمام مهند فيني صاير هو اللي يأكلني بنفسه .. وكل شوي يحلف علي اني آكل .. تمنيت اني عند خالي ناصر ارحم منه بكثير . صحيح خالي يزن على راسي عشان آكل بس مو زي مهند اللي يجبرني ويغصبني يقول مافيه شبعانه ولا مو مشتتية .. واذا قلت ماابغى قال ولدي يبغى .. صرت مربعه وكل من شافنى

علق على جسمي بدءاً بأخوالي وهدى وخالتي فادية وانتهاءً بريم اللي لها اربعة شهور في حملها ..

ناداني مهند ارد على التلفون وجيت اخذت السماعه منه : الو

: السلام عليكم

: وعليكم السلام

: الأخت ديمه عبدالله

: ايوه معاك ديمه

: انا ابتسام اسعد من الجامعه .. تم ترشيحك معيده بقسم علم الاجتماع وكمات حبيت ابارك لك قبولك في مرحلة الدكتوراة .

: الله يبارك فيك ويبشرك وتسلمين اخت ابتسام ماقصرتي على الخبر

: اخت ديمه ياليت تجين للجامعه بأقرب وقت .

: بإذن الله يوم السبت راح اجي للجامعه .

: ياليت تمرين علي في البدايه .

: ولا يهكم راح امر عليك .

قفلت منها واخذت جوالي على طول قال مهند : خير ؟

: ها ..؟ خير ان شاء الله رشحوني للمرة الثالثة اصير معيدة بس هذا مو المهم الأهم يامهند اني انقبلت لمرحلة الدكتوراه .

: مميم والله ..؟ مبروك يا عمري بس كيف بتروحين السبت وانتي هذا حالك ..؟

: عادي حبيبي فيه بنات يدرسون وهن حوامل ماصار لهن شي .

: خلاص اللي تشوفينه بس ترى خايف عليك . خاصة انك في مرحلة خطيرة لازم تنتبهين لنفسك اكثر .

: الله يستر مهند لاتخوفني .

دقيت على خالي وبشرته بس قال لي نفس كلام مهند وقال لي انتظر لحد ما اولد والدراسه ماراح تطير ولا راح اخسر شي لو انتظرت .

وافقتهم وفوضت امري لله لعله كاتب لي الأفضل .

على نهاية شهري التاسع كنت احس بمغص وآلام بأسفل بطني بس كل ما اروح للمستشفى تقول الدكتورة لسه بدري ..

اليوم ظهري بينكسر وبطني احسه بيتشقق من الألم .. اخذت جوالي ودقيت على مهند وانا ابكي : تكفى مهند الحقني ماعاد فيني اتحمل

: يا عمري باقي لك يومين على موعد ولادتك يمكن هذي آلام طبيعيه

: مهند مو طبيعيه والله الله يخليك تعال ودني للمستشفى .

مر علي ربع ساعه يادوب لبست فيهم وجا مهند كنت بنزل بس ماعاد فيني امشي وشالني مهند لحد ماوصلنا السيارة اللي دخلها داخل البيت .. ركبت معاه ووداني للمستشفى اللي يشتغل فيها ..

صدق الولادة موت وحياة .. الحمد لله انتهت المعاناة بعملية قيصرية وتكلت بالنجاح ووجه احلى مخلوق في الوجود ..

شاله مهند على يده وهو يقول : بسم الله الرحمن الرحيم .. ديمه عليه شبه منك وفيه مني .

قال خالي ناصر اللي من اول ما عرف اني بالمساشفى وهو معاي : للحين ما بينت ملامحه اصبر عليه فترة ويعلمكم هو يشبه لمن .

قرب مهند مني قال : ها ديوم وش نسميه ..؟ قلت بدون تردد مهند تكفي بسميه ناصر ولا عبدالله

تدخل خالي على طول قال : ناصر لا اذا بتسمينه على اسم احد سميته عبدالله ولا بدر . ولا اختاروا له اسم حلو مو شرط على اسم فلان ولا فلان .

استحييت اتكلم لمن قال بدر يعني على اسم ابو مهند قلت : خلاص على كيف مهند الاسم اللي يعجبه يسميه ..

طالعني مهند وباس راسي قال : بيجي ناصر وبيجي بدر ان شاء الله ... سميناه عبدالله وان شاء الله انه عبداً لله صالح وبار وتقي ..

ابتسمت من قلبي بجد فرحت لمن سميت على اسم ابوي الله يرحمه .. ياليت
ولدي يطلع فيه شي من ابوي برجولته ولا كرمه ولا طيبه وطيبة قلبه .. يارب
ارحم ابوي رحمة واسعه واجعل مثواه جنان الخلد ..

خرجت من المستشفى لبيتي لأن مهند رفض ارواح عند خالي وطلب مني ما جادله
قال ابي ولدي عندي 24 ساعه .. ومحبيت ارده لأنني اكيد بلاقي عند خالتي
ومهند ورنو وعمي كل اهتمام ..

بعد اسبوعين سويننا التمايم حقت عبدالله في استراحة خالي ناصر .. تذكرت
ملكتي هي آخر حفلة سوينها فيها .. سبحان الله اليوم انا اسعد الموجودين عكس
هذيك الليلة كنت اتعس الموجودين .

جات لى صديقة عمري ورفيقتي من صغري سهرنا كلنا اهلها واهلي اللي هم
بيت خالي ناصر وبيت عمي بدر .. حضروا اخوالي كلهم من الطايف وعمتي
صالحة واخواني عناد وعادل وسديم . قرب الفجر وراحت خالتي مع عمي وام
لمى وام هدى وجلسنا انا وريم ولمى وخاتي فادية وهدى وحنان وسميرة ورنو
اللي طول الوقت حاطه عبودي في حضنها .. ولا توديه عند مهند كل ما قال
بيشوفه

وصلتني رساله على جوالي شفتها من مهند كان يقول : (وشلون حبيبتي ام
عبدالله عساها مبسوطه)

ضحكت منه من يوم ولدت مايقول لي الا ام عبدالله احسه يكبرني واذا قلت لاتقول
ام عبدالله قول ديمه قال لا بقولك ام عبدالله وانتى لا اسمعك تقولين مهند قولي
لي ابو عبدالله خلاص كبرنا طبعاً هو يستفزني بكلامه ويحاول يغيضني .

رجعنا بيتنا بعد الفجر ومهند يشيل عبودي خايف عليه من رانيا اللي اصرت تاخذه
منه وهو رافض يقول لا بتطيحينه اخيراً عبودي بكى وأعطاني اياه وطلعت فوق
وانا اشيله .

(♥) * ● 🎵 ● * (♥)

النهاية

تمت بحمد الله